

『永樂北藏』整理委員會

永樂北藏

綫裝書局

御製

天清地寧
風雨調均
烽警不作
化醇俗厚
外順內安
善際光明
大正統五
年十一月
十
陰陽和順
百穀常豐
禮教興行
一人皆慈
一統皆善
既往未
俱登正覺
七政明朗
萬類咸暢
子孝臣忠
物靡害災
九幽六道
日登正覺

永樂北藏第七一冊目錄

○佛說三十五佛名禮懺文	一卷	唐不空譯 (斯一)	一
○觀自在菩薩說普賢陀羅尼經	一卷	唐不空譯 (斯一)	四
○佛說八大菩薩曼荼羅經	一卷	唐不空譯 (斯一)	九
○佛說能淨一切眼疾病陀羅尼經	一卷	唐不空譯 (斯一)	一三
○佛說除一切疾病陀羅尼經	一卷	唐不空譯 (斯一)	一五
○佛說救拔焰口餓鬼陀羅尼經	一卷	唐不空譯 (斯一)	一六
○瑜伽集要救阿難陀羅尼焰口儀軌經	一卷	唐不空譯 (斯二)	二三
○佛說蟻喻經	一卷	宋施護譯 (斯三)	三九
○聖觀自在菩薩不空王秘密心陀羅尼經	一卷	宋施護等譯 (斯三)	四二
○佛說勝軍王所問經	一卷	宋施護譯 (斯四)	五七
○佛說輪王七寶經	一卷	宋施護譯 (斯四)	六五
○佛說園生樹經	一卷	宋施護譯 (斯四)	七一
○佛說了義般若波羅蜜多經	一卷	宋施護譯 (斯四)	七三
○佛說大方廣未曾有經善巧方便品	一卷	宋施護譯 (斯四)	七六

1152/1071

- 佛說大堅固婆羅門緣起經 上下同卷 宋施護等譯 (斯五) 八三
- 佛說巨力長者所問大乘經 上中下同卷 宋智吉祥等譯 (斯六) 一〇九
- 佛說妙吉祥菩薩所問大乘法螺經 一卷 宋法賢譯 (斯七) 一三九
- 佛說四品法門經 一卷 宋法賢譯 (斯七) 一四六
- 佛說八大菩薩經 一卷 宋法賢譯 (斯七) 一五二
- 佛說施一切無畏陀羅尼經 一卷 宋法護譯 (斯七) 一五五
- 聖八千頌般若波羅蜜多一百八名真實圓義陀羅尼經 一卷 宋施護等譯 (斯七) 一五八
- 佛說一髻尊陀羅尼經 一卷 唐不空譯 (斯八) 一六三
- 金剛摧碎陀羅尼 一卷 宋慈賢譯 (斯八) 一八一
- 不空罽索毗盧遮那佛大灌頂真言經 一卷 唐不空譯 (斯八) 一八四
- 地藏菩薩本願經 二卷 唐實叉難陀譯 (斯九—十) 一八七
- 大乘理趣六波羅蜜多經 十卷 唐般若譯 (卷一—十) 二四一
- 佛說大乘菩薩藏正法經 四十卷 宋施護等譯 (如一—松十) 四六七

六經同卷

佛說三十五佛名禮懺文

觀自在菩薩說普賢陀羅尼經

佛說八大菩薩曼荼羅經

佛說能淨一切眼疾病陀羅尼經

佛說除一切疾病陀羅尼經

佛說救拔焰口餓鬼陀羅尼經

斯一

佛說三十五佛名禮懺文

出烏波所問經

唐三藏沙門大唐智不空奉詔譯

娜謨釋迦牟尼佛

娜謨金剛堅固能摧佛

娜謨寶焰佛

娜謨龍自在王佛

娜謨勤勇軍佛

娜謨勤勇喜佛

娜謨寶火佛

娜謨寶月光佛

娜謨不空見佛

娜謨寶月佛

娜謨無垢佛

娜謨離垢佛

娜謨勇施佛

娜謨淨行佛

娜謨梵施佛

娜謨水王佛

娜謨水天佛

娜謨賢吉祥佛

娜謨無量威德佛

娜謨旃檀吉祥佛

娜謨光吉祥佛

娜謨無憂吉祥佛

娜謨那羅延吉祥佛

娜謨華吉祥佛

娜謨蓮華光遊戲神通佛

娜謨財吉祥佛

娜謨念吉祥佛

娜謨善稱揚名號吉祥佛

娜謨帝幢幡王佛

娜謨鬪戰勝佛

娜謨勇健吉祥佛

娜謨勇健進佛

娜謨普徧照曜莊嚴吉祥佛

娜謨寶蓮華遊步佛

娜謨寶蓮華妙住山王佛

如是十方一切世界中諸佛世尊出現世間

住持遊行願皆觀察哀愍於我我或今生或

於餘生無始時來廣作眾罪或自作或隨喜

作或教作作或偷盜佛物僧物四方僧物或

自作或隨喜作或教作作或造五無間罪十

不善業道或自作或隨喜作或教作作由此

業障覆蔽身心生於八難或墮地獄傍生鬼

趣或生邊地及彌戾車或生長壽夭設得人
身諸根不具或起邪見撥無因果或厭諸佛
出興于世如是一切業障我今對一切諸佛
世尊具一切智者具五眼者證實際者稱量
者知者見者前我今誠心悉皆懺悔不敢覆
藏願我尸羅律儀復得如故復願諸佛世尊
攝受護念證明於我若我今生或復餘生無
始時來於流轉生死或曾捨施傍生一團之
食或曾持一淨戒或曾修梵行善根或曾修
少分無上智善根悉皆合集計校數量如三

世一切諸佛於最勝無上迴向願中願皆迴
向無上正等菩提
一切罪懺悔 諸福皆隨喜 及勸請諸佛
願證無上智 過去及未來 現在人中尊
無量功德海 我今稽首禮
右此三十五佛名并懺悔法出烏波離所問
經能淨業障重罪現生所求禪定解脫及諸
地位皆能滿足五天竺國修行大乘人常於
六時禮懺不闕功德廣多文煩不能盡錄但
依天竺所行者略記之餘如本經所述

佛說三十五佛名禮懺文

觀自在菩薩說普賢陀羅尼經

唐三藏沙門大廣智不空奉詔譯

如是我聞一時薄伽梵住王舍城靈鷲山與
大苾芻衆及大菩薩摩訶薩九十九俱胝衆
俱爾時聖觀自在菩薩摩訶薩在彼衆會從

座而起白佛言世尊我欲顯說普賢陀羅尼
世尊此陀羅尼我於月上光如來所授得若
菩薩乘者纔聞此陀羅尼即得不退轉速疾
承事一切如來應供正徧知者能銷滅一切
業障後得安樂富饒身得清淨語業清淨意
得清淨通達一切大智大密海能滿一切大
願海即見一切如來我由聞此陀羅尼便證
無生法忍獲得首楞嚴三摩地證得寶印三
摩地焰炬三摩地海印三摩地普徧虛空三
摩地證得如是等恒河沙數三摩地門復證

枳帝濕縛合囉引野二十冒地薩怛縛合野二十

二十摩訶薩怛縛合野二十摩訶迦嚕拏迦

引野十三曩莫捺縛合曩縛底切以南引南引冒引地

薩怛縛合句引胝引南引阿地瑟恥合帝

觀給引阿引聿唎合麼嬾者娜難上觀十三

三怛你也合位三蘇囉鼻蘇囉鼻五三十母

你毋你摩訶毋你六麼底麼底摩訶麼底

三十曩莫阿引哩野三縛盧枳帝濕縛合

囉引野三十冒地薩怛縛合野三十摩訶

引薩怛縛合野四十摩訶引迦引嚕拏引

野四十悉殿觀三滿多跋捺囉合馱引囉拏

娑縛引合訶引十四

爾時觀自在菩薩說此陀羅尼時九十二俱

胝菩薩證得首楞嚴二摩地恒河沙數菩薩

證得微妙陀羅尼三摩地我今說此陀羅尼

功德每於晨朝誦此陀羅尼一百八徧滿二

日一日觀自在菩薩即現其身所求一切願

皆得滿足若人囚禁枷鎖七日誦此即得解

脫若人患瘡於左耳邊誦患者即愈若人患

風邪魅病酥油相和加持二十一徧令服即

得除差若患齒痛加持齒木二十一徧令嚼
 即愈若患耳痛取疊蕪子油並置於熟銅器
 中加持七徧滴於耳中即愈若患頭痛肚痛
 加持手摩捫即愈若患鬼魅結呪索加持一
 百八徧令帶即愈若被挈吉你魅加持油七
 徧摩塗支節即愈若患一切病加持或手或
 柳枝摩拂即愈如上諸法即未置功業隨誦
 即效若欲求見佛菩薩證陀羅尼門三摩地
 門神通隱形安膳那藥雄黃成就者行者於
 舍利塔或佛像前塗拭曼荼羅懸繒幡蓋散

種種華燒檀香沉香薰陸香然燈一百盞廣
 大供養念誦者清淨澡浴著淨衣服身持梵
 行即誦此陀羅尼結方隅界陀羅尼曰
 曩謨囉怛曩二合怛囉二合野耶一合曩莫阿引
 里野二合野二合盧枳帝濕縛二合囉二合野二合冒地
 薩怛縛二合野三合摩訶二合薩怛縛六合野四合摩
 訶二合迦二合嚕二合拏二合迦二合野五合怛你也二合佉六合六
 止里滿馱七合弭七合里滿馱八合弭八合止里弭
 里滿馱九合弭九合泉九合引摩十合引滿馱十合弭十合泉十合引
 摩十一合引銘十一合羯室旨十二合娜底訖囉十二合麼覩娑縛

二合訶引十

以此陀羅尼加持水二十一徧於道場中散灑十方即成結界我今說迎請陀羅尼真言行者先誦此陀羅尼迎請已然後念誦陀羅尼曰

曩謨囉怛曩合二怛囉合二野引耶一曩莫阿引

哩野引二合縛合二盧枳帝濕縛合二囉引野二冒地

薩怛縛合二野三摩訶引去登薩怛縛引二合野四

摩訶迦引嚕拏迦引野五怛你也合二作六止

里止里七弭里弭里八止里隸引翳引四婆誵

挽十曩引哩野引二合縛合二盧枳帝濕縛合二囉合二娑合二縛引二合訶引十

此陀羅尼是我心真言誦真言即成請召行者從白月八日起首乃至十五日三時時別誦一百八徧三時澡浴三時換衣其十五日

作廣大供養新無限念誦其日中夜七觀自在菩薩

來至道場現金色身相好端嚴放百千光明持誦者不應恐怖生勇健心纔見觀自在

菩薩即得地位證得陀羅尼三摩地即見東方阿閼如來南方寶幢如來西方無量壽如

來南方寶幢如來西方無量壽如

來北方天鼓音王如來見四如來十方無量
如來身廣大威德承於諸佛大悲願力久住
世間從此命終當生淨妙佛刹於一切處供
養承事諸佛如來爾時世尊說是經已菩薩
摩訶薩弁天龍藥叉乾闥婆阿脩羅迦樓羅
緊那羅摩睺羅伽人非人等皆大歡喜信受
奉行

觀自在菩薩說普賢陀羅尼經

永樂北藏

六經同卷

佛說八大菩薩曼荼羅經

唐三藏沙門大廣智不空奉詔譯

如是我聞一時薄伽梵住補怛落迦山聖觀
自在菩薩宮殿與百千俱胝那度多菩薩前
後圍遶爾時衆中有一菩薩名曰寶藏月光
從座而起整理衣服偏袒右肩曲躬合掌白
言薄伽梵我有少疑惟願如來聽許諮問於
是如來應等正徧知告寶藏月光菩薩言若
善男子善女人作八曼荼羅者云何建立復
依何法趣無量福令修行者速證菩提爾時

第七一冊

如來讚寶藏月光菩薩言善哉善哉善男子
 汝能問如是甚深之義而為利益無量無邊
 有情與安樂故及能淨除三惡趣故為證無
 比無上智故汝今善聽若諸有情纔聞此密
 言者得長壽樂善男子有八曼茶羅是八大
 菩薩甚深法要若有有情依法建立此八曼
 茶羅一徧者所有十惡五逆謗方等經皆悉
 消滅一切所求義利勝願悉得成就即說如
 來密言曰

唵引摩訶尾囉娑縛引二合賀引二

即曼茶羅中想於如來真金色身三十二相
 坐蓮華臺

次說觀自在菩薩密言曰

吽引頗引唎二合郝三鉢納麼二合室哩二合曳娑
 縛引引二合訶引引四

即想曼茶羅中聖觀自在身赤色左手持蓮

華右手施願頭冠中有無量壽如來

次說慈氏菩薩密言曰

每訶哩爾娑縛引引二合訶引引一

於觀自在菩薩後想慈氏菩薩金色身左手

執軍持右手施無畏冠中有窠堵波半加而坐

次說虛空藏菩薩密言曰

阿引蘄婆也娑縛引二合訶一引

於佛背後想虛空藏菩薩左手持寶安於心

上右手施流出無量寶引一

次說普賢菩薩密言曰

顯唎訶惹也娑縛引二合訶一引

虛空藏菩薩左邊想普賢菩薩戴五佛冠金

色身右手持劍左手施願半加而坐

次說金剛手菩薩密言曰

唵引鑠囉縛娑縛引二合訶一引

於如來左邊想金剛手菩薩右手執金剛杵

左手安於膝戴五佛冠身青色半加而坐

次說曼殊室利菩薩密言曰

室利訶閻唵誑娑縛引二合訶一引

於金剛手菩薩前想曼殊室利童真菩薩五

髻童子形左手執青蓮華華中有五股金剛

杵右手作施願身金色半加而坐

次說除蓋障菩薩密言曰

匿伐囉拏娑縛引二合訶引一

於曼殊室利菩薩前想除蓋障菩薩金色身

左手持如意幢右手施願半加而坐

次說地藏菩薩密言曰

乞灑合二訶囉惹娑縛引二合賀引一

於如來前想地藏菩薩頭冠瓔珞面貌熙怡

寂靜愍念一切有情左手安齋下拓鉢右手

復合掌向下大指捻頭指作慰安一切有情

想此八大菩薩曼荼羅供養觀行法若善男

子善女人受持此曼荼羅經一切業障悉皆

消滅速證無上正等菩提佛說是經已諸大
菩薩及聲聞衆一切天龍八部聞佛所說歡
喜奉行

八大菩薩讚

圓寂宮城門能摧戶扇者諸佛法受用

救世我頂禮自手流清水能除餓鬼渴

三界如意樹頂禮蓮華手大慈水為心

能息瞋恚火頂禮慈氏尊能斷欲弓弦

虛空藏妙慧虛空寂靜尊生死流解脫

頂禮佛心子無邊有情感能息無益心

普賢我頂禮	善逝上首子	塵勞盡僮僕
超勝摩羅宣	頂禮金剛手	能說一切明
頂禮妙吉祥	持妙童子形	舒徧智慧燈
攘奪三界暝	一切除蓋障	是故我頂禮
無盡智慧尊	能生無竭辯	如地諸有情
所依一不斷	堅慧悲愍藏	地藏我頂禮
此真善逝子	讚揚所獲福	以此諸有情
如彼成讚器		

佛說八大菩薩曼荼羅經

永樂北藏

六經同卷

佛說能淨一切眼疾病陀羅尼經

唐三藏沙門大廣智不空奉詔譯

如是我聞一時薄伽梵住迦毗羅衛國釋迦
 種族聚落爾時有一釋種住車尼摩迦聚落
 於佛淨信於法淨信於僧淨信歸依於佛歸
 依於法歸依於僧不疑於佛不疑於法不疑
 於僧盡心於佛盡心於法盡心於僧決定於
 等覺勝趣其人眼所見色相而不得見爾時
 乞囉摩迦釋種憶念如來作是言稽首佛世
 尊智炬陀羅尼能作光明者歸命善逝大悲

第七一冊

者護念攝受我令我眼淨爾時世尊超越世
 間耳眼以天耳聞以天眼見爾時世尊告阿
 難陀言汝往於釋種所以此陀羅尼明加護
 令淨其眼令彼拔濟令彼攝受令彼長養令
 彼結界令彼眼無垢翳得離疾病廣令流布
 四部衆苾芻苾芻尼優婆塞優婆夷及餘有
 情真言曰

怛你也二佗引四哩二拜里三黎枳四四里
五係帝六護庾護庾七護也麼寧八護魯護
 魯九怒魯怒魯十娑縛引二合訶引十

阿難陀此陀羅尼明王眼垢風垢黃病痰病
 三焦病我及某甲眼勿令痛勿令流淚以尸
 羅寶語禁戒寶語以苦行寶語以諸仙寶語
 以緣生寶語苦寶語集寶語滅寶語道寶語
 辟支佛寶語我某甲願令眼清淨七佛等覺
 已說我釋迦牟尼應供正徧知今說四大天
 王亦說天帝釋亦說娑訶世界主梵王亦說
 阿難陀我不見天世魔世沙門婆羅門趣持
 此淨眼陀羅尼者患眼翳膜浮暈所謂令眼
 天作龍作藥又作羅刹作羅刹女作必舍支

作必舍支女作鳩槃荼作鳩槃荼女作起屍
 鬼作人獸禱作梵志獸禱作無敢違越無不
 應効具壽阿難陀汝今受此陀羅尼將往釋
 種聚落授與乞矚麼迦傳我語令晝三時夜
 三時誦持此陀羅尼其阿難至彼授與乞矚
 麼迦乞矚麼迦斯一纔聞此陀羅尼已其眼脉已
 淨眼目得見離一切諸垢爾時世尊說是經
 已天人阿修羅乾闥婆等聞佛所說歡喜奉
 行
 佛說能淨一切眼疾病陀羅尼經

永樂北藏

六經同卷

佛說除一切疾病陀羅尼經

唐三藏沙門大廣智不空奉詔譯

如是我聞一切薄伽梵住室羅筏城逝多林
 給孤長者園與大苾芻衆千二百五十人俱
 及衆大多菩薩摩訶薩爾時世尊告阿難陀
 言阿難陀有陀羅尼能除世間一切疾病汝
 當受持讀誦通利如理作意即說密言曰
 怛你也合二佉一尾摩黎尾摩黎二縛曩俱枳
 黎三室唎合二末底丁以軍拏黎五嫩奴鼻六
 印捺囉合二擬顛七合毋隸安縛引二合訶八

第七一册

佛告阿難陀此陀羅尼若誦持者宿食不消
 霍亂風黃痰癰患痔痛淋瀝上氣嗽瘡寒熱
 頭痛背痛著鬼魅者悉得除差我以佛眼觀
 見彼人諸天魔梵沙門婆羅門能作障難除
 非決定業報盡者餘無能違越作其障難如
 來應供正徧知說一切有情中如來為尊勝
 一切法中雜欲法尊一切衆中僧伽為尊以
 此誠實言願我及一切有情食飲喫啖入腹
 消化得正安樂娑嚩訶
 爾時世尊說是經已諸苾芻僧并諸菩薩摩

訶薩一切大衆天龍八部受持佛語歡喜奉
 行

佛說除一切疾病陀羅尼經

佛說救拔焰口餓鬼陀羅尼經

唐三藏沙門大廣智不空奉詔譯

爾時世尊在迦毗羅城尼拘律那僧伽藍所
 與諸比丘并諸菩薩無數衆會前後圍遶而
 為說法爾時阿難獨居靜處念所受法即於

其夜三更已後見一餓鬼名曰焰口其形醜
陋身體枯瘦口中火然咽如針鋒頭髮鬢亂
爪牙長利甚可怖畏住阿難前白阿難言却
後三日汝命將盡即便生此餓鬼之中是時
阿難聞此語已心生惶怖問餓鬼言若我死
後生餓鬼者行何方便得免斯苦爾時餓鬼
白阿難曰汝於明日若能布施百千那由佗
恒河沙數餓鬼并百千婆羅門仙等以摩伽
陀國所用之斛各施一斛飲食并及爲我供
養三寶汝得增壽令我離於餓鬼之苦得生

天上阿難見此焰口餓鬼身形羸瘦枯焦極
醜口中火然咽如針鋒頭髮鬢亂爪牙長利
又聞如是不順之語甚大驚怖身毛皆豎即
從座起疾至佛所五體投地頂禮佛足身體
顫慄而白佛言願救我苦所以者何我住靜
處念所受法見焰口餓鬼而語我言汝過三
日必當命盡生餓鬼中我即問言云何令我
得免斯苦餓鬼答言汝今若能施於百千那
由佗恒河沙數餓鬼及百千婆羅門仙等種
種飲食汝得增壽世尊我今云何能辦若干

餓鬼仙人等食爾時世尊告阿難言汝今勿
 怖我有方便令汝能施若干百千恒河沙餓
 鬼及諸婆羅門仙等種種飲食勿生憂惱佛
 告阿難有陀羅尼名曰無量威德自在光明
 勝妙方若有誦此陀羅尼者即能充足俱胝
 那由佗百千恒河沙數餓鬼及婆羅門仙等
 上妙飲食如是等眾乃至一一皆得摩伽陀
 國所用之斛七七斛食阿難我於前世作婆
 羅門於觀自在菩薩所及世間自在威德如
 來所受此陀羅尼故能散施與無量餓鬼及

諸仙等種種飲食令諸餓鬼解脫苦身得生
 天上阿難汝今受持福德壽命皆得增長爾
 時世尊即為阿難說陀羅尼曰
 曩莫薩縛無可切下同怛佗引夔跂一引縛路引枳
 帝二唵三引三跋羅三跋羅十五吽引
 佛告阿難若有善男子善女人欲求長壽福
 德增榮速能滿足檀波羅蜜每於晨朝及一
 切時悉無障礙取一淨器盛以淨水置少飲
 麩及諸餅飴等以右手按器誦前陀羅尼滿
 七徧然後稱四如來名號

南謨多寶如來

曩謨娑_法誡縛帝一鉢羅_合部_引哆羅怛曩

_二野怛佉_引夔路_引野_二

由稱多寶如來名號加持故能破一切諸鬼
多生已來慳悋惡業罪障消滅即得福德圓

滿

南無妙色身如來

曩謨娑_法誡縛帝一素嚕_合播_引野怛佉_引誡

路野_二

由稱妙色身如來名號加持故能破諸鬼

陋惡形即得色相具足

南謨廣博身如來

曩謨_引娑誡縛帝一尾補羅誡_引怛羅_二合

野怛佉_引夔路_引野_二

由稱廣博身如來名號加持故能令諸鬼咽

喉寬大所施之食恣意充飽

南謨離怖畏如來

曩謨娑_法誡縛帝阿_聲婆_聲孕迦囉_引野

怛佉_法夔路_引野_二

由稱離怖畏如來名號加持故能令諸鬼一

切恐怖悉皆除滅離餓鬼趣佛告阿難若族
姓子等稱四如來名號加持已彈指七徧取
於食器於淨地上展臂瀉之作此施已於其
四方有百千那由佗恒河沙數餓鬼前各各
有摩伽陀國七七斛食受此食已悉皆飽滿
是諸餓鬼悉等捨鬼身生於天上阿難若有^{十六}
比丘比丘尼優婆塞優婆夷常以此真言及
四如來名號加持食施餓鬼便能具足無量
福德則同供養百千俱胝如來功德等無差
別壽命延長增益色力善根具足一切非人

夜叉羅刹諸惡鬼神不敢侵害又能成就無
量福德壽命若欲施諸婆羅門仙等以淨飲
食滿盛一器即以前真言加持二七徧投於
淨流水中如是作已即為以天諸美妙飲食
供養百千俱胝恒河沙數婆羅門仙彼諸仙
人得加持食故以呪威德各各成就根本所
願諸善功德各各同時發誓願言願施食人
壽命延長色力安樂又令其人心所見聞正
解清淨具足成就梵天威德行梵天行又同
供養百千恒河沙如來功德一切怨讎不能

侵害若比丘比丘尼優婆塞優婆夷若欲供
 養佛法僧寶應以香華及淨飲食以前真言
 加持二十一徧奉獻三寶是善男子及善女
 人則成以天餚饌上味奉獻供養滿十方世
 界佛法僧寶亦為讚歎勸請隨喜功德恒為
 諸佛憶念稱讚諸天善神恒來擁護十七即為滿
 足檀波羅密阿難汝隨我語如法修行廣宣
 流布令諸眾生普得見聞獲無量福是名救
 焰口餓鬼及苦眾生陀羅尼經以是名字汝
 當奉持一切大眾及阿難等聞佛說已一心

信受歡喜奉行

佛說救拔焰口餓鬼陀羅尼經

音釋

彌戾車梵語也此云惡 箠乞業切 捫莫奔切
 胘苦化切 淋瀝淋瀝與前同切 捻如協切 痔瘡痔瘡直
 里股間也 齋與前同切 髮髮亂也 顛慄顛慄之
 郎豆切 淋瀝淋瀝與前同切 齋與前同切 髮髮亂也 顛慄顛慄之
 膳膳切 慄慄切 懼懼切 餚餚切 餚餚切 餚餚切 餚餚切 餚餚切

永樂北藏

六經同卷

第七一册

瑜伽集要救阿難陀羅尼焰口軌儀經 斯二

唐三藏沙門不空奉 詔譯

爾時世尊在迦羅城尼俱律那僧伽藍所與諸比丘并諸菩薩無數衆會前後圍遶而爲說法爾時阿難獨居靜處念所受法即於其夜三更已後見一餓鬼名曰焰口其形醜陋身體枯瘦口中火然咽如針鋒頭髮鬢亂牙爪長利甚可怖畏住阿難前白阿難言汝却後三日命將欲盡即便生於餓鬼之中是時阿難聞此語已心生惶怖問餓鬼言大士若

我死後生餓鬼者我今行何方便得免斯苦爾時餓鬼白阿難言汝於來日晨朝若能布施百千那由他恒河沙數餓鬼飲食并餘無量婆羅門仙閻羅所司業道冥官及諸鬼神先亡久遠等所食飲食如摩伽陀國所用之斛各施七七斯二斛飲食并爲我等供養三寶汝得增壽令我等輩離餓鬼苦得生天上阿難見此焰口餓鬼身形羸瘦枯焦極醜口中火然其咽如針頭髮鬢亂毛爪長利又聞苦語甚大驚怖身毛皆豎即至晨朝從座而起往

至佛所右遶三市頂禮佛足身體戰慄而白
佛言大悲世尊願救我苦所以者何昨夜三
更經行靜處念所受法見焰口鬼而語我言
汝過三日必當命盡生餓鬼中我問鬼言云
何令我得免斯苦餓鬼答言汝若能施百千
萬億那由他恒河沙數無量餓鬼婆羅門仙
閻羅所司業道冥官及諸鬼神侍從眷屬先
亡久遠平等普施餓鬼飲食汝得增壽白言
世尊云何能辦無量飲食充足佛告阿難汝
今勿怖我念過去無量劫中曾作婆羅門時

於觀世音菩薩摩訶薩邊受得陀羅尼名曰
無量威德自在光明如來陀羅尼法佛告阿
難汝若善能作此陀羅尼法加持七徧能令
一食變成種種甘露飲食即能充足百千俱
胝那由他恒河沙數一切餓鬼婆羅門仙異
類鬼神上妙飲食皆得飽滿如是等衆一一
各得摩伽陀國所用之斛此食此水量同法
界食之無盡皆獲聖果解脫苦身佛告阿難
汝今受持此陀羅尼法令汝福德壽命增長
餓鬼生天及生淨土受人天身能令施主轉

墮消災延年益壽現招勝福當證菩提發廣大心普為有情積劫已來多生父母列宿天曹幽司地府焰摩鬼界蛄微蠢動一切含靈普設無遮廣大供養悉來赴會乘佛威光洗滌身田獲斯勝利受人天樂唯願諸佛般若菩薩金剛天等及諸業道無量聖賢以無緣慈證我所行是故我等為欲滿足弘誓願故為欲弘護令濟有情無退失故為推諸業令清淨故為欲精進求無上道速成就故為欲拔濟惡道眾生永拋苦海登彼岸故如經所

說無邊世界六道四生其中所有為於主宰統領上首之者皆是住不可思議解脫菩薩慈悲誓願分形布影示現化身在六道中同類受苦設於方便不被煩惱隨煩惱壞分別諸業令發道意常自剋責悔身造作調伏教化一切眾生為大導師摧滅三塗三淨諸業道斷截愛流不捨行願處於苦海為善知識成熟利樂一切有情證大涅槃若有施主深信大乘渴仰瑜伽願樂見聞陀羅尼藏甘露法門為諸有情興拔濟心殷勤稱讚捨大財寶

三請於師方許壇法平等一如離怨憎想常
行布施無有悔恨親近善友勇猛精進無有
怯弱至求大道稱讚三寶撫育生命方便拔
濟皆令解脫不以惡求而養身命常自利他
彼善男子是真善友行菩薩行普爲三塗諸
惡趣中一切餓鬼焰魔王等婆羅門仙虛空
諸天釋梵四王列宿天曹龍神八部日月須
彌脩羅外道六欲魔衆水火風空山林窟穴
舍宅宮殿伽藍大地江河流泉浴池廟宇吉
凶遊行神衆抄錄善惡神通無礙毛羽飛空

水族游鱗披毛角類蠢動含靈曠野遊覓鞭
笞苦澁多生冤恨相繫未免歷劫怨覓負於
財命亡過僧尼未證果者多生父母眷屬親
戚乘如來教得出三塗無量地獄發菩提心
各願放捨解脫冤結遮相讚念如父母想到
此道場證知護念心懷踊躍如優曇花甚難
可值由自造作起於人間識情難定多隨妄
起積爲苦源未獲聖果旋生過患又復依王
水土住佛慈光常思曩緣猶懷今果日夜尅
責何報殊私或爲眷屬親戚父母幾曾翻覆

顛倒攀緣改形換面豈將便識唯願今日承
斯佛力駕迫飛空到此道場慈光拂體各隨
形類懺滌塵尤發菩提心納斯供養佛告阿
難若欲受持施食之法須依瑜伽甚深三昧
阿闍梨法若樂修行者應從瑜伽阿闍梨學
發無上大菩提心受三昧戒入大曼拏羅得
灌頂者然許受之受大毘盧遮那如來五智
灌頂紹阿闍梨位方可傳教也若不爾者遍
不相許設爾修行自招殃咎成盜法罪終無
功效若受灌頂依於師教修習瑜伽威儀法

式善能分別了達法相故名三藏阿闍梨方
得傳斯教也若欲作法先自護持弟子亦爾
定知日已選擇淨地精華大舍間靜園林鬼
神愛樂流泉浴池江河山澤福德之地堂舍
亦得如法塗摩用香水泥隨施主力方圓大
小四角豎標如法莊嚴用五色絲安火焰珠
又於珠內安置佛頂大悲隨求尊勝東北佛
頂東南大悲西南隨求西北尊勝又於四柱
如法莊嚴殊特妙好名吉祥幢令百由旬無
諸衰患即成結界風吹影拂土散水霑罪障

消亡獲大福利眼見耳聞普皆利濟次復周

圍懸繒幡蓋寶扇白拂布列位次其於壇法聖衆

位次別在衆阿伽香水妙花燈塗飲食湯藥

種種果味及餘物等以法淨除勿令觸穢莊

嚴若了手執香爐右遶道場遍以觀照不周

備處重添安排莊嚴事畢與諸弟子香湯洗

浴著新淨衣出外中庭如法掃灑香泥塗地

如法莊嚴各三昧耶壇是與弟子及鬼於道

場外敷淨薦褥嚴整威儀作禮三拜面東胡

跪手執香爐作啓請法

啓告十方一切諸佛般若菩薩金剛天等及

諸業道無量聖賢我今以大慈悲乘佛神力

召請十方盡虛空界三塗地獄諸惡趣中曠

劫飢虛一切餓鬼閻羅諸司天曹地府業道

冥官婆羅門仙久遠先亡曠野冥靈虛空諸

天及諸眷屬異類鬼神唯願諸佛般若菩薩

金剛天等無量聖賢及諸業道願賜威光悲

增護念普願十方盡虛空界天曹地府業道

冥官無量餓鬼多生父母先亡久遠婆羅門

仙一切冤結負於財命種種類族異類鬼神

各及眷屬乘如來力於晨朝時日沒時亥時諸天眾歡喜
降臨作法驗爾決定降臨得受如來上妙法味清淨
 甘露飲食充足滋潤身田福德智慧發菩提
 心永離邪行皈依三寶行大慈心利益有情
 求無上道不受輪迴諸惡苦果常生善家離
 諸怖畏身常清淨證無上道如是三白啓告
 已竟即以香華燈塗運心供養諸佛般若菩
 薩金剛天等無量聖賢及諸業道唯願慈悲
 降臨攝受微分供養禮三拜已承迎聖眾入
 於壇內右遶三匝還復面東作禮聖眾即以

香華燈塗種種法事供養次即發露已身所
 有罪咎懺悔已竟還禮聖眾即以塗香戒度
 塗掌入運心觀方可作法次結破地獄印二羽金
 剛奉檀慧而相鈎進力堅側合心想開地獄
 三誦三掣開真言曰

娜謨阿瑟吒斯二試帝南三拜也合二六三沒馱俱
 胝南唵引惹訶合二曩嚩婆細地哩地哩吽
 由此印呪威力故所有諸趣地獄之門隨此
 印呪豁然自開
 次結召請餓鬼印左羽作無畏相右羽向前

豎四度微曲進度鈎召真言曰

唵引囉曩唵迦噎四曳合二唎娑縛合二賀

既召請已普皆雲集以愍念心讚歎慰喻令

歡喜已渴仰於法

次結召罪印二羽金剛縛忍願伸如針進力

曲如鈎召罪真言曰

唵引薩縛播跛羯哩灑合二拏尾戍馱曩縛日

囉合二薩怛縛合二三摩耶吽弱聲

次結推罪印八度內相足忍願如前豎

摧罪真言曰

唵縛日囉合二播拏尾娑普合二吒耶一薩縛播

野滿馱曩額二鉢囉合二謨乞叉合二耶三薩縛

播耶誡底毘藥四合薩縛薩怛縛五合薩縛

怛他誡多六縛日囉合二三摩耶七吽八怛囉

合二吒九

次結定業印新二二羽金剛掌七進力屈二節

禪智押二度淨業真言曰

唵縛日囉合二羯麼一尾戍馱野二薩縛縛囉

拏你三毋馱薩底曳合二曩四三摩耶吽五

次結懺悔滅罪印

二羽金剛縛 進力屈二節 禪智押二度

懺悔真言曰

奄薩嘑播跋一尾娑普合二吒 那賀曩三嘑

日囉合二野四娑嘑合二賀

諸佛子等既懺悔已

百劫積集罪 一念頓蕩除 如火焚枯草

滅盡無有餘

次結妙色身如來施甘露印即以左羽轉腕

向前力智作聲施甘露真言曰

曩謨素嚕播耶一但他誡哆野二但你也合二

他奄四引素嚕素嚕五鉢囉合二素嚕六鉢囉合二

素嚕七娑嘑合二賀八

誦真言時想於忍願上有一鉞字流出般若

甘露法水彈洒空中一切餓鬼異類鬼神普

得清涼猛火息滅身田潤澤離飢渴想

次結開咽喉中左羽想持蓮花右羽忍禪彈

作聲隨誦而訃之開咽喉真言曰

曩謨娑誡嘑巾一尾補攤誡但囉合二野二但

他誡多野三

語諸佛子今與汝等作印呪已咽喉自開通

達無礙離諸障難

諸佛子等我今為汝稱讚如來吉祥名號能令汝等永離三塗八難之苦常為如來真淨弟子

南無寶勝如來若有大眾一時為稱

諸佛子等若聞寶勝如來名號能令汝等塵勞業火悉皆消滅

南無離怖畏如來准前為稱下皆例此

諸佛子等若聞離怖畏如來名號能令汝等常得安樂永離驚怖清淨快樂

南無廣博身如來

諸佛子等若聞廣博身如來名號能令汝等餓鬼針咽業火停燒清凉通達所受飲食得甘露味

南無妙色身如來

諸佛子等若聞妙色身如來名號能令汝等不受醜陋諸根具足相好圓滿殊勝端嚴天上人間最為第一

南無多寶如來

諸佛子等若聞多寶如來名號能令汝等具

足財寶稱意所須受用無盡

南無阿彌陀如來

諸佛子等若聞阿彌陀如來名號能令汝等
往生西方極樂世界蓮花化生入不退地

南無世間廣大威德自在光明如來

諸佛子等若聞世間廣大威德自在光明如

來名號能令汝等獲得五種功德一者於諸

世間最為第一二者得菩薩身端嚴殊勝三

者威德廣大超過一切外道天魔如日照世

顯於大海功德巍巍四者得大自在所向如

意似鳥飛空而無阻礙五者得大堅固智慧

光明身心明徹如瑠璃珠諸佛子等此七如

來以誓願力拔濟衆生永離煩惱脫三塗苦

安隱常樂一稱其名千生離苦證無上道

次與汝等歸命三寶

歸依佛兩足尊歸依法離欲尊歸依僧衆中

尊說三

汝等佛子歸依佛竟歸依法竟歸依僧竟說三

汝依三寶故如法堅護持

次為汝等發菩提心汝等諦聽作金剛掌忍

願如蓮葉以印心上真言曰

唵引冒地啣多一毋怛跋二合娜野拜三

今為汝等發菩提心竟

諸佛子等當知菩提心者從大悲起成佛正

因智慧根本能破無明煩惱惡業不被染壞

次為汝等受三昧耶戒印以二羽縛忍願申

如針真言曰

唵引三昧耶薩怛鏝二合

今為汝等受三昧耶戒竟從今已去能令汝

等入如來位是真佛子從法化生得佛法分

次結無量威德自在光明如來印左羽想持

器右羽彈忍禪想於左羽掌中有一鏝字流

出種種無量甘露法食即誦施食真言曰

唵引薩縛怛他誡多一縛路枳帝鏝二婆囉

婆囉三三婆囉三婆囉四吽五

語諸佛子今與汝等作印呪十已變此一食為

無量食大如須彌量同法界終無能盡

復以前印誦此真言曰

曩謨三滿多沒馱喃鏝一

語諸佛子今與汝等作印呪已由此印呪加

持威力想於印中流出甘露成於乳海流注
法界普濟汝等一切有情充足飽滿是時行
者即以右羽持甘露器面向東立瀉於壇前
或淨地上或大石上或所淨
瓦盆亦名孟蘭盆生臺亦淨或泉池江海長
流水中不得瀉於石榴桃樹之下鬼神懼怕
不得食之若聖眾壇中明王諸天若施飲食
置生臺上
是本法也若供養諸佛聖眾於上五更晨朝
日出是供養時若鬼神法當於人定子時亦
得人定
嚴上本阿闍梨法若於齋時盡於一日但
加持飲食水等布施飛空鳥獸水族之類不

揀時節但用施之若作餓鬼施食之法當於
亥時是施食時若於齋時施餓鬼食者徒設
功勞終無効也不是時節妄生虛誑鬼神不
得食也不從師受自招殃咎成盜法罪
諸佛子等雖復方以類聚勿以嗔恨然我所
施一切無礙斷二無高無下平等十一普遍不擇冤親
今日勿得以貴輕賤倚強凌弱擁遏孤幼令
不得食使不均平越佛慈濟必須互相愛念
猶如父母一子之想語諸佛子汝等各有父
母兄弟姊妹妻子眷屬善友親戚或有事緣

來不得者汝等佛子慈悲愛念各各賫持飲食錢財物等遍相布施充足飽滿無有乏少令發道意永離三塗長越四流當捨此身速超道果又爲汝等將此淨食分爲三分一施水族令獲人空二施毛群令獲法寂三施他方稟識陶形悉令充足獲無生忍

次結普供養印作金剛合掌置印當心真言

唵引誡曩三婆嚩嚩日囉合二斛

諸佛子等從來所受飲食皆是人間販鬻生命酒脯錢財血肉腥膻葷辛臭穢雖復受得

如是飲食譬如毒藥損壞於身但增苦本沉淪苦海無解脫時我某甲依如來教精誠罄捨設此無遮廣大法會汝等今日遇茲勝善戒品露身於過去世廣事諸佛親近善友供養三寶由此因緣值善知識發菩提心誓願成佛不求餘果先得道者遙相度脫又願汝等晝夜恒常擁護於我滿我所願以此施食所生功德普將迴施法界有情共諸有情同將此福盡皆迴施無上菩提一切智智勿招餘果願速成佛

次結奉送印二羽金剛拳進力二相鈎隨誦
而掣開金剛解脫真言曰

淹引嘑日囉合二穆乞又合穆

佛告阿難若當來世苾芻苾芻尼烏波斯迦
烏波斯迦每於晨朝或於齋時及一切時常

以此法及諸真言斯二七如來名十三加持飲食施諸

餓鬼等修行行者當於齋時及一切時為諸

餓鬼及餘鬼神出於飲食盛淨器內候於人

定加持布施無量餓鬼及餘鬼神一切時者但有淨食

未曾受用留取布施便能具足無量福德則同供養百

千俱胝如來功德等無差別壽命延長增益

色力善根具足一切非人夜叉羅刹諸惡鬼

神不敢侵害又能成就無量威德若欲能施

諸餓鬼等婆羅門仙閻羅所司業道冥官及

諸鬼神先亡久遠等以淨飲食滿盛一器作

前印呪投於淨流水中如是作已即為天仙

美妙飲食供養俱胝恒河沙數餓鬼婆羅門

仙閻羅所司業道冥官及諸鬼神先亡久遠

等得加持食印呪威力各成就根本所願諸

善功德各各同時發誓願言呪願施主壽命

延長福德安樂又令其人心所見聞正解清
 淨具足善根速證無上正等菩提又同供養
 百千恒河沙如來功德等無有異一切冤讎
 不能侵害若苾芻苾芻尼烏波索迦烏波斯
 迦若欲供養佛法僧寶應以香花燈塗上妙
 飲食以前印呪斯二加持奉獻諸佛菩薩一切賢
 聖歡喜讚歎種種功德恒為諸佛憶念稱讚
 諸天善神常來擁護是人即為滿足檀波羅
 蜜佛告阿難汝隨我語如法修行廣宣流布
 令諸短命薄福衆生普得見聞常修此法壽

命延長福德增長是時佛說為阿難及救拔
 焰口餓鬼一切衆生陀羅尼經以是名字汝
 當奉持一切大衆及阿難等聞佛所說一心
 信受歡喜奉行

瑜伽集要救阿難陀羅尼焰口軌儀經

音釋

蠍公渾切 蟲 蠍名也 蝨尺尹切 蟲 動貌 腕烏貫切 手腕也 鏹亡敢切 鏹名也 臚尸連切 臚羊臭也 葷許云切 臭菜也

二經同卷

佛說蟻喻經

斯三

聖觀自在菩薩不空王秘密心陀羅尼經

佛說蟻喻經

宋西天三藏朝奉大夫試光祿卿傳法大師施護奉詔譯

爾時世尊放大光明普照耀已告苾芻眾言
汝等當知於一時中有諸蟻聚夜中出煙晝
日火然有一婆羅門見是事已乃作是言若

永樂北藏

佛說蟻喻經

第七一册

有執持快利刀者必能破散其聚如是言已
次復見一大龜其婆羅門亦作是言若有執
持快利刀者必能破壞次見諸水母蟲次見
一水蛭蟲次見諸阿西蘇那蟲次見一大蛇
次見一按陀鉢他蟲次見一咎哥縛吒蟲其
婆羅門見彼諸蟲已皆如前言最後見一大
龍婆羅門言如我所見其事云何唯佛世尊
悉能了知即時往詣一苾芻所具陳上事復
言苾芻汝以此事為我問佛使我疑心而得
開曉如佛所說我當憶持何以故苾芻我不

見彼天人世間沙門婆羅門衆中有以此義能問佛者是故不能使諸疑心而得開曉時彼苾芻即如其言來詣我所到已禮足退住一面具陳上事已復發問言如婆羅門所見蟻聚其事云何夜中出煙晝日火然此復云何又見大龜水母蟲水蛭蟲阿西蘇那蟲大蛇按陀鉢他蟲咎哥嚩吒蟲大龍此等所見皆是何相即彼婆羅門復是何人何故名爲利刀破散願佛爲說諸苾芻我時謂彼苾芻言其蟻聚者即是一切衆生五蘊聚身夜中

出煙者即是衆生起諸尋伺晝日火然者即是衆生隨所尋伺起身語業大龜者即是五障染法水母蟲者即是忿恚水蛭蟲者即是悭嫉阿西蘇那蟲者即是五欲之法蛇者即是無明按陀鉢他蟲者是疑惑咎哥嚩吒蟲者是我慢龍者即是諸阿羅漢婆羅門者即是如來應供正等正覺快利者即是有智之人刀者即是智慧破散者即是發起精進勝行諸苾芻於汝意云何彼所見相以要言之即是一切衆生五蘊聚身羯邏藍等父母不

淨之所出生四大合成虛假色相麤惡劣弱
積集苦惱畢竟破壞而諸衆生不能覺知於
晝夜中起諸尋伺而身語業不善施作五障
煩惱之所覆蔽耽著五欲增長無明生我慢
心於諸聖法疑惑不決忿恚嫉念忿發起
不求解脫是故如來應供正等正覺欲令諸
有智者發精進行修習智慧斷諸煩惱趣證
聖果汝諸苾芻已盡諸漏證阿羅漢果故說
如龍復次諸苾芻過去未來諸佛世尊悲愍
利樂一切衆生欲令斷諸煩惱趣證聖果爲

諸聲聞廣說是義我於今日亦如諸佛乃以
此緣爲汝宣說汝諸苾芻憶念是事當於曠
野空舍山間樹下巖穴菴室諸寂靜處諦心
思惟觀察是義無令放逸生退轉心亦復轉
爲他人開示教導普令修習得大利樂爾時
世尊爲諸苾芻如是說已而諸苾芻皆悉信
受

佛說蟻喻經

聖觀自在菩薩不空王秘密心陀羅尼經

宋高天三藏朝奉大夫試光祿卿傳法大師施護等奉詔譯

如是我聞一時世尊在補陀落迦山聖觀自在菩薩宮中彼有無數大娑羅樹多摩羅樹
瞻波迦樹阿輸迦樹阿提目多迦樹如是等
種種寶樹而爲嚴飾與大苾芻衆一百八十
萬菩薩九十俱胝那庾多百千復有自在大
自在等諸梵天子及無數百千淨光天子如
是等衆恭敬圍繞聽受說法爾時聖觀自在
菩薩摩訶薩從座而起偏袒右肩右膝著地

向佛合掌恭敬頂禮熙怡微笑前白佛言世
尊我有陀羅尼名不空王是秘密心乃往過
去九十一劫之前我於普觀世界觀自在王
如來所親從聽受時彼如來爲無數百千諸
梵天子并淨光天子衆教授阿耨多羅三藐
三菩提法我於爾時證得不空智等百千三
摩地門世尊若諸方處有此秘密心陀羅尼
宣通流布當知是處有大自然自在等一萬二千
天子密作衛護是處即同有諸佛塔應當尊
重恭敬供養又若有人以此不空王秘密心

陀羅尼廣流布者當知是人已於無數俱胝
那度多百千佛所深種善根又若有人暫得
聞此陀羅尼者是人設復謗涕謗法及謗菩
薩聲聞緣覺等諸賢聖廣造如是極重罪業
當墮阿鼻地獄者若能志心於一日中清淨
不食依法持誦此陀羅尼如是等罪皆得銷
滅附三又若有人患諸瘡病若一日二日乃至七
日或復眼痛耳痛鼻痛頭痛或復疥癩瘡癬
癰疽腫疱及爲一切非人邪鬼執魅持捉禁
縛打擲呪咀期尅邪說惑亂以要言之總集

一切身病心病乃至夢中見不祥事者以此
陀羅尼加持力故悉得銷滅無能爲害世尊
又復若諸刹帝利婆羅門吠舍首陀如是等
族姓中設有諂誑心者於此陀羅尼亦許聽
受書寫讀誦乃至一切傍生異類亦應爲彼
念此陀羅尼令其得聞聞已隨應皆獲利益
况復有諸發生清淨信解心者苾芻苾芻尼
優婆塞優婆夷志心聽受此陀羅尼耶又復
有人若於此陀羅尼秘密章句諦心思念時
應當離諸過失所謂不謗不讚不生疑惑起

離我心無久近心無造作心無染汚心無高
下心住如是心作念佛觀彼人即於十方各
見千佛爲現其前世尊若諸白衣舍中有是
陀羅尼經處若主若僕見是經已設生輕易
或復戲笑以我威神力故令其自然得聞此
陀羅尼聲世尊斯二譬如有人取梅檀香五或復龍
腦或復麝香持以敲打或復剉斫又以呪詞
而爲呪咀復於麤獪石上而以研磨用塗身
分或有人言勿須敲打剉斫呪咀研磨梅檀
等香旣塗身已其香常在世尊我此不空王

秘密心陀羅尼亦復如是設或有人雖生輕
易或復戲笑乃至無誠實心但能供養此陀
羅尼者彼人以是供養善根力故世所生
常得戒定慧等諸蘊具足妙香芬馥復次若
有苾芻苾芻尼優婆塞優婆夷等欲受持此
不空王秘密心陀羅尼時應於白月八日依
法安布壇場供養行人當須清淨不食以無
緣心誦此秘密心陀羅尼七遍是人當得二
十種功德一者當於富貴中生二者生已所
有宿世業病速得銷滅三者常得身肌細滑

妙好諸根隱密人所愛樂四者得大財利五者所有財寶不爲盜取六者所有財寶不爲火焚水溺七者常得田疇增廣八者其田稼穡不爲雷雹損傷九者其田不爲惡雨霖澍十者色力精神無所損耗十一者常得一切衆生尊重愛樂十二者不爲一切怨對所怖十三者設有怨對速疾除解十四者不爲一切非人所怖十五者不爲惡病纏縛十六者不爲拏柙怖十七者遠離一切煩惱等事十八者不於水火刀兵毒害中死十九者在

處常得諸賢聖等密作衛護二十者在在所生常得不離慈悲喜捨如是名爲二十種功德復次世尊若有持誦此陀羅尼者別得八種善相一者臨命終時我作苾芻相爲見其前二者臨命終時目不動亂身心安隱三者臨命終時手不拏空足不蹠地亦無大小便利穢汚狼藉四者不覆面死五者臨命終時安住正念六者臨命終時不離善友七者命終已後諸佛刹中隨願往生八者當生獲得無盡辯才如是名爲八種善相復次世尊若

有人能清淨不食遠離五辛一切葷雜於日
三時中念此陀羅尼三遍一切所求皆得成
就又若有人隨應得聞此不空王秘密心陀
羅尼正法已若能斷諸慳嫉除去一切垢染
發清淨心尊重歸命秘密護持者是人當得
墮菩薩數善為衆生作大饒益畢竟當成佛
菩提果世尊此言菩提者即是正慧薩埵者
即是方便若得如是慧及方便二法具足即
能為衆生作饒益事爾時聖觀自在菩薩摩
訶薩復白佛言世尊我今樂欲於如來前宣

說所有秘密心陀羅尼普令會中四衆得聞
利益安樂及餘一切作罪業者亦獲善利佛
告聖觀自在菩薩摩訶薩言清淨大士汝應
善說今正是時如來今日亦當隨喜乃至後
末世中與修菩薩乘者為善依怙是時聖觀
自在菩薩欣然舉目瞻仰世尊前新三白佛言此
會諸菩薩衆應善諦聽復當歸命此解脫輪
能與多人利益安樂悲愍世間善作一切大
利樂事我今宣說此陀羅尼我先歸命過去
未來現在三世善住諸佛菩薩及彼三世一

切聲聞緣覺又復歸命無量光如來應供正
等正覺歸命慈氏等諸菩薩摩訶薩歸命大
智舍利子等諸阿羅漢即說陀羅尼曰

那謨引囉怛那合怛囉合夜引野一那莫阿
引哩也引二合縛路吉帝引說囉引野二冒地

薩埵引野摩賀引薩埵引野三摩賀引哥嚕

尼哥引野四伊毗踰引二合那莫塞訖哩合埵

引壹唐阿引哩也引二合縛路引吉帝引說囉

目枯引捺擬引二合蘭蔽引二合阿謨引伽播引

商那引摩訶哩合二捺煬七怛他引誡多三日

珂婆引始檐八摩訶怛波哩沙合二那末提引

阿訶彌那引泥引摩引縛哩多合二曳沙曳合

九悉拜切亭羊靚彌引薩哩縛合二哥引哩也合二

引尼薩哩縛合二婆曳數左彌引犖下功角切又

引婆縛靚十怛孰切寧也他引十唵引左囉左

囉三十啣哩啣哩四祖嚕祖嚕五摩賀引哥引

嚕尼哥六十悉哩悉哩七啣哩啣哩八尾哩尾

哩九十摩賀引鉢訥摩合二訶薩多引二合野十二葛

羅葛羅二十枳里枳里二十酤魯酤魯三十

摩賀引戍馱薩埵引野四二十沒鞞切夜沒鞞

二十 馱引 馱馱引 馱馱六二十 枳尼枳尼七二十 囉
 摩戍馱薩埵引 野八二十 葛囉葛囉九二十 枳哩
 枳哩十三 酤嚕酤嚕一三十 摩賀引 塞他合二 摩鉢
 囉二合鉢多引二合野三三十 左羅左羅三十三
 左羅四三十 尾左羅五三十 伊吒吒伊吒吒六三十
 婆囉婆囉七三十 毗哩毗哩八三十 部嚕部嚕九三十
 九伊係曳引二合四 摩賀引 哥引 嚕尼哥四 摩
 賀引 鉢輸鉢底一四十 尾引 沙馱囉二四十 薩囉
 薩囉三四十 嚩囉嚩囉四四十 波囉波囉五四十 嚩
 囉嚩囉六四十 訶囉訶囉七四十 賀引 賀引八係

引係十九 呼引 呼引五 唵引 哥引 囉一五十 沒
 囉二合賀摩合二 尾沙馱囉二五十 馱囉馱囉三五十
 提哩提哩四五十 度嚕度嚕五五十 多囉多囉五
 六 薩囉薩囉七五十 波囉波囉八五十 嚩囉嚩囉
 九五十 囉濕彌合二 設多薩訶薩囉六二十 鉢囉合二
 底曼尼多設哩引 囉一六十 入嚩合二 羅入嚩合二
 羅二六十 多波多波三六十 婆誡鏝四六十 蘇引 摩
 六十 阿引 楠爹六六十 野摩七六十 嚩嚩八六十
 酤尾引 囉九六十 沒囉合二 賀摩七二十 印捺囉合二
 七十 哩施二十 泥引 嚩誡拏引 毗野合二 哩唧

二多左囉拏^三七^十蘇嚕蘇嚕^四七^十祖嚕祖嚕
 五^十母嚕母嚕^六七^十薩那怛訥^八摩引囉^七
 七嚕捺囉^二詩引薩縛^八七^十尾瑟拏^二九^七
 達那捺^八哩施^八十尾那引野葛^二八^十末虎
 尾尾馱尾引沙馱囉^三八^十馱囉馱囉^四八^十提
 哩提哩^五八^十度嚕度嚕^六八^十伽囉伽囉^七八^十
 波囉波囉^八十羅羅羅羅^九八^十羅虎羅虎^九
 訶囉訶囉^一九^十摩囉摩囉^二九^十縛囉縛囉^九
 三縛囉那引野葛^四九^十三曼多引縛路引吉
 多尾路引吉多^五九^十路吉說囉摩^四引說囉

六^十母虎母虎^七九^十母嚕母嚕^八十^母野母
 野^九十^捫左捫左^百犖又犖又引摩摩薩哩
 縛^二薩埵引室左^二薩哩縛^二婆曳引毗藥
 一^二合薩哩舞引^二合波捺囉^二尾引毗藥^二合
 薩哩舞引^二合波薩哩詣引^三合薩哩縛^二誡囉
 二^二係引毗藥^二合末馱^五曼馱那^六多引拏
 那^七怛囉惹^二羅^八羅引惹多塞葛^二羅引
 屹那踰^三捺哥^九尾沙^十設塞怛羅^三合波
 哩謨引左哥^十葛拏葛拏^三吉尼吉尼^四訥
 努訥努^五左囉左囉^六印捺哩^二野末羅謨

引詳誡七左覩羅引哩野合薩爹三鉢羅合
 哥引設哥八怛摩怛摩九捺摩捺摩十馱摩二
 馱摩一薩摩二薩摩二摩他摩他三薩十
 摩薩摩四摩賀引怛謨引馱哥引羅尾達
 摩那五沙吃播引合囉彌多引波哩布囉
 葛六彌梨彌梨七吒吒吒八陟陟十
 陟陟九姤姤姤十耻耻耻三伊尼十
 引野左哩摩合訖哩合怛波哩葛囉三伊十
 係曳引合四摩賀引哥引魯尼哥三壹引
 說囉四摩賀引部多誡拏畔惹葛五酤十

嚕酤嚕六波羅波羅七葛囉葛囉八
 葛吒葛吒九摩吒摩吒十尾戌馱尾沙野十
 縛引悉那一摩賀引哥引嚕尼哥二稅十
 引怛野倪踰引合波尾引怛三囉怛那合
 摩酤吒摩引羅引馱羅四薩哩縛合倪也十
 合施囉悉託哩合怛五摩酤吒摩訶訥部十
 引合多六葛摩羅訖哩合多葛囉多羅十
 七切那那薩摩引提尾謨引利也合
 鉢羅合紺必也合末呼薩埵散怛底波合
 哩播引左葛九摩賀引哥引嚕尼哥五薩十

哩縛合葛哩摩引合縛羅拏尾輸引達葛伍
 一薩哩縛合咩引提鉢囉合謨引左葛二十五
 阿哥引羅沒哩合但踰合鉢囉合設摩那伍
 三薩哩縛合薩埵薩摩引說引薩葛囉四五十
 薩哩縛引合設引摩奴引羅他波哩布囉葛五
 五十那謨引宰觀合底莎引賀引十五
 大心陀羅尼曰
 阿謨引伽引野莎引賀引一
 小心陀羅尼曰
 阿嚩仁仰切多引野莎引賀引

心中心陀羅尼曰
 縛羅鉢囉合捺引野莎引賀引
 器仗陀羅尼曰
 阿波囉引嚩多引野莎引賀引
 甲冑陀羅尼曰
 伊唐葛哩摩合酤引嚕引那謨引宰觀合底莎引
 賀引一
 頭頂陀羅尼曰
 唵引咩引惹野莎引賀引
 髻陀羅尼曰

庵引紇哩一引塞怛頽合三路引吉也合尾惹野
二引阿謨引伽播引設引野三鉢囉合底訶多
 紇哩引合二郝吽引發吒四音
 世尊我此陀羅尼悉能成就一切事業若常
 持誦者所作尅成又若有人造五無間業彼
 人若能日三時中誦此陀羅尼是諸業障悉
 得清淨若欲作結界法者當以此陀羅尼加
 持沉水香依法而用若欲禁上瘡病者當加
 持灰水或佉囉木作板依法而用若欲息
 除一切病者當加持酥或油或水塗摩等用

若欲禁止迦枯哩那鬼所持病者當加持刀
 依法而用若欲作諸擁護法者當加持線依
 法而用若欲止腹痛者加持鹽水依法而飲
 若欲息除諸惡毒者當加持上或加持水依
 法而用若欲除去眼病者加持白線隨繫其
 耳若欲除去齒痛者加持迦囉尾囉木作齒
 木用又欲作結界法者當取五色線加持二
 十一遍以佉囉木作板釘四方界然取其
 線絢量界分是即結界成就又欲作擁護法
 者當加持水或塚間灰或復淨線隨應當用

若欲解諸執魅者加持五色線依法而用又欲除諸瘡病者加持白線依法而用若欲解除瘰癧及諸瘡腫者加持葦撥與蜜同和塗摩等用又欲除去眼病者加持香水或甘草水或鉢羅舍葉浸水而用若欲息諸鬪戰諍訟者加持淨水洗滌其面若欲擁護王之國境無諸侵撓得強勝者當擇妙好瓶器置潔淨處滿盛其水設諸供養作法者著鮮淨衣讀此陀羅尼而為加持然後取瓶中水隨處散灑即得國界安隱災難不生人及傍生悉

能衛護若欲解諸邪印者當用梅檀香末加持二十一遍點自心間即得解除若欲於自住舍作擁護者當用蓮華作護摩法若欲調伏諸難調者當用梅檀香作護摩法

復次成就法當用勝香最勝香無畏手香帝手香縛嚕尼香諾俱梨香那俱梨香畢利煬真香多誡覽香等并月王藥妙喜藥輪藥大輪藥尾瑟努訖蘭多藥如上諸香藥取以和合而作一九以此陀羅尼加持一百八遍若有人為諸鬼神執魅怖畏或帶頂上或帶臂

上即能衛護若有女人將欲產生取前香藥碎爲其末依法加持同入水中當用澡浴即得產生勝福德子安隱無難諸不祥事皆得銷滅又復生已善作擁護離諸苦惱惡毒不生設有生速疾除遣若初生童子欲作擁護者取前香藥丸斯依法加持帶其頂上十三即能擁護若欲禁止風雲雷雹者當取縛嚕尼樹枝入淨水中依法加持已次執其枝而用散灑世尊我此秘密心陀羅尼能作最上成就如上所說一切法用悉無不成設使持誦未

精熟者亦得成就
復次宣說本尊成就法若人欲見我身求成就者當於白月十五日依法作懺以上好不雜彩色畫我形像如大自在天相頂戴寶冠鹿皮爲絡腋一切珍寶而爲莊嚴如是畫已依法安布行人當於彼懺像前以瞿摩夷作曼拏羅散諸妙華以八種香安置供養又復排設六十四種出生飲食所用清淨離諸血肉腥雜穢污燒沉水香行人應當晝夜不食一日三時澡沐身軀著新淨衣諦心專注獻

供養已於懺像前念此陀羅尼一千八十遍
 然後諦想本尊儀像乃見自身有大熾燄行
 人見已心生歡喜須臾即見我身來現其前
 施諸所求悉令圓滿行人爾時當用雌黃或
 安膳那藥而用點眼即能隱身亦得騰空自
 在證入不空智莊嚴三摩地門隨諸所欲一
 切所作皆得圓滿佛說此經已聖觀自在菩
 薩摩訶薩及餘自在大自在等梵天衆及淨
 光天子并諸菩薩聲聞一切大會聞佛所說
 皆大歡喜信受奉行

永樂北藏

觀自在不空王秘密心經

第七一册

聖觀自在菩薩不空王秘密心陀羅尼經

音釋

水陸乘切 蛭水蟲也 接奴何切 羯其月切 避梵語也此云避 藍滑羯居講切
郎可 胃先登也 極其月切 絳補耕切 以也 瘰瘰癧音歷切 撓女巧切 懺張畫繒也

新三

十一

永樂北藏

觀自在不空王秘密心經

第七一册

五經同卷

佛說勝軍王所問經

佛說輪王七寶經

佛說園生樹經

佛說了義般若波羅蜜多經

佛說大方廣未曾有經善巧方便品

斯四

佛說勝軍王所問經

宋西天三藏朝奉大士試鴻臚卿傳法大師施護奉 詔譯

如是我聞一時佛在舍衛國祇樹給孤獨園與大苾芻眾千二百五十人俱是時有憍薩羅國勝軍大王其王尊貴有大威德富饒自在所居國土境界廣遠為一切人所共尊敬其王福德久於佛法生大信重是時大王即乘寶車與諸臣從及無數百千婆羅門長者等而共圍遶以諸音樂而導其前出舍衛國詣祇樹給孤獨園佛世尊所恭敬供養聽受

正法爾時大王既出城已漸向祇園其王即時遠見世尊於一樹下安詳而坐諸苾芻衆而共圍遶時王見已生大歡喜深信尊重下車去蓋合掌曲躬遙伸讚歎佛身廣大猶若金山佛身端嚴殊妙無比有大光明如百千日吉祥熾盛猶大火聚諸根調寂住奢摩他衆德莊嚴具波羅密三十二相八十種好圓滿具足爲人中龍人中師子人中大仙人中勝者於世間中如寶山現是時大王既讚歎已徒步而進到佛所已頭面著地禮世尊足

持以寶冠寶蓋寶劔寶珠寶莊華疑如是等物奉上世尊作如是言惟願世尊受我所施是時世尊即爲納受其王即復禮世尊足退住一面合掌恭敬而白佛言世尊願佛慈悲爲說法要使我長夜得大利樂爾時世尊而讚王言善哉善哉^{斯四}大王汝於如來深信尊重於佛正法愛樂趣求純善相應是大賢者如汝所言樂聞法要汝當諦聽如善作意記念修習爲汝宣說佛言大王汝統大國爲人民主常以正法而行治化於諸非法捨而不行

何以故大王當知若王及臣棄背正法行非法者於現世中人所輕謗乃至身壞命終不生勝處若王及臣捨離非法行正法者於現世中人所稱讚乃至身壞命終生天界中受勝果報富樂自在天人愛敬大王譬如世人生育一子父母憐愛猶如珍寶多設方便常令快樂其子長大亦生孝敬王心慈愛亦復如是一切人民皆如一子王所愛念猶如父母常以四法而為攝化所謂布施愛語利行同事常行如是四種法故一切人民皆悉歸

伏王以慈心觀諸人民既如子想彼一切人亦復於王如其父母又如有人於其夢中見種種事所謂江河泉池園林華果街巷道陌處處莊嚴清淨適悅人所愛樂如是等事既夢覺已都無所有諸世間法亦復如是皆悉如夢竟無其實新四如汝大王為人中主受三種樂三所謂富樂欲樂自在樂統大國城多諸所有象馬車乘金銀珍寶庫藏諸物乃至后妃眷屬諸臣僕等其數甚多富貴熾盛而無等比如是富貴雖多所有不以為勝何以故為

顛倒法勞役其心增諸煩惱大王當知此等皆是無常滅法是不堅牢而不究竟如水聚沫而無其實是故大王於如是事如實了知於世間法常所覺了離諸煩惱修出世行又世間法如一大樹沃潤其根即生枝葉枝葉繁茂即能開華開華非久乃結果實果實成熟色香美妙人皆愛樂其樹忽為大火所焚四面俱熾紅焰光明映蔽日月四方上下唯一火光其可愛樹悉無所有唯火光現而彼火光非久即為大雨所滅雲雷掣電交映而

出是時火聚悉無所有唯彼大雨連雲不息其雨非久亦復停止大王當知如前所說諸世間法亦復如是剎那壞滅竟無其實如王所統雖復廣大積諸所有一剎那壞其義亦是故大王於無常法莫生常住想於有盡法莫作無盡想念念思惟無常來侵捨世間法離諸所著修出世行增益善根大王又如四方有四大山從空而來彼山高廣一一堅牢墮於閻浮而此地中所有一切草木叢林皆悉摧滅而無有餘彼有力者不能為救大王

此諸世間有四大怖而來逼迫亦復如是一切衆生無所逃避有大力者不能爲救四怖者何一者邪行怖二者老怖三者病怖四者死怖大王邪行若生壞滅正行老怖若來壞少年相病怖若來壞安樂法死怖若來壞滅壽命大王又如師子爲獸中王若入獸群取一獸食彼所取獸何能逃避入師子腹滅無有餘大王無常大力於諸衆生亦復如是大王諸世間人將趣命終先染病苦如中毒箭氣力劣弱筋骨肢節皆悉疼痛皮肉乾枯手

足戰動穢惡流溢眼耳鼻舌身等諸根不能發識諸境不現唯見自造不善業境現在其前生大怖畏無所依怙誰爲救者父母眷屬徒共圍繞名醫良藥不能爲療上味飲食不能食噉於念念中起無常怖彼出入息漸漸微細如是病怖方始起心念作善業微出其聲告父母言我今大怖惡境現前壽命將斷父母爲我作諸利益施佛及僧願垂救護如是言已於剎那間其命即斷此處旣謝他處復生隨自作業受諸果報大王當知世間衆

生若善不善若勝若劣從自因生果無所失
作善業者是所歸趣是所依怙臨命終時不
生怖畏此處緣謝生於他處受勝果報是故
大王汝今應當捨世間法離諸染著修出世
行趣善法門於念念中作無常想若如是者
於善法中乃名精進新四復次大王如世間人入五
大火聚須以方便即能息滅處熱惱中須假
清涼而方醒寤受飢渴時假以飲食方能救
濟染病苦時假以良藥即能除愈於危難中
得有力者諸善知識乃脫諸難受貧困時得

大財寶方能拯濟入戰陣時須被勇猛堅固
鎧甲方得戰勝於一切處無依無怙孤獨苦
惱得其親友方為依止大王出世善法亦復
如是於諸世間同彼上說飲食良藥親友等
類能為依止能為救護大王若人不修出世
善法都無所託臨命終時自生怖畏誰為救
者捨此報已自受其苦誰為拯拔以是事故
我如實說大王速疾於世間法捨諸常見作
無常想捨堅執見作破壞想如水聚沫而無
其實當念修行出世善法自所作已轉勸他

人如是乃得於善法中名爲精進大王當觀
自身無有少樂可得雖復具有種種上味精
妙飲食而爲資養未曾一時有飢渴失如是
暫能資持命根彼壽報盡即時散壞歸無常
法大王復觀自身雖有種種上妙寶衣衆莊
嚴具乃至種種庫藏諸物無所乏少象馬車
步四兵具足其數甚多無與等者彼壽報盡
悉歸無常復次大王如世間人有大財富於
日日中潔淨澡沐香油塗身復以諸妙上服
莊嚴衆妙華鬘及彼真珠瓔珞耳璫環釧如

是等物而嚴飾已處於寶座富貴自在威德
特尊與諸眷屬而共圍遶奏百千種殊妙音
樂妙寶樓閣處處皆藝栴檀沉水等諸妙香
常有百千內外親族恭敬讚歎雖復如是富
貴自在壽報盡時即生苦惱一切眷屬徒共
圍遶悲惱啼泣斯四當於爾時一切所有不能守
護既命盡已內外親屬所共圍遶至屍陀林
所有遺體各各離散皮肉筋骨分其異處有
諸蟲鳥而來啣食彼食盡已此虛妄身悉無
所有大王以是緣故諦觀世間如水聚沫有

何堅實以是無常不究竟法起常想者是為顛倒諸有漏法念念壞滅我觀是事深可悲愍是故大王當須速捨諸世間法常念修行出世間法何以故大王當知彼生滅法皆由無明為因緣故所謂無明緣行行緣識識緣名色名色緣六處六處緣觸觸緣受受緣愛愛緣取取緣有有緣生生緣老死憂悲苦惱如是即一大若蘊集若無明滅即行滅行滅即識滅識滅即名色滅名色滅即六處滅六處滅即觸滅觸滅即受滅受滅即愛滅愛滅

即取滅取滅即有滅有滅即生滅生滅即老死憂悲苦惱滅如是即一大苦蘊滅是故生滅相續輪轉無有窮盡皆是無明為因生故由此即有貪等諸法若滅無明貪等不生貪等既滅正行得起離諸過失此即名為出世間法復次大王世間一切所緣境界若得若失若決定不決定若可愛不可愛貪心生起無所厭足是為大失若於聖道出世間法愛樂希求無厭足者乃為正行是大利益爾時世尊說伽陀曰

大王今當知	彼死法極惡	能斷人壽命
及破壞諸蘊	斯為大怖畏	世皆非愛樂
彼死法若來	普徧於一切	虛空并大海
深穴與高山	大地及諸方	無處可逃避
唯諸有智者	安住真實法	即堅固無動
一切不能壞	壽報未盡時	當發大精進
廣修衆善因	勤行諸梵行	由善根力故
得至涅槃界	至涅槃界已	能遠離死怖
爾時憍薩羅國勝軍大王聞佛世尊以諸方便善巧譬喻說妙法已歡喜踊躍恭敬讚歎		

頂禮佛足迴復王宮佛說此經已諸大苾芻衆聞佛所說皆大歡喜信受奉行

佛說勝軍王所問經

佛說輪王七寶經

宋西天三藏朝奉大夫試鴻臚卿傳法大師施護奉詔譯

如是我聞一時佛在舍衛國與大苾芻衆俱是時佛告諸苾芻言汝等當知有利帝利大灌頂王已受灌頂得輪王位威德自在人所

尊重出現世間其王出時有七寶現何等爲
七所謂輪寶象寶馬寶主藏臣寶主兵臣寶
摩尼寶女寶如是七寶隨王出現何名輪寶
所謂千輻金輪最上殊妙諸相圓滿有大威
力其金輪寶從空而下住王宮門是時彼刹
帝利大灌頂輪王見是輪寶出已心大歡喜
即告侍臣言汝今速嚴四兵當出遊幸是時
侍臣受王命已即嚴四兵既嚴整已即詣王
所而白王言四兵已嚴王出遊幸今正是時
爾時彼刹帝利大灌頂輪王即從座起整其

衣服出於宮門彼千輻輪導於王前從王右
手順次而轉是時彼王遊於四海於少時間
即還王宮以其輪寶功能勝故諸苾芻此名
刹帝利大灌頂輪王出時第一輪寶出現
復次諸苾芻彼刹帝利大灌頂輪王出時復
有象寶出現其相殊妙純白無雜猶如大龍
七處具足圓滿而住從於北方乘空而來住
王宮門是時臣僚見是事已即馭王所具以
其事而白於王彼大灌頂輪王見是象寶出
已心大歡喜內自思惟甚爲賢善最大殊勝

我有所用而必當取是時彼王謂諸臣言象寶出現汝等宜應專勤守護備吾所用是時侍臣受王命已於長時中專勤守護善巧調習無少損失備王所用佛告諸苾芻往昔有利帝利大灌頂輪王出世是時亦有象寶出現其王於晨朝時乘彼象寶遊於四海即時還宮汝等當知象寶有是勝妙功能諸苾芻此名大灌頂輪王出時第二象寶出現復次諸苾芻大灌頂輪王出時復有馬寶出現其數有四諸分圓滿而各有其上妙色相

所謂青黃赤白項頸妙好猶如謨羅行步迅疾而復調善是四馬寶出現宮門爾時臣僚見是馬寶希有妙好即馭王所彼大灌頂輪王見是四馬寶已心大歡喜內自思惟馬寶出現甚為賢善我有所用必當如意彼大灌頂輪王而復宣言汝等諸臣於長時中當勤守護善巧調習我有所用而必當取是時臣僚受王命已長時守護備王所用諸苾芻往昔有大灌頂輪王出世是時亦有馬寶出現其王於晨朝時乘是馬寶遊於四海即復還

宮汝等當知馬寶有是殊勝功能諸必芻此
名大灌頂輪王出時第三馬寶出現

復次諸苾芻輪王出時復有主藏臣寶出現
是時有大寶藏堅牢具足大財大富彼臣所
主時主藏臣即詣王所作是白言有大寶藏
一切殊妙珍寶具足所謂金等一切寶物王
有所用我當授王一切如意無少闕失是時
輪王見是主藏臣寶出已心大歡喜又聞其
言金等諸寶一切具足獲大如意時王即謂
彼主藏臣寶言汝今有如是色相神通威力

能主地中廣大伏藏金等諸寶一切具足觀
如是事甚為希有最上賢善汝善主持我有
所欲汝當供給餘非欲者亦善主持諸苾芻
汝等當知此地伏藏人所不見非人即見輪
王出時有主藏臣而自出現為王守護一切
供給此名輪王^新出時第四主藏臣寶出現
復次諸苾芻輪王出時復有主兵臣寶出現
是時彼臣有大智略勇猛威德大力色相一
切具足善御兵衆護王國界不令侵擾時主
兵臣詣於王所白如是言大王當知我善主

兵守護王境若時非時諸有所作當如王意無少闕失是時彼王見是主兵臣寶出現已心大歡喜即謂彼言汝今有大智略勇猛威德大力色相若時非時一切能作善御兵衆守護國界甚為賢善汝當長時親輔於我諸有所為汝善方便汝今於王是大守護諸苾芻此名輪王出時第五主兵臣寶出現復次諸苾芻輪王出時復有大摩尼寶出現彼摩尼寶最上色相妙好殊勝有大光明圓滿具足其光廣大普照一切有大功能於王

宮中若有是寶而彼夜暗非燈所照寶出光明自然照耀猶如日光諸苾芻往昔有大輪王出世是時亦有大摩尼寶出現有大光明彼王爾時欲驗其能即勅臣僚速嚴四兵營於夜分出遊園林是時臣僚受王命已即嚴四兵速詣王所白如是言四兵已集王出遊幸今正是時爾時彼王即以大摩尼寶置旌旗上引導王前於夜分中出遊園林其寶光明照一由旬其王四兵皆悉光明互相映耀如天光明等無有異諸苾芻此名輪王出時

第六大摩尼寶出現

復次諸苾芻輪王出時復有女寶出現最上色相諸分圓滿妙好第一諸世間人無有等者輕妙柔軟如幹啣梨身諸毛孔出諸妙香譬如盛香寶器於一切時香氣常在又復女寶所有出入之息一一皆如青蓮華香人所愛樂如王所行女寶從後諸有所作適悅自在性行真正不受邪染常出愛語人所樂聞面有光明人所喜見諸苾芻此名輪王出時第七女寶出現

佛告諸苾芻如是名為輪王出時七寶出現汝等當知如來應供正等正覺出時宣說七覺支法何等為七所謂念覺支擇法覺支精進覺支喜覺支輕安覺支定覺支捨覺支如是名為七覺支法唯除如來應供正等正覺出世宣說如前七寶亦復如是唯除大灌頂輪王出時其寶出現汝等當知如來所說七覺支法令諸衆生如理修行一切皆得安樂利益汝等當勤如是修學

佛說輪王七寶經

佛說園生樹經

宋西天三藏到奉天試鴻臚卿傳法大師施護奉 詔譯

如是我聞一時佛在舍衛國祇樹給孤獨園與苾芻衆俱是時佛告諸苾芻言汝等當知彼三十三天中有一大樹名爲園生其樹盤根及五由旬高百由旬所有枝葉覆五十由旬彼天子衆依時往彼樹下遊觀其樹即生半努鉢羅舍時諸天子見是事已即生歡喜適悅快樂其後非久復生尸羅拏鉢羅舍諸天子衆依時往彼遊觀轉增適悅快樂又復

永樂北藏

五經同卷

非久即生寶網以覆其上而爲莊嚴彼天子衆依時往彼樹下遊觀轉復增於適悅快樂又復非久生又羅迦彼天子衆依時往彼樹下遊觀見是事已轉復增於適悅快樂又復非久生俱砧摩羅迦彼天子衆依時往彼樹下遊觀轉復增於適悅快樂又復非久生迦迦寫彼天子衆依時遊觀轉增適悅又復非久彼園生樹滿樹開華其華清淨異香殊妙微風吹動其香馥郁五十由旬大風所滿百由旬復有殊妙光明照於八十由旬其樹既

第七一册

各色相殊異嚴好種種莊飾居善法堂集會
圍繞聽受帝釋天主宣說妙法汝諸苾芻各
獲果證清淨圓滿梵行具足一切見敬圍繞
世尊聽受妙法同彼天衆亦復如是爾時諸
苾芻聞佛宣說園生樹已各各心生歡喜踊
躍信受奉行

佛說園生樹經

佛說了義般若波羅蜜多經

宋西天三藏朝奉大夫武鴻臚卿傳法大師施護奉詔譯

爾時世尊告尊者舍利子言汝今當知諸有
菩薩摩訶薩樂欲修習般若波羅蜜多相應
行者當於諸法如實了知諸有所作離一切
相是時尊者舍利子合掌恭敬前白佛言世
尊如世尊言諸有菩薩摩訶薩樂欲修習般
若波羅蜜多相應行者云何了知諸法自性
於諸所作云何離相佛言舍利子若諸菩薩
摩訶薩樂欲圓滿相應勝行及於諸法離所

作相者當了諸法住無所住即能圓滿相應
勝行復次舍利子若諸菩薩摩訶薩於諸法
中行施行者無能施無所施施無所得若如
是者即能圓滿施波羅蜜又復修習諸戒法
者無能持無所持無起作若如是者即能圓
滿戒波羅蜜又復修習忍辱法者於諸法中
無所動轉離諸起作若如是者即能圓滿忍
波羅蜜又復當於相應行中精進修習若身
若心無有懈倦無起作相若如是者即能圓
滿精進波羅蜜又復於諸法中無有散亂離

所得相若如是者即能圓滿定波羅蜜舍利
子若諸菩薩摩訶薩樂欲安住般若波羅蜜
多相應者應當圓滿四念處四正斷四神足
五根五力七覺支八正道法又復觀想空三
摩地無相三摩地無願三摩地四禪定法四
無量法四無色定法八解脫法九先行法九
想法何名九想所謂內法想尾布野迦想離
赤想離青想尾佉多想無住想離散想無
熱惱想離飲食想如是名為九想法又復念
佛想念法想念僧想念戒施天等想離煩惱

想念生滅想念無常若無我等想念諸世間
不究竟想念苦智想集智想滅智想道智想
盡智想無離語言法智想無我智想和合智
想如實智知根想分別想離語言分別想未
知當知根想已知根想具知根想不淨想清
淨想奢摩他毗鉢舍那想三想想四了知想
四無畏想五神通想六波羅蜜想七種住心
想八大人法想九衆生住想如來十力想十
八不共法想大慈想大悲想乃至一切智智
想於如是等法當作如是想又復諸菩薩摩

訶薩樂欲圓滿一切智一切種智者當於般
若波羅蜜多如實觀想又復若欲圓滿道相
智一切相智了達一切衆生心行相等斷除
一切衆生諸雜染者應當修習般若波羅蜜
多相應勝行舍利子如我上說諸法想門菩
薩摩訶薩當如是學爾時尊者舍利子復白
佛言世尊諸菩薩摩訶薩修般若波羅蜜多
者當斷何法佛言舍利子修般若波羅蜜多
者應當斷除十種疑惑何等爲十所謂自性
疑無性疑諸法差別疑毀謗疑一法疑多法

疑同異疑上品疑如名疑如名義疑此等諸
 疑應當除斷若如是者即菩薩摩訶薩於一
 切相悉無所觀以相無所觀故名亦無所觀
 般若波羅蜜多亦無所觀諸行無所觀色無
 所觀受想行識皆無所觀何以故色自性空
 以離性故色體斯四即空離色無別十六空空體即色
 離空無別色是義云何名分別色舍利子當
 知色法自性不生不滅非染非淨彼名自性
 亦非緣法離諸疑惑無所從來亦無所住如
 實所生離三際故色法如是受想行識亦復

如是是故菩薩摩訶薩於諸名相皆無所觀
 以無所觀故而無所入無所入者即能圓滿
 般若波羅蜜多相應勝行

佛說了義般若波羅蜜多經

佛說大方廣未曾有經善巧方便品

宋西天三藏朝奉大夫武鴻臚卿傳法大師施護奉詔譯

爾時有菩薩摩訶薩其名大意指於眾會中即
 從座起嚴整衣服合掌恭敬頂禮佛足前白
 佛言世尊諸修菩薩行者於五欲境作何方

便取而不著雖復常行無所障礙爾時佛告
大意菩薩言善哉善哉大意汝名最上見最
上義能於衆中問如是事諸修菩薩行者未
來世中於諸佛所深種善根如是名為善巧
方便即得諸佛共所建立是時大意菩薩復
白佛言世尊諸修菩薩行者未來世中云何
於諸佛所深種善根唯願世尊利樂一切衆
生廣為宣說佛言善男子汝今諦聽當為汝
說若有人行少分施能起增上廣為一切衆
生最勝善心所獲功德迴向一切衆生如是

善利無有窮盡譬如天雨降霖大海一一水
滴數不可知相續流注無有窮盡行布施者
善巧迴向一切衆生所有功德亦復如是賢
諸善法展轉增勝亦復無盡乃至成佛衆善
圓滿復次大意若復有人見有曼拏羅處施
以一香作是施時當起是意普願一切衆生
得最上戒香具足一切樂具皆得如意若施
一華普願一切衆生當於天上人間平等受
大供養若施一燈普願一切衆生開諸盲目
消除暝暗得大明照如日月光若施塗香而

用塗飾普願一切衆生當得真金色相天香
塗飾若施衣服普願一切衆生慚愧具足離
諸過失若施搏食普願一切衆生得天甘露
食復得最上法甘露味快樂具足若施鈴鐸
普願一切衆生皆得最上清妙梵音聞者適
悅若施傘蓋普願一切衆生離風雨難得大
清涼普覆一切若施幢幡普願一切衆生身
如朗月清淨潔白光明普照盡諸世間人所
愛樂若施寶拂普願一切衆生離諸塵垢身
得清淨有大名稱最上吉祥所應具足若施

諸莊嚴具普願一切衆生當得一切佛功德
寶聖莊嚴具若施歌樂普願一切衆生得勝
耳根常聞諸佛妙好音聲若施船舫騎乘普
願一切衆生得最上乘又復隨諸衆生有所
愛樂而悉施與得童子相柔軟妙好受天快
樂諸所施作適悅自在若施拊擅香普願一
切衆生得三十二大丈夫相具足莊嚴乃至
無見頂相常出妙香若施座具普願一切衆
生受天富樂一一當處最上最勝大金剛座
若施卧具普願一切衆生當得最上歡喜適

悅若施僧坊舍宇普願一切衆生住天悅意
妙寶樓閣四種神足悉得圓具若施空地普
願一切衆生當得安住勝妙十地速至最上
圓滿佛地若施眷屬普願一切衆生當得世
間天人阿脩羅等常所侍衛堅固不壞最上
最勝諸所施作而無等比若施醫藥普願一
切衆生離諸病苦如大藥樹當得金剛不破
壞身一切莊嚴常得最上適悅快樂若施明
鏡普願一切衆生如月光明普照一切若施
瓶器普願一切衆生得大賢瓶灌注法水普

潤一切若施園林樹木普願一切衆生身如
劫樹若施酥酪普願一切衆生得最上樂味
若施甘美等物普願一切衆生得最上可愛
輕安樂味又復諸修菩薩行者若見一切男
女奴婢當起是意普願一切衆生悉當遠離
恩愛纏縛憂惱等苦十九一一皆獲自在快樂若
見苦境當起是意普願一切衆生得離諸苦
解脫自在與諸佛等若於一切衆生作父母
師長阿闍梨想恭敬尊重於當生中天上人
間若沙門婆羅門等諸所生處諸根調伏離

一切苦若處五欲樂時當起是意普願一切
衆生如所樂欲悉得如意一切皆具菩薩勝
行若澡沐時當起是意普願一切衆生離諸
塵垢清淨無染與諸佛等若入園林寺舍及
諸方處當起是意普願一切衆生得入最上
解脫法門若出一切刀處當起是意普願一
切衆生出輪迴際住安樂法若飲食時當起
是意普願一切衆生離諸惡趣斷飲食想若
處眷屬中當起是意普願一切衆生遠離鬪
誶互相愛敬為善知識慈和平等若開戶時

當起是意普願一切衆生開解脫門咸得趣
入若閉戶時普願一切衆生閉惡趣門不復
趣進若履道路時當起是意普願一切衆生
如理修行順趣正道若乘船舫騎乘當起是
意普願一切衆生乘最上乘登正覺道若有
所過度時當起是意普願一切衆生出過地
獄等苦不復趣入若有一切常語論時當起
是意普願一切衆生正念現前諸法圓滿若
見有人起忿怒時即生歡喜作如是意普願
一切衆生當息一切毒害忿怒遠離魔燒若

有宣說善法語言當起是意普願一切衆生
得諸佛智辯才無礙若處戲笑歌樂讚詠當
起是意普願一切衆生常大歡喜受諸富樂
自在適悅若睡眠時當起是意普願一切衆
生起最上心出離無智塵暗淤泥諸有所作
得佛建立住圓滿智若經行時當起是意普
願一切衆生常得履諸聖道爾時大意菩薩
聞說是法生大歡喜復白佛言善哉世尊善
說此法能令一切修菩薩行者所有身語意
業如善所作常得諸佛共所攝受所有惡趣

一切衆生得佛救度世尊於後末世修菩薩
行者如佛所說善巧方便應如是行是即名
為修菩薩行佛言大意如是如是諸修菩薩
行者若如是學即得信心堅固不復退轉種
子具足出生現行大意當知此即名為菩薩
勝相復為最上善巧方便汝等於此正法當
勤修習為人演說爾時大意菩薩摩訶薩聞
佛說是法已歡喜稱讚禮世尊足退住一面
佛說大方廣未曾有經善巧方便品

永樂北藏

五經同卷

第七一册

佛說大堅固婆羅門緣起經卷上下同

斯五

宋西天三藏朝奉大試光祿卿傳法大師施護等奉詔譯

如是我聞一時世尊在王舍城鷲峯山中與大衆俱是時有五髻乾闥婆王子過於夜分至明旦時來詣佛所彼有身光廣大照耀彼鷲峯山都一光聚到佛所已頭面禮足退住一面前白佛言世尊我於一時在三十三天見帝釋天主大梵天王并善法天衆而共集會有所宣說我親所聞我親所受是義云何唯願世尊告示於我令我了知佛告五髻乾

闍婆王子言所有汝於三十三天帝釋天主大梵天王并善法天衆共集會處有所聽受我今如應告語於汝令汝了知時五髻乾闍婆王子復白佛言世尊我於一時在三十三天帝釋天主大梵天王并善法天衆共集會處是時或有天子第五以因緣故初生彼天同時有餘先生天子見初生者乃起五種極愛樂事所謂壽命色相名稱吉祥眷屬等世尊彼有一類天子作如是言諸天子汝等且觀此初生天子有餘先生天子起於五種極愛樂

永樂北藏

大堅固婆羅門緣起經

第七一册

事所謂壽命色相名稱吉祥眷屬等彼時又有一類天子作如是言諸天子此初生者是佛世尊聲聞法中修梵行已身壞命終感善趣報而來生此三十三天同時有諸先生天子乃起五種極愛樂事彼時又有一類天子作如是言快哉諸天子有四佛如來應供正等正覺出現世間宣說諸法利益天人損滅阿脩羅衆增益天衆彼時又有一類天子作如是言止諸天子非四佛如來應供正等正覺出現世間快哉諸天子有三佛如來應供

正等正覺出現世間宣說諸法利益天人損滅阿脩羅衆增益天衆彼時又有一類天子作如是言止諸天子非三佛如來應供正等正覺出現世間快哉諸天子有二佛如來應供正等正覺出現世間宣說諸法利益天人損滅阿脩羅衆增益天衆如是等事願佛爲說前五是時帝釋天主大梵天王在佛會中佛以是事告帝釋天主并天衆言汝等當知同一時中無處容受二佛如來應供正等正覺出現世間宣說諸法時帝釋天主并諸天衆聞

佛語已感生歡喜心意快然爾時世尊知彼
帝釋天主并諸天衆咸生歡喜即告衆言如
來應供正等正覺出現世間具足八種希有
之法汝等若欲聞者應當勝前發歡喜心起
忻樂意即時佛告帝釋天上言憍尸迦汝今
爲此天衆隨應樂說如來應供正等正覺八
希有法時帝釋天主承佛教勅宣說世尊八
希有法諸天子隨有如來應供正等正覺出
現世間決定損滅阿脩羅衆增益天衆能令
多人利益安樂如是利樂是爲希有復次諸

天子如來大師出現世間我不見於過去及
今現在而有別異是故如來應供正等正覺
出現世間宣說法教利益天人所謂破諸見
法離染污法順觀法潔白法了知諸受法除
憍慢法調伏渴流法破無明法斷依止法離
貪愛法寂滅法^{斯五}涅槃法如是宣說諸法^三是爲
希有復次諸天子如來大師出現世間我不
見於過去及今現在而有別異是故如來應
供正等正覺出現世間爲諸聲聞教示學法
謂所應修諸無瞋法以此緣故如來應供正

等正覺重重教示諸修行者應於曠野寂靜
等處修無諍行若行若住若坐若卧遠離憤
鬧及離誼繁隨自依止隨自色相隨自忻樂
隨自所愛勿雜他人隨自應行如是教示是
爲希有復次諸天子如來大師出現世間我
不見於過去及今現在而有別異是故如來
應供正等正覺出現世間雖復隨順受諸飲
食如來常得食中上味及得正味得第一味
得不離散味又復如來應供正等正覺所受
飲食遠離憍慢無住無著常離過失起正智

慧常欲出離復以此法教示一切是爲希有
復次諸天子如來大師出現世間我不見於
過去及今現在而有別異是故如來應供正
等正覺出現世間具足神通爲諸聲聞說神
通法教示開導使令修行如是教示是爲希
有復次諸天子如來大師出現世間我不見
於過去及今現在而有別異是故如來應供
正等正覺出現世間離諸疑惑亦離疑論於
善法中得無所畏如是離疑者是爲希有復
次諸天子如來大師出現世間我不見於過

去及今現在而有別異是故如來應供正等
正覺出現世間於諸法中如說能行如行能
說復以諸法教示開導使令修行如是教示
是爲希有復次諸天子如來大師出現世間
我不見於過去及今現在而有別異是故如
來應供正等正覺出現世間教示涅槃及涅
槃道增長充滿無有窮盡譬如旃伽河水閻
牟那河水流注大海增長無盡如來應供正
等正覺亦復如是教示涅槃及涅槃道善巧
宣說諸涅槃法及善安立使令修行增長無

盡如是教示者是爲希有諸天子如來大師
出現世間具足如是八種希有之法是故我
不見於過去及今現在而有別異是時彼天
子衆聞是說已又復勝前咸生歡喜心意快
然俱白帝釋天主言天主願爲我等重復宣
說彼如來應供正等正覺八種希有之法時
帝釋天主爲彼天衆第二宣說如來八希有
法復次諸天子隨有如來應供正等正覺出
現世間決定損滅阿修羅衆增益天衆能令
多人利益安樂如是利樂是爲希有諸天子

是故如來大師出現世間我不見於過去及
今現在而有別異如是如前廣說乃至如來
應供正等正覺出現世間教示涅槃及涅槃
道增長充滿無有窮盡譬如苑伽河水閻牟
那河水流注大海增長無盡如來應供正等
正覺亦復如是教示涅槃及涅槃道善巧宣
說諸涅槃法及善安立使令修行增長無盡
如是教示是為希有諸天子如來大師出現
世間具足如是八希有法是故我不見於過
去及今現在而有別異如是言已彼天子衆

又復勝前咸生歡喜心意快然爾時世尊知
天子衆又復勝前生歡喜已復告帝釋天主
言憍尸迦汝今重復宣說如來應供正等正
覺八希有法是時帝釋天主承佛教勅第三
復說八希有法復次諸天子隨有如來應供
正等正覺出現世間決定損減阿脩羅衆增
益天衆能令多人利益安樂如是利樂是為
希有諸天子是故如來大師出現世間我不
見於過去及今現在而有別異如是如前廣
說乃至如來應供正等正覺出現世間教示

涅槃及涅槃道增長充滿無有窮盡譬如瓊
伽河水閻牟那河水流注大海增長無盡如
來應供正等正覺亦復如是教示涅槃及涅
槃道善巧宣說諸涅槃法及善安立使令修
行增長無盡如是教示是為希有諸天子如
來大師出現世間具足如是八希有法是故
我不見於過去及今現在而有別異如是言
已時大梵天王知彼天衆又復勝前咸生歡
喜心意快然即說伽陀曰

帝釋天主并天衆 咸生如是歡喜心

永樂北藏

大堅固婆羅門緣起經

第七一册

歸命稱讚佛如來 善說如來希有法
昔見天中初生者 具足色相及威光
由於梵行名已修 得生彼天具勝力
時三十三天衆聞是伽陀已又復勝前咸生
歡喜心意快然爾時大梵天王知彼天衆又
復勝前生歡喜已即告衆言汝等若欲樂聞
如來應供正等正覺具大智慧於長夜中多
所利樂如是事者應當勝前發歡喜心起忻
樂意時彼天衆俱白大梵天王言善哉大梵
天王唯願廣說如來應供正等正覺具大智

慧於長夜中利樂等事時大梵天王即爲廣說如來大智往昔因緣時梵王言世尊乃往過去世中有一國王其名域主彼時有一婆羅門名曰堅固居輔相位爲王之師聰明大智具大才略善治國事王有太子名曰黎努王所愛念聰明大智復有大才善了衆事世尊彼黎努太子別有六人利帝利童子而爲伴友常所共會聚砂爲戲彼輔相堅固婆羅門亦有一子名曰護明深所愛念才智聰利凡所歷事無不洞明世尊而彼輔相叅治政

事頗經時歲其後一時忽趣命終王聞輔相堅固婆羅門已趣命終愁憂懊惱悲軫淚流撫膝驚惶癡悶如絕乃作是言我此輔相頗有才智叅治國政深爲良佐復常與我共所娛樂而忽命終我深苦惱時彼太子聞其父王爲輔相堅固婆羅門已趣命終愁憂懊惱悲軫淚流太子即時往詣王所到已白言父王勿須憂愁勿須涕泣何故自損癡悶如絕何以故父王當知堅固婆羅門有一長子名曰護明具有才智又復聰利若繼父位能曉

政事其父所解此子悉知今有此人王何憂惱王應密召隨事教詔以父所任當授其子時王聞已卽命使人乃謂之曰汝往護明童子所傳如是言王今召汝宜速來此使人受命卽時往詣護明童子所既到彼已具宣王勅令召於汝宜速往彼時護明童子聞使人言卽時來詣王所到已伸敬令一面坐時王歡喜重復慰諭作如是言我今如實教示於汝汝父喪逝雖復愁惱我今令汝繼其父位而爲輔相汝善爲我共治國政護明童子受

王教命卽繼父位乃爲輔相共治國政如父所作諸所應事悉如其父而無違失爾時國中婆羅門長者士庶人民知是事已咸作是言快哉護明童子汝父昔時名爲堅固子今繼位克廣前業我等稱汝名大堅固其本名字爲護明者以火中出因緣立號從今已後稱大堅固世尊爾時輔相大堅固婆羅門爲相未久卽時往詣六人利帝利童子所到已謂言汝諸童子宜應往彼黎努太子所告於彼言太子若有苦惱汝我同受若有快樂汝

我同慶汝有歸趣我亦有歸今汝父王年登
壽考進止羸劣世難知者所謂壽命一旦去
世我等何歸汝今當知有諸臣佐共相評議
王去世後必當與汝受王灌頂汝若紹位當
以國土與我分治是時六人童子聞輔相大
堅固婆羅門如是言已即時往詣黎努太子^{新五}
所既到彼已具如上說時太子言諸童子若
我更生之日或有臣佐立我嗣位與授灌頂
我於爾時不忘汝等所有國土與汝分治設
有樂事與汝共受後域主王復經久時忽趣

命終時諸臣佐詣太子所到已白言太子當
知我等諸臣授汝灌頂汝今時至宜紹王位
時黎努太子謂臣佐言汝等若能立我嗣位
其或堪任今正是時時諸臣佐即為敷置妙
師子座太子處于座上以妙香水灌注其頂
作如是言天子汝今時至堪嗣王位我等諸
臣奉王灌頂王灌頂已善治國政世尊時黎
努王受灌頂已未久之間五欲自娛遊戲自
在於是輔相大堅固婆羅門往詣六人童子
所到已告言汝等當知黎努太子已受灌頂

處於王位未久之間五欲娛樂遊戲自在王
昔有言與汝分治國土汝等今時宜應往彼
黎努王所作如是言王昔許我畫壤分治汝
王今時能不忘不時六童子聞輔相大堅固
婆羅門言已即共往詣黎努王所具如上說
世尊時黎努王告六童子言如先所約我記
是言我今當以此之國土等為七分與汝六
人各各分治如是言已時六童子俱白王言
若王記其言者斯為甚善願王速召輔相大
堅固婆羅門令彼如王教勅申畫疆境彼人

聰利智慧明了堪為準的時黎努王乃命使
人即謂之言汝往輔相大堅固婆羅門所作
如是言王今召汝汝今宜應速至王所使人
受命即詣輔相大堅固婆羅門所到已如應
宣示王言汝今宜應速至王所

佛說大堅固婆羅門緣起經卷上

佛說大堅固婆羅門緣起經卷下

宋西天三藏朝奉大夫試者祿御傳法大師德護奉詔譯

爾時輔相大堅固婆羅門即時來詣黎努王所到已伸敬退坐一面時王歡喜願賜慰安輔相亦復肅恭對答王言大堅固汝今為我度此國境分為七分我與六人童子各各分理是時輔相受王命已即時度量分此地界正北北隅其界廣闊正南南隅其界狹略猶如車形中央境土多人聚處黎努王居所有迦陵諶國捺多布囉城摩溼摩迦國裏怛那

城晚帝那國摩呬沙摩城蘇尾囉國勞嚕迦城彌體羅國尾提呬城摩伽陀國瞻波大城波羅奈國迦尸大城如是七國各分界已時六人童子於彼彼處受王灌頂各各為王統理一處從是已後乃有七王所謂黎努王破窻王梵授王勝尊王明愛王持國王^十大持國王如是七王各分統已後時六王又復集會共詣輔相婆羅門所到已謂言大堅固如汝所有智謀才略助佐黎努大王我等六王願汝同彼亦相贊助輔相婆羅門聞是言已同

佐七王諸所有事悉共參議爾時輔相婆羅門其後又復教授七千婆羅門誦彼經典教授七千婆羅門讀彼經典時諸長者婆羅門士庶人民咸知咸見輔相婆羅門如是才智互相議言此大堅固是為真實大婆羅門復能與諸婆羅門眾教授讀誦圍陀典章是時輔相婆羅門聞眾議已作是念言此諸婆羅門長者士庶人民處處相聚參議於我假以稱揚謂我才智又復目我而為真實大婆羅門此非我宜我且自觀實非真實大婆羅門

我今不復與諸婆羅門教授讀誦圍陀典章正使廣知誠非我善况復世間我身色相而不久住我昔曾聞先德耆舊大婆羅門智者所說婆羅門法中於夏四月寂止一處修悲禪觀彼觀若成大梵天王當來現身施所求願若如是事是我所樂我應如說修此禪觀十一如是言念已時輔相婆羅門將欲於夏四月中寂止一處修悲禪觀即詣黎努王所到已白言大王我今樂欲夏四月中寂止一處修悲禪觀願王聽許時黎努王言大堅固隨汝

所欲今正是時爾時輔相婆羅門得王許已
詣寂靜處諦心專注於夏四月中修悲禪觀
過夏四月已當苾芻布薩白月十五日即於
彼處依婆羅門法以新瞿摩夷先塗其地然
作四方火壇其壇中心復作火爐時輔相婆
羅門沐浴其身著新淨衣從北而上至壇南
界擲吉祥草徧覆壇地面北而坐執辛魯罇
施作火事以祀梵天爾時輔相婆羅門作法
未久忽於北方有大光相輔相婆羅門見是
光已生希有心身毛喜豎轉復肅恭諦心而

住其光熾盛昔所未見爾時大梵天王現光
未久從此而來虛空中住其輔相婆羅門一
心歡喜仰觀虛空乃見大梵天王處于空中
即時合掌頂禮修無我者又如大梵所說心
住一境我聞其言亦解是義謂有一類修定
行者內心清淨住一境性無尋無伺定生喜
樂證二禪定具足所行此即名為心住一境
又如大梵所說悲解脫者我聞其言亦解是
義謂有一類修悲行者以悲俱時所生之心
先於東方遍運悲心其心廣大具足所行平

等無二亦無限量無冤無惱如是東方行已
南西北方四維上下一切世界廣運悲心具
足所行亦復如是此即名為悲解脫者又如
大梵說言離諸欲染煩惱除者我聞其言不
解是義大梵何等為煩惱云何人中能令煩
惱而得清淨斷五諸煩惱海充滿流注是十二中云何
令修行者得生最靜彼梵天界爾時大梵天
王即說伽陀荅輔相婆羅門曰
貪瞋癡慢疑忿覆 惱害誑妄并慳嫉
起此染法及謗他 是等名為諸煩惱

永樂北藏

大堅固婆羅門緣起經

第七一册

遠離如是諸煩惱 即於人中得清淨
諸煩惱海塞其源 得生最靜梵天界
時輔相婆羅門白大梵天王言如大梵所說
諸煩惱法我聞其言了解是義我若在家一
向纏縛我若出家一向離過當修清淨正白
梵行何以故有生皆滅人命短促若不覺知
死墮惡趣是故我今自知自覺宜善修作行
正梵行不復世間造諸惡業大梵我今捨家
而求出家惟願大梵知我心意大梵天王言
如汝所欲今正是時爾時空中所現大梵天

王作是言已隱而不現復次會中五髻乾闥
 婆王子前白佛言世尊我於今日聞此梵王
 於世尊前說因緣事我忽思念彼時輔相大
 堅固婆羅門者豈非即是佛世尊耶佛告五
 髻乾闥婆王子言如是如是彼時輔相大堅
 固婆羅門者即我身是我念往昔彼輔相大
 堅固婆羅門出家等事汝曾聞不五髻荅言
 不也世尊我昔未聞佛說伽陀曰
 威神色相光明具 是何聖者現空中
 我今雖見不能知 惟願如實為我說

爾時大梵天王即說伽陀荅輔相婆羅門曰
 彼諸淨行者悉知 我於梵界而常住
 又復諸天知我名 汝婆羅門應自審
 輔相婆羅門復說伽陀曰
 所須淨水及座位 酥蜜乳粥味中勝
 最初奉獻我專心 惟願梵王哀納受
 大梵天王復說伽陀曰
 所須淨水及座位 酥蜜乳粥味中勝
 汝婆羅門最初獻 我今如應為汝受
 輔相婆羅門說伽陀曰

五欲諸境名此界 得生梵世名他界
我忻是義發問端 惟願梵王聽許我

大梵天王說伽陀曰

此界他界二義中 隨汝所樂恣汝問

我今聽許悉無疑 汝問云何當速說

爾時輔相婆羅門即作是念我於今時欲解
疑惑先以何義問彼梵王為問此界義由何
發起耶為問他界義由何得生耶輔相婆羅
門又復審思此界義者謂由五欲發起此不
應問我今當以生他界義問彼梵王作是念

已即問大梵天王言勇猛清淨者大梵天王
我今問汝願解疑惑大梵人中若欲求生寂
靜梵天界者當修何行而能得生爾時大梵
天王即說伽陀答輔相婆羅門曰

修無我者即淨行 心住一境悲解脫

離諸欲染煩惱除 此等得生於梵界

時輔相婆羅門白大梵天王言如大梵所說
伽陀中言修無我者是即淨行我於此義已
能解了謂一類人起正信心修出家法剃除
鬚髮被袈裟衣捨諸富樂若少若多智能隨

轉若高族中若下族由其心平等離諸取著
但持三衣一鉢餘無所有於諸學中教授學
法身語意業具足清淨淨命自資離諸過失
如是名為言五髻我今次第為汝宣說五髻
彼時輔相大堅固婆羅門作火事已往詣黎
努王所到已跪拜恭向王前說伽陀曰
我有意願今啓白 黎努大王國界主
我捨相位求出家 願王自理國政事
爾時黎努大王即說伽陀答輔相曰
汝若闕少所須用 一切欲者我當與

若人燒汝今速言 我以王法為治罰
汝如我父我如子 汝我相助豈相離
汝雖為相亦我師 何故于今發是語
輔相婆羅門說伽陀曰
我諸所用無闕乏 亦非他人相燒惱
但為我聞真實言新 發出家心無改轉十五
黎努大王說伽陀曰
非人所說何真實 何故信聽如是言
勿將斯語以為真 棄輔相位求出家
輔相婆羅門說伽陀曰

天子我先作火事 勇發清淨專注心
依法布壇火祀天 以吉祥草而作用
大梵天王大仙聖 應我所求即現身
我聞彼說真實言 是故堅發出家意
黎努大王說伽陀曰

如汝輔相善所說 我今悉能生信解
汝既得聞先聖言 此出家心何能轉
汝心猶如虛空淨 復如淨妙瑠璃寶
如汝所修我亦隨 我因汝故得開悟
時黎努王說伽陀已又作是言大堅固汝心

清淨樂修善行隨汝所欲汝有歸趣我亦有
歸時輔相婆羅門復說伽陀前白王曰

汝王當捨諸欲境 若執著者即愚夫
應發堅固離著心 三摩四多忍力具
此所悟者清淨乘 此清淨道真常住

此所宣說正法門 由此得生梵天界
五髻彼分理諸國者六土聞輔相婆羅門捨
輔相位樂求出家即集六王共在一處時輔
相婆羅門乃自往詣彼六王所到已跪拜白
諸王言諸王當知我今欲捨彼輔相位惟願

諸王各各別求助國政者設有授學別依師
範我今樂欲出家修道何以故我於大梵天
王所聞真實言謂煩惱法應當捨離從是已
後不樂在家一向纏縛我若出家一向離過
當修清淨正白梵行何以故有生皆滅人命
短促若不覺知死墮惡趣是故我今自知自
覺宜善修作行正梵行不復世間造諸惡業
時彼六王咸共議言此輔相婆羅門何故棄
捨富貴而求出家婆羅門中亦有愛樂於富
貴者我等應當以富貴事勸請彼人令勿出

家爾時六王共議已咸謂輔相婆羅門言
我等六王以富貴事一切所欲勸請於汝然
今我等所有富貴皆是依法而得言已即出
廣多財寶諸富樂具授與輔相婆羅門時輔
相婆羅門白六王言大王今此財寶諸富樂
具我悉自有一切豐足然我所有亦依法得
我自所有尚悉棄捨况復于今受諸王賜我
今決定志求出家何以故我於大梵天王所
聞真實言謂煩惱法應當捨離如是乃至如
前廣說五髻時彼六王復相議言婆羅門中

亦有愛樂姝妙妓女我等應當與彼令受爾
時六王共叅議已即以姝妙妓女與輔相婆
羅門王言我此妓女色相殊麗肌體充實容
止可觀復多能解汝宜納受勿復出家時輔
相婆羅門白六王言大王我家自有四十妻
室色相殊麗肌體充實容止可觀端正齊等
雖復自有尚悉棄捨况復于今受諸王賜我
今決定志求出家何以故我於大梵天王所
聞真實言謂煩惱法應當捨離如是乃至如
前廣說五髻時彼六王咸謂輔相婆羅門言

汝今堅欲求出家者且復更俟過七年後我
等諸王子孫及弟各成立已我等亦當隨汝
出家汝大堅固若有歸趣我等諸王亦有所
歸時輔相婆羅門白六王言若候七年極爲
久遠我今堅志願速出家何以故我於大梵
天王所聞真實言謂煩惱法應當捨離如是
乃至如前廣說六王又言汝大堅固若不爾
者更俟六年或復五年乃至一年輔相答言
若候一年極爲久遠我今堅志願速出家六
王又言若不爾者更俟七月輔相答言若候

七月極爲久遠我今堅志願速出家六王又
言若不爾者或復六月乃至半月輔相荅言
若候半月極爲久遠我今堅志願速出家六
王又言若不爾者更俟七日輔相荅言大王
若候七日斯爲可爾我所出家捨苦從樂今
正是時五髻爾時輔相婆羅門往詣七千教
誦經典婆羅門及七千教誦經典婆羅門所
到已普告一萬四千諸婆羅門言善來善來
諸婆羅門衆汝等所有園陀典章若讀若誦
從今已後各別求師而利教習我今出家無

能教汝何以故我於大梵天王所聞真實言
謂煩惱法應當捨離從是已後不樂在家一
向纏縛我若出家一向離過當修清淨正白
梵行何以故有生皆滅人命短促若不覺知
死墮惡趣是故我今自知自覺宜善修作行
正梵行不復世間造諸惡業時彼一萬四千
婆羅門衆俱白輔相婆羅門言我師智者勿
宜出家何以故夫出家者少其義利少其威
德少有稱譽若彼婆羅門者有大義利有大
威德有大稱譽時輔相婆羅門告彼一萬四

千婆羅門言汝婆羅門莫作是語莫作是語
汝等當知夫出家者有大義利有大威德有
大稱譽而婆羅門者少其義利少其威德少
有稱譽如汝諸婆羅門有所知解一切皆從
師授為緣是故汝等勿生異見時彼一萬四
千婆羅門眾俱白輔相婆羅門言如師所說
如是如是夫出家者有大義利有大威德有
大稱譽乃至我等有所知解一切皆從師授
為緣汝師今時若有歸趣我亦有歸時輔相
婆羅門復告一萬四千諸婆羅門言我所出

家捨苦從樂今正是時時輔相婆羅門還詣
自舍四十妻所謂諸妻言善來善來汝等各
各當詣彼彼親族中去或復樂住別婆羅門
族我今捨汝志求出家何以故我於大梵天
王所聞真實言謂煩惱法應當捨離從是已
後不樂在家一向纏縛我若出家十九一向離過
當修清淨正白梵行何以故有生皆滅人命
短促若不覺知死墮惡趣是故我今自知自
覺宜善修作行正梵行不復世間造諸惡業
時四十妻俱白輔相婆羅門言汝大堅固應

為師尊時汝即是師尊應為夫主時汝即是夫主應為善友時汝即是善友今隨汝所欲汝有歸趣我亦有歸時輔相婆羅門復謂四十妻言我所出家捨苦從樂今正是時五髻爾時輔相婆羅門所應告語遍告語已於七日中正信堅固歸佛出家鬚髮自落袈裟著身成苾芻相威儀具足輔相婆羅門既出家已時彼七王悉捨國境亦隨出家所有七千教誦婆羅門亦隨出家彼四十妻亦隨出家是時復有無數百千諸人民眾各各隨喜悉

樂出家五髻時輔相大堅固婆羅門遠離諸欲證阿羅漢果證聖果已復為同梵行者說諸聲聞種類法門彼聞法已解了其義當生梵界是時大堅固聲聞復為諸同修梵行者說諸聲聞種類法門彼聞法已解了其義得生欲界四大王天又有一類同梵行者聞法悟解生三十三天或有一類同梵行者生夜摩天或有一類生兜率天或有一類生化樂天或有一類生他化自在天五髻彼時會中若男若女及同梵行者或於大堅固聲聞起

過失心者身壞命終墮地獄中彼時會中若
 男若女及同梵行者於大堅固聲聞起淨信
 心者身壞命終得生天界五髻彼時大堅固
 聲聞周行城邑聚落境界普為一切若王若
 臣若長者若婆羅門乃至士庶人民教化利
 益令捨邪道是時國中王臣長者諸婆羅門
 修梵行者及在家者乃至一切士庶人民咸
 作是言歸命聖者大堅固七王輔相快哉今
 日得大善利如是世尊宣說往昔因緣事已
 五髻乾闥婆王子心生歡喜速塵離垢得法

眼淨佛說此經已五髻乾闥婆王子等一切
 大眾聞佛所說皆大歡喜信受奉行

佛說大堅固婆羅門緣起經卷下

音釋

誼許元切 疏梵語也此云天堂來 溼失
切 寢補刀

永樂北藏

大堅固婆羅門緣起經

第七一册

佛說巨力長者所問大乘經卷上中下 斯六

宋西天同譯經實法大師慧覺沙門智吉祥等奉 詔譯

如是我聞一時世尊在舍衛國祇陀園林給
孤獨舍與大比丘眾千二百五十人俱皆是
阿羅漢一切漏盡離煩惱縛心善解脫慧善
解脫如大龍王神用變化諸所應作無所未
辦除去重擔逮得已利心智解脫諸法自在
善能修習到彼岸行復有尊者阿難多聞利
根而為上首復有五百菩薩摩訶薩得諸陀
羅尼住三摩地俱在眾中爾時舍衛大城有

一長者名曰巨力色相具足名稱遠聞而是
長者其家巨富多諸金銀瑠璃碑磔碼碼珊
瑚琥珀大摩尼珠奇妙珍寶種種庫藏悉皆
盈溢資財五穀不可算數一切受用珍玩之
具隨意滿足凡欲所須亦無闕乏出入息利
周徧他國無處不有其諸驅役奴婢僕從執
作吏人象馬車乘亦復眾多於是長者所居
之地壯麗嚴雅重門樓閣堂房舍宇雜寶間
飾光明互照園苑池沼奇異花果盡集其中
種種莊嚴餘無可比姝女妓樂悉皆上妙唯

除王者餘無所及長者於中極受娛樂晝夜
六時曾無有間於是長者復有五百長者以
為弼輔主執珍寶守持庫藏資生之具爾時
巨力長者忽於一時善根成熟心生覺悟即
自念言浮世匪堅如夢所見一切色相終歸
磨滅而此身者體性本空亦復敗壞五欲樂
因增生苦果群盲迷倒無解脫時即於是時
呼諸長者皆來集坐告彼衆人皆應寂靜各
各諦聽一切諸法緣聚而生緣散而滅體性
非實終歸敗壞衆生妄念起諸分別執有我

身及我眷屬不知無常剎那生滅錢財屋宅
翻成他有愚癡自大造五趣因結業既成受
諸異報惡道易往善趣難生汝等當知人身
難得今更若能於剎那頃發生正念斯謂為
難汝諸長者還能知彼諸佛如來出興世間
難得值遇斯大既生佛國信心不退二此亦為難於
佛正教起信向心厭離世俗出家為難雖復
出家能修比丘清淨梵行息除惡緣而是為
難晝夜精勤習諸禪那遠離散亂亦復為難
若性聰慧善能分別諸法真偽此則為難今

得爲人復遇善王息諸鬪諍住安樂地亦甚
爲難若諸衆生修諸功德生如來國心常堅
固是亦爲難又諸衆生能以方便善巧語言
種種勸誘諸善知識營修福業往詣佛所親
近供養是則爲難若有衆生遠離貧窮鮮薄
愚癡多諸福慧生佛國土於衆人中能作種
種莊嚴佛事此則爲難若有衆生於聲聞乘
精進禁戒欲求解脫於辟支佛乘欲求解脫
於無上乘欲求解脫真實爲難爾時巨力長
者說是三乘及諸事已謂衆人言如我所說

應生覺悟了達色相不得堅固是時坐中五
百長者聞說是事如昏醉人殊無醒覺于時
衆中有一長者從坐而起白巨力長者言我
等今者咸皆有疑云何名爲聲聞緣覺及無
上乘云何世間所有色相五欲樂具體性不
堅利那生滅重爲我等分別解說願樂欲聞
爾時巨力長者語彼長者及衆人言今此舍
衛大城於祇陀林給孤精舍有佛世尊三明
六通具八解脫十力四無所畏十八不共功
德具足名一切智號天人師在彼集會爲衆

說法決衆疑網我與汝等可共俱往親近供養請問如來如是妙法時五百長者聞如是說各各歡喜踊躍無量持妙香花種種珍寶從巨力長者俱詣佛所右遶三匝頂禮佛足恭敬供養歌詠讚歎退坐一面爾時世尊觀彼長者等善根成熟堪受勝法告巨力長者并五百長者言汝等何因而來至此爾時衆中有一長者從坐而起偏袒右肩右膝著地合掌恭敬讚歎世尊而作是言我等先聞巨力長者方便教示世間色相五欲樂具性不

堅實會歸磨滅乃至廣說今此人身甚爲難得若復能於一刹那頃發生正念斷邪妄心斯亦爲難諸佛如來出興世間值遇亦難旣生佛國須具信心斯亦爲難於佛正教起信向心厭離世俗忻求出家此亦爲難雖復出家能修比丘清淨梵行息諸惡緣是則爲難晝夜精勤習諸禪那遠離散亂亦復爲難若性聰慧善能分別諸法真僞此則爲難今得爲人復遇善王息諸鬭諍住安樂地亦甚爲難若諸衆生修諸功德生如來國是亦爲難

又諸衆生能以方便善巧語言種種勸誘諸善知識營修福業往詣佛所親近供養是則爲難若有衆生多諸福慧生佛國土能作種種莊嚴佛事此則爲難若有衆生於聲聞乘辟支佛乘及無上乘欲求解脫真實爲難是時巨力長者爲我等輩說世間法乃至三乘新六及諸難事我等雖聞皆不曉悟各各願樂親近如來應正等覺有神通具一切智惟願慈悲廣爲我等開示演說三乘妙法及諸難事世間人身色相五欲虛幻不實終歸磨滅

令諸聞者悟生滅相究竟修行菩薩聖道皆得發生阿耨多羅三藐三菩提心爾時世尊告彼長者等言善哉善哉諸善男子汝等善能請問如來三乘妙法及諸難事色相幻化五欲不堅汝等諦聽善思念之如來應正等覺出現世間隨衆生性說三乘法方便開示種種譬喻稱彼根宜信解曉悟令各漸證清淨涅槃若有衆生有如來性於無上乘善根成熟聞佛演說阿耨多羅三藐三菩提法心無怯畏愛樂忻求智慧明了精進修學雖遇

苦緣冤家逼害堅固不退究竟證於無上菩提若諸衆生於辟支佛乘善根成熟聞佛說於十二因緣流轉還滅順逆觀行諦了無疑深生信解或因世間四時榮謝覺悟無常獨證聖果若諸衆生於聲聞乘善根成熟聞佛說於四聖諦法隨有所解知苦斷集證滅修斯六道四向四果證於無學如是三乘權實頓漸各隨衆生根器大小愛樂修學遠離生死解脫安樂爾時巨力長者并五百長者聞佛所說咸皆歡喜踴躍無量同聲讚言善哉善哉

能仁大士善能演說三乘妙法我等今者願樂欲聞無上大乘甚深法義秘密之行種種言辭方便譬喻令我等輩於阿耨多羅三藐三菩提法而無疑惑深生信解堅固修學終證菩提心無退捨爾時世尊告巨力長者并諸長者言彼無上乘最勝深法是菩薩摩訶薩大智大悲所行之道非諸聲聞及獨覺人安足處所故凡夫人難信難解汝等當知合掌諦聽善男子若諸衆生住本性中於無上乘欲求修習當於一切有情起大悲心平等

救護愛念攝受如己師長如己父母兒女眷屬親愛憐愍以清淨心設廣大施見裸露者施之衣服見飢渴者施之飲食見貧窮者施以資財見病苦者施以良藥牀敷卧具田園屋宅上妙珍寶花鬘瓔珞末香塗香諸供養具乃至男女眷屬及自身命行於布施為趨菩提心無憍惜不由他教性自修習檀波羅蜜若見衆生不樂佛法不行正道毀訾三乘住於邪見斷絕善根縱貪瞋癡造諸罪業命終當墮那落迦中及諸惡趣受種種苦無有

休息而是修行無上乘者於彼有情起大悲心眷念憐愍不惜身命發大誓願往彼諸趣苦有情所方便語言說種種法化彼有情發菩提心續諸善念厭苦報身忻菩薩行令於未來同志修習清淨施行堅固無失亦以資財飲食衣服自身肢體及親眷屬花鬘瓔珞牀敷卧具末香塗香資生之具了悟色空心無耽著悉能捐捨志樂自求阿耨多羅三藐三菩提法亦復展轉化諸有情同修勝行若有衆生求無上乘心無下劣堅固修習尸波

羅蜜有大願力修持淨戒清淨無染非有毀
犯於三種戒漸次修學行住坐卧威儀具足
調伏三毒蜜護諸根魔境現前心速覺悟不
生愛樂雖遇惡人及諸冤對勢力逼遣而此
行人心住正念設有所犯無愛著心身語意
業離過清淨於諸善法遍能習學於諸有情
悉皆饒益遠離損害於諸聲聞及辟支佛作
無作戒無片捨心乃至世間人天善戒亦能
守護若有衆生求無上乘行忍辱行成就修
習羈波羅蜜願恚輕微性自柔軟於諸有情

多所饒益遇諸冤家訶罵捶打苦言加謗而
是行人不生怨怒歡喜任持或遭寒熱貧病
困乏諸逼迫事為趨菩提安受衆苦設有惡
人欲相謀害復加凌辱損惱身命而是行人
觀諸有情緣生幻有利那滅謝不見有情唯
存空法故不起心還生逆害若有衆生求無
上乘為欲成就毘梨耶波羅蜜勇捍進求菩
薩勝法始從發起大菩提心習諸正行雖遇
苦緣未嘗退怠煩惱冤賊競相損害被精進
甲禦捍令伏心常勇猛無諸怯畏經歷長時

堅固不退若有衆生求無上乘寂靜修學禪
那波羅蜜止息散亂正念現前調暢身心速
離麤重沉掉障染適悅輕安正智顯現若有
衆生求無上乘心自聰敏性能修習般若波
羅蜜多智慧明了博達真偽方便開導善巧
分別邪正因果愚癡闇鈍障染輕微若有衆
生爲求阿耨多羅三藐三菩提法心常平等
離冤親相不生分別若見衆生行於布施及
不布施心無愛惡若見衆生守護淨戒及有
毀犯亦無愛惡若見衆生修忍辱行及不忍

辱能行精進及不精進修諸禪那無禪那者
智慧明了愚癡闇鈍於如是等諸衆生類離
分別相皆無愛惡彼此高下平等所觀謂此
諸法本無差別同一法界無別自性摩訶衍
義最上菩提是諸如來圓滿妙智若有衆生
於無上乘起一念信乃至發心求於阿耨多
羅三藐三菩提即此是名向如來家住菩薩
地爾時巨力長者并五百長者等聞佛所說
如是妙法歡喜踴躍得未曾有而白佛言大
悲世尊善爲我等分別演說大乘法要令我

等輩深生信解愛樂修學若諸衆生爲求無上最勝大乘不惜身命捐捨舍宅資財寶物及諸眷屬飲食衣服牀敷卧具花鬘瓔珞末香塗香及以種種諸供養具我等今者皆願學彼諸菩薩人求無上乘修菩提行不惜身命及諸眷屬上妙珍寶資生之具布施供養及行菩薩諸波羅密惟願如來應正等覺爲我等輩攝受證知令不忘失爾時世尊告巨力長者并諸長者言汝等諦聽若有衆生爲求菩提悲愍有情雖復布施不求富貴雖復

持戒不求端嚴雖復忍辱不求眷屬雖復精進禪定智慧爲愍衆生求無上乘不爲世間輪迴因果若有衆生利根智慧了達世間色身五欲生滅幻化但有假名無實體性觀其身相卯胎濕化假和合成如沫如泡乍生乍滅衆生妄念謂得久居復觀此身由如陽焰本無實體從渴愛生妄情爲水亦如芭蕉體無堅實今此身者畢竟是幻從顛倒生虛假浮脆亦如曠野空無所有亦如行廁穢污充滿一身九竅常流不淨亦如穢井滿中臭惡

深可厭惡又如冤賊亦如毒蛇甚不可愛五
欲煩惱由若瀑流漂溺有情入生死海汨沒
流轉難有出期汝等今者親近如來學菩薩
行猷離世間五欲塵勞色身敗壞一切不堅
求於無上最勝大乘漸次修習諸波羅蜜欲
證解脫甚為難得

斯六

九

佛說巨力長者所問大乘經卷上

佛說巨力長者所問大乘經卷中

宋西天同譯經實法大師賜號法門智意尊者奉

詔譯

爾時世尊復告巨力長者及諸長者言汝等
宿植善本信根堅固欲學菩薩摩訶薩所修
之行伏斷障染求證菩提應當觀彼諸有情
類從無始來輪迴流轉受苦報身經歷多生
不可限數而此色身無有堅實如幻如化是
諸有情顛倒妄念構造業因外藉眾緣積集
成就如水為冰及如聚沫五蘊四大先業為
因招感勢力積集諸種住識藏中假彼父母

情愛和合貪喜俱極最後各出濃厚精血號
羯羅藍識依於彼最初而住以至後時精血
交結不淨凝成處於胎中所歷諸位業風內
吹肢相增長由業勢力漸漸所資色身四大
諸根具足心識煩惱亦共俱生既離胎胞外
風所觸楚痛發聲於一切境不能明了風緣
動轉有出入息飲嗽母乳結生便利心識現
行生諸分別耽眾食味資益諸根皮膚血肉
腸胃骨髓髮毛爪齒涕唾便利身形肢體好
醜之相從自業因受諸異報貪瞋癡慢煩惱

隨逐於寃親境妄生違順五欲色相縱意染
著於業報身復增業報密近惡友踈慢尊親
於菩薩人及真實法心不愛樂亦不餐採恣
任遇癡造作諸惡嗔恚暴害詔曲嫉妬忿戾
鬪諍捶打罵辱損惱有情於男女色橫生染
著如繩縛物不相捨離於自身相不念無常
謂得長時永無殞謝於諸資財及以珍寶多
求積聚而無厭足塵勞垢染覆蓋心識不修
智慧增長無明不覺世間男女色相及以自
身五根四大雜染所起由顛倒緣墮不淨處

皮膚血肉髮毛爪齒本無自相從彼貪愛結業所生流轉輪迴因緣不斷生死苦果無暫停息煩惱業火燒逼身心於晝夜時未嘗安適愚盲闇鈍懈怠放逸不樂菩提違背聖道於自心垢不求清淨身常倨傲心意貢高誣謗因果輕毀賢善於有為相虛幻空法不覺不知如是無智諸有情類處生死海無有出期汝諸長者於如是事應悉覺悟了知色相珍玩資具男女眷屬假緣而有相會暫時眷念方隆已歸磨滅五蘊身相本性皆空由諸

妄因受諸異報如夢中人歷種種事覺已皆空都無所有是故菩薩摩訶薩志求阿耨多羅三藐三菩提於諸色相覺悟解脫障染輕微智慧明了雖發大願往諸趣中受種種身為化衆生心無顛倒如是乃至徧十方利隨順衆生作諸事業^{斯六}布施軟語利行同事方便攝受饒益有情捨邪見家入於正道修諸善行同趣大乘遠至菩提誓無退屈善男子菩薩摩訶薩為求阿耨多羅三藐三菩提身心清淨得四總持於名句義印忍不忘諦審思

惟達彼真實諸法自性菩薩摩訶薩身心清
淨於諸有情平等任持不生冤親憎愛分別
菩薩摩訶薩身心清淨不著世間上妙美食
唯餐法喜禪悅之味菩薩摩訶薩身心清淨
觀諸世間一切有為生滅之相皆是虛妄無
有真實菩薩摩訶薩身心清淨孝養父母敬
順師長承受教誨無輕慢心菩薩摩訶薩身
心清淨生於上族為大國王正法化民息除
鬪諍菩薩摩訶薩身心清淨遠離暴害屠兒
魁膾諸惡律儀旃陀羅行少欲知足無不與

取常修梵行絕愛染心菩薩摩訶薩身心清
淨言語真實離於虛妄音聲清徹令人樂聞
說法如泉流注不斷菩薩摩訶薩身心清淨
善能調伏貪嗔癡等於三有果心不染著苦
法法具亦不捨離智慧現前心常明了菩薩
摩訶薩身心清淨四等六度晝夜修習乃至
長時無少疲倦八萬四千煩惱塵勞一一對
治生諸功德菩薩摩訶薩身心清淨不著善
提不厭生滅於諸法中心得自在或入流轉
或證涅槃菩薩摩訶薩身心清淨於今佛說

最上大乘深生愛樂及能憶念過去諸佛甚
深經典任持不忘亦能宣轉諸佛法輪如大
江河流注無盡菩薩摩訶薩身心清淨遠離
諂曲憍慢嫉妬惡獸毒蟲畢舍遮行慈愛有
情不生損惱菩薩摩訶薩身心清淨不貪資
具不念飲食不捨貧乏及與孤露所生之處
斯六
資財豐足眷屬成就身相端正有大威德菩
薩摩訶薩身心清淨於一切樂無不了知於
一切苦無不解脫生老病死親愛別離所欲
難得仇讎會遇衆苦現前悉能曉了不爲惱

觸觀諸有情及以色相如夢如幻無有堅固
汝諸長者隨其所聞當如是知諸大菩薩身
心清淨四大五蘊色身空聚畢竟非實爾時
世尊復告巨力長者等言善男子如是菩薩
摩訶薩於生死界其所愛身為緣有情示現
形相無有希求於種種境遠離愛染身心平
等無取無捨常作善事利益安樂饒益衆生
未嘗懈廢所有壽命於三界中或增或減隨
順衆生所樂差別爲令覺悟心無所欲於諸
衆生平等一觀於諸世中上妙珍寶受用之

具金銀庫藏錢財穀米衣服飲食牀榻卧具
塗香末香花鬘瓔珞姝女眷屬一切世間種
種上妙嚴飾之具於自所有色身壽命而是
菩薩摩訶薩悉無愛戀若有衆生而來求乞
錢財穀米金銀庫藏珍妙之物衣服飲食牀
榻卧具塗香末香花鬘瓔珞男子姝女内外
眷屬色身壽命悉皆能捨未嘗有心於判那
頃暫生慳悋何以故是菩薩摩訶薩久悟虛
幻於生滅相而無染著為欲圓滿六波羅蜜
到於彼岸度脫衆生亦離苦際是故於此生

滅因緣虛幻境相唯求遠離無心取著故無
悋惜善男子當知菩薩摩訶薩如是脩行六
到彼岸微妙勝行精進長時無少懈怠即當
速得成就無上正等菩提永契真常心無退
轉爾時世尊為諸長者重宣此義而說偈言
善哉長者汝等當知是菩薩人於生滅法
種種身相種種壽命嚴飾之具姝女眷屬
為欲圓滿六波羅蜜轉化衆生遠離苦際
於此所有皆不愛著汝善男子歡喜諦聽
於菩薩行當勤修習勿以貪嗔煩惱繩索

晝夜繫縛淪墮三塗無有休息汝善男子
是身猶如飲食之器內外之間常令清淨
諸惡毒物不令入中叅諸上味若有飲噉
損壞色身及與壽命身中若有貪瞋癡等
煩惱毒藥叅諸法味衆生飲噉損壞法身
及與慧命汝善男子一切衆生無始時來
少有智慧如彼嬰兒但念乳食餘無知見
於諸境相不能分別生滅過患由因感果
果復造因智不現前心常癡暗唯貪飲食
資益四大常處夢中而無醒覺於佛教法

心無修習猶如醉人言無義味於五欲境
未嘗遠離晝夜邪思唯增苦惱愁憂積集
身心放逸縱無明流入生死海漂沉汨沒
受諸業報飢寒困苦羸瘦憔悴遠於彼岸
不能解脫此諸衆生從久遠來於自真心
塵惑所昏不能覺悟故於幻境貪愛染著
汝諸長者當知已身假因緣成無有堅固
但由業力造作招集生死輪迴受諸異報
循環遠劫無解脫時智者觀之深心厭捨
凡夫愚昧不念無常著我著人專自逸樂

不親善友 自構業緣 身壞命終 當墮地獄
輪轉三界 受諸苦惱 大火逼身 逃竄無地
諸佛大悲 哀愍世間 自無信心 亦難救護
智者自知 色身虛幻 無有真實 但由業因
之所招集 根塵大種 和合積聚 假名為身
如沫如泡 畢竟無體 膿血敗壞 何所愛著
是故當知 於此聚中 作不淨觀 深生厭離
勤修聖法 趣不壞身 遠離眾惡 近善知識
信最上乘 修善提行 廣修福慧 生佛國中
身心安樂 清淨無畏 以微妙衣 及上飲食

牀榻卧具 花鬘瓔珞 無價寶香 種種資具
充足無乏 以清淨心 歡喜供養 慚愧勝解
希除罪業 增長福智 如是之人 百千劫中
於無上乘 發生信解 漸以覺悟 實性真空
本來寂靜 如海湛然 無有增減 雖遇風緣
水成波浪 即波為水 動靜一源 如是了知
住佛境界 不生惡趣 漸息輪迴 百千俱胝
那度多劫 明了心地 貪瞋癡慢 煩惱業因
而不現行 雜類苦果 自然不受 色身堅固
經無量時 歡喜快樂 心無邪念 亦無妄想

於顛倒境常生思惟善說法要利益衆生
自無病行令他亦無適悅調順安隱快樂
深入禪定離諸苦縛常以善行守護衆生
不作惡緣親近智者稱揚如來最勝妙法
恭敬讚歎踊躍奉行觀諸世間有爲事相
皆如幻夢無一真實了知飲食色力壽命
煩惱苦本愚夫無知耽染愛著無一刹那
暫時間斷味諸飲食增長過失善友教誨
心不信受遇惡知識密近隨逐深入愚癡
不能覺悟於諸塵境妄想執著晝夜無時

染諸娛樂智者觀之深生厭捨又諸世間
色相幻惑畢竟衰謝妻子男女眷屬因緣
如行路人暫時而會因緣報盡恩愛別離
難以刹那相戀而住汝諸長者當知幻身
譬如畫師繪衆色相好醜雖成畢竟當壞
又如冬月積水爲冰堅厚暫時終鎔成水
所以者何色相虛幻體性非實而愚癡人
隨境生貪染著愛樂心既顛倒造不善因
淪墮三塗受種種苦經於長劫無有出期
設生人天耽諸快樂由此幻身造作惡業

無有窮盡如是癡人常為結使究家魔燒
 妻子男女父母眷屬繫縛在心未嘗捨離
 晝夜之間為彼纏縛妄認為樂實是苦因
 恣任三毒增長憍慢如是之人違背善緣
 不生智慧造作無邊諸不律儀於諸眷屬
 父母妻子珍寶飲食十六生苦法中心無厭足
 不思出離耽染愛著多求財寶積集庫藏
 見諸貧窮飢餓衆生無憐愍心拯濟困厄
 不行正道邪念增強智人教示不能聽受
 故處輪迴汝諸長者人之色身譬如大樹

根莖枝葉悉皆繁茂久無濕潤土地乾亢
 為日所炙脂脉皆盡不經歲月必當枯朽
 一切衆生盛年壯色身相充滿貪著世間
 縱五欲樂筋血衰耗病苦所侵形貌憔悴
 諸根衰謝不得久停終歸磨滅如是癡人
 愛著色身貪諸財寶不知罪福不念無常
 如樹枯朽不久摧壞汝諸長者觀此幻身
 及彼資生金銀瑠璃真珠摩尼碑磔碼碯
 珊瑚琥珀體無真實猶如聚沫愚者迷情
 妄生貴重但增貪欲雜亂正心於佛法門

無所趣入 智者了知 色身資具 一切皆如
夢所見物 都無自相 防護六根 閉於五欲
親近三寶 行施等行 息諸慳悋 絕愛染心
觀彼諸欲 如大火聚 燒煮衆生 甚可怖畏
不應戀著

卷六

十七

佛說巨力長者所問大乘經卷中

佛說巨力長者所問大乘經卷下

宋西天同譯經實法大師賜紫沙門智吉祥等奉詔譯

佛告長者 是諸衆生 於多劫中 積集諸法
謂貪瞋癡 見慢疑悔 於諸欲境 觸向迷著
於晝夜時 曾無間斷 寂滅靜慮 未嘗修習
生死苦源 亦不觀察 不了世間 生滅之相
無有自體 畢竟歸空 但由貪愛 積集成種
假因緣生 和合似有 因緣勢盡 復歸散滅
由本無明 復生貪愛 本末相續 如蟻循環
於出世間 真實理中 諸佛菩薩 清淨境界

無有片心愛樂趣入如是之人愚癡所覆
於生死海流轉漂沒五塵幻相深心染著
醉亂顛倒終無醒覺若有衆生善根成熟
自然親近諸善知識心常修習行二剎行
於諸增上補特伽羅能說法者發希有心
愛樂恭敬不生僣慢於佛功德甚深微妙
不思議境無疑無謗亦不於諸五塵境中
虛妄迷執起於貪愛不作衆罪生滅苦因
晝夜精勤思惟諦實增諸勝行習施等法
常樂讀誦大乘經典心無邪念無有異想

法喜禪悅清淨梵行長養法身及資慧命
不同癡人染著世間但念飲食色身資具
五欲娛樂常無厭捨不知若本不求解脫
著諸外道邪覺邪思正念不生無真實慧
如說我有清淨寶池若有衆生入中洗浴
遊戲娛樂如是之人不久當得生諸天上
如是愚癡執諸異見迷失因果邪妄推求
顛倒正理修不淨行惡因苦果無解脫時
汝諸長者應當了知世間因果虛假和合
如木偶人所作事業而於其中勿生僣慢

帑藏珍財 尊榮豪侈 如夢所見 覺已即空
 而諸愚人 不知此等 生滅幻化 性本空寂
 故於世間 執為常有 所以者何 由無始來
 起貪瞋癡 纏縛不捨 違順喜怒 無有暫息
 冤家讎對 常現在前 眷屬廣大 財寶豐饒
 密附親近 共成娛樂 增長貪愛 為若所因
 後或貧匱 財物散失 乖異別離 愁憂苦惱
 起諸諍訟 及其冤結 至年老大 加諸衆苦
 形色憔悴 諸根衰朽 朋善眷屬 悉皆厭棄
 盛年壯色 耽著五欲 不樂修行 不思厭離

老病相侵 空懷愁惱 身壞命終 墮於地獄
 牛頭驅責 楚毒辛酸 無救無依 遠歷長劫
 地獄報盡 生餓鬼中 頭如大山 咽如針孔
 不識飲食 皮骨連立 餓鬼報盡 生畜生中
 鱗介羽毛 水陸飛走 遞相搏撮 常懷驚怖
 復遭網捕 逃竄無由 鞭杖捶撻 償往宿債
 畜生業盡 或生人中 貧窮卑賤 諸根不具
 資緣乏少 多諸病苦 設生富貴 福慧乖違
 所有資財 不能受用 或多瞋恚 常苦自心
 或染沉疴 而獲天逝 如是果報 由貪瞋癡

之所造作如蠶作蠶而自纏縛如蛾戀火
終致燒然身心迫惱無有暫安惡業相牽
往來不住於三惡道如遊園觀雖遇衆苦
無悔惜心不求解脫亦無厭捨受諸罪報
難堪難忍窈窈冥冥告訴無所當此之時
父母妻子一切眷屬不相替代唯應自身
獨受衆殃從苦入苦無有休息如是因緣
皆由衆生無始無明相續發起貪瞋結使
動身口意廣造諸惡未解悔除三有業因
念念增長汝諸長者若有衆生志樂寂靜

希求出離心於所緣染淨平等自然當得
業障輕微遠離輪迴雜惡果報於佛正法
信樂修習漸能調伏貪瞋癡等亦能觀察
了知色身如幻如夢如電如泡畢竟推求
終無實處諸有智人應當如是審諦觀察
我法皆空而於諸佛真善法中漸次修行
施等勝行積集微妙增上正法棄捨凡性
克成聖種譬如為山積土而成又如滴水
漸盈大器諸善男子於佛教乘實事理中
深忍樂欲於諸世道不可味著捨虛妄法

證真實性離生死苦得無畏樂悟彼色相
猶如陽焰但誑妄情無實體性如是觀察
諸法自相心不顛倒究竟解脫是名名為
菩薩乘性善能安樂一切衆生於佛所行
種種行願隨順修覺心不退屈精進長時
無有懈廢第六速能修習六波羅蜜二十自行檀度
不望報恩三輪體空二緣俱泯或於後時
皆悉無悔諸根密護不犯尸羅克對現前
亦無加報初中後夜勇猛精進遠離諍煩
息諸散亂於善惡品有力思擇身業清淨

常現律儀言音柔軟和悅衆心意地無非
絕諸覺觀於諸如來所有最上微妙深法
則能趣入以善巧智攝受衆生稱彼機宜
方便演說各令悟入解脫法門
時巨力長者與五百長者聞是法已心大歡
喜踊躍無量於所聞法得深法忍得最大忍
得無上忍即從坐起繞佛三匝頭面禮足却
住一面爾時巨力長者與五百長者等異口
同音白佛言世尊我等從昔已來未曾聞是
甚深妙法今日乃於無上覺者具一切智者

是諸世間施大法者之所得聞如是妙法由
 是了知世間諸法唯假施設如幻夢等畢竟
 歸空悉皆悟入無生法忍發阿耨多羅三藐
 三菩提心願我當來如今世尊能於無量人
 天大衆之中作大師子吼顯示微妙清淨法
 音利益安樂一切衆生世尊我等今者樂欲
 說偈讚歎如來惟願聽許即於佛前而說偈
 言
 金色微妙相 最勝無與等 能以柔軟音
 演暢真實義 久修菩薩行 壽命不可量

一切諸衆生	見聞皆歡喜	清淨功德聚
安處於道場	譬如日天子	常住虛空界
皆由往昔中	廣大行布施	謂金銀珍寶
象馬及車乘	并頭目髓腦	國城妻子等
能行此難行	檀度方圓滿	以本願力故
示現應化身	長時無間斷	過於殫伽劫
大悲不思議	衰愍諸群盲	施以甘露法
除惱使清涼	我等從多劫	流轉諸有中
貪愛於資具	及妻子眷屬	數福無智慧
不發菩提心	染著於名聞	并五欲娛樂

我等宿福慶 幸得遇世尊 聞此微妙義
 了知虛幻法 各各得解脫 其心皆安隱
 願佛聽我等 出家作沙門 當願一切衆
 盡悟此法門 不著世間樂 速成菩提道
 爾時巨力長者等說此偈已各各虔誠投佛
 出家佛乃聽許于時世尊即於座上熙怡微
 笑以威德力現大神通即於面門放無數光
 其光雜色猶如衆寶之所間錯所謂青色黃
 色赤色綠色紫色玻璃色黃金色所放之光
 遍照無量無邊不可思議阿僧祇世界上至

梵世所有諸天身光及日月光悉皆掩蔽不
 得顯現如是光明照燭之處一切衆生觸是
 光者無不適悅惡業衆生罪障消除盲者能
 視聾者能聞跛者能行啞者能言飢者能滿
 裸者得衣牢獄有情枷鎖免離無有諸惡聖
 境現前是時會中人天大衆身意快樂恠未
 曾有咸作是言以何因緣而現此相各各發
 心從座而起繞佛百千匝已恭敬禮拜供養
 讚歎却住一面爾時衆中尊者阿難徧袒右
 肩右膝著地曲躬恭敬而白佛言世尊是何

因緣現斯奇瑞今此衆會悉皆有疑各各謂
言世尊未嘗無因而笑今日如來現此異相
必有所因如來應供正等正覺大慈大悲願
爲我等宣說今者佛自莊嚴種種善事衆欲
樂聞爾時世尊告尊者阿難言如來今日現
斯祥瑞謂欲宣說巨力長者并五百長者悟
無生法忍發阿耨多羅三藐三菩提心次第
成佛因緣之事汝當善聽阿難是諸長者已
於過去無量百千俱胝那庾多佛所各各親
近供養恭敬禮拜尊重讚歎得聞如是最上

眞實法義消除業障遠離三塗於百千劫常
生人天受勝妙樂乃至於今財富熾盛有大
眷屬福慧尊嚴人所愛敬由昔所植善根力
故今於我所復得聞是甚深法義阿難是巨
力長者并五百長者於當來世得值彌勒如
來應正等覺於彼佛所復聞清淨大乘妙法
善能精勤修習菩薩施等六波羅蜜行能於
十方親近禮拜恭敬供養尊重讚歎無量諸
佛亦得值遇賢劫諸佛彼佛世尊亦爲宣說
微妙大乘法義聞已受持復能展轉爲人演

新六

并三

說示教利喜無量衆生阿難是巨力長者過是已後經五千劫常生諸佛國土種種修行值遇諸佛承事供養無空過者末後當成阿耨多羅三藐三菩提盡同一號名曰吉祥藏如來應正等正覺明行圓滿善逝世間解無上丈夫調御士天人師佛薄伽梵國界莊嚴安隱豐樂正法像法壽命劫數皆悉同等說法度人不可稱數爾時尊者阿難及人天大衆聞佛世尊善說如是微妙法義咸悉讚歎復白佛言世尊此經當以何名我等云何受

持佛告阿難此經名曰巨力長者所問大乘經當受持之佛說是經已尊者阿難與菩薩比丘并巨力長者等及一切世間天人阿修羅乾闥婆等聞佛所說皆大歡喜信受奉行佛說巨力長者所問大乘經卷下

永樂北藏

巨力長者所問大乘經

第七一册

五經同卷

佛說妙吉祥菩薩所問大乘法螺經

其七

佛說四品法門經

佛說八大菩薩經

佛說施一切無畏陀羅尼經

聖八千頌般若波羅密多一百八名真實

圓義陀羅尼經

永樂北藏

五經同卷

佛說妙吉祥菩薩所問大乘法螺經

宋高天三藏朝散大夫試光祿卿明教大師法賢奉詔譯

如是我聞一時佛在舍衛國普徧殿內坐寶師子之座與大苾芻眾萬二千五百人俱復有菩薩摩訶薩及百千緣熟所度之眾爾時妙吉祥菩薩摩訶薩承佛威神即從座起偏袒右肩右膝著地合掌頂禮而白佛言世尊有大福德云何校量如是大福有無量俱胝那由他百千之數緣熟所度之眾意願欲滿云何如來為彼法螺爾時世尊聞是語已告

第七一册

妙吉祥菩薩言妙吉祥不可思議行大智慧
大慈大悲是大福德如是大福令一切聲聞
緣覺發大方便精進持戒願行成就得最上
三摩地觀想一切緣熟所度之衆即是如來
法螺佛告妙吉祥菩薩所有南閻浮提一切
衆生持十善法所獲福德如是校量於彼福
德積成百倍是即一金輪王福德而彼輪王
統四大洲七寶具足所謂輪寶象寶馬寶摩
尼寶玉女寶主藏寶兵寶復有千子勇猛威
德色相端嚴能破他軍妙吉祥彼金輪王有

如是大威力復次妙吉祥菩薩四大洲界所
有一切衆生如是一一衆生各等一金輪王
福德於彼衆生所有福德如是校量乃至千
倍是即一帝釋天主福德如是帝釋有大威
神福德之力復次妙吉祥菩薩四大洲界所
有一切衆生如是一一衆生各等一帝釋福
德於彼衆生所有福德如是校量百千倍數
是即一大力那羅延天福德如是那羅延天
有大威神福德力故復次妙吉祥菩薩四大
洲界所有一切衆生如是一一衆生各等一

大力那羅延天福復於彼衆生所有福德如是校量無數百千倍是即一欲界他化自在天魔王福德如是魔王宿種善根生彼欲天有大威力而能調伏諸天人故復次妙吉祥菩薩四大洲界所有一切衆生如是一一衆生各等一魔王福德於彼衆生所有福德如是校量無量百千倍是即一二千世界梵天福德而彼梵天於二千世界行慈悲化故復次妙吉祥菩薩於二千世界所有衆生如是一一衆生各等一二千世界梵天福德於彼

所有福德如是校量無數百千倍是即一三千大千世界主大自在天及梵天福德彼大自在天及梵王於三千大千世界行慈悲化故佛告妙吉祥菩薩汝應見此劫壞之時大火所燒經一劫中爾時大自在天及梵天王降澍大雨其水徧滿三千大千世界上至梵天而此大水即是大自在天及梵王威力所作如是大自在天及彼梵王種大善根得生彼天具智慧有大威力復次妙吉祥菩薩所有一千大千世界一切衆生如是一一衆生

各等一三千大千世界大自在天及梵王福德於彼衆生所有福德如是校量無數百千俱胝倍是即一大精進緣覺福德妙吉祥勿謂三千大千世界一切衆生皆如大梵王福德等彼緣覺而以為多假使十方佛刹一切衆生所有福德等一精進緣覺猶未為多復次妙吉祥菩薩於彼十方佛刹一切衆生所有福德如是一一衆生各等緣覺福德於彼衆生所有福德如是校量無數百千俱胝那由他倍是即一初發心菩薩福德妙吉祥勿

謂無數百千俱胝那由他倍一切衆生福德等一初發心菩薩福德而以為多假使十方盡虛空界所有卵生胎生濕生化生有色無色有想無想非有想非無想如是一切衆生所有福德無數百千俱胝那由他倍等一初發心菩薩亦未為多復次妙吉祥菩薩如是盡虛空界一切衆生各等初發心菩薩福德如是校量無數百千俱胝那由他倍是即如來一毛孔量福德諸佛如來身中毛孔量福德諸佛如來身中毛孔各復有九十九千

細妙毛孔妙吉祥如是佛身一切毛孔所有
 福德而以校量無數百千俱胝那由他倍是
 即如來身分之中一種好福德如是佛身八
 十種好各各具足如前復次妙吉祥菩薩如
 來八十種好所有福德而以校量無數百千
 俱胝那由他倍是即如來手足之下相文福
 德之量如是各各相文皆有八十種好顯現
 手足之下頌曰

傘蓋幢吉祥 鬘鈎冠寶杖 寶瓶象馬虎
 金翅摩竭魚 龜魚及孔雀 迦陵頻伽鳥

命命佐沙鳥	揆俱羅鴛鴦	鸚鵡鵝鳩麥
大藥提努牛	殺羊龍牛王	寶山吉祥果
播那波鹿王	摩尼寶利劍	金剛杵弓旗
三叉犁鉞斧	擣杵箭冑索	虞拏與彌伽
梵天帝釋主	持國天水天	廣目多聞天
大仙吉祥日	火天月風天	蓮花萬字相
莎悉帝迦好	訥哩嚩賢座	鏡拂憍尸迦
童子童女天	鼓螺密哩誡	手釧及鈴鐸
耳環與指環	軍拏羅羅多	妙花王樹王
衆中釋師子	如是等八十	一一俱名好

出現手足下

佛告妙吉祥菩薩所有如是八十種好一切
福德如是校量無數百千俱胝那由他倍是
即如來身分之中一大丈夫相福德如是佛
身三十二大丈夫相一一各有如前福德於
佛身中分明出現頌曰

鳥瑟膩沙相 螺髻髮紺青 滋潤而右旋
額廣而平正 眉間白毫光 皮膚妙柔軟
目廣青蓮葉 齒密而齊整 四十悉具足
四牙俱鋒利 白類如珂雪 腮臉并育臆

上半如師子 舌相而廣長 身形妙圓滿
如尼拘陀樹 身毛順右旋 臍輪淨深隱
雙股俱平正 兩肱如鹿王 二足下平滿
手足俱柔軟 十指而纖長 俱有網鞞相
行步而直進 舌常得上味 善相屬著身
七處皆平滿 足下而平正 常現千輻輪
如是大丈夫 三十二種相
佛告妙吉祥菩薩如是三十二大丈夫相於
此三十二相所有福德而以校量阿僧祇不
可思議不可稱量無等等不可說不可說倍

數爲緣熟度衆所願圓滿福德是故如來說
因緣成熟所度之衆而爲法螺佛告妙吉祥
菩薩所有如來妙法螺音無量無邊阿僧祇
世界一切衆生悉待普聞妙吉祥菩薩非唯
螺音如是如來身光亦能照曜無量無邊阿
僧祇世界今諸有情得見佛身如是不可思
議佛告妙吉祥菩薩大智慧大慈悲是大福
德一切聲聞緣覺善解願力行大方便清淨
持戒得最上三摩地復次妙吉祥菩薩佛身
無爲雜諸相故一切聲聞緣覺及諸菩薩不

能見故如來所化色身有二種義故一者酬
於因中度生願故二者所度有情今緣熟故
是以如來化現色身所現之身清淨微妙令
諸衆生親近供養得大利益復次妙吉祥菩
薩佛身最上故相好最上相好最上故光明
最上光明最上故梵音最上梵音最上故說
法最上說法最上故佛行最上佛行最上故
如來所現色身令彼有情得大利益復次妙
吉祥菩薩如來身中具攝一切諸相隨諸衆
生根欲性等利鈍不同所現色身各各有異

令諸衆生各得親近樂聞妙法皆得度脫乃至行住之時常得見佛佛告妙吉祥菩薩如來具足應供正等正覺出現世間慈愍有情利益安樂無量人天諸衆生故爾時妙吉祥菩薩摩訶薩從座而起偏袒右肩右膝著地合掌向佛頂禮世尊而白佛言我今快得善利如是世尊三界無著最尊最勝利益一切衆生佛觀一切世法不動如須彌無著於虛空不可思不可議非見非不見爾時世尊說此經已妙吉祥菩薩摩訶薩及諸苾芻并諸

菩薩摩訶薩一切天人阿蘇囉嚩達哩縛等聞佛所說皆大歡喜信受奉行

佛說妙吉祥菩薩所問大乘法螺經

佛說四品法門經

宋西天三藏翻奉大夫試光祿卿明教大師法賢奉詔譯

如是我聞一時佛在舍衛國祇樹給孤獨園與大衆俱爾時尊者阿難獨止靜室心生是念世間有情所有驚怖乃至灾害障難疾病

過咎已生當生者皆是愚人所有智者即無尊者阿難思惟如是事已從座而起往詣佛所到佛所已頭面禮足修奉已畢住立一面而白佛言世尊我獨靜室心生是念世間所有驚怖等事皆是愚人所有智者即無惟願世尊為我解說佛告阿難汝今諦聽當為汝說阿難白言唯然世尊願樂欲聞佛言阿難如是世間所有驚怖等事已生當生所謂災害障難疾病過咎等皆是愚人所有智者即無阿難譬如有入堆積乾草為火所然而彼

愚人驚怖等事亦復如是阿難如是過去未來現在世中愚人有災害智者無災害愚人
有障難智者無障難愚人有疾病智者無疾病
愚人
有過咎智者無過咎阿難當知是愚人法
是智者法知彼愚人法已當可遠離行
智者法如是阿難汝應當學阿難白佛言世
尊何名愚人佛告阿難愚人者愚為不了世
間愚人於法不了故名為愚不了者何不了
法境有四品類所謂不了界法不了處法不
了緣起法不了處非處法阿難於如是法不

能了達是故得名爲愚人也阿難白佛言世尊如是如是不了四法得名愚人又復云何得名智者佛告阿難言智人者於法揀擇善了是非故名智人善了者何善了法境亦四品類所謂善了法善了處法善了緣生法善了處非處法善能了知如是等法是故得名爲智人也阿難復白佛言善了此法得名智者而此智者了何界法佛告阿難汝能善問當爲汝說言界法者而有多種所謂眼界色界眼識界耳界聲界耳識界鼻界香界鼻識

界舌界味界舌識界身界觸界身識界意界法界意識界如是十八界彼智慧者如實了達復有六界所謂地界水界火界風界空界識界如是六界彼智慧者如實了達復有六界所謂喜界樂界苦界捨界煩惱界無明界如是六界彼智慧者如實了達復有六界所謂貪欲界瞋恚界不瞋界殺害界不殺界出離界如是六界彼智慧者如實了達復有四界所謂受界想界行界識界如是四界彼智慧者如實了達復有三界所謂欲界色界無

色界如是三界彼智者如實了達復有三界所謂下界中界上界如是三界彼智慧者如實了達復有三界所謂善界不善界無記界如是三界彼智慧者如實了達復有三界所謂有學界無學界學無學界如是三界彼智慧者如實了達復有二界所謂有漏界無漏界如是二界彼智慧者如實了達復有二界所謂有爲界無爲界如是二界彼智慧者如實了達阿難如是等界諸有智者善能了達阿難白佛言世尊彼智慧者如是了達諸界

法已又復云何了達處法佛告阿難言處法者謂十二處眼處色處耳處聲處鼻處香處舌處味處身處觸處意處法處此十二處智慧之者如實了達阿難白佛言世尊智者如是了達十二處已又復云何了緣生法佛告阿難智者應知十二緣法從因緣起由因緣故即有諸法因緣者何所謂無明緣行行緣識識緣名色名色緣六入六入緣觸觸緣受受緣愛愛緣取取緣有有緣生生緣老死憂悲苦惱如是即一大苦蘊集若了如上緣生

之法因緣性空緣聚即有緣散即無緣法無故即無諸法所謂無明滅即行滅行滅即識滅識滅即名色滅名色滅即六處滅六處滅即觸滅觸滅即受滅受滅即愛滅愛滅即取滅取滅即有滅有滅即生滅生滅即老死憂悲苦惱滅如是即一大苦蘊滅如是生滅之法智者應當如實了達阿難白佛言世尊彼智者於緣生法如實知已復云何了處非處法佛告阿難非處法者謂身口意造不善業而獲所樂善果報者無有是處若身口意

造諸善業而復獲於不善報者亦無是處言是處者謂身口意造諸善業而獲所樂勝妙果報斯有是處若身口意造不善業而獲所感不善果報亦有是處又復阿難言非處者謂身口意造不善業如所希求殊勝之果由折七此因緣命終之後若生人天無有是處若身口意造於善業墮惡趣者亦無是處言是處者謂身口意造諸善業生人天者斯有是處若造惡業墮惡趣者亦有是處又復阿難世間若有二佛出世無有是處一佛出世斯有

是處又復世有二輪王出亦無是處一輪王
出斯有是處如是若有女人為轉輪王治化
世間乃至為彼四天王主忉利天主大梵天
王及成緣覺無上菩提者如是等事無有是
處若有善男子具大人相福慧莊嚴為轉輪
王出於世間乃至得成無上菩提斯有是處
又復阿難若正見人殺父害母殺阿羅漢破
和合僧出佛身血造於如是五逆業者無有
是處若異生凡夫愚癡邪見造五逆者斯有
是處又復阿難若正見人受具戒品自犯戒

已於阿闍梨而生毀謗作如是言此阿闍梨
不善戒法亦復不能受持禁戒我當揀擇別
阿闍梨受學戒法作是言已詣餘沙門婆羅
門所選擇師受彼人或見沙門婆羅門作諸
戲論不律儀者依稟於彼為阿闍梨而求寂
靜出離斯七三有無有是處如是等事若愚癡邪
見作此十一求者斯有是處又復阿難若人不斷
根本煩惱善了四念處能證七覺支趣向涅
槃者無有是處若人斷除煩惱法已了四念
處證七覺支趣向涅槃者斯有是處又復阿

難若人不斷煩惱而了四念處證七覺支盡苦邊際趣向涅槃成緣覺菩提乃至無上正等正覺者無有是處若斷煩惱了四念處證七覺支盡苦邊際趣向涅槃成緣覺菩提乃至無上正等正覺者斯有是處佛告阿難智者如是如實了達處非處法汝等應當如理而學爾時阿難白佛言世尊我聞如是未曾有法得甘露味深自慶快世尊當何名此經我等云何受持佛告阿難是經名為四品法門亦名法鏡亦名甘露鼓亦名多界如是名

字汝當受持爾時尊者阿難及諸大眾聞佛所說皆大歡喜信受奉行

佛說四品法門經

佛說八大菩薩經

宋西天三藏朝奉大夫試光祿卿明教大師法賢奉詔譯

如是我聞一時佛在舍衛國祇樹給孤獨園與大苾芻眾千二百五十人俱復有八大菩薩摩訶薩其名曰妙吉祥菩薩摩訶薩聖觀

自在菩薩摩訶薩慈氏菩薩摩訶薩虛空藏
菩薩摩訶薩普賢菩薩摩訶薩金剛手菩薩
摩訶薩除蓋障菩薩摩訶薩地藏菩薩摩訶
薩以為上首復有諸大菩薩摩訶薩其名曰
無能勝菩薩摩訶薩龍相菩薩摩訶薩喜意
菩薩摩訶薩無垢藏菩薩摩訶薩無垢稱菩
薩摩訶薩智王菩薩摩訶薩無邊軍菩薩摩
訶薩智光菩薩摩訶薩慧光菩薩摩訶薩慧
燈菩薩摩訶薩智燈菩薩摩訶薩梵授菩薩
摩訶薩天冠菩薩摩訶薩如是等諸大菩薩

四七

十二

皆來會坐爾時世尊告舍利弗汝今諦聽過
東方恒河沙數世界有一佛刹名無能勝彼
土有佛名善精進吉祥如來應正等覺現為
衆生說微妙法復次舍利弗又過東方十恒
河沙世界有一佛刹名曰無我彼土有佛號
普照如來應供正等覺現為衆生說微妙法
復次舍利弗又過東方三恒河沙數世界有
一佛刹名曰善愛彼土有佛號吉祥如來應
正等覺現為衆生說微妙法復次舍利弗又
過東方三十四恒河沙世界有一佛刹名寂

靜藏彼土有佛號印捺囉計都特縛惹王如
來應正等覺現為衆生說微妙法復次舍利
弗又過東方五恒河沙世界有一佛刹名曰
離塵彼土有佛號喜功德光自在王如來應
正等覺現為衆生說微妙法佛告舍利弗若
有善男子善女人等別七於此經中十三聞是諸佛如
來名號一心諦聽或自憶念或書寫讀誦為
他解說彼人命終不墮惡趣不生邊地邪見
諸惡律儀下賤族中亦不生於長壽天中亦
不生於五濁惡世飢饉疾病刀兵劫中亦無

王難水難火難賊盜虎狼等難常生佛刹及
天上人間身相端嚴諸根具足眷屬圓滿得
宿命智具六波羅蜜行四無量法通達一切
甚深法藏成最上道佛說此經已諸大菩薩
舍利弗及諸苾芻天人阿修羅等聞佛所說
皆大歡喜信受奉行

佛說八大菩薩經

佛說施一切無畏陀羅尼經

宋西天三藏朝奉正人藏光祿卿傳法大師施護等奉詔譯

如是我聞一時世尊遊行到於摩伽陀國菴
沒羅林住韋提呬山帝釋巖中爾時帝釋天
主來詣佛所前白佛言世尊我有怖畏謂阿
脩羅於長夜中來相媿亂阿脩羅者我之怨
敵惟願世尊為我宣說擁護法門爾時世尊
告帝釋天主曰天主我有陀羅尼名施一切
無畏此法善能作一切事能除一切病復能
禁止一切傍生能解一切怨縛若有阿脩羅

及諸羅刹部多一切邪異乃至一切諸惡鬼

神之所執持謂邪惡所執天執龍執夜叉執

乾闥婆執緊那羅執頻那夜迦執母鬼等執

皆悉消滅又復若有吸精氣者食華鬘者障

產生者食不淨者皆悉除遣又復若有一切

瘡疾及風黃痰癰等諸疾病亦悉消散一切

鬪戰諍訟障敵皆悉破壞我今為汝說此陀

羅尼而作擁護陀羅尼曰

怛鞞^切他^引伊^拏彌^拏鉢^囉合^彌拏

鉢^囉合^彌拏^引五^吾哩^六謨^引里^七謨^引

瑟取八合那底九縛底十珂囉底十一珂囉尼
 二十誡拏尼三十誡拏鉢囉合二誡尼四誡被誡尼
 五引十謨引尼六引十鉢囉合二底謨引尼七引十哥
 引里八鉢囉合二哥引里九引十贊拏十二鉢囉合二
 底贊拏一二十尾詣十二鉢囉合二底尾詣十三
 阿底尾詣十四蘇引那十五吾引拏十六謨
 引訶十七鉢囉合二謨引訶十八誡引拏十九
 鉢囉合二謨引拏十引三那引設你一三十鉢囉合二
 那引設你二十馱引縛你三十鉢囉合二馱引
 縛你四十縛洛誡合二你五十鉢囉合二縛洛誡

合二你三十涅哩合二多你七十鉢囉合二涅哩合二
 多你八十骨嚕合二達你九十阿底骨嚕合二
 達你十四賀那賀那十四尾賀那尾賀那十四
 薩哩縛合二訥瑟吒合二鉢囉合二訥瑟吒合二那引
 設野三十薩哩縛合二跋野鉢囉合二那十四犖
 力角切又犖又捨引十五薩哩縛合二咩引提跋
 野十四訥瑟吒合二設咄嚕合二怛塞哥合二囉能
 瑟吒嚕引三合波捺羅合二吠引毗藥十七合四薩
 波哩縛覽八十四詰禰詰禰九十四薩哩縛合二薩
 埵四帝引五囉帝引那莫薩哩縛合二沒馱引

南引莎引賀十一

此施一切無畏陀羅尼若持誦者當以淨線
加持四十一遍繫於頂上或加持白芥子或
加持牛黃隨諸所用即得成就又復若以塗
香加持一遍塗自身分即如被甲胃勇猛無
畏不為刀傷不為毒中又復不為一日二日
乃至七日等諸瘡疾之所纏縛不為火焚不
為水溺不為呪害不為鬼魅不為病惱不於
一切天橫中死又此陀羅尼善能作諸相應
事業一切成就法皆悉和合作諸成就事無

不成就者他所作法皆能制止不為他縛能
破邪明自法隨轉一切魔障皆能除遣一切
執魅悉能解散若有所執不能除者頭破作
七分如阿梨樹枝爾時帝釋天主聞佛所說
踊躍歡喜作禮而去

佛說施一切無畏陀羅尼經

聖八千頌般若波羅蜜多一百八名真實圓
義陀羅尼經

宋西天三藏法師大天竺禪光祿卿傳法大師施護等奉詔譯

歸命最勝諸佛母 般若波羅蜜多法

過去未來及現在 一切諸佛從是生

善生諸佛為佛母 無性自性十六我清淨

佛為須菩提廣說 如其所說今略集

般若波羅蜜多有一百八名一者最勝般若

波羅蜜多二一切智三一切相智四實際五

真如六無壞真如七無異真如八實性九如

實生十不顛倒十一空無相無願十二無性
十三自性十四無性自性十五法性十六法
界十七法定十八法住十九法無我二十法
相二十一非衆生二十二非壽命二十三非
長養二十四非士夫二十五非補特伽羅二
十六非語言二十七非語言道二十八離心
意識二十九無等三十無等等三十一無憍
三十二無我三十三無戲論三十四離戲論
三十五過諸戲論三十六一切佛母三十七
出生一切菩薩三十八出生一切聲聞緣覺

三十九長養攝持一切世間四十無盡福行
具足四十一運用智慧四十二起作神通四
十三作淨天眼四十四作淨天耳四十五作
他心智四十六作宿命智四十七作漏盡智
四十八聖清淨四十九吉祥五十安住四念
處五十一具四正斷五十二運十七四神足五十
三諸根清淨五十四諸力具足五十五嚴七
覺支五十六示八聖道五十七施七聖財五
十八圓滿九次第定五十九具十自在六十
安住十地六十一圓滿十力六十二遍處莊

嚴六十三運用十智六十四善作調伏十種
勝怨六十五出生諸禪定六十六超過三界
六十七妙住一切正徧知覺六十八具一切
智智六十九內空七十外空七十一內外空
七十二空空七十三大空七十四勝義空七
十五有為空七十六無為空七十七畢竟空
七十八無際空七十九散空八十無變異空
八十一共相空八十二自相空八十三不可
得空八十四無性空八十五自性空八十六
無性自性空八十七無起作八十八不生八

十九不滅九十不斷九十一不常九十二非
 一義九十三非多義九十四非來九十五非
 去九十六善觀緣起九十七非尋伺九十八
 無攝藏九十九無所有一百本來無所作一
 百一無二一百二非無二一百三寂靜慧無
 所趣一百四無繫無染與虛空等一百五離
 十相語一百六諸法自性猶如幻夢一百七
 如陶家輪一百八一切法同一味如是般若
 波羅蜜多一百八名若常持誦者銷滅一切
 罪一切諸佛所共稱讚一切菩薩及諸賢聖

於長時中常所衛護即說般若波羅蜜多真
 實圓義陀羅尼曰
 怛^{切字也}他^{引卷}鉢羅^{合二}倪^{引鉢羅}合二倪^{引鉢羅}合二倪
 引摩賀^{引鉢囉}合二倪也^{引二合}婆^{引西}引鉢囉
 合二倪也^{引二合}路^{引葛葛哩}四阿倪也^{引二合}那
 尾馱摩泥^五悉提^{六引蘇悉提}七引悉真觀彌^引
 婆誡^八囉底^八薩哩^囉合二鉢怛野^九薩哩^網
 合二識孫捺哩^十薄訖底^{合二}囉蹉黎^{引十}鉢囉
 合二薩^{引哩}多訶薩底^{合二}引摩^{引說}引薩那
 葛哩^三底瑟姤^{合二}底瑟姤^{合二}哈紺波紺波^五

左羅左羅六誡縛誡縛七誡哩惹八誡哩惹
二合八阿引誡蹉阿引誡蹉九婆誡縛底摩引
 尾藍摩莎引賀十提十一紇凌十二室
 凌二合三率嚕二合四底三密哩合底十二
 五尾惹曳引莎引賀十引六
 此陀羅尼秘密章句若常憶念受持讀誦者
 所獲功德不可稱計

聖八千頌般若波羅蜜多一百八名真實圓
 義陀羅尼經

永樂北藏

五經同卷

第七一册

永樂北藏

五經同卷

第七一册

二經一呪同卷

斯八

佛說一髻尊陀羅尼經

金剛摧碎陀羅尼

不空罽索毗盧遮那佛大灌頂真言經

佛說一髻尊陀羅尼經

斯八

唐北天竺三藏沙門大廣智不空奉 詔譯

如是我聞一時佛在王舍大城鷲峯山中與無量菩薩摩訶薩俱前後圍遶爾時觀自在菩薩摩訶薩與無數持明賢聖俱前後圍遶

永樂北藏

一髻尊陀羅尼經

第七一册

來詣佛所到佛所已五體投地頂禮佛足禮佛足已遶佛三匝却坐一面時觀自在菩薩白佛言世尊有諸天及持明仙等歸信大梵者衆今欲降伏大梵天及諸天仙等願佛聽許欲令一切衆生念善法故欲令一切衆生無憂惱故除一切衆生病故及一切障難災恠惡夢悉除滅故除一切橫病死故欲除一切諸惡心者令柔軟故欲除一切諸魔鬼神障難不起故世尊我今有根本心陀羅尼能除一切衆生衆罪業故世尊我未曾見有若

天若魔若釋梵若沙門婆羅門等有能受持此真言者若讀誦書寫流布或以此法防護其身若入軍陣鬪戰若為毒所害者持此陀羅尼一切諸難無所能為如是之法一切諸佛所念我此陀羅尼法以經無量諸佛所記世尊我於因地過恒河沙數劫外有佛名百蓮花眼頂無障礙功德光明王如來我於爾時彼佛所作大持明仙人中王於彼佛所受得此陀羅尼得已時十方諸佛皆現目前見佛現已忽然即得未曾有智嘗知此真言有

如是神力能利益無量衆生若有善男子善女人等能晝夜懇懃受持讀誦令不忘失誦此陀羅尼時更莫緣他境每至白月十五日或黑月八日洗浴其身著新淨衣受持此陀羅尼作印護身取淨泥摩壇方圓四肘結界第八已竟請我一髻明王於壇中心坐燒香散花種種供養禮拜懺悔誦真言一百八遍持此明者現身即得十種果報何者為十一者身常無病二者恒為十方諸佛憶念三者一切財物衣服飲食自然充足常無乏少四者能

破冤敵五者能使一切衆生發起慈心六者一切蟲毒一切熱病無能侵害七者一切刀杖不能爲害八者一切水火不能漂溺九者火不能燒十者不受一切橫死是爲十復有四種果報何等爲四一者不被禽獸所害二者不墮地獄三者臨命終時得見十方諸佛四者命終之後生無量壽國世尊我念過恒河沙數劫爾時有佛名曼陀羅香如來我於彼佛時爲優婆塞名日翳迦惹吒婆羅門於彼佛所復得此法常爲百千萬億梵天說法

無不歸伏者一切諸佛大慈大悲大喜大捨智慧藏法門以此真言力故能救一切衆生牢獄繫閉枷械枷鎖臨當刑戮水火等難種種苦惱我恒救護令得解脫一切夜叉羅刹斯等由此法印陀羅尼力故令諸夜叉羅刹斯等皆發善心功德具足即能發阿耨多羅三藐三菩提心有如是力設復有人犯四重五逆等罪誦此陀羅尼一遍者所有一切根本重罪皆悉除滅况復依法作印受持者當知是人於萬萬億那由他諸佛所曾聞此法

今還得聞若善男子善女人能受持憶念晝
夜不忘者是人心所求願無不滿足每欲求
勝上悉地用白月八日或十五日以香湯洗
浴著新淨衣每上廁一度洗浴如此淨衣不
得上廁作此法時其日不食作結界護身印
印已誦陀羅尼至於明旦其道場中置本尊
像結請印誦真言懸種種雜色幡蓋香花供
養初入道場中必須珍重至心奉請十方諸
佛至心懺悔讚歎三寶禮拜已於像前敷一
坐具胡跪恭敬至誠發願作數珠印捻已一

心誦真言一千八遍次執香爐燒香而言此
處無有種種供養上味飲食慙愧謝之世尊
我由此等法印真言力名號尊貴難可得聞
若有人稱念百千俱胝那由佗諸佛名號復
有暫時稱我名號彼二人福正等無異爾時
觀自在菩薩白佛言世尊善男子善女人晝
夜誦持我此明王翳迦惹吒真言者得離一
切苦惱一切障難怖畏及三毒罪障悉得除
愈况復有人依法修行當知是人即得阿耨
多羅三藐三菩提如在掌內爾時佛告觀自

在菩薩摩訶薩言善哉善哉善男子汝今能
於一切衆生起大慈大悲心而欲開示此大
陀羅尼翳迦惹吒法印若善男子由此法方
便力故悉能救脫一切衆生所有病苦障難
怖畏身語意業乃至安立一切衆生於阿耨
多羅三藐三菩提新八決定無疑善男子此陀羅
尼印等法門我亦隨喜受汝此真言印等法
我今亦印可善男子汝今說之爾時觀自在
菩薩摩訶薩蒙佛印可從坐而起頂禮佛足
却坐一面而入無能勝三昧從頂化出翳迦

惹吒羅刹王三目四臂所有八部鬼神大力
然頂鬼王等驚怖走散各失本威莫知所在
願見救護願見救護所有惡害之心從今已
往并諸眷屬皈依佛法僧寶爾時翳迦惹吒
降得然頂鬼王并諸眷屬來詣觀自在菩薩
摩訶薩合掌恭敬白觀自在菩薩摩訶薩言
我有甚深秘密陀羅尼真言能摧碎天魔及
惡藥叉羅刹斯毒惡鬼神等及諸疫病水火
盜賊亦能息諸冤敵願聽許我說是陀羅尼
時觀自在菩薩摩訶薩讚言善哉善哉翳迦

惹吒善能調伏然頂鬼王及諸藥叉羅刹斯
 等汝有此秘密根本陀羅尼聽汝所說今正
 是時翳迦惹吒蒙大聖許說生大歡喜即遶
 觀自在菩薩三匝却坐一面對無量諸大菩
 薩及無量金剛密跡及八部鬼神一切藥叉
 羅刹衆前即說真言曰

娜謨囉多娜合二跢囉合二夜引耶娜謨阿引哩
 耶合二縛嚕引枳帝濕縛合二囉引耶胃地薩跢
 縛合二耶摩訶引薩埵縛合二耶摩訶引迦嚕泥
 迦引耶娜謀翳迦惹吒耶摩訶引囉訖叉合二

斯阿訶頡哩合二馱鹽麼麼囉乞叉合二斯麼麼
 母佉寫薩縛迦哩夜合二你迦嚕四銘怛你也
 合他唵阿難底惹耶娑縛引二合訶引惹耶惹
 耶夜娑縛合二訶麼訶尾惹曳娑縛合二訶摩訶
 引盧比曳娑縛合二訶引薩縛尾近那合二尾那
 夜迦引難那娑縛合二訶赭羅耶拏瑟吒合二娑
 縛合二訶囉訖叉合二囉訖叉合二娑縛合二訶跋賒
 訶塞路合二耶娑縛合二訶引
 心真言曰

唵盧室邏合二耶母涅哩合二寧曳惹吒惹吒曳

呬泮吒娑嚩訶引

隨心真言曰

翳四曳合二呬翳迦惹吒摩麼穆佉惹耶莎訶
時翳迦惹吒說此陀羅尼時一切天宮魔宮
及諸龍神藥叉羅刹斯諸惡毒害鬼神等各
各共領無量眷屬同詣其前同時出聲皆言
乞命我等眷屬從今已往永斷惡心誓願事
日夜守護持此陀羅尼者不令諸鬼神等得
其過便願施我等無畏願得本心時翳迦惹
吒當與諸鬼神作施無畏印各得本心禮觀

自在菩薩摩訶薩次禮化身一髻尊各還本
宮時翳迦惹吒白觀自在菩薩言我有成就
七日供養作壇法若有沙門婆羅門及善男
子等請於祕密法藏決定要成就大驗若諸
國王心生決定懺悔眾罪願欲建大道場法
先覓清淨寬大院宇及好寺舍佛堂之所露
地亦得得是處已以白月一日於晨朝時阿
闍梨身及諸弟子香湯洗浴將諸香花至其
處所阿闍梨手執金剛杵次第問弟子等言
汝等決定欲學諸佛祕密法藏莫生疑惑徒

衆答言我等欲學諸佛法藏決定誠信不生
疑心如是次第三問三答如是答竟次阿闍
梨手印香爐水等誦真言已手執香爐胡跪
焚香啓白一切諸佛般若菩薩金剛諸天等
及與一切業道冥祇今此地者是我之地我
今欲立七日七夜大道場壇法之會供養一
切十方法界諸佛世尊及般若波羅蜜多諸
大菩薩衆金剛天等領諸徒衆決定一切祕
密法藏難思議法門故取諸證成我欲護身
結界法事在此院內東西南北四維上下所

有一切破壞正法毘那耶迦惡鬼神等皆須
出去結界之所七里之外若正法善神鬼等
我佛法中有利益者隨意而住說此語已次
第依彼軍荼利法破除結界既結界已即令
掘去十肘地內一切惡土骨髮炭糠瓦礫等
物若上好地掘深一一磔手若中七一肘下地二
肘若下下地掘深三肘惡物盡去將好淨土
和諸香末緊築令平基高最好次第二日及
第三日以泥塗地次第四日用牛糞香泥泥
其地竟次將神線四方八肘一市挽之四角

下點更以神線從東北角至西南角從東南角至西北角交叉挽之其線又中下點掘地深一磔許埋著五寶并及五穀其五寶者一金二銀三真珠四珊瑚五琥珀五穀者一大麥二小麥三稻穀四小豆五胡麻以一片絹共裹寶穀以五色線繫縮埋之其五色線一頭出地長五指許此寶物等永未得出次作大結界其結界法執跋折羅右遶壇外急走三匝辟毘那夜迦種種結界以印印地東西南北上下誦真言作印啓告辟除結界等法

如初日說依軍荼利次第法用次第五日結界法式如第四日更用牛糞塗地其塗法手右旋摩勿左旋摩其餘事法同第四日次第六日阿闍梨洗浴先入壇內取好聰明弟子二人亦淨洗浴著新淨衣隨後入壇以檀香湯和白粉竟於粉汁中染其神線令一弟子把其線頭按壇東北正當角頭先點之處次阿闍梨把線一頭按壇東南正當角頭先下點之處急挽著地使一弟子捻線中央繞著地上次東北角弟子起向西南角坐亦如前

作次東南角阿闍梨起向西北角坐亦如前
 作次西南角弟子起向東坐亦如前法次先
 緝處從外向內離一肘許更依前法圍遠緝
 之次取八肘神線屈中當壇一方一著一一
 點更屈二肘繩子從壇一方中央點量左右
 更點兩處次其一方門辟壇繩五指許次更
 屈門辟向左右五指許次其門左右兩畔寬
 五指許作次其門外邊直畫著一方若餘三
 方准知次作中院外繩四肘其外院內繩與
 界外繩兩繩之門開一肘道其中院門四方

辟與向左右總作三指許其門外邊神線緝
 法亦如前法其中院內方離外界一肘更緝
 漬神線緝其壇正中心作二肘院更莫作門
 次阿闍梨以五色線一真言一結五十五結
 用馬頭觀自在陀羅尼真言曰

醫曳四薄伽梵阿哩耶_合縛嚕吉帝濕縛_合
 囉沒陀沒陀沒陀薩路耶摩弩娑麼_合囉薩
 底耶_合麼努薩麼_合囉怛你也_合佉曩柱曩
 柱枳尼枳尼呬尼呬尼努嚕努嚕寐嚕寐嚕
 主嚕主嚕都嚕都嚕素嚕素嚕母嚕母嚕縛

囉縛囉冒陀耶冒陀耶唎唎你知你悉

殿觀珥滿跢囉二鉢娜莎縛二訶

次以絹帛裹於五寶并五穀子五色線繫真

言索上隨人多少一一裹之次於壇四角各

豎一竿西門兩竿以線繞繫四角竿上於其

線上懸雜色幡其壇上方東西南北四維繫

幡交絡莊嚴其壇外院西門南側離二尺穿

作火爐縱廣深淺各二尺作於其爐中留一

土臺上捏作香泥蓮以為坐次日沒時阿闍

梨令諸弟子等洗浴竟次阿闍梨作大結界

次日入時召請諸佛菩薩金剛於壇中心著

一佛像北方觀自在南方金剛以種種香花

五盤飲食十六盞燈而供養之次於西門外

敷新淨席次阿闍梨喚諸弟子作護身印一

一誦真言七徧各各與印諸弟子頂及兩肩

心咽眉間髮際腦後護身畢已令諸弟子就

於席上面向東坐次取香花及白芥子阿闍

梨把白芥子念真言七徧次第打諸弟子頭

上三徧打竟更與護身用頭頭觀自在印真

言曰

唵賀也佉哩合縛三暮多阿弭帝吽

次阿闍梨胡跪問於最長弟子而云汝今欲得學此法否弟子荅云欲得如是次第問諸弟子法用如前次阿闍梨契手擎香水灌諸弟子一一頭上覆之以右手按諸弟子一一膏上為誦馬頭觀自在真言次取真言索各與繫諸弟子臂男左女右次娑婆樹汁香次第與灌諸弟子身右旋三轉灌香水竟次旋炬火亦如前法次與齒木各長八指次授與花竟令諸弟子向東列坐教諸弟子投花向

前次嚼齒木亦如前投若其花頭向人者好背向東者知魔障出向南北者皆為不言齒木齧處向身者好背向東者知魔障出餘如法華法次與洗手各令飲金剛誓水敬謝飲之次阿闍梨入於壇內白佛菩薩金剛等云諸弟子等明日更欲入道場來廣作供養諸佛菩薩金剛天等請昇本宮後設供養願皆降赴受眾供養如是三說然後發遣壇內諸佛菩薩金剛及諸天等次阿闍梨向壇邊面向南坐著一火爐誦馬頭真言燒白芥子一

底娑縛_合訶惹耶惹耶娑縛_合訶薩婆尾
近那毘那夜迦囉訖又_合囉訖又_合娑縛_合
訶引

隨心真言曰

唵鳴囉馱唵囉姥涅哩_合尾吽泮吒娑縛訶
凡欲受持我真言先須捨貪愛及身口意業
諸不善出入護淨先須洗浴清淨著新淨衣
手執香爐端心正念啓告十方諸佛及大菩
薩一切賢聖弟子某甲今於此處欲建立壇
場所有一切善神惟願擁護所有不善之心

者急離此界夫擇地要須高山或是平原近
水及有花果之處最爲上好若在城邑寺舍
淨處即得欲作壇時先作軍荼利結界護身
辟毘那夜迦障難揀地訖當作四肘壇掘深
一肘除去瓦礫并諸穢毛髮爪甲然後填
好黃土築令堅實取佉陀羅木椽長十二指
三稜成者四箇釘四角頭次用犢子糞末墮
地者其牛不得食糟次用白檀香用摩壇四
肘內須二肘高交四指取沉香檀香用塗其
上中心用牛黃和白檀香摩作一蓮花座狀

如輪形當坐本尊南邊著馬頭觀自在北邊
著軍荼利後面安毘梨那波羅蜜壇下層安
四門東安大自在天餘門安跋折羅其跋折
羅無金銅者取柳木及紫檀木亦得壇四角
各安一餅滿餅盛水用栢柳枝及花等覆上
燈八盞以種種花果乳酪酥蜜飲食而供養
之四門前各安一香爐燒安息香及諸名香
而供養之真言師當洗浴著新淨衣一日不
食面向本尊手執香爐廣發願懺悔然後端
坐正念誦前根本真言十萬徧所有重罪業

障皆得銷滅每趁徧數勿令間斷或趁一千
八徧或一百八徧課畢之後即共人言當念
誦時勿共人語念誦了畢禮拜發願然後始
出次說火法其西門南著一火爐方圓深共
一肘用胡麻生稻穀花等酥蜜相和竟誦馬
頭隨心真言先誦火天真言前物一徧真言
一投火中燒如是乃至一千八徧已次請本
尊賢迦惹吒即能息一切災難欲求本尊現
身者用構枝及香酥蜜等至第三日真言師
取前件物相和置壇中心著禮拜行道讚歎

滿四十九而然後胡跪却請前件物真言一
百八徧用根本真言後欲投火時誦心真言
一千八徧一誦一燒投在火中乃至數滿燒
了啓云一切諸佛諸大菩薩金剛密跡釋梵
諸天一切諸仙天眼他心宿命通者當界善
神願授弟子火法第六供養火光熾盛無煙焰中
作童樂聲或輪成是大吉祥火焰未滅真言
勿起便結跏坐右點左淨坐至心想惹字喻
若紅玻瓈淨無罣點光明遍身本尊即從西
南角現身出三日四臂頂上有阿彌陀佛徇

牙上下出垂左手與真言師摩頂問之求何
願真言師不得心動喜悅及怕怖等如是想
不滅即是本尊從三昧緩緩起合掌小低頭
禮白言聖者弟子今有願所求皆得勿多言
乞願其時便得一天花分付真言師以為信
聖者言我從今已往常勅諸八部鬼神常加
侍衛亦令使喚無難求悉地出離生死及大
成就無不得者如是求願要在山門半年所
置道場勿令異色人見亦不得更持別法常
念不空菩薩及十一面菩薩臨欲發道誦此

真言曰

蘇佉蘇佉誡車誡車惹吒與娑縛二訶引

真言師不得戲笑中忘誦當覺身輕如無骨

肉心如師子王空界異香現即知聖者宮後

起行道七帛後執香爐所有賢聖來至此處

供養多不如法惟願布施歡喜次作根本契

印即成散衆

御部期尅印左手為金剛拳直堅力度泥喇

根本印禪智進力忍願等向內相叉右壓左

戒方豎頭相拄檀惠橫相壓真言曰

賢門惹隣吽

請印檀惠戒方忍願各外相附二羽合禪智

頭各拄檀惠下節文屈進力附忍願側如鈎

來去請真言曰

阿吽野捨徒

次結花座印新八禪智進力戒方檀惠十四各頭相拄

開掌忍願相去八分許真言曰

唵惹吒些那

供養印願進頭相拄戒力於願背頭相拄忍

方於願背頭相拄惠度拄力度上文檀度外

橫博智羽背禪智側並豎並開虎口真言曰

唵你弭也合二布惹

忿怒辟尾那夜迦用軍吒利身印真言曰

唵賀那賀那吽

一髻尊降伏真言曰

唵吁嚕啍惹曳娑縛合二訶引

真言師洗浴灌頂印檀惠並豎戒方屈入掌

忍願頭相拄進力屈柱上節背以禪智拄檀

惠上文用隨心真言捻數珠印用蓮花部真

言

十一面觀自在印

唵阿嚕力娑縛合二訶乞列合二素怛囉合二惹閉

吽

請火天真言曰

而曳合二底曳娑縛合二訶

以印用忍願屈甲上文相合戒方直豎頭相

拄進力各獨屈如鈎相去一肘禪智微屈相

離三分檀惠直豎相去一寸畫像法右手執

劔右手執三股叉左手斧左索身立

佛說一髻尊陀羅尼經

金剛摧碎陀羅尼

宋契丹國師中天竺摩竭陀國三藏法師慈賢譯

曩謨囉怛那合二怛囉合二夜野一曩謨室戰合二
 拏縛日囉合三播拏曳二摩訶藥乞叉合二細那
 鉢多曳三怛你也合二他唵引怛囉吒野四怛
 囉合二吒野五咄嚕合二吒野咄嚕合二吒野六娑
 普合二吒娑普合二吒七娑醯合二吒野娑醯合二吒
 野八乞哩合二恨拏合二乞哩合二恨拏九乞哩合二
 恨拏合二跛野乞哩恨拏合二跛野十薩囉縛合二
 薩怛縛合二顛一十冒馱野冒馱野二十三冒馱野

永樂北藏

金剛摧碎陀羅尼

第七一册

三冒馱野三十勃嚕合二麼四三勃嚕合二麼三勃
 嚕合二麼五薩囉縛合二部哆顛六矩吒矩吒七
 僧矩吒野僧矩吒野八薩囉縛合二設咄嚕合二
 九伽吒伽吒十僧伽吒野僧伽吒野二十薩
 囉縛合二尾你也合二縛日囉十二娑醯合二吒
 縛日囉十三縛日囉合二迦吒縛日囉二十合
 四縛日囉合二麼吒縛日囉十五縛日囉合二
 麼他縛日囉十六縛日囉合二阿吒賀娑十
 七顛擺縛日囉合二素八縛日囉合二曳娑縛
 合二訶九十四捕嚕顛哩捕嚕十三伽哩合二捉矩

嚕一三十 呬哩祖嚕二三十 矩嚕矩嚕三十 縛日
 囉合二 尾惹夜耶娑縛合二 訶四三十 枳隸枳攤野
 娑縛合二 訶五三十 迦吒迦吒六三十 麼吒麼吒十三
 七囉吒囉吒八三十 謨吒曩九三十 跋囉謨吒曩
 野娑縛合二 訶十四 左囉拏左囉一十四 賀囉賀囉
新八
十六
 二四十 麼囉麼囉野三十 縛日囉合二 尾惹
 囉拏野娑縛合二 訶四四十 親那親那摩訶枳隸
 枳攤野娑縛合二 訶五四十 滿馱滿馱六四十 骨嚕
 馱骨嚕馱七四十 枳隸枳攤野娑縛合二 訶八四十
 祖嚕祖嚕贊拏九四十 枳隸枳攤野娑縛合二

訶十五 怛囉合二 娑野怛囉合二 娑野一五十 縛日囉
二 枳哩枳攤野娑縛合二 訶二五十 賀囉賀囉縛
 日囉合二 馱囉野娑縛合二 訶三五十 鉢囉合二 賀囉
 鉢囉合二 賀囉四五十 縛日囉合二 鉢囉合二 跋馱曩
 野娑縛合二 訶五五十 麼底悉體合二 囉六五十 縛日
 囉合二 素底悉體合二 囉七五十 縛日囉合二 鉢囉合二
 底悉體合二 囉八五十 縛日囉合二 摩訶九五十 縛日
 囉合二 阿鉢囉合二 底賀哆十六十 縛日囉合二 阿謨伽
十一 縛日囉合二 曠十二六十 縛日囉合二 誠伽朗
十三 縛日囉合二 野娑縛合二 訶十四六十 馱囉馱囉

五六十地哩地哩六十度嚕度嚕七十薩羅縛
 二縛日囉合二矩羅八十摩縛哩多合曩野娑
 縛合訶九六十阿母娑麼羅野發吒十娜麼三
 滿多縛日囉合喃一七十薩羅縛合末羅二七十
 麼縛哩惹野三七十摩訶末唎迦吒七十尾怛
 怛唎阿怛唎五七十滿拏羅摩曳七十阿底縛
 日囉合二摩賀末羅尾誡七十囉拏囉拏七十
 阿唎帝入縛合二羅入縛合囉九七十底致底致
 十底致孕合誡唎一八十娜賀娜賀二十帝惹
 縛帝三十八底唎底唎四十八滿馱滿馱五十八摩

訶縛日唎合二迦六八十入縛羅野娑縛合訶十
 七娜謨囉怛那合二怛囉合二夜野八十娜謨室
 戰拏九八十縛日囉合二播拏野九摩訶藥乞又
 合二細曩鉢哆曳九一十唵賀囉賀囉九一十縛日
 囉合二麼他麼他三九十縛日囉合二度曩度曩十
 四縛日囉合二鉢左鉢左五九十縛日囉合二馱羅
 馱羅六九十縛日囉合二馱羅野馱羅野七十縛
 日囉合二馱嚕拏馱嚕拏九十縛日囉合二親娜
 親娜九一十縛日囉牝那牝那百縛日囉合二吽
 發吒一曩謨室戰拏二縛日略合二骨嚕合二馱

大願大灌頂光真言神通威力加持沙土之
力應時即得光明及身除諸罪報捨所苦身
往於西方極樂國土蓮花化生乃至菩提更
不墮落復有衆生連年累月痿黃疾惱苦楚
萬端是病人者先世業報以是真言於病者
前一二三日每日高聲誦此真言一千八十
徧則得除滅宿業病障若爲鬼燒魂識悶亂
失音不語持真言者加持手一百八徧摩捫
頭面以手按於心上額上加持一千八十徧
則得除差摩訶迦羅神作病惱者亦能治遣

若諸鬼神魍魎之病加持五色線索一百八
結繫其病者腰臂頂上則便除差若諸瘡病
加持白線索一百八結繫頭項上及加持衣
著即令除差若加持石菖蒲一千八十徧舍
之與他相對談論則勝他伏若以胡椒多誡
囉香青木香此言小栢檀黃羅娑惹娜栢汁等
數末治水丸如棗加持十萬徧便當陰乾若
患一切鬼神病種種瘡病或毒藥中或失音
者當以藥和水研之加持一百八徧數點兩
眼額上心上當怒加持則便除差作病鬼神

若不放捨即當頭破如阿梨樹枝若諸毒蟲
蛇蝎螫者以藥塗眼即便除差

又法以新米禪羅澡浴清淨著淨衣服已以
藥和水研加持一百八徧點米禪羅眼中奮
怒加持一千八十徧則便起坐所問皆答欲
放者加持白芥子水二十一徧散米禪羅上
即便如舊若為貴人相請喚者以藥點眼當
往見之則相賓敬

不空罽索毘盧遮那佛大灌頂光真言經

音釋

肘

涉柳切
臂節也

磔

涉格切
張甲也

闕

梵語也
闕阿葛切

伽

此云水
切伽切

切

檀

檀名切

厲

厲黑瘰也
厲切

痠

濕病也
濕切

螫

螫切

幸

幸也切

幸

幸切

幸

幸切

幸

幸切

地藏菩薩本願經卷上

斯九

唐于闐國三藏沙門齊叉難陀譯

忉利天宮神通品第一

如是我聞。一時佛在忉利天為母說法。爾時十方無量世界不可說不可說一切諸佛及大菩薩摩訶薩皆來集會讚歎釋迦牟尼佛能於五濁惡世現不可思議大智慧神通之力調伏剛強眾生知苦樂法各遣侍者問訊世尊。是時如來含笑放百千萬億大光明雲所謂大圓滿光明雲大慈悲光明雲大智慧

光明雲大般若光明雲大三昧光明雲大吉祥光明雲大福德光明雲大功德光明雲大歸依光明雲大讚歎光明雲放如是等不可說光明雲已。又出種種微妙之音所謂檀波羅蜜音尸波羅蜜音羼提波羅蜜音毗離耶波羅蜜音禪波羅蜜音般若波羅蜜音慈悲音喜捨音解脫音無漏音智慧音大智慧音師子吼音大師子吼音雲雷音大雲雷音出如是等不可說不可說音已。娑婆世界及他方國土有無量億天龍鬼神亦集到忉利天

宮所謂四天王天忉利天須焰摩天兜率陀
天化樂天他化自在天梵衆天梵輔天大梵
天少光天無量光天光音天少淨天無量淨
天遍淨天福生天福愛天廣果天無想天無
煩天無熱天善見天善現天色究竟天摩醯
首羅天乃至非想非非想處天一切天衆龍
衆鬼神等衆悉來集會復有他方國土及娑
婆世界海神江神河神樹神山神地神川澤
神苗稼神晝神夜神空神天神飲食神草木
神如是等神皆來集會復有他方國土及娑

婆世界諸大鬼王所謂惡目鬼王噉血鬼王
噉精氣鬼王噉胎卵鬼王行病鬼王攝毒鬼
王慈心鬼王福利鬼王大愛敬鬼王如是等
鬼王皆來集會爾時釋迦牟尼佛告文殊師
利法王子菩薩摩訶薩汝觀是一切諸佛菩
薩及天龍鬼神此世界他世界此國土他國
土如是今來集會到忉利天者汝知數不文
殊師利白佛言世尊若以我神力千劫測度
不能得知佛告文殊師利吾以佛眼觀故猶
不盡數此皆是地藏菩薩久遠劫來已度當

度未度已成就當成就未成就文殊師利白
佛言世尊我已過去久修善根證無礙智聞
佛所言即當信受小果聲聞天龍八部及未
來世諸衆生等雖聞如來誠實之語必懷疑
惑設使頂受未免與謗唯願世尊廣說地藏
菩薩摩訶薩因地作何行立何願而能成就
不思議事佛告文殊師利譬如三千大千世
界所有草木叢林稻麻竹葦山石微塵一物
一數作一恒河一恒河沙一沙之界一界之
內一塵一劫一劫之內所積塵數盡充爲劫

地藏菩薩證十地果位已來千倍多於上喻
何況地藏菩薩在聲聞辟支佛地文殊師利
此菩薩威神誓願不可思議若未來世有善
男子善女人聞是菩薩名字或讚歎或瞻禮
或稱名或供養乃至彩畫刻鏤塑漆形像是
人當得百返新九生於三十三天永不墮惡道文
殊師利是地藏菩薩摩訶薩於過去久遠不
可說不可說劫前身爲大長者子時世有佛
號曰師子奮迅具足萬行如來時長者子見
佛相好千福莊嚴因問彼佛作何行願而得

此相時師子奮迅具足萬行如來告長者子
欲證此身當須久遠度脫一切受苦衆生文
殊師利時長者子因發願言我今盡未來際
不可計劫爲是罪苦六道衆生廣設方便盡
令解脫而我自身方成佛道以是於彼佛前
立斯大願于今百千萬億那由他不可說劫
尚爲菩薩又於過去不可思議阿僧祇劫時
世有佛號曰覺華定自在王如來彼佛壽命
四百千萬億阿僧祇劫像法之中有一娑羅
門女宿福深厚衆所欽敬行住坐卧諸天衛

護其母信邪常輕三寶是時聖女廣說方便
勸誘其母今生正見而此女母未全生信不
久命終竟神墮在無間地獄時婆羅門女知
母在世不信因果計當隨業必生惡趣遂賣
家宅廣求香華及諸供具於先佛塔寺大興
供養見覺華定自在王如來其形像在一寺
中塑畫威容端嚴畢備時婆羅門女瞻禮尊
容倍生敬仰私自念言佛名大覺具一切智
若在世時我母死後儻來問佛必知處所時
娑羅門女垂泣良久瞻戀如來忽聞空中聲

曰泣者聖女勿至悲哀我今示汝母之去處
婆羅門女合掌向空而白空曰是何神德寬
我憂慮我自失母已來晝夜憶戀無處可問
知母生界時空中有聲再報女曰我是汝所
瞻禮者過去覺華定自在王如來見汝憶母
倍於常情所九衆生之分故來告示婆羅門女聞
此聲已舉身自撲支節皆損左右扶持良久
方蘇而白空曰願佛慈愍速說我母生界我
今身心將死不久時覺華定自在王如來告
聖女曰汝供養畢但早返舍端坐思惟吾之

名號即當知母所生去處時婆羅門女尋禮
佛已即歸其舍以憶母故端坐念覺華定自
在王如來經一日一夜忽見自身到一海邊
其水涌沸多諸惡獸盡復鐵身飛走海上東
西馳逐見諸男子女人百千萬數出沒海中
被諸惡獸爭取食噉又見夜叉其形各異或
多手多眼多足多頭口牙外出利刃如劍驅
諸罪人使近惡獸復自搏攫頭足相就其形
萬類不敢久視時婆羅門女以念佛力故自
然無懼有一鬼王名曰無毒稽首來迎白聖

女曰善哉菩薩何緣來此時婆羅門女問鬼
王曰此是何處無毒答曰此是大鐵圍山西
面第一重海聖女問曰我聞鐵圍之內地獄
在中是事實不無毒答曰實有地獄聖女問
曰我今云何得到獄所無毒答曰若非威神
即須業力非此斯九二事終不能到聖女又問此
水何緣而乃涌沸多諸非人及以惡獸無毒
答曰此是閻浮提造惡衆生新死之者經四
十九日後無人繼嗣爲作功德救拔苦難生
時又無善因當據本業所感地獄自然先渡

此海海東十萬由旬又有一海其苦倍此彼
海之東又有一海其苦復倍三業惡因之所
招感共號業海其處是也聖女又問鬼王無
毒曰地獄何在無毒答曰三海之內是大地
獄其數百千各各差別所謂大者具有十八
次有五百苦毒無量次有千百亦無量苦聖
女又問大鬼王曰我母死來未久不知鬼神
當至何趣鬼王問聖女曰菩薩之母在生習
何行業聖女答曰我母邪見譏毀三寶設或
暫信旋又不敬死雖日淺未知生處無毒問

曰菩薩之母姓氏何等聖女答曰我父我母俱婆羅門種父號尸羅善現母號悅帝利無毒合掌啓菩薩曰願聖者却返本處無至憂憶悲戀悅帝利罪女生天以來經今三日云承孝順之子爲母設供修福布施覺華定自在王如來塔寺非唯菩薩之母得脫地獄應是無間罪人此日悉得受樂俱同生訖鬼王言畢合掌而退婆羅門女尋如夢歸悟此事已便於覺華定自在王如來塔像之前立弘誓願願我盡未來劫應有罪苦衆生廣設方

便使令解脫佛告文殊師利時鬼王無毒者當今財首菩薩是婆羅門女者即地藏菩薩是

分身集會品第二

爾時百千萬億不可思不可議不可量不可說無量阿僧祇斯九世界所有地獄處六分身地藏菩薩俱來集在忉利天宮以如來神力故各以方面與諸得解脫從業道出者亦各有千萬億那由他數共持香華來供養佛彼諸同來等輩皆因地藏菩薩教化永不退轉於阿

轉多羅三藐三菩提是諸衆等久遠劫來流浪生死六道受苦暫無休息以地藏菩薩廣大慈悲深誓願故各獲果證既至切利心懷踊躍瞻仰如來日不暫捨爾時世尊舒金色臂摩百千萬億不可思不可議不可量不可說無量阿僧祇世界諸分身地藏菩薩摩訶薩頂而作是言吾於五濁惡世教化如是剛強衆生令心調伏捨邪歸正十有一二尚惡習在吾亦分身千百億廣設方便或有利根聞即信受或有善果勸勸成就或有暗鈍久

化方歸或有業重不生敬仰如是等輩衆生各各差別分身度脫或現男子身或現女人身或現天龍身或現神鬼身或現山林川原河池泉井利及於人悉皆度脫或現天帝身或現梵王身或現轉輪王身或現居士身或現國王身或現宰輔身或現官屬身或現比丘比丘尼優婆塞優婆夷身乃至聲聞羅漢辟支佛菩薩等身而以化度非但佛身獨現其前汝觀吾累劫勤苦度脫如是等難化剛強罪苦衆生其有未調伏者隨業報應若墮

惡趣受大苦時汝當憶念吾在忉利天宮慙
慙付囑令娑婆世界至彌勒出世已來衆生
悉使解脫永離諸苦遇佛授記爾時諸世界
分身地藏菩薩共復一形涕淚哀戀白其佛
言我從久遠劫來蒙佛接引使獲不可思議
神力具大智慧我所分身遍滿百千萬億恒
河沙世界每一世界化百千萬億身每一身
度百千萬億人令歸敬三寶永離生死至涅
槃樂但於佛法中所爲善事一毛一滯一沙
一塵或毫髮許我漸度脫使獲大利唯願世

尊不以後世惡業衆生爲慮如是三白佛言
唯願世尊不以後世惡業衆生爲慮爾時佛
讚地藏菩薩言善哉善哉吾助汝喜汝能成
就久遠劫來發弘誓願廣度將畢即證菩提
觀衆生業緣品第三

爾時佛母摩耶夫人恭敬合掌問地藏菩薩
言聖者閻浮衆生造業差別所受報應其事
云何地藏答言千萬世界乃及國土或有地
獄或無地獄或有女人或無女人或有佛法
或無佛法乃至聲聞辟支佛亦復如是非但

地獄罪報一等摩耶夫人重白菩薩且願聞於閻浮罪報所感惡趣地藏菩薩言聖母唯願聽受我粗說之佛母白言願聖者說爾時地藏菩薩白聖母言南閻浮提罪報名號如是若有衆生不孝父母或至殺害當墮無間地獄千萬億劫斯九求出無期若有衆生出佛身血毀謗三寶不敬尊經亦當墮於無間地獄千萬億劫求出無期若有衆生侵損常住點污僧尼或伽藍內恣行淫欲或殺或害如是等輩當墮無間地獄千萬億劫求出無期若有

衆生僞作沙門心非沙門破用常住欺誑白衣違背戒律種種造惡如是等輩當墮無間地獄千萬億劫求出無期若有衆生偷竊常住財物穀米飲食衣服乃至一物不與取者當墮無間地獄千萬億劫求出無期地藏白言聖母若有衆生作如是罪當墮五無間地獄求暫停若一念不得摩耶夫人重白地藏菩薩言云何名爲無間地獄地藏白言聖母諸有地獄在大鐵圍山之內其大地獄有一十八所次有五百名號各別次有千百名字

亦別無間獄者其獄城周匝八萬餘里其城
純鐵高一萬里城上火聚少有空缺其獄城
中諸獄相連名號各別獨有一獄名曰無間
其獄周匝萬八千里獄牆高一千里悉是鐵
為上火徹下下火徹上鐵蛇鐵狗吐火馳逐
獄牆之上東西而走獄中有床遍滿萬里一
人受罪自見其身遍卧滿床千萬人受罪亦
各自見身滿床上衆業所感獲報如是又諸
罪人備受衆苦千百夜又及以惡鬼口牙如
劍眼如電光手復銅爪拖拽罪人復有夜又

執大鐵戟中罪人身或中口鼻或中腹背拋
空翻接或置床上復有鐵鷹啗罪人目復有
鐵蛇繳罪人頸百肢節內悉下長釘拔舌耕
犁抽腸剗斬洋銅灌口熱鐵纏身萬死千生
業感如是動經億劫求出無期此界壞時寄
生他界他界次壞轉寄他方他方壞時展轉
相寄此界成後還復而來無間罪報其事如
是又五事業感故稱無間何等為五一者日
夜受罪以至劫數無時間絕故稱無間二者
一人亦滿多人亦滿故稱無間三者罪器又

棒鷹蛇狼犬碓磨鋸鑿斲斫鑊湯鐵網鐵繩
鐵鑪鐵馬生革絡首熱鐵澆身飢吞鐵丸渴
飲鐵汁從年竟劫數那由他苦楚相連更無
間斷故稱無間四者不問男子女人羌胡夷
狄老幼貴賤或龍或神或天或鬼罪行業感
悉同受之故稱無間五者若墮此獄從初入
時至百千劫一日一夜萬死萬生求一念間
暫住不得除非業盡方得受生以此連綿故
稱無間地藏菩薩白聖母言無間地獄粗說
如是若廣說地獄罪器等名及諸苦事一劫

之中求說不盡摩耶夫人聞已愁憂合掌頂
禮而退

閻浮衆生業感品第四

爾時地藏菩薩摩訶薩白佛言世尊我承佛
如來威神力故遍百千萬億世界分是身形
救拔一切業報衆生若非如來大慈力故即
不能作如是變化我今又蒙佛付囑至阿逸
多成佛已來六道衆生遣令度脫唯然世尊
願不有慮爾時佛告地藏菩薩一切衆生未
解脫者性識無定惡習結業善習結果爲善

爲惡逐境而生輪轉五道暫無休息動經塵劫迷惑障難如魚遊網將是長流脫入暫出又復遭網以是等輩吾當憂念汝旣畢是往願累劫重誓廣度罪輩吾復何慮說是語時會中有一菩薩摩訶薩名定自在王白佛言世尊地藏菩薩累劫已來各發何願今蒙世尊慇懃讚歎唯願世尊略而說之爾時世尊告定自在王菩薩諦聽諦聽善思念之吾當爲汝分別解說乃往過去無量阿僧祇那由他不可說劫爾時有佛號一切智成就如來

應供正徧知明行足善逝世間解無上士調御丈夫天人師佛世尊其佛壽命六萬劫未出家時爲小國王與一隣國王爲友同行十善饒益衆生其隣國內所有人民多造衆惡二王議計廣設方便一王發願早成佛道當度是輩令使無餘新九一王發願若不先度罪苦令是安樂得至菩提我終未願成佛佛告定自在王菩薩一王發願早成佛者即一切智成就如來是一王發願永度罪苦衆生未願成佛者即地藏菩薩是復於過去無量阿僧

祇劫有佛出世名清淨蓮華目如來其佛壽命四十劫像法之中有一羅漢福度衆生因次教化遇一女人字曰光目設食供養羅漢問之欲願何等光目答言我以母亡之日資福救拔未知我母生處何趣羅漢愍之爲入定觀見光目女母墮在惡趣受極大苦羅漢問光目言汝母在生作何行業今在惡趣受極大苦光目答言我母所習唯好食噉魚鼈之屬所食魚鼈多食其子或炒或者恣情食噉計其命數千萬復倍尊者慈愍如何哀救

羅漢愍之爲作方便勸光目言汝可志誠念清淨蓮華目如來兼塑畫形像存亡獲報光目聞已即捨所愛尋畫佛像而供養之復恭敬心悲泣瞻禮忽於夜後夢見佛身金色晃耀如須彌山放大光明而告光目汝母不久當生汝家總覺飢寒即當言說其後家內婢生一子未滿三日而乃言說稽首悲泣告於光目生死業緣果報自受吾是汝母久處幽冥自別汝來累墮大地獄蒙汝福力方得受生爲下賤人又復短命壽年十三更落惡道

汝有何計令吾脫免光目聞說知母無疑更
咽悲啼而白婢子既是我母合知本罪作何
行業墮於惡道婢子荅言以殺害毀罵二業
受報若非蒙福救拔吾難以是業故未合解
脫光目問言地獄罪報其事云何婢子荅言
罪苦之事不忍稱說百千歲中卒白難竟光
目聞已啼淚號泣而白空界願我之母永脫
地獄畢十三歲更無重罪及歷惡道十方諸
佛慈悲愍我聽我為母所發廣大誓願若得
我母永離三塗及斯下賤乃至女人之身永

劫不受者願我自今日後對清淨蓮華目如
來像前却後百千萬億劫中應有世界所有
地獄及三惡道諸罪苦衆生誓願救拔令離
地獄惡趣畜生餓鬼等如是罪報等人盡成
佛竟我然後方成正覺發誓願已具聞清淨
蓮華目如來而告之曰光目汝大慈愍善能
為母發如是大願吾觀汝母十三歲畢捨此
報已生為梵志壽年百歲過是報後當生無
憂國土壽命不可計劫後成佛果廣度人天
數如恒河沙佛告定自在王爾時羅漢福度

光目者即無盡意菩薩是光目母者即解脫
菩薩是光目女者即地藏菩薩是過去久遠
劫中如是慈愍發恒河沙願廣度衆生未來
世中若有男子女人不行善者行惡者乃至不
信因果者邪斷九婬妄語者兩舌惡口者毀謗大
乘者如是諸業衆生必墮惡趣十三若遇善知識
勸令一彈指間歸依地藏菩薩是諸衆生即
得解脫三惡道報若能志心歸敬及瞻禮讚
歎香華衣服種種珍寶或復飲食如是奉事
者未來百千萬億劫中常在諸天受勝妙樂

若天福盡下生人間猶百千劫常爲帝王能
憶宿命因果本末定自在王如是地藏菩薩
有如此不可思議大威神力廣利衆生汝等
諸菩薩當記是經廣宣流布定自在王白佛
言世尊願不有慮我等千萬億菩薩摩訶薩
必能承佛威神廣演是經於閻浮提利益衆
生定自在王菩薩白世尊已合掌恭敬作禮
而退爾時四方天王俱從座起合掌恭敬白
佛言世尊地藏菩薩於久遠劫來發如是大
願云何至今猶度未絕更發廣大誓願唯願

世尊爲我等說佛告四天王善哉善哉吾今
爲汝及未來現在天人衆等廣利益故說地
藏菩薩於娑婆世界閻浮提內生死道中慈
哀救拔度脫一切罪苦衆生方便之事四天
王言唯然世尊願樂欲聞佛告四天王地藏
菩薩久遠劫來迄至于今度脫衆生猶未畢
願慈愍此世罪苦衆生復觀未來無量劫中
因蔓不斷以是之故又發重願如是菩薩於
娑婆世界閻浮提中百千萬億方便而爲教
化四天王地藏菩薩若遇殺生者說宿殃短

命報若遇竊盜者說貧窮苦楚報若遇邪姪
者說雀鴿鴛鴦報若遇惡口者說眷屬鬪諍
報若遇毀謗者說無舌瘡口報若遇瞋恚者
說醜陋癰殘報若遇慳吝者說所求違願報
若遇飲食無度者說飢渴咽病報若遇畋獵
恣情者說驚狂喪命報若遇悖逆父母者說
天地災殺報若遇燒山林木者說狂迷取死
報若遇前後父母惡毒者說返生鞭撻現受
報若遇網捕生雛者說骨肉分離報若遇毀
謗三寶者說盲聾瘡癩報若遇輕法慢教者

說永處惡道報若遇破用常住者說億劫輪迴地獄報若遇汚梵誣僧者說永在畜生報若遇湯火斬斫傷生者說輪迴遍償報若遇破戒犯齋者說禽獸飢餓報若遇非理毀用者說所求闕絕報若遇吾我貢高者說卑使下賤報若遇兩舌鬪亂者說無舌百舌報若遇邪見者說邊地受生報如是等閻浮提眾生身口意業惡習結果百千報應今粗略說如是等閻浮提眾生業感差別地藏菩薩百千方便而教化之是諸眾生先受如是等報

後墮地獄動經劫數無有出期是故汝等護人護國無令是諸眾業迷惑眾生四天王聞已涕淚悲歎合掌而退

地獄名號品第五

爾時普賢菩薩摩訶薩白地藏菩薩言仁者願為天龍四眾第九及未來現在一切眾主十五說娑婆世界及閻浮提罪苦眾生所受報處地獄名號及惡報等事使未來世末法眾生知是果報地藏答言仁者我今承佛威神及大士之力略說地獄名號及罪報惡報之事仁者

閻浮提東方有山號曰鐵圍其山黑邃無日
月光有大地獄號極無間又有地獄名大阿
鼻復有地獄名曰四角復有地獄名曰飛刀
復有地獄名曰火箭復有地獄名曰夾山復
有地獄名曰通槍復有地獄名曰鐵車復有
地獄名曰鐵床復有地獄名曰鐵牛復有地
獄名曰鐵衣復有地獄名曰千刃復有地獄
名曰鐵驢復有地獄名曰洋銅復有地獄名
曰抱柱復有地獄名曰流火復有地獄名曰
耕舌復有地獄名曰剄首復有地獄名曰燒

脚復有地獄名曰啗眼復有地獄名曰鐵丸
復有地獄名曰諍論復有地獄名曰鐵鈇復
有地獄名曰多瞋地藏白言仁者鐵圍之內有
如是等地獄其數無限更有叫喚地獄拔舌
地獄糞尿地獄銅鑊地獄火象地獄火狗地
獄火馬地獄火牛地獄火山地獄火石地獄
火床地獄火梁地獄火鷹地獄鋸牙地獄剝
皮地獄飲血地獄燒手地獄燒脚地獄倒刺
地獄火屋地獄鐵屋地獄火狼地獄如是等
地獄其中各各復有諸小地獄或一或二或

三或四乃至百千其中名號各各不同地藏菩薩告普賢菩薩言仁者此者皆是南閻浮提行惡衆生業感如是業力甚大能敵須彌能深巨海能障聖道是故衆生莫輕小惡以爲無罪死後有報纖毫受之父子至親歧路各別縱然相逢無肯代受我今承佛威力略說地獄罪報之事唯願仁者暫聽是言普賢答言吾以久知三惡道報望仁者說令後世末法一切惡行衆生聞仁者說使令歸佛地藏白言仁者地獄罪報其事如是或有地獄

取罪人舌使牛耕之或有地獄取罪人心夜叉食之或有地獄鑊湯盛沸煮罪人身或有地獄赤燒銅柱使罪人抱或有地獄使諸火燒趁及罪人或有地獄一向寒冰或有地獄無限糞尿或有地獄純飛鏃鏃或有地獄多攢火槍或有地獄唯撞背或有地獄但燒手足或有地獄盤繳鐵蛇或有地獄驅逐鐵狗或有地獄盡駕鐵騾仁者如是等報各各獄中有百千種業道之器無非是銅是鐵是石是火此四種物衆業行感若廣說地獄罪

報等事一一獄中更有百千種苦楚何況多
獄我今承佛威神及仁者問略說如是若廣
解說窮劫不盡

如來讚歎品第六

爾時世尊舉身放大光明遍照百千萬億恒

新九

十七

河沙等諸佛世界出大音聲普告諸佛世界
一切諸菩薩摩訶薩及天龍鬼神人非人等
聽吾今日稱揚讚歎地藏菩薩摩訶薩於十
方世界現大不可思議威神慈悲之力救護
一切罪苦之事吾滅度後汝等諸菩薩大士

及天龍鬼神等廣作方便衛護是經令一切
衆生證涅槃樂說是語已會中有一菩薩名
曰普廣合掌恭敬而白佛言今見世尊讚歎
地藏菩薩有如是不可思議大威神德唯願
世尊為未來世末法衆生宣說地藏菩薩利
益人天因果等事使諸天龍八部及未來世
衆生頂受佛語爾時世尊告普廣菩薩及四
衆等諦聽諦聽吾當為汝略說地藏菩薩利
益人天福德之事普廣白言唯然世尊願樂
欲聞佛告普廣菩薩未來世中若有善男子

善女人聞是地藏菩薩摩訶薩名者或合掌者讚歎者作禮者戀慕者是人超越三十劫罪普廣若有善男子善女人或彩畫形像或土石膠漆金銀銅鐵作此菩薩一瞻一禮者是人百返生於三十三天永不墮於惡道假如天福盡故下生人間猶爲國王不失大利若有女人馱女人身盡心供養地藏菩薩畫像及土石膠漆銅鐵等像如是日日不退常以華香飲食衣服繒綵幢幡錢寶物等供養是善女人盡此一報女身百千萬劫更不生

有女人世界何況復受除非慈願力故要受女身度脫衆生承斯供養地藏力故及功德力百千萬劫不受女身復次普廣若有女人馱是醜陋多疾病者但於地藏像前志心瞻禮食頃之間是人千萬劫中所受生身相貌圓滿所九是醜陋女人如不馱女身十八即百千萬億生中常爲王女乃及王妃宰輔大姓大長者女端正受生諸相圓滿由志心故瞻禮地藏菩薩獲福如是復次普廣若有善男子善女人能對菩薩像前作諸伎樂及歌詠讚歎香華供

養乃至勸於一人多人如是等輩現在世中及未來世常得百千鬼神日夜衛護不令惡事輒聞其耳何況親受諸橫復次普廣未來世中若有惡人及惡神惡鬼見有善男子善女人歸敬供養讚歎瞻禮地藏菩薩形像或妄生譏毀謗無功德及利益事或露齒笑或背面非或勸人共非或一人非或多人非乃至一念生譏毀者如是之人賢劫千佛滅度譏毀之報尚在阿鼻地獄受極重罪過是劫已言之餓鬼又經千劫復受畜生又經千劫

方得人身縱受人身貧窮下賤諸根不具多被惡業來結其心以入之間復墮惡道是故普廣譏毀他人供養尚獲此報何況別生惡見毀滅復次普廣若未來世有男子女人久處床枕求生求死了不可得或夜夢惡鬼乃及家親或遊險道或多魘寐共鬼神遊斯九日月歲深轉復疋瘵眠中叫苦慄慄不樂者此皆是業道論對未定輕重或難捨壽或不得愈男女俗眼不辨是事但當對諸佛菩薩像前高聲轉讀此經一遍或取病人可愛之物或

衣服寶貝莊園舍宅對病人前高聲唱言我某甲等爲是病人對經像前捨諸等物或供養經像或造佛菩薩形像或造塔寺或然油燈或施常住如是三白病人遣令聞知假令諸識分散至氣盡者乃至一日二日三日四日至七日已來但高聲白高聲讀經是人命終之後宿殃重罪至于五無間罪永得解脫所受生處常知宿命何況善男子善女人自書此經或教人書或自塑畫菩薩形像乃至教人塑畫所受果報必獲大利是故普廣若

見有人讀誦是經乃至一念讚歎是經或恭敬者汝須百千方便勸是等人勤心莫退能得未來現在千萬億不可思議功德復次普廣若未來世諸衆生等或夢或寐見諸鬼神乃及諸形或悲或啼或愁或歎或恐或怖此皆是一生十生百生千生過去父母男女弟妹夫妻眷屬在於惡趣未得出離無處希望福力救拔當告宿世骨肉使作方便願離惡道普廣汝以神力遣是眷屬令對諸佛菩薩像前志心自讀此經或請人讀其數三遍或

七遍如是惡道眷屬經聲畢是遍數當得解脫乃至夢寐之中永不復見復次普廣若未來世有諸下賤等人或奴或婢乃至諸不自由之人覺知宿業要懺悔者志心瞻禮地藏菩薩形像乃至一七日中念菩薩名可滿萬遍如是等人盡此報後千萬生中常生尊貴更不經三惡道若復次普廣若未來世中閻浮提內刹利婆羅門長者居士一切人等及異姓種族有新產者或男或女七日之中早與讀誦此不思議經典更為念菩薩名可滿

萬遍是新生子或男或女宿有殃報便得解脫安樂易養壽命增長若是承福生者轉增安樂及與壽命復次普廣若未來世衆生於月一日八日十四日十五日十八日二十三日二十四日二十八日二十九日乃至三十日是諸日等諸罪結集定其輕重南閻浮提衆生舉止動念無不是業無不是罪何況恣情殺害竊盜邪淫妄語百千罪狀能於是十齋日對佛菩薩諸賢聖像前讀是經一遍東西南北百由旬內無諸災難當此居家若長若幼現

在未來百千歲中永離惡趣能於十齋日每
 轉一遍現世令此居家無諸橫病衣食豐溢
 是故普廣當知地藏菩薩有如是等不可說
 百千萬億大威神力利益之事閻浮衆生於
 此大士有大因緣是諸衆生聞菩薩名見菩
 薩像乃至聞是經三字五字或一偈一句者
 現在殊妙安樂未來之世百千萬生常得端
 正生尊貴家爾時普廣菩薩聞佛如來稱揚
 讚歎地藏菩薩已胡跪合掌復白佛言世尊
 我又知是大士有如此不可思議神力及大

誓願力為未來衆生遣知利益故問如來唯
 然頂受世尊當何名此經使我云何流布佛
 告普廣此經有三名一名地藏本願亦名地
 藏本行亦名地藏本誓力經緣此菩薩久遠
 劫來發大重願利益衆生是故汝等依願流
 布普廣聞已合掌恭敬作禮而退

音釋

塑 蘇故切捏 攫 厥縛切 滌 丁歷切 拖拽 托
土像物也 持也 水點也 居
何切拽 羊設切 啗 徒濫切 繳 吉了切 頸 居
花拽牽引也 食也 經也 鄂

永樂北藏

地藏菩薩本願經

第七一册

地藏菩薩本願經卷下

斯十

唐于闐國三藏沙門實叉難陀譯

利益存亡品第七

爾時地藏菩薩摩訶薩白佛言世尊我觀是
 閻浮衆生舉心動念無非是罪脫獲善利多
 退初心若遇惡緣念念增益是等輩人如履
 泥塗負於重石漸因漸重足步深遽若得遇
 知識替與減負或全與負是知識有大力故
 復相扶助勸令牢脚若達平地須省惡路無
 再經歷世尊習惡衆生從纖毫間便至無量

是諸衆生有如此習臨命終時父母眷屬宜
 爲設福以資前路或懸幡蓋及然油燈或轉
 讀尊經或供養佛像及諸聖像乃至念佛菩
 薩及辟支佛名字一名一號歷臨終人耳根
 或聞在本識是諸衆生所造惡業計其感果
 必墮惡趣緣是眷屬爲臨終人修此聖因如
 是衆罪悉皆消滅若能更爲身死之後七七
 日內廣造衆善能使是諸衆生永離惡趣得
 生人天受勝妙樂現在眷屬利益無量是故
 我今對佛世尊及天龍八部人非人等勸於

閻浮提衆生臨終之日慎勿殺害及造惡緣
拜祭鬼神求諸魍魎何以故爾所殺害乃至
拜祭無纖毫之力利益亡人但結罪緣轉增
深重假使來世或現在生得獲聖分生人天
中緣是臨終被諸眷屬這是惡因亦令是命
終人殃累對辯晚生善處何況臨命終人在
生未曾有少善根各據本業自受惡趣何忍
眷屬更爲增業譬如有人從遠地來絕糧三
日所負擔物強過百斤忽遇隣人更附少物
以是之故轉復困重世尊我觀閻浮衆生但

能於諸佛教中乃至善事一毛一帚一沙一
塵如是利益悉皆自得說是語時會中有一
長者名曰大辯是長者久證無生化度十方
現長者身合掌恭敬問地藏菩薩言大士是
南閻浮提衆生命終之後小大眷屬爲修功
德乃至設齋造衆善因是命終人得大利益
及解脫不地藏答言長者我今爲未來現在
一切衆生承佛威力略說是事長者未來現
在諸衆生等臨命終日得聞一佛名一菩薩
名一辟支佛名不問有罪無罪悉得解脫若

有男子女人在生不修善因多造衆罪命終之後眷屬小大爲造福利一切聖事七分之中而乃獲一六分功德生者自利以是之故未來現在善男女等聞健自修分分已獲無常大鬼不期而到冥冥遊袖未知罪福七七

無解脫日若是五無間罪墮大地獄千劫萬劫永受衆苦復次長者如是罪業衆生命終之後眷屬骨肉爲修營齋資助業道未齋食竟及營齋之次米泔菜葉不棄於地乃至諸食未獻佛僧勿得先食如有違食及不精勤是命終人了不得力如精勤護淨奉獻佛僧是命終人七分獲一是故長者閻浮衆生若能爲其父母乃至眷屬命終之後設齋供養志心勤懇如是之人存亡獲利說是語時初利天宮有千萬億那由他閻浮鬼神悉發無

量菩提之心大辯長者作禮而退

閻羅王衆讚歎品第八

爾時鐵圍山內有無量鬼王與閻羅天子俱詣切利來到佛所所謂惡毒鬼王多惡鬼王大諍鬼王白虎鬼王血虎鬼王赤虎鬼王散殃鬼王飛身鬼王電光鬼王狼牙鬼王千眼鬼王噉獸鬼王負石鬼王主耗鬼王主禍鬼王主食鬼王主財鬼王主一亩鬼王主禽鬼王主獸鬼王主魅鬼王主產鬼王主命鬼王主疾鬼王主險鬼王三日鬼王四日鬼王五日

鬼王祁利失王大祁利失王祁利叉王大祁利叉王阿那吒王大阿那吒王如是等大鬼王各各與百千諸小鬼王盡居閻浮提各有所執各有所主是諸鬼王與閻羅天子承佛威神大地藏菩薩摩訶薩力俱詣切利在一面立爾時閻羅天子胡跪合掌白佛言世尊我等今者與諸鬼王承佛威神及地藏菩薩摩訶薩力方得詣此切利大會亦是我等獲善利故我今有小疑事敢問世尊唯願世尊慈悲宣說佛告閻羅天子恣汝所問吾爲汝

說是時閻羅天子瞻禮世尊及迴視地藏菩薩而白佛言世尊我觀地藏菩薩在六道中百千方便而度罪苦衆生不辭疲倦是大菩薩有如是不可思議神通之事然諸衆生脫獲罪報未久之間又墮惡道世尊是地藏菩薩既有如是不可思議神力云何衆生而不依止善道永取解脫唯願世尊爲我解說佛告閻羅天子南閻浮提衆生其性剛強難調難伏是大菩薩於百千劫頭頭救拔如是衆生早令解脫是罪報人乃至墮大惡趣菩薩

以方便力拔出根本業緣而遣悟宿世之事自是閻浮衆生結惡習重旋出旋入勞斯菩薩久經劫數而作度脫譬如有人迷失本家誤入險道其險道中多諸夜叉及虎狼師子蛇蝎蝮蠍如是迷人在險道中須臾之間即遭諸毒有一知識多解大術善禁是毒乃及夜叉諸惡毒等忽逢迷人欲進險道而語之言咄哉男子爲何事故而入此路有何異術能制諸毒是迷路人忽聞是語方知險道即便退步求出此路是善知識提携接手引出

險道免諸惡毒至於好道令得安樂而語之言咄哉迷人自今已後勿履是道此路入者卒難得出復損性命是迷路人亦生感重臨別之時知識又言若見親知及諸路人若男若女言於此路多諸毒惡喪失性命無令是衆第十自取其死是故地藏菩薩具大慈悲救拔罪苦衆生生天人中令受妙樂是諸罪衆知業道苦脫得出離永不再歷如迷路人誤入險道遇善知識引接令出永不復入逢見他人復勸莫入自言因是迷故得解脫竟更

不復入若再履踐猶尚迷誤不覺舊曾所落險道或致失命如墮惡趣地藏菩薩方便力故使令解脫生人天中旋又再入若業結重永處地獄無解脫時爾時惡毒鬼王合掌恭敬白佛言世尊我等諸鬼王其數無量在閻浮提或利益人或損害人各各不同然是業報使我眷屬遊行世界多惡少善過人家庭或城邑聚落莊園房舍或有男子女人修毛髮善事乃至懸一幡一蓋少香少華供養佛像及菩薩像或轉讀尊經燒香供養一句一

得我等鬼王敬禮是人如過去現在未來諸
佛勅諸小鬼各有大力及土地分便令衛護
不令惡事橫事惡病橫病乃至不如意事近
於此舍等處何況入門佛讚鬼王善哉善哉
汝等及與閻羅能如是擁護善男女等吾亦
告梵王帝釋令衛護汝說是語時會中有一
鬼王名曰主命白佛言世尊我本業緣主閻
浮人命生時死時我皆主之在我本願甚欲
利益自是衆生不會我意致令生死俱不得
安何以故是閻浮提人初生之時不問男女

或欲生時但作善事增益舍宅自令土地無
量歡喜擁護子母得大安樂利益眷屬或已
生下慎勿殺害取諸鮮味供給產母及廣聚
眷屬飲酒食肉歌樂絃管能令子母不得安
樂何以故是產難時有無數惡鬼及魍魎精
魅斯十欲食腥血是我早令舍宅土地六靈祇荷護
子母使令安樂而得利益如是之人見安樂
故便合設福答諸土地翻為殺害集聚眷屬
以是之故犯殃自受子母俱損又閻浮提臨
命終人不問善惡我欲令是命終之人不落

惡道何況自修善根增我力故是閻浮提行善之人臨命終時亦有百千惡道鬼神或變作父母乃至諸眷屬引接亡人令落惡道何況本造惡者世尊如是閻浮提男子女人臨命終時神識昏昧不辯善惡乃至眼耳更無見聞是諸眷屬當須設大供養轉讀尊經念佛菩薩名號如是善緣能令亡者離諸惡道諸魔鬼神悉皆退散世尊一切衆生臨命終時若得聞一佛名一菩薩名或大乘經典一句一偈我觀如是輩人除五無間殺害之罪

小小惡業合墮惡趣者尋即解脫佛告主命鬼王汝大慈故能發如是大願於生死中護諸衆生若未來世中有男子女人至生死時汝莫退是願總令解脫永得安樂鬼王白佛言願不有慮我畢是形念念擁護閻浮衆生逝十生時死時俱得安樂但願諸衆生七於生死時信受我語無不脫獲大利益爾時佛告地藏菩薩是大鬼王主命者已曾經百千生作大鬼王於生死中擁護衆生是大士慈悲願故現大鬼身實非鬼也却後過一百七十劫

當得成佛號曰無相如來劫名安樂世界名淨住其佛壽命不可計劫地藏是大鬼王其事如是不可思議所度天人亦不可限量

稱佛名號品第九

爾時地藏菩薩摩訶薩白佛言世尊我今爲未來衆生演利益事於生死中得大利益唯願世尊聽我說之佛告地藏菩薩汝今欲興慈悲救拔一切罪苦六道衆生演不思議事今正是時唯當速說吾即涅槃使汝早畢是願吾亦無憂現在未來一切衆生地藏菩薩

永樂北藏

地藏菩薩本願經

第七一册

白佛言世尊過去無量阿僧祇劫有佛出世號無邊身如來若有男子女人聞是佛名暫生恭敬即得超越四十劫生死重罪何況塑畫形像供養讚歎其人獲福無量無邊又於過去恒河沙劫有佛出世號寶性如來若有男子女人聞是佛名一彈指頃發心歸依是人於無上道永不退轉又於過去有佛出世號波頭摩勝如來若有男子女人聞是佛名歷於耳根是人當得千返生於六欲天中何況志心稱念又於過去不可說不可說阿僧

祇劫有佛出世號師子吼如來若有男子女人聞是佛名一念歸依是人得遇無量諸佛摩頂授記又於過去有佛出世號拘留孫佛若有男子女人聞是佛名志心瞻禮或復讚歎是人於賢劫千佛會中為大梵王得授上第十記又於過去有佛出世號毘婆尸若有男子女人聞是佛名永不墮惡道常生人天受勝妙樂又於過去無量無數恒河沙劫有佛出世號寶勝如來若有男子女人聞是佛名畢竟不墮惡道常在天上受勝妙樂又於過去

有佛出世號寶相如來若有男子女人聞是佛名生恭敬心是人不久得阿羅漢果又於過去無量阿僧祇劫有佛出世號袈裟幢如來若有男子女人聞是佛名者超一百大劫生死之罪又於過去有佛出世號大通山王如來若有男子女人聞是佛名者是人得遇恒河沙佛廣為說法必成菩提又於過去有淨月佛山王佛智勝佛淨名王佛智成就佛無上佛妙聲佛滿月佛月面佛有如是等不可說佛世尊現在未來一切衆生若天若人

若男若女但念得一佛名號功德無量何況多名是衆生等生時死時自得大利終不墮惡道若有臨命終人家中眷屬乃至一人爲是病人高聲念一佛名是命終人除五無間罪餘業報等悉得消滅是五無間罪雖至極重動經億劫了不得出承斯臨命終時他人爲其稱念佛名於是罪中亦漸消滅何況衆生自稱自念獲福無量滅無量罪

校量布施功德緣品第十

爾時地藏菩薩摩訶薩承佛威神從座而起

永樂北藏

地藏菩薩本願經

胡跪合掌白佛言世尊我觀業道衆生校量布施有輕有重有一生受福有十生受福有百生千生受大福者是事云何唯願世尊爲我說之爾時佛告地藏菩薩吾今於忉利天宮一切衆會說闍浮提布施校量功德輕重汝當諦聽吾爲汝說地藏白佛言我疑是事願樂欲聞佛告地藏菩薩南閻浮提有諸國王宰輔大臣大長者大刹利大婆羅門等若遇最下貧窮乃至癡殘喑瘂聾痴無目如是種種不完具者是大國王等欲布施時若能

第七一册

具大慈悲下心含笑親手遍布施或使人施軟
言慰喻是國王等所獲福利如布施百恒河
沙佛功德之利何以故緣是國王等於是
最貧賤輩及不完具者發大慈心是故福利有
如此報百千生中常得七寶具足何況衣食
受用復次地藏若未來世有諸國王至婆羅
門等過佛塔寺或佛形像乃至菩薩聲聞辟
支佛像躬自營辦供養布施是國王等當得
三劫為帝釋身受勝妙樂若能以此布施福
利迴向法界是大國王等於十劫中常為大

梵天王復次地藏若未來世有諸國王至婆
羅門等過先佛塔廟或至經像毀壞破落乃
能發心修補是國王等或自營辦或勸他人
乃至百千人等布施結緣是國王等百千生
中常為轉輪王身如是他人同布施者百千
生中常為小國王身斷下更能於塔廟前發迴向
心如是國王乃及諸人盡成佛道以此果報
無量無邊復次地藏未來世中有諸國王及
婆羅門等見諸老病及生產婦女若一念間
具大慈心布施醫藥飲食卧具使令安樂如

是福利最不思議一百劫中常為淨居天主
二百劫中常為六欲天主畢竟成佛永不墮
惡道乃至百千生中耳不聞苦聲復次地藏
若未來世中有諸國王及婆羅門等能作如
是布施獲福無量更能迴向不問多少畢竟
成佛何況釋梵轉輪之報是故地藏普勸衆
生當如是學復次地藏未來世中若善男子
善女人於佛法中種少善根毛髮沙塵等許
所受福利不可為喻復次地藏未來世中若
有善男子善女人遇佛形像菩薩形像辟支

佛形像轉輪王形像布施供養得無量福常
在人天受勝妙樂若能迴向法界是人福利
不可為喻復次地藏未來世中若有善男子
善女人遇大乘經典或聽聞一偈一句發殷
重心讚歎恭敬布施供養是人獲大果報無
量無邊若能迴向法界其福不可為喻復次
地藏若未來世中有善男子善女人遇佛塔
寺大乘經典新者布施供養瞻禮讚歎恭敬
合掌若遇故者或毀壞者修補管理或獨發
心或勸多人同共發心如是等輩三十生中

第十

十一

常爲諸小國王檀越之人常爲輪王還以善法教化諸小國王復次地藏未來世中若有善男子善女人於佛法中所種善根或布施供養或修補塔寺或裝理經典乃至一毛一塵一沙一涕如是善事但能迴向法界是人功德百千生中受上妙樂如但迴向自家眷屬或自身利益如是之果即三生受樂捨一得萬報是故地藏布施因緣其事如是

地神護法品第十一

爾時堅牢地神白佛言世尊我從昔來瞻視

頂禮無量菩薩摩訶薩皆是大不可思議神通智慧廣度衆生是地藏菩薩摩訶薩於諸菩薩誓願深重世尊是地藏菩薩於閻浮提有大因緣如文殊普賢觀音彌勒亦化百千身形度於六道其願尚有畢竟是地藏菩薩教化六道一切衆生所發誓願劫數如千百億恒河沙世尊我觀未來及現在衆生於所住處於南方清潔之地以土石竹木作其龕室是中能塑畫乃至金銀銅鐵作地藏形像燒香供養瞻禮讚歎是人居處即得十種利

益何等爲十一者土地豐壤二者家宅永安
三者先亡生天四者現存益壽五者所求遂
意六者無水火災七者虛耗辟除八者杜絕
惡夢九者出入神護十者多遇聖因世尊未
來世中及現在衆生若能於所住處方面作
如是供養得如是利益復白佛言世尊未來
世中若有善男子善女人於所住處有此經
典及菩薩像是人更能轉讀經典供養菩薩
我常日夜以本神力衛護是人乃至水火盜
賊大橫小橫一切惡事悉皆消滅佛告堅牢

地神汝大神力諸神少及何以故閻浮土地
悉蒙汝護乃至草木沙石稻麻竹葦穀米寶
貝從地而有皆因汝力又當稱揚地藏菩薩
利益之事汝之功德及以神通百千倍於常
分地神若未來世中有善男子善女人供養
菩薩及轉讀是經但依地藏本願經一事修
行者汝以本神力而擁護之勿令一切災害
及不如意事輒聞於耳何況令受非但汝獨
護是人故亦有釋梵眷屬諸天眷屬擁護是
人何故得如是聖賢擁護皆由瞻禮地藏形

像及轉讀是本願經故自然畢竟出離苦海
證涅槃樂以是之故得大擁護

見聞利益品第十二

爾時世尊從頂門上放百千萬億大毫相光

所謂白毫相光大白毫相光瑞毫相光大瑞

毫相光玉毫相光^{新十}大玉毫相光紫毫相光^{十三}大

紫毫相光青毫相光大青毫相光碧毫相光

大碧毫相光紅毫相光大紅毫相光綠毫相

光大綠毫相光金毫相光大金毫相光慶雲

毫相光大慶雲毫相光千輪毫光大千輪毫

光寶輪毫光大寶輪毫光日輪毫光大日輪
毫光月輪毫光大月輪毫光宮殿毫光大宮
殿毫光海雲毫光大海雲毫光於頂門上放
如是等毫相光已出微妙音告諸大衆天龍
八部人非人等聽吾今日於忉利天宮稱揚
讚歎地藏菩薩於人天中利益等事不思議
事超聖因事證十地事畢竟不退阿耨多羅
三藐三菩提事說是語時會中有一菩薩摩
訶薩名觀世音從座而起胡跪合掌白佛言
世尊是地藏菩薩摩訶薩具大慈悲憐愍罪

苦衆生於千萬億世界化千萬億身所有功德及不思議威神之力我聞世尊與十方無量諸佛異口同音讚歎地藏菩薩云正使過去現在未來諸佛說其功德猶不能盡向者又蒙世尊普告大衆欲稱揚地藏利益等事唯願世尊爲現在未來一切衆生稱揚地藏不思議事令天龍八部瞻禮獲福佛告觀世音菩薩汝於娑婆世界有大因緣若天若龍若男若女若神若鬼乃至六道罪苦衆生聞汝名者見汝形者戀慕汝者讚歎汝者是諸

衆生於無上道必不退轉常生人天具受妙樂因果將熟遇佛授記汝今具大慈悲憐愍衆生及天龍八部聽吾宣說地藏菩薩不思議利益之事汝當諦聽吾今說之觀世音言唯然世尊願樂欲聞佛告觀世音菩薩未來現在諸世界中有天人受天福盡有五衰相第十四現或有墮於惡道之者如是天人若男若女當現相時或見地藏菩薩形像或聞地藏菩薩名一瞻一禮是諸天人轉增天福受大快樂永不墮三惡道報何況見聞菩薩以諸香

華衣服飲食寶具瓔珞布施供養所獲功德
福利無量無邊復次觀世音若未來現在諸
世界中六道衆生臨命終時得聞地藏菩薩
名一聲歷耳根者是諸衆生永不歷三惡道
若何況臨命終時父母眷屬將是命終人舍
宅財物寶具衣服塑畫地藏形像或使病人
未終之時眼耳見聞知道眷屬將舍宅寶具
等為其自身塑畫地藏菩薩形像是人若是
業報合受重病者承斯功德尋即除愈壽命
增益是人若是業報命盡應有一切罪障業

障合墮惡趣者承斯功德命終之後即生人
天受勝妙樂一切罪障悉皆消滅復次觀世
音菩薩若未來世有男子女人或乳哺時或
三歲五歲十歲已下亡失父母乃及亡失兄弟
姊妹是人年既長大思憶父母及諸眷屬不知
落第十在何趣生何世界生何天中是人若能塑
畫地藏菩薩形像乃至聞名一瞻一禮一日
至七日莫退初心聞名見形瞻禮供養是人
眷屬假因業故墮惡趣者計當劫數承斯男
女兄弟姊妹塑畫地藏形像瞻禮功德尋即

解脫生人天中受勝妙樂者即承斯功德轉增聖因受無量樂是人更能三七日中一心瞻禮地藏形像念其名字滿於萬遍當得菩薩現無邊身具告是人眷屬生界或於夢中菩薩現大神力親領是人於諸世界見諸眷屬更能每日念菩薩名千遍至于千日是人當得菩薩遣所在土地鬼神終身衛護現世衣食豐溢無諸疾苦乃至橫事不入其門何況及身是人畢竟得菩薩摩頂授記復次觀世音菩薩若未來世有善男子善女人欲發

廣大慈心救度一切衆生者欲修無上菩提者欲出離三界者是諸人等見地藏形像及聞名者至心歸依或以香華衣服寶具飲食供養瞻禮是善男女等所願速成永無障礙復次觀世音若未來世有善男子善女人欲求現在未來百千萬億等願百千萬億等事但當歸依瞻禮供養讚歎地藏菩薩形像如是所願所求悉皆成就復願地藏菩薩具大慈悲永擁護我是人於睡夢中即得菩薩摩頂授記復次觀世音菩薩若未來世善男子

善女人於大乘經典深生珍重發不思議心
欲讀欲誦縱遇明師教視令熟旋得旋忘動
經年月不能讀誦是善男子等有宿業障未
得消除故於大乘經典無讀誦性如是之人
聞地藏菩薩名見地藏菩薩像具以本心恭
敬陳白更以香華衣服飲食一切玩具供養
菩薩以淨水一盞經一日一夜安菩薩前然
後合掌請服迴首向南臨入口時至心鄭重
服水既畢慎五辛酒肉邪淫妄語及諸殺害
一七日或三七日是善男子善女人於睡夢

中具見地藏菩薩現無邊身於是人處授灌
頂水其人夢覺即獲聰明應是經典一歷耳
根即當永記更不忘失一句一偈復次觀世
音菩薩若未來世有諸人等衣食不足求者
乖願或多病疾或多凶衰家宅不安眷屬分
散或諸橫事多來忤身睡夢之間多有驚怖
如是人等聞地藏名見地藏形至心恭敬念
滿萬遍是諸不如意事漸漸消滅即得安樂
衣食豐溢乃至於睡夢中悉皆安樂復次觀
世音菩薩若未來世有善男子善女人或因

治生或因公私或因生死或因急事入山林
 中過渡河海乃及大水或經險道是人先當
 念地藏菩薩名萬遍所過土地鬼神衛護行
 住坐卧永保安樂乃至逢於虎狼師子一切
 毒害不能損之佛告觀世音菩薩是地藏菩
 薩於十於閻浮提有大因緣若說於諸衆生見聞
 利益等事百千劫中說不能盡是故觀世音
 汝以神力流布是經今娑婆世界衆生百千
 萬劫永受安樂爾時世尊而說偈言
 吾觀地藏威神力 恒河沙劫說難盡

見聞瞻禮一念間 利益人天無量事
 若男若女若龍神 報盡應當墮惡道
 至心歸依大士身 壽命轉增除罪障
 少失父母恩愛者 未知鬼神在何趣
 兄弟姊妹及諸親 生長如來皆不識
 或塑或畫大士身 悲戀瞻禮不暫捨
 三七日中念其名 菩薩常現無邊體
 示其眷屬所生界 縱墮惡趣尋出離
 若能不退是初心 即獲摩頂受聖記
 欲修無上菩提者 乃至出離三界苦

永樂北藏

地藏菩薩本願經

第七一册

是人既發大悲心	先當瞻禮大士像
一切諸願速成就	永無業障能遮止
有人發心念經典	欲度群迷超彼岸
雖立是願不思議	旋讀旋忘多廢失
斯人有業障惑故	於大乘經不能記
供養地藏以香華	衣服飲食諸玩具
以淨水安大士前	一日一夜求服之
發殷重心慎五辛	酒肉邪淫及妄語
三七日內勿殺害	至心思念大士名
即於夢中見無邊	覺來便得利根耳

應是經教歷耳聞	千萬生中永不忘
以是大士不思議	能使斯人獲此慧
貧窮衆生及疾病	家宅凶衰眷屬離
睡夢之中悉不安	求者乖違無稱遂
至心瞻禮地藏像	一切惡事皆消滅
至於夢中盡得安	衣食豐饒神鬼護
欲入山林及渡海	毒惡禽獸及惡人
惡神惡鬼并惡風	一切諸難諸苦惱
但當瞻禮及供養	地藏菩薩大士像
如是山林大海中	應是諸惡皆消滅

觀音至心聽吾說 地藏無盡不思議
 百千萬劫說不用 廣宣大士如是力
 地藏名字人若聞 乃至見像瞻禮者
 香華衣服飲食奉 供養百千受妙樂
 若能以此迴法界 畢竟成佛超生死
 是故觀音汝當知 普告恒沙諸國土
 囑累人天品第十三
 爾時世尊舉金色臂又摩地藏菩薩摩訶薩
 頂而作是言地藏地藏汝之神力不可思議
 汝之慈悲不可思議汝之智慧不可思議汝

之辯才不可思議正使十方諸佛讚歎宣說
 汝之不思議事千萬劫中不能得盡地藏地藏
 記吾今日在忉利天中於百千萬億不可說不
 可說一切諸佛菩薩天龍八部大會之中再以
 人天諸衆生等未出三界在火宅中者付囑
 於汝無令是諸衆生墮惡趣中一日一夜何
 况更落五無間及阿鼻地獄動經千萬億劫
 無有出期地藏是南閻浮提衆生志性無定
 習惡者多縱發善心須臾即退若遇惡緣念
 念增長以是之故吾分是形百千億化度隨

其根性而度脫之地藏吾今慇懃以天人衆付囑於汝未來之世若有大人及善男子善女人於佛法中種少善根一毛一塵一沙一滌汝以道力擁護是人漸修無上勿令退失復次地藏未來世中若天若人隨業報應落在惡趣臨墮趣中或至門首是諸衆生若能念得一佛名一菩薩名一句一偈大乘經典是諸衆生汝以神力方便救拔於是人所現無邊身爲碎地獄遣令生天受勝妙樂爾時世尊而說偈言

現在未來天人衆 吾今慇懃付囑汝
以大神通方便度 勿令墮在諸惡趣
爾時地藏菩薩摩訶薩胡跪合掌白佛言世
尊唯願世尊不以爲慮未來世中若有善男
子善女人於佛法中一念恭敬我亦百千方
便度脫是人於生死中速得解脫何況聞諸
善事念念修行自然於無上道永不退轉說
是語時會中有一菩薩名虛空藏白佛言世
尊我自至忉利闍於如來讚歎地藏菩薩威
神勢力不可思議未來世中若有善男子善

女人乃及一切天龍聞此經典及地藏名字
或瞻禮形像得幾種福利唯願世尊為未來
現在一切衆等畧而說之佛告虛空藏菩薩
諦聽諦聽吾當為汝分別說之若未來世有
善男子善女人見地藏形像及聞此經乃至
讀誦香華飲食衣服珍寶布施供養讚歎瞻
禮得二十八種利益一者天龍護念二者善
果日增三者集聖上因四者菩提不退五者
衣食豐足六者疾疫不臨七者離水火災八
者無盜賊厄九者人見欽敬十者神鬼助持

十一者女轉男身十二者為王臣女十三者
端正相好十四者多生天上十五者或為帝
王十六者宿智命通十七者有求皆從十八
者眷屬歡樂十九者諸橫消滅二十者業道
永除二十一者去處盡通二十二者夜夢安
樂二十三先亡離苦二十四者宿福受生
二十五者諸聖讚歎二十六者聰明利根二
十七者饒慈愍心二十八者畢竟成佛復次
虛空藏菩薩若現在未來天龍鬼神聞地藏
名禮地藏形或聞地藏本願事行讚歎瞻禮

得七種利益一者速超聖地二者惡業消滅
 三者諸佛護臨四者菩提不退五者增長本
 力六者宿命皆通七者畢竟成佛爾時十方
 一切諸來不可說不可說諸佛如來及大菩
 薩天龍八部聞釋迦牟尼佛稱揚讚歎地藏
 菩薩大威神力不可思議歎未曾有是時忉
 利天雨無量香華天衣珠璣供養釋迦牟尼
 佛及地藏菩薩已一切眾會俱復瞻禮合掌
 而退

地藏菩薩本願經卷下

音釋

替他計切 懇口很切 燮許竭切 橫戶孟切
 也代也 哺蒲故切 也以 也以 也以

大乘理趣六波羅蜜多經序

卷一

唐 代 宗 皇 帝 製

大朴既散有為遂作名利牽乎伎巧智喪乎
真愛惡攻乎性情因緣堅其染習內則百慮
無節外則六根競誘天理滅而莫知道源迷
而忘返淪溺苦海劫盡還初惟至人了萬物
之宗越三界之表廓獨立而不改徧諸有而
常然故能開導群疑濟拔流品六波羅蜜經
者衆法之津梁度門之圓極也昔日月燈明
如來為菩薩說歷劫曠遠真偈寂寥文殊師

利於耆闍會中嘗與彌勒菩薩語及其事成
一切種智會無量義因唯佛能知唯佛能說
教必有主其在茲乎是以釋迦如來為法而
生俟時而現三身不異故處代而常離萬行
無修故隨方而自在運慈悲之力開攝護之
門因其六塵示之六度導於法分令證法身
結習紛綸乘理而悟是真般若之旨也故有
慈氏善問大音讚言天垂寶華雲集仙蓋甘
露流液光明燭幽使迷方淺深皆得自然之
慧恒沙億衆能通般若之知嘗試論之先儒

永樂北藏

六波羅蜜多經

第七一册

有言誠者自成而道自導也夫誠已於內則不勉而中不思而得誠物於外則不言而應不爲而成其內者證法之身其外者大悲之力德產之致也密化育之功也夫春風發吹萬類咸滋旭日昇晝群陰盡釋乾坤易簡之道是則大同神明幽贊之情孰云區別殊塗一致其理固然朕虔奉丕圖保乂蒸庶思建皇極以升大猷遐想靈蹤期於叶契而舍城妙說久祕梵文徒懷瀉餅未啓遺夾微言不昧將或起予於是屬賓沙門般若受旨宣揚

光宅沙門利言爲之翻譯時大德則資聖寺道液醴泉寺超悟慈恩寺應真莊嚴寺圓照光宅寺道岸西明寺圓照普空良秀等法門領袖人中龍象證明正義輝潤玄文知釋迦之寶城識衆尊之滿字以貞元四年歲次戊辰十二月二十八日於西明寺譯成上進凡一部十卷龍神翼衛如從金口之傳梵衆護持無異毫光之現朕齋心滌慮仰味宗源聞所未聞實爲希有然以汲引之旨流布爲先庶憑真筌永濟浮俗聊因暇日三復斯經雖

法海甚深而波流不讓舉其梗槩昭悟將來

大乘理趣六波羅蜜多經卷第一

唐罽賓國三藏般若奉 詔譯

歸依三寶品第一

如是我聞一時薄伽梵在王舍大城迦蘭多迦竹林精舍時與眾多菩薩摩訶薩住不退

永樂北藏

六波羅蜜多經

轉位階十地十波羅蜜多悉已圓滿復有眾多諸大苾芻皆阿羅漢諸漏已盡無復煩惱逮得已利心善解脫慧善解脫復有阿僧企耶諸有情等皆發阿耨多羅三藐三菩提心爾時慈氏菩薩摩訶薩於此會中而作是念六十一此會眾中諸有情類貧窮孤露無所依怙流三轉生死沈溺愛河欲達彼岸為聞法故願見世尊求一切智無有力能爾時慈氏菩薩為欲諮問甚深義趣一切有情云何發菩提心求佛決定三無數劫無有疲倦今佛世尊意

第七一册

趣難解廣大甚深文句巧妙具足圓滿記別
有情因果差別希求速疾無上菩提於是彌
勒菩薩摩訶薩發如是心即從座起整理衣
服善調六根身口意業皆悉寂靜然其六根
百福所生妙相莊嚴八十種好三無數劫之
所圓滿摩訶般若波羅蜜多等百千萬日光
明相莊嚴其身一切有情瞻仰無厭近無等
等佛果菩提以如是身往詣佛所五體投地
禮佛雙足又以無量功德莊嚴之手如新生
蓮華合掌恭敬而白佛言如來世尊於一念

中能知一切有情過去未來現在之心或有
有情因諮問時獲清淨心或有有情受記之
時獲須陀洹果乃至阿羅漢果辟支佛果或
得阿耨多羅三藐三菩提記爲此義故仰諮
如來惟願世尊分別解說世尊今爲三世有
清所依之主或有有情行大乘行其心柔和
惟願世尊慈悲愍念護甘露法不獨受用而
同其味云何令諸有情趣大涅槃安隱正路
此等有情當作何事於一切智得不退轉云
何圓滿檀波羅蜜乃至般若波羅蜜多又此

般若波羅蜜多與前五種波羅蜜多而爲其
母云何修習而能圓滿又此大願云何顯發
又諸有情云何修習涅槃彼岸惟願世尊分
別解說爲欲利益安樂一切有情令得歡喜
爾時薄伽梵讚慈氏菩薩摩訶薩言善哉善
哉善男子汝今乃能利益安樂一切有情問
是深義勸諸有情修善業故常爲有情勤修
習故汝今一心廣爲有情頓絕羈鎖勤求法
故汝今以此大慈悲心於三阿僧企耶圓滿
六種波羅蜜多大海法故汝今已近菩提道

場涅槃岸故猶如明星出已旭日便照汝今
亦爾當作佛日汝今諦聽善思念之我今爲
汝具足分別甚深之義如有智人能善思惟
觀察生死險道之中莫能過於無所依怙譬
如大海舟船而無帆主其中有情多所漂溺
涌浪洄瀆破壞沈沒種種諸難常有憂患求
於吉祥無上船師以爲依怙又諸有情於生
死中常多恐懼所以求於力勢之人而爲恃
怙不被怨賊之所侵害縱彼怨賊有大狂力
爲此之人依附王者而不被賊必無更能作

損害者又彼怨賊既見力勢亦捨怨心順從
正化一切有情亦復如是各作是念誰能與
我作歸依處除其衰患令得安樂於此三界
五道之中天龍藥叉阿蘇羅迦嚕囉健達婆
緊捺羅摩怛洛迦人非人等諸眾之中而求
覓之無有能為作歸依者所以者何彼諸天
等自未能免生死羈鎖煩惱繫縛流轉三界
無量無邊眾苦吞噉諸怖畏事以貪欲網之
所纏縛況能為我作歸依處又諸天等常被
甲冑鬪戰之具心懷怖畏彼阿蘇羅而況於

人及餘諸趣以是觀察三界六道無有堪能
拔濟我者以是應當歸佛法僧除佛法僧更
無有能救護我者一切有情若欲求於阿耨
多羅三藐三菩提涅槃樂者應當歸依佛法
僧寶以是因緣令諸有情歸佛法僧爾時慈
氏菩薩摩訶薩白佛言世尊云何名為佛法
僧寶云何歸依佛告慈氏言佛寶者則有二
種一者佛身二者佛德言佛身者所謂如來
應供正徧知明行足善逝世間解無上士調
御丈夫天人師佛世尊已於過去無量無邊

阿僧祇劫不惜身命勤修六度萬行圓滿菩提樹下坐金剛座降伏魔軍斷諸結賊獲一切智成等正覺具足如是諸妙功德號之爲佛言佛德者即佛身中具足十力四無所畏十八不共法大慈大悲大喜大捨三解脫門三示導六神通隨心三摩地四智二智離於知境斷煩惱障及所知障離諸習氣無功用道起如如化若遠若近遊止自在無有障礙於一芥子能納無量諸妙高山如是功德無量無邊諸佛如來皆悉具足又從一劫至無

量劫壽命自在無能損滅於神境通往來變現無有障礙隨意自在諸佛世尊之所經行城邑聚落先放微妙金色光明照耀其處其中衆生遇斯光者身病心病皆得除愈心火滅已身得清涼儂者能伸跛者能行盲者得視聾者能聽瘖者能言其心亂者便復本心第一鬼魅癲狂魍魎所持悉皆除愈裸者得衣僞慢心者而得謙下憂惱者心安隱失道者得正路飢渴者得飲食囚繫者得解脫恐怖者得無畏丘陵坑坎山澗堆阜皆悉平正猶如

抵掌門第卑小自然高大衢路隘狹並皆寬
廣市肆鄧里自然開豁穢惡不淨應時香潔
荆棘毒刺瓦礫沙石悉皆不現日光晃耀而
無炎毒香風和暢無諸塵坌白鶴孔雀鸚鵡
舍利迦陵頻伽拘枳羅拘那羅命命等鳥其
聲美妙出和雅音象馬牛羊牛犛牛犍牛
竹牛各出本音其聲微妙篳篥簫笛琴瑟鼓
吹如是樂器不鼓自鳴及餘種種巧妙希奇
諸神通事悉皆變現如是種種諸希有事日
日各異轉加殊勝皆是如來威神之力若有

眾生疑佛世尊及佛功德有一異者當作是
說佛與功德不一不異譬如然燈膏炷與明
不一不異離於膏炷無別燈明若言燈明離
膏炷者明所及處悉應焚爇佛身功德亦復
如是此微妙身是佛功德無漏法身自他受
用平等所依然此佛身亦非是體離是體外
無別法身若是體者同於外物有四大相故
知非相亦非無相若非相者同大虛空同大
虛者性即是常無方便過自性清淨無染無
著甚深無量無有變易難解難知微妙寂靜

具無邊際真常功德絕諸戲論唯佛證知非
餘所及亦非譬喻之所校量慈氏當知如此
身者即是過去未來現在殞加沙等諸佛世
尊法身之相佛報身者謂諸如來三無數劫
修集無量福慧資糧所起無邊真實功德常
住不變諸根相好智慧光明徧法界皆從
出世無漏善根之所生故不可思議超過世
智純熟有情為現茲相演無盡法廣利無邊
慈氏當知此即如來報身圓滿言化身者為
彼有情隨所應化故現無量阿僧企耶諸化

佛身其所化身或於地獄以現其身度彼有
情令離眾苦導以正法令發勝心便生人天
受勝快樂於佛法中深信樂得佛法分獲
聖道果或生鬼趣化彼有情令離飢渴種種
逼迫化以正法使發勝心便生人天受諸快
樂深入佛法得聖道果或化傍生在於彼趣
或作迦嚕羅身或作龍身或作師子象馬熊
羆虎豹豺狼野犴狐兔蛇蝮蠍魚鼈龜鼉
白鶴孔雀鳳凰鴛鴦鸚鵡舍利種種之身令
諸有情離相殘害慈心相向能離種種諸怖

畏事示以正法令深信樂歸佛法僧得生人
天獲諸快樂得佛法分證聖道果或化有情
於餘國土或日月光所不能照如是種種無
佛法處建立正法令諸有情歸佛法僧剃除
鬚髮受佛禁戒而作苾芻及苾芻尼或作鄒
波索迦鄒波斯迦摩一建立僧坊護持正法安立
無量無數有情置於人天涅槃彼岸而得果
證或生天趣化彼有情令離五欲心無染著
導以正法發菩提心歸佛法僧深入正法置
於涅槃解脫果證或生人趣現處王宮生釋

種家以巧方便化諸有情斷除三界煩惱憂
患生老病死故現受生踰城出家菩提樹下
取吉祥草坐於道場處金剛座降伏魔軍成
等正覺為化有情轉正法輪放大光明周徧
一切照曜世間自利利他悉皆圓滿或現寂
靜入大涅槃是即名為佛化身也如是種種
善巧方便無量無邊皆是如來自在神力此
即三身體無異相爾時薄伽梵告慈氏菩薩
摩訶薩言善男子於意云何若有善男子善
女人歸依佛者當歸依諸佛清淨法身若欲

求於佛法身者當作如是發大誓願願我及
彼一切有情當得好是功德法身云何乃令
發如是願為佛應身刹那遷變化身佛者疾
入涅槃功德法身湛然常住以是歸依清淨
法身歸法身者即是歸依過去未來現在諸
佛若我捨於衆生字一涅槃者即同受於地獄九
諸苦若與有情同解脫者雖處地獄無異涅
槃以是因緣令諸衆生歸佛法身證涅槃樂
究竟如如體無增減如是法身是真安樂是
故但令歸佛法身復次慈氏云何名為清淨

法寶言法寶者亦有三種云何為三第一法
寶所謂涅槃甘露解脫常樂我淨而為體性
能盡一切生老病死憂悲苦惱云何生苦謂
依父母胎合之時不淨種子處母胎中業力
風持時經九月住居黑闇無有光明生熟藏
間汙穢不淨八萬戶蟲之所和雜出息入息
隨母而行口不能言眼不得視飢渴寒熱種
種諸苦逼切身心如是諸苦無量無邊令諸
衆生不得自在故名生苦雖受此苦而有一
德一切怨家所不能見亦不能說是非過惡

無比涅槃安樂法中無如是苦云何老苦所謂衆生從少至老時節代謝所有充實悉皆損減筋力衰朽行止戰掉髮白面皺眼耳昏暗牙齒疎缺顏貌醜陋身相偃僕人所惡賤所有言教隨說廢忘而以此身為其重擔譬如然燈膏油既盡不久將滅老亦如是壯膏既盡不久將死又如蘇莫遮冒覆人面首令諸有情見即戲弄老蘇莫遮亦復如是從一城邑至一城邑一切衆生被衰老冒見皆戲弄以是因緣老為大苦除非死至無藥能治

雖受老苦而不厭之祈禱神祇恒願長壽無比涅槃安樂法中無此老苦云何病苦所謂地水火風互相違害種種諸苦來集其身一切衆生無問老少皆共有之安樂適身勝妙五欲金銀珍寶家族眷屬悉皆捨離所有教第十一詔男女親戚皆不承順一切怨家詐來親附如此病苦皆不願求以是當知病為大苦安樂涅槃無比法中清淨寂然無斯病苦復次慈氏云何死苦所謂衆生氣絕識滅無所覺知一切苦中莫過死苦生老病苦五趣之中

有無不定此死苦者皆共有之譬如貧苦能劫榮華如怨憎苦能劫親愛死苦若至不揀老少愚智貴賤一切盡劫捨見身已入幽闇處衣服卧具一切財寶莫能用之裸露而行復無伴侶貨財不免披訴無容奇哉無常能作斯害甚大鄙惡不揀怨親三界衆生無能免離皆被死伐何能救之設轉輪王那羅延力皆被擒獲當知死苦無量無邊以是觀之死爲大苦解脫涅槃無比法中寂靜安樂無茲死苦譬如有人瀑河漂溺登陟高山得免

怖畏衆生亦爾常爲一切生死瀑河之所漂溺登涅槃山離生死畏亦如天雨能除毒熱塵穢等障人民安樂身意清涼百卉滋茂成就果實如來法雨亦復如是能除一切煩惱毒熱衆生安樂解脫清涼滋長一切白淨善種成就果實今得涅槃以是因緣諸佛世尊捨無常身證涅槃樂爾時世尊欲重宣此義而說偈言

如來妙體即法身 清淨解脫同真諦
如日與光不相離 如來功德即涅槃

真我與佛無差別	一切有情所歸趣
生死涅槃等無二	其性不壞無造作
垢淨如如性不異	唯佛世尊獨能了
衆生悉有如來藏	三寶於是現世間
一切有情入佛智	以性清淨無別故
佛與衆生性不異	凡夫見異聖無差
一切衆生本清淨	三世如來同演說
其性垢淨本無二	衆生與佛無差別
空徧十方無分別	心性平等亦復然
譬如一切衆生界	徧在虛空受生滅

諸根生滅亦如是	處在無為界亦然
譬如虛空火不燒	生死不壞無為性
地水風輪轉相依	虛空無有所依相
蘊處界三亦復然	恒住業種煩惱性
彼業煩惱住何處	常居妄想無明源
妄想之心何所居	恒在無為淨心性
蘊處界三假施設	一切法性本無住
業惑相持如地水	妄想轉動猶如風
心性本淨如虛空	妄想依空無所有
煩惱業苦從妄起	業苦還為煩惱因

惑業循環無定居	無因無緣無所會
無生無滅性空寂	本體光明智清淨
自性無生無變異	煩惱無明垢所覆
亦如瞶眼見二月	眾生二執亦復然
煩惱猶如眾蜜蜂	其蜜即喻如來藏
此蜜眾蜂共圍遶	智者護身能取蜜
無相六度為方便	而能證彼法界身
譬如五穀穉未除	不堪與人充美饌
菩薩煩惱糠未遣	不能施人甘露飯
行人遺寶落穢處	設經萬歲無損汙

天眼見寶知所在	收取洗拭隨意用
佛見眾生性無二	為欲滌除煩惱穢
大乘甘露而為水	滌盡塵勞佛性現
譬如新生五穀芽	說米有無未決定
佛性不離有無中	唯佛自證方明了
法寶自性恒清淨	諸佛世尊如是說
客塵煩惱之所覆	如雲能翳日光明
無垢法寶眾德備	常樂我淨悉圓滿
法性清淨云何求	無分別智而能證
譬如池水淨無垢	其中蓮華妙無染

如月蝕已重光明

亦如皎日出雲翳

無垢功德徧莊嚴

滌除煩惱光明現

佛告慈氏當知第一清淨法寶即是摩訶般若
 若解脫法身復次慈氏應知第二法寶者謂
 即戒定智慧諸妙功德所謂三十七菩提分
 法十一謂四念住四正斷四神足五根十三五力七覺
 分八聖道此三十七法與前清淨法寶而為
 方便云何方便以修此法而能證彼清淨法
 身當知此即第二法寶復次慈氏云何名為
 第三法寶所謂過去無量殑伽沙等諸佛世

尊所說正法我今亦當作如是說所謂八萬
 四千諸妙法蘊調伏純熟有緣衆生而令阿
 難陀等諸大弟子一聞於耳皆悉憶持攝為
 五分一素旦纜二毗奈耶三阿毗達磨四般
 若波羅密多五陀羅尼門此五種藏教化有
 情隨所應度而為說之若彼有情樂處山林
 常居閑寂修靜慮者而為彼說素旦纜藏若
 彼有情樂習威儀護持正法一味和合令得
 久住而為彼說毗奈耶藏若彼有情樂說正
 法分別性相循環研覈究竟甚深而為彼說

阿毗達磨藏若彼有情樂習大乘真實智慧
離於我法執著分別而為彼說般若波羅蜜
多藏若彼有情不能受持契經調伏對法般
若或復有情造諸惡業四重八重五無間罪
謗方等經一闡提等種種重罪使得銷滅速
疾解脫頓悟涅槃而為彼說諸陀羅尼藏此
五法藏譬如乳酪生酥熟酥及妙醍醐契經
如乳調伏如酪對法教者如彼生酥大乘般
若猶如熟酥總持門者譬如醍醐醍醐之味
乳酪酥中微妙第一能除諸病令諸有情身

心安樂總持門者契經等中最為第一能除
重罪令諸眾生解脫生死速證涅槃安樂法
身復次慈氏我滅度後令阿難陀受持所說
素咀纜藏其卍波離受持所說毗奈耶藏迦
多衍那受持所說阿毗達磨藏曼殊室利菩
薩受持所說大乘般若波羅蜜多其金剛手
菩薩受持所說甚深微妙諸總持門如是教
門能除有情生死煩惱長夜黑闇速能出離
證解脫果譬如明燈能除暗暝使得見道佛
亦如是然智慧炬能照有情十不善闇使見

善道設彼有情慳吝財寶聞此法已便能惠施一切貧窮若有惡業衆生聞此法已捨惡修善若瞋恚者便能忍辱懈惰有情聞已精進散亂衆生聞已寂靜愚癡有情聞是法已便發智慧得智慧已悉能迴心修種種善又諸有情聞此法已閉惡趣門開涅槃路猶如甘露證解脫果當知此即第三法寶是三法寶一切衆生應當歸依無為法寶一切法中最尊最勝莫過無為何以故以於生死大苦海中能為船筏能作有情甘露良藥又是疏

伽沙等諸佛菩薩三無數劫六度萬行所證之果如是妙法功德圓滿以是歸依無為法寶若有衆生受持經者當發是願願我歸依如是法寶歸是法已願令五道一切衆生亦發是願我今歸依亦令有情安住於此功德法中引至涅槃卷一真實寶所慈氏當知此即名為第三法寶復次慈氏云何名為真實僧寶言僧寶者亦有三種一者第一義僧所謂諸佛聖僧如法而住不可觀見不可捉持不可破壞無能燒害不可思議一切衆生良祐福

田雖為福田無所受取諸功德法常不變易
如是名為第一義僧第二聖僧者謂須陀洹
向須陀洹果斯陀含向斯陀含果阿那含向
阿那含果阿羅漢向阿羅漢果辟支佛向辟
支佛果八大人覺三賢十聖如是名為第二
僧寶第三福田僧者所謂必芻苳尼等受
持禁戒多聞智慧猶天意樹能蔭眾生又如
曠野積中渴乏須水遇天甘雨霈然洪澤應
時充足又如大海一切眾寶皆出其中福田
僧寶亦復如是能與有情安隱快樂又此僧

寶清淨無染能滅眾生貪瞋癡闇如十五日
夜滿月光明一切有情無不瞻仰亦如摩尼
寶珠能滿有情一切善願如是名為第三僧
寶是三僧寶一切有情云何歸依應作是說
當令歸依第一義諦無為僧寶所以者何以
是無為常住僧故而此僧寶無漏無為不變
不異自證之法歸依如是無漏僧寶能滅有
情一切苦故復願有情當獲如是無漏功德
得此法已演三乘法度脫有情我所歸依佛
法僧寶不為怖畏三惡道苦亦不願樂生於

人天誓救有情出生死苦是則名為歸依僧
寶復次慈氏若有衆生歸依三寶應發是心
我今此身已生人趣得離八難難得能得以
善方便當習一切勝妙之法若我違於如是
上願不求善法則為自欺亦如有人乘船入
海十一至於寶所空手而歸如是歸依佛法僧寶
脫苦方便若不歸依後悔何及既知是已當
須勉勵精勤修習速願成就善法既成過去
罪愆應當懺悔使令除滅復作是說我從無
始生死已來身口意業所作衆罪無量無邊

皆從虛妄顛倒心起而於父母和尚師長佛
法僧寶尊重之境所作諸罪今皆懺悔復為
二事造作諸罪極重惡業如妙高山云何為
二一者親愛二者怨嫌若於生死急難之中
而彼二類怨親有情而於我身不能利益應
作如是徧觀察之彼與我身悉歸磨滅而我
云何乃作斯罪又於十方世界一切有情造
諸善業及學無學獨覺聲聞佛及弟子一切
賢聖我皆隨喜復次於無始際生死轉輪受
五趣身無量怨親於我未曾獲得毫釐利益

之事現在未來亦不可得我於無始為彼怨
親所作諸罪我願自受誓不擾他一切眾生
若我重患之時求親愛人慈心瞻省扶持我
身摩挲沐浴供給飲食病瘦醫藥種種相資
雖則如斯而於我身疾苦之中無相代者況
於未來而能救我生死大苦而我此身於現
世中無依無怙何況未來我身既然有情亦
爾自我及他皆無恃怙是故歸依真實三寶
何以故以常住故譬如如有智之人於險難中
求有力者以為救護眾生亦爾生死險難歸

依三寶以為其主方能越度生死大河我若
得已亦為其主覆護一切苦難眾生能發如
是大誓願者得大信心而於佛前長跪合掌
偏露右肩作是歸依佛法僧寶譬如世間貧
賤之人一切有情見皆輕蔑策役驅使種種
呵罵陵辱其身既被輕賤遂求尊貴有力之
人以為其主便能免離種種欺辱有情亦爾
或生惡趣及在人中恒被諸苦逼迫其身為
求免離歸依三寶如是諸苦悉得解脫歸三
寶已復發是願願我救護一切眾生度生死

大乘理趣六波羅蜜多經卷第二 馨三

唐屬賓國三藏般若奉詔譯

陀羅尼護持國界品第二

爾時世尊欲說甚深理趣決定了義菩薩摩訶薩六波羅蜜多時即於東方有大光明金色晃耀照王舍大城迦蘭多迦竹林精舍乃至三千大千世界皆作金色而此世界所有諸天護世四王釋提桓因乃至他化自在天王大梵天王及日月星辰末尼燈燭所有光明皆不能及除佛世尊及彼灌頂受職菩薩

二種光已餘一切光皆悉映蔽無復顯現又此三千大千世界日月威光所不照處如是日月有大威德有大光明不能照彼幽暝衆生由佛光明令彼有情各得相見此諸世界所有宮殿屋舍牆壁山林草木種種諸物亦不能障如是光明所有諸山香山寶山黑山雪山及妙高山鐵圍山大鐵圍山目真隣陀山摩訶目真隣陀山如是等山遇斯光照影透內外無所障礙下至阿鼻地獄上至非想非非想天悉亦蒙光靡不照耀如是三千大

千世界所有諸光合成一光而無二相其中
衆生遇斯先者罪垢煩惱皆得消除身心安
樂各作是念我等蒙光得是安樂爾時會中
忽然而有六十俱胝七寶蓮華猶如車輪從
地涌出香氣芬馥其色美妙種種雜色令人
樂見其一華復有無量無邊百千萬葉其
衆會上虛空之中自然而有微妙寶蓋珠網
紋絡徧覆大衆如迦遮隣底迦柔軟妙服觸
之悅意其蓮華中所出香氣周徧三千大千
世界諸世界中所有天香龍神等香及餘草

木種種諸香此香及處無復香氣又此三千
大千世界種種有情蒙香所熏喜不自勝皆
悉發心煩惱罪垢一切銷滅爾時阿難陀見
是光明希有之相奇特殊妙得未曾有即從
座起整理衣服偏袒右肩長跪合掌而白佛
言世尊以何因緣現此光明奇特之相此之
光明及寶華香昔未聞見從何所來而現斯
瑞惟願世尊分別解說令此衆會咸悉聞知
爾時世尊告阿難陀汝今當知從此東方有
世界名曰不眴彼有菩薩摩訶薩名無盡藏

與六十俱胝大菩薩眾恭敬圍遶發意欲來
 故現斯瑞爾時世尊說是語時而此大地六
 種震動彼無盡藏菩薩放大光明現大神變
 威德自在雨妙香華無量諸天以種種音樂
 迎彼菩薩而為供養彼無盡藏菩薩與六十
 俱胝菩薩摩訶薩眾而來至此迦蘭多迦竹
 林精舍住虛空中高七多羅樹皆悉恭敬合
 掌向佛異口同音聲徧三千大千世界讚歎
 如來無量功德以微妙音而說頌曰

大哉大悟無染著 無礙妙智清淨眼

斷除三毒無明習 我禮無等大悲尊
 遠離布畏諸疑網 十力辯才無所畏
 異道邪徒皆默慄 自在猶如師子王
 如來慧日大光明 普照十方無罣礙
 無明闇障惑已盡 如日舒光照世間
 無恃無依苦厄者 二 生老病死久漂流 三
 真實悲愍大慈尊 能拔輪圍苦海難
 無明顛倒生死源 種種妄想為波浪
 二障已除智自在 遊行不染如蓮華
 諸法無我本空寂 猶如谷響性皆虛

無造無受如幻化 救世大悲恒演說
佛了諸法如浮雲 亦如瀑水速流注
世法不堅愚所集 聖智能觀永斷除
佛眼猶若青蓮華 超過日月百千倍
三世人天共稱讚 我禮調御難思議
佛具如是無邊德 廣度群品若恒沙
無漏功德妙莊嚴 是故我今頭面禮
爾時無盡藏菩薩與六十俱胝菩薩摩訶薩
衆以是微妙伽陀讚如來已從空而下頭面
禮足右遶七匝承佛聖旨各就蓮華跏趺而

坐爾時阿難陀以佛神力從座而起偏露右
肩長跪合掌而白佛言此無盡藏菩薩從何
所來彼世界中佛號何等去此幾何惟願世
尊分別解說爾時世尊告阿難陀汝自問之
彼無盡藏菩薩當爲汝說時阿難陀即問無
盡藏菩薩摩訶薩言族姓子從何所來彼世
界中佛號何等去此遠近惟願分別時無盡
藏菩薩言汝今猶有去來之相而未除耶阿
難陀言我已久知此義無盡藏菩薩言汝若
已知云何更問乃生二種分別之心若言來

者是緣起義若言去者是緣滅義何處無此生滅相耶然我國土無有去來生滅之相若無去來即是聖智所行之處若有去來即是世間生滅之相若有音聲文字亦是世間生滅起盡之相然我國土本無文字亦無言說起盡之相若無起盡即是自覺聖智所知之境離文字相是則解脫爾時阿難陀白無盡藏菩薩言聖者我不敢問辯才大士如是深妙之義唯問聖者所居世界去此遠近及佛名字所未聞事譬如闕塞收稅之人但有往

來不揀財寶多少有無皆令問之今我聲聞亦復如是從他聞說正法之聲勝解修行自求涅槃是名聲聞今見聖者法應問之我若聞已樂欲修習得安樂故為欲增廣大乘法故又一切聲聞獨覺悉從大乘出故所以我問聖者從何所來去此遠近佛號何等時無盡藏菩薩答阿難陀言如來應正等覺現在不遠何不問之佛當為汝記別此事於此眾會悉得無疑時阿難陀從座而起整理衣服偏露右肩長跪合掌而白佛言惟願大聖世

尊為我說之惟願善逝為我說之此會無量
無邊有情因聞此法皆欲被精進甲修菩薩
行爾時薄伽梵告阿難陀曰汝今諦聽善思
念之吾當為汝分別解說彼佛世界遠近之
事及佛名號功德莊嚴彼佛如來應正等覺
無礙無著一切智智汝等大衆應當信受勿
生驚疑時阿難陀白佛言大聖世尊我於今
者願樂欲聞爾時薄伽梵告阿難陀去此東
方過十殑伽沙微塵等世界有世界名曰不
眴彼世界中有薄伽梵名曰普賢如來應正

等覺明行圓滿善逝世間解無上士調御丈
夫天人師佛世尊今現在彼說大乘法無盡
藏菩薩從彼世界而來至此彼佛世尊唯以
諸大菩薩而為其衆無有聲聞辟支佛名何
況有實而彼菩薩久積淨業布施調伏善御
六根常行忍辱無所障礙堅固菩提勤行精
進成就善巧靜慮解脫及三摩地三摩鉢提
遊戲神通大智光明自在無礙文句巧妙慈
悲喜捨猶若虛空悉能摧伏異道邪論降魔
勞怨勇猛不退成就佛智微妙甚深如來十

力四無所畏辯才不斷智慧無礙深入緣起
能離有無行於中道離我我所有情壽命養
育士夫補特伽羅意生儒童作者受者知者
見者斷見常見遠離一切妄執諸見得陀羅
尼素坦纜王以如來印之所印也普觀衆生
堅固不捨等如一子無有二心演甘露法猶
獅子吼上中下類一切有情聞斯法已無不
獲益速疾安住涅槃正路三明六通具八解
脫紹三寶種無有斷絕灌頂受職當作法王
能了有情度未度者詣菩提樹坐於道場處

師子座自在無畏降伏魔怨能現佛身相好
具足能轉無上清淨法輪純以大菩薩僧而
為眷屬圖遠說法利益有情爾時會中一切
衆生聞佛說彼諸大菩薩功德法已歡喜踊
躍不能自勝即以無量天唄鉢羅華鉢特摩
華拘牟頭華^鉢奈茶利迦華曼荼羅華摩訶曼
荼羅華及餘種種雜華而散佛上及無盡藏
菩薩等六十俱胝菩薩大衆之上而為供養
歡喜自慶而作是言我等今日獲大善利得
見如是大菩薩衆若餘國土一切衆生聞我

供養得親近者亦獲善利聞彼菩薩功德法者皆發無上正等覺心時此會中三十六億衆生皆發阿耨多羅三藐三菩提心爾時薄伽梵復告具壽阿難陀言彼不駒世界無諸苦難及三惡趣亦不聞名亦無五衆犯禁之名亦無煩惱勞慮等聲亦無女人嫉妬慳悒懈怠瞋恚亂意愚癡亦無障蓋并諸習氣亦無種種上中下等雜類之名亦無三乘差別之號佛法僧寶平等一相亦無魔及魔民異道邪見亦無飢渴寒熱等事及我我所男女

等相互相攝受種種異名而彼世界廣博嚴淨以六十萬億俱胝佛刹為一佛土亦無日月唯以菩薩願力光明而為照耀地平如掌純以帝青及吠瑠璃末尼珠等種種雜寶間錯莊嚴又以衆寶蓮華而散其上其華鮮明柔輒第一如天妙觸迦遮隣底迦衣八重寶樹交映蒼鬱周而圍遶以為垣墻種種雜華而為嚴飾亦無沙磧坑坎丘陵土石黑山荆棘毒刺唯有無量妙寶高山雖有天人無別異相不假雜食而用資身亦無便利穢污不

淨常以法喜禪悅為味國土嚴淨唯佛法王
化諸菩薩無有文字亦無言說彼諸菩薩受
化之時來詣佛所恭敬合掌目不甞眴瞻仰
如來念佛三昧自然成就故彼世界名為不
眴念佛三昧云何是耶所謂非色相生亦非
受想行識生非前後邊際智慧生亦非現在
見聞所生佛告阿難其念佛三摩地不可思
議於諸法無所行而觀諸法如實相無說無
示無相無名此即名為念佛三昧爾時曼殊
室利菩薩摩訶薩即從座起偏袒右肩右膝

著地合掌恭敬而白佛言大聖世尊若有善
男子善女人受持此六波羅蜜多經深妙理
趣得幾所福佛告曼殊室利菩薩摩訶薩若
有善男子善女人於九十億那由沙俱胝那
庾多百千佛所供養恭敬尊重讚歎於意云
何此善男子善女人所得功德寧為多不曼
殊室利白佛言甚多世尊甚多善逝佛告曼
殊室利菩薩摩訶薩我今為汝分別演說若
有善男子善女人能於此六波羅蜜多經甚
深理趣大乘法寶乃至一頌一句受持讀誦

書寫解說如說修行而此功德勝前功德所以者何此六波羅蜜多大乘理趣甚深法門乃是一切諸佛之母一切如來從此生故爾時曼殊室利菩薩摩訶薩白佛言大聖世尊我今為欲擁護國界及受持此經典者常為守護為欲滌除一切障難說陀羅尼^八秘密文句

第一根本身真言曰

南謨薩嚩尾泥一唵^二嚩^引平^聲移^切倪^以濕嚩^合囉^三

第二心真言曰

唵一穆二

第三頭真言曰

唵一母^鼻穆二

第四頭髻真言曰

唵一菴^引惰穆二

第五甲冑真言曰

唵一駿^引穆莎訶

第六器仗真言曰

唵一鑿^喚引^高切^合穆二

大聖世尊此陀羅尼文句是三世諸佛法身
 肢節過去未來現在諸佛之所宣說若有善
 男子善女人於閑靜處著新淨衣發大殷重
 無分別心誦百千遍必得聞持永無忘失若
 有善男子善女人持是經者當知此人即是
 法師若有人輕毀違犯此法師者當知即是
 輕毀違犯過去未來現在諸佛爾時薄伽梵
 讚曼殊室利菩薩摩訶薩言善哉善哉汝今
 說是諸佛真言作大利益擁護慈愍一切衆
 生除諸障難爾時普賢菩薩摩訶薩即從座

永樂北藏

六波羅密多經

起偏袒右肩右膝著地合掌恭敬而白佛言
 大聖世尊我亦為欲擁護國界及受持此經
 與者常作守護為欲滌除障難說陀羅尼祕
 密文句

南謨羅訖合旦一南謨悉馱南二南謨阿利
 也南三南謨娑釁怒南四怛地怛也佉五唵
 六止哩止哩尼七悉哩悉哩尼八唎哩唎
 尼九吽吽吽十翳醯兮十一陀羅尼三麼汁
 莎訶計
 世尊此陀羅尼祕密文句乃是三世諸佛之

第七一册

所宣說若有善男子善女人持是經者當知
 此人即是法師若有人輕毀此法師者當知
 即是違犯過去未來現在三世諸佛爾時大
 聖觀自在菩薩摩訶薩即從座起偏袒右肩
 右膝著地合掌恭敬而白佛言大聖世尊我
 亦為欲擁護彼善男子善女人持是經者常
 作守護及所住國土一切諸難說陀羅尼秘
 密文句
 南謨娑滿多沒馱南一怛地_也怛_也佉_二唵_三
 哩弭嚩_四哩弭嚩_五誡囉哩弭嚩_六簡佉_加

勿哩弭嚩_七尾止嚩_八莎訶_九
 世尊此陀羅尼乃是三世諸佛之所宣說若
 有人能持是經者當知此人即是法師若人
 輕毀此法師者當知即是輕毀三世諸佛
 爾時曼荼羅諸天菩薩皆悉集會其名曰

- | | | |
|------|-----|------|
| 金剛薩埵 | 金剛王 | 金剛染 |
| 金剛善哉 | 金剛寶 | 金剛威 |
| 金剛幢 | 金剛愛 | 金剛法 |
| 金剛刹 | 金剛因 | 金剛語言 |
| 金剛羯磨 | 金剛護 | 金剛藥叉 |

金剛拳

金剛薩埵

金剛寶

金剛法

金剛羯磨

金剛喜戲

金剛鬘

金剛歌

金剛舞

金剛香

金剛華

金剛燈

金剛塗香

金剛鈎

金剛索

金剛鎖

金剛鈴

金剛阿尾奢等異口同音共說法身種子陀

羅尼曰

唵一 慕二 欠三 阿唎聲 吽五 但闌六 合訖哩

七 合惡八

此等大士諸天菩薩恭敬合掌前白佛言大聖世尊我等若見有人受持此經乃至一頌一句我等恭敬供養尊重是人如毗盧遮那如來等無有異

爾時六波羅密多菩薩具足威儀而於佛前各各自說陀羅尼秘密文句

第一布施波羅密多菩薩說真言曰

南謨薄伽伐諦曳一合但哩二合瑟拏三合哩二

摩訶撥菟迷三吽索蘇各切四

第二淨戒波羅密多菩薩說真言曰

南謨薄伽伐諦曳二合賀囉賀囉二捺施略

上乃刀切廼以羝三曷嚟撥囉合沒馱吽

下盧遮切發吒下字半

第三安忍波羅蜜多菩薩說真言曰

南謨薄伽伐諦曳二合蘇囉撥底加二廼以

羝三羝羝黑吽你訶羝你吠二灑四索各

劫

第四精進波羅蜜多菩薩說真言曰

唵引南謨薄伽伐諦曳二合告思你耶二末

藍微毛賀耶三吽發吒四畔聲

第五靜慮波羅蜜多菩薩說真言曰

南謨薄伽伐諦曳二合四里四里二合枳里

枳里三弭里弭里四矩殺吒合矩殺吒五合

唵六慕引唵七慕哩合縛聲莎訶八

第六智慧波羅蜜多菩薩說真言曰

南謨薄伽伐諦曳二合揭諦揭諦二波囉揭

諦三波囉僧揭諦四冒地莎訶五

時六波羅蜜多菩薩天等皆白佛言大聖世

尊我等亦為擁護持是經者說此陀羅尼祕

密文句若有善男子善女人受持此經乃至

一頌一句我等供養恭敬尊重讚歎如佛無異

爾時毗沙門天王亦為擁護國界及受持經

者說自心真言曰

怛地_{怛也}他_也一拘那里_二阿羝_{羝也}鞞_{鞞也}羝_{羝也}捺_{捺也}羝_{羝也}三

阿娜_{阿也}羝_{羝也}四拘那里_五

爾時毗樓勒叉天王亦為擁護國界及受持

經者說真言曰

怛地_{怛也}怛_也佉_{佉也}一阿誡_{誡也}儻_{儻也}二誡_{誡也}儻_{儻也}三教_{教也}哩_{哩也}四岸

聲_{平聲}那_{那也}聲_{聲也}哩_{哩也}五旃_{旃也}拏_{拏也}里_{里也}六摩_{摩也}鄧_{鄧也}耆_{耆也}七卜_{卜也}羯_{羯也}斯_{斯也}八

僧_{僧也}釳_{釳也}矩_{矩也}黎_{黎也}九沒_{沒也}黎_{黎也}合_{合也}灑_{灑也}黎_{黎也}十

爾時提頭賴吒天王亦為擁護國界及受持

經者說真言曰

怛地_{怛也}怛_也他_也一醫_{醫也}黎_{黎也}二怒_{怒也}米_{米也}梨_{梨也}三怒_{怒也}閉_{閉也}妳_{妳也}聲_{平聲}

四怒_{怒也}醫_{醫也}黎_{黎也}五閉_{閉也}妳_{妳也}聲_{平聲}莎_{莎也}訶_{訶也}八

爾時毗樓博叉天王亦為擁護國界及受持

經者說真言曰

怛地_{怛也}怛_也佉_{佉也}一阿尼_{尼也}嚩_{嚩也}尼_{尼也}二窞_{窞也}而_{而也}三_{去聲}怒_{怒也}拏_{拏也}

聲_{去聲}迷_{迷也}四怒_{怒也}矩_{矩也}黎_{黎也}五悉_{悉也}哩_{哩也}六弭_{弭也}哩_{哩也}七怒_{怒也}莎_{莎也}

訶_{訶也}八

時四天王白佛言大聖世尊我等亦為擁護
國土及善男子受持經者說此陀羅尼秘密
文句若有輕毀受持經者即為輕毀三世諸
佛

爾時執金剛菩薩亦為擁護受持經者說真

言曰

南謨囉怛曩_合怛囉_合也耶_一南謨失戰_合
聲_平拏_二鞞_日囉_三合播拏_上曳_四寧_上鞞_合
耶_五合撥囉_合入嚩_二合履_多六拘嚩_合馱_合
耶_七訖栗_合多_八比嚩密俱胝目佉耶_九嚩

拏_二

十三

麼曷里沙拏昧孕羯羅耶_十的乞覲_合那_一
難_上瑟鷄嚩_合羯叱耶_二十撥囉_合捨_入勃多
合鞞_日囉_合賀薩多耶_三十薩嚩_平尾_上塗那_四
微那夜迦尾特問_合娑那羯囉_聲耶_上十五此
三句起請具言下
三句正說真言
怛地_怛也 佉_一吽鞞_日囉_合
矩嚩_二那_聲怛喇吒_三合

爾時鈴鐸耳微那夜迦等亦為擁護受持經
者說真言曰
怛地_怛也 佉_一唵_二必致必致_三摩_必致必
致_四摩尾奢摩尾奢_五摩入嚩_二合嚩_摩入

縛合囉六莎訶七

爾時閻魔羅王亦欲擁護受持經者說真言

曰

怛地怛也佗一悉哩二尾悉哩三尾質哩四

尾質哩尼五你呬你呬六賢醯兮七慕多撥

底八莎訶九

爾時訶哩底愛子母亦為擁護受持經者說

真言曰

怛地怛也佗一娜妳下同娜妳二頰妳頰

妳三薩尾山微那夜迦喃四目佉髣磨喃五

永樂北藏

六波羅密多經

鑿訖底合悉擔磨南六磨嚕都七莎訶八

爾時摩利支天亦為擁護受持經者說真言

曰

怛底黎合麼寧一滿怛囉二合撥娜寧磨挽

底切伊怛地怛也佗一遏迦末斯二末迦末

斯三頰怛那怛也南末斯四撥吐迷洛又五噀

撥吐迷洛又六薩嚕昧以瓢十聲薩武撥薩

倪聲瓢八曷洛又九莎訶十

爾時迦嚕拏王為欲擁護國王大臣及受持

經者說迦嚕拏王理趣真言曰

第七一册

乞史_二跋_一一_三唵_二莎訶_三

爾時真實迦嚕囉王為欲擁護國界及受持

經者說真言曰

南謨薩多瑤_一二合誡嚕拏耶_二沒孽囉摩訶

沒孽囉_三縵惹聲_二縵惹呼聲_一薩縛聲_二娜岸_一聲

五摩囉耶尾沙八索_六唄涅蘇聲_二哩耶_七合

你袍八慕聲_二賸聲_一誡麼哩補_九鑠訖多_二合薩

那_十宰覩縵寧_{十一}聲_二薩莽唵多_{十二}尾搖_{十三}賀

哩多引羅_{十四}簡底_{十五}頂伊切_六嚕質囉_七僧屹囉

合銘_廿捺里與捺囉_{廿一}合你迦囉_{廿二}九捨耶

二薩麼曩_{二十}泥庚底_{二十一}哩切商佉_{三十一}乞

史_合囉_平囉_四囉_二沒哩_合娜羅_五囉_十窞多_六十

那嚕_聲囉_七囉_{二十三}藐佉_八尾灑_九乞史

合跋寧_{十三}

時迦嚕囉王纔說是真言已一切惡龍毒氣

皆悉摧滅國土安寧_{皆二}

爾時大自在天王為欲擁護受持經者說真

言曰

怛地_你也_一唵_二怛吒耶_三莎訶_四悉怛

吒耶_五莎訶_六嚕吒耶_七莎訶_八勿吒耶_九

莎訶^十捨咄嚕^合你訖^合恒曩耶^十莎訶
 二南謨迦^三尾迦^四羯昵^五迦^六囉
 五播吒羅^聲耶耨多羅^六你瑟吒^合簡你瑟
 吒^七簡你瑜惹難^上羯^八識羅^九你尾^合
 誡羅^二尾捨撥囉^合尾捨^二阿尾捨^二
 嚕捺囉^二洽^二勞捺^合那^四汗曩汗曩
 二十諾賀諾賀^六跛者跛者^七莽佉莽
 佉^八尾特問^合娑也^九尾特問^合娑也
 三瑜倪始嚩^合囉^三摩醯始嚩^合囉^三
 南謨悉諦宰覩^三播摩醯^四訝^切夏慈

三十南謨始戰^合拏耶^六莎訶^七撥囉
 二戰拏耶^八莎訶^九浚屹囉^二合耶^四
 莎訶^一浚屹囉^合諦惹耶^二莎訶^三
 戌羅耶^四莎訶^五戌羅匿^切賀
 嚩^合耶^六莎訶^七水^切孕^切誡^聲耶^八
 莎訶^九水^切信灑^去耶^五莎訶^五孽
 囉耶^二莎訶^三孽囉嚕播耶^四莎訶
 五十佉^聲囉耶^五莎訶^七佉囉嚕播耶
 八十莎訶^九祢恒多囉耶^六莎訶^六唄
 特縛^去耶^六莎訶^六唄特縛^合繫舍

耶四六十莎訶五六十諾賀那聲耶六六十莎訶十六
 七撥者那聲耶八六十莎訶九六十阿目法聲耶
 七莎訶七十阿寧聲韋多迦耶七十莎訶七十
 三烏菩識摩耶四七十莎訶五七十烏菩識摩嚕
 涅囉合耶七十莎訶七十瑜聲滿八十你尾
 合瑟底七十也失者迎失質八十六阿寐捺囉合
 鞮底八十薩底末底八十播耶八十壤誡聲
 四十透噓五八十茗拏囉八十穀乞史七十紇
 唵奈鹽八十摩呼九十塞建合那九十屹哩合
 嚩十一聲九賀努二十鄔瑟佗十二合九匿仍切職

賀嚩十二合九娜婆五十室魯合怛囉十二合九
 羅邏聲陀七十室哩山八十諾賀彌九十莎
 訶百發吒百一
 爾時毗沙門天王及諸天等各說如是陀羅
 尼已俱白佛言大聖世尊我等若見如是法
 師受持讀誦乃至一頌一句常作擁護滌除
 一切災難苦厄及諸毒氣呵罵捶打種種疾
 患魑魅魍魎不吉祥事皆悉銷滅佛告諸大
 士及毗沙門天王汝等善能守護如是持經
 法師此經名字尚不可聞何況盡能受持讀

誦恭敬供養尊重讚歎以種種塗香油香末香燒
香華鬘衣服及妙寶蓋繒綵幢幡香油酥燈
以如是等百千萬種供養法師應先發願聞
此經已如說修行我今以此持經法師付囑
汝等應當擁護乃至親屬亦當守護令無衰
患使得安樂

十住

十住

發菩提心品第三

爾時薄伽梵作師子吼顯明秘密總持門已
時慈氏菩薩摩訶薩即從座起偏袒右肩右
膝著地一心合掌而白佛言善哉善哉大聖

世尊能以大悲讚說如是秘密甘露勝陀羅
尼守護國界唯願世尊哀愍衆生宣說阿耨
多羅三藐三菩提法令諸有情未發心者云
何發心已發心者云何修行復何因緣於大
乘心得不退轉爾時薄伽梵告慈氏菩薩摩
訶薩言若有善男子善女人欲為有情修大
乘行欲度有情置大涅槃應當先發五種勝
心云何為五一者於諸有情善發平等大慈
悲心二者於一切種智心不退轉三者於諸
有情起親友想於險難中誓當救護四者常

於有情起負債想五者恒懷慙媿何時償畢
能發如是五種心者速能證得阿耨多羅三
藐三菩提復次慈氏菩薩摩訶薩云何於大
乘中一心修行得不退轉如往昔時有一商
人聰慧明達常行仁孝恒見父母宗親貧苦
常懷憂惱逼切身心以何方便而能給濟作
是思惟無過入海採如意寶而供給之得離
貧苦以是因緣發勇猛心不惜軀命從家而
出種種方便求覓資糧及諸善伴船及船師
於其中路遇一異人從海而還乃問此人如

是忽遽欲何所之商人具答如上因緣為救
貧窮今欲入海求如意寶以相資給彼異人
言我昔離家亦復如是為濟親族貧窮諸苦
既發家已路經曠野度大砂磧絕無水草多
有野象虎豹豺狼毒蛇師子或遇劫賊大山
大河飢渴寒熱驚懼怖畏種種危難與彼船
師方至大海又遇大風大魚惡龍雷電雷雨
鼓浪洄瀆多有留難不可具說雖受如是種
種諸苦尚不能獲如意寶珠但得資身粗自
供足猶未能濟貧乏之親今勸仁者勿強艱

答二

十六

苦徒自疲勞吾欲與仁別為經理所以者何
然彼大海有種種難黑風黑山藥叉羅刹摩
竭蛟龍衆難非一但曾聞有如意珠名往者
千萬獲無一二以是因緣勸於仁者宜速迴
還爾時商主聞是語已倍復增進發三勝心
入海不退云何為三一者父母兄弟宗親貧
苦若斯如何空歸不相救濟二者我之親屬
昔時富有惠我衣食憐愍於我今者貧窮命
不全濟如何放捨而欲退還三者我在家時
處理家務策役驅使大小僮僕種種呵責如

何貧苦不相賑恤令彼歡喜而欲却還以是
因緣念酬恩德發大勇猛決定前進要當入
海求如意寶得已還家濟於親屬恣其所用
永離艱窮菩薩摩訶薩亦復如是發菩提心
觀於十方六趣四生皆是我之宿世父母憐
愍我故造諸惡業墮於地獄餓鬼畜生受諸
苦惱以是因緣而自思惟以何方便濟斯苦
難作是念已唯有入於六波羅密多大法海
中求佛種智拯濟有情生死之苦如是思已
發大勇猛無退屈心精進勤求無有懈倦種

種方便求覓資糧菩提善伴法及法師行至
中路遇一魔王領諸眷屬或現天身或現人
身婆羅門身或作商主必窮必窮尼身或餘
種種異類之身而彼魔王問菩薩言汝今匆
忙欲詣何所菩薩答言我為一切苦惱眾生
今欲入於六度大海求佛種智如意寶珠以
救一切貧乏衆生魔王復云我初發心亦復
如是為度一切苦惱衆生出生死家度大流
轉曠野砂磧備受飢渴盜賊恐怖衆難非一
方至六度大海中或遇乞頭或逢乞眼耳

鼻舌身手足肢節心肺腸胃肝膽脾腎國城
妻子奴婢僕使如是種種隨乞而施不生慳
恪勤求智寶經無量劫生死流轉在於苦海
雖受種種諸苦難事猶不能獲無上菩提而
但迴求阿羅漢果出離三界寂滅涅槃我今
勸汝勿強勞苦應自修持吾欲與汝共階此
果所以者何我念三塗常受飢苦心思吞啗
仰面向空誰來入口充我一飽種種苦難逼
切身心人命無常過於山水善知識者難遭
難遇若不信受後悔何追生死海中流轉不

定心如水月何不實耶惡知識者易見易逢
恒樂勸人行菩薩道捨財捨命望趣菩提況
諸佛出興時乃一現求者千萬得無一二以
是勸仁不須勞苦應求解脫自取涅槃又三
無數劫受諸勤苦方能獲得佛果菩提此生
三生證阿羅漢第二一種無學何用苦二十為無智愚
人心希佛果備歷艱苦經無量劫尚未聞證
阿羅漢果何況能得無上菩提譬如有人獲
一小鳥更見有一迦嚕囉王即放手中已所
執鳥便前捕捉迦嚕囉王大者飛翔小者復

失愚求佛果亦復如是棄此求餘二果俱失
既如是已願早迴心於此生中必證羅漢爾
時菩薩聞是語已轉增勇猛發三種心云何
為三一者一切衆生從無始際生死已來皆
我所親或為朋友現受苦惱未得免離如何
退還二者一切衆生從無始已來給我衣食
憐愍我深今受輪迴苦難非一云何未報乃
生退心三者一切衆生從無始際皆我眷屬
策役驅使轉相呵責未曾少分酬報彼恩以
是因緣不應退屈更增勇猛求證菩提若證

菩提一切智寶用濟生死苦難衆生是名菩
 薩摩訶薩於大乘中一心修行得不退轉復
 次慈氏當知即是菩薩摩訶薩修大乘行發
 五種心此五心中一者於諸有情起大悲心
 二者爲諸有情求一切智心無退轉此二心
 者於大乘法精進修行三者一切有情皆我
 親友四者一切有情於我有恩未有毫釐用
 相酬報五者一切有情皆我眷屬我曾於彼
 起不善業種種呵罵非理責罰深心慙愧何
 時償畢此之三心令諸菩薩勇猛不退乃至

證得阿耨多羅三藐三菩提

大乘理趣六波羅密多經卷第二

音釋

蒟鬱蒟烏貢切鬱紆勿貌 胸輸閏切與胸
 力表切 識五歌切 儻女耕切 妳奴切 買同目動也 鷄當報 塗疑
 切 魑抽知切 魍老精物也 砂積切 積七迹切

大乘理趣六波羅蜜多經卷第三

聲三

唐罽賓國三藏般若奉 詔譯

不退轉品第四

爾時慈氏菩薩摩訶薩頭面著地禮佛雙足而白佛言大聖世尊已說菩薩五種發心修行大乘得不退轉然大悲心云何發起云何修行惟願如來哀愍有情廣為宣說利益安樂諸眾生故爾時薄伽梵告慈氏菩薩摩訶薩言善哉善哉善男子快問斯義汝今諦聽善思念之吾當為汝分別解說斷汝疑網所

言五種心者第一大悲心當持此心堅固不捨念彼惡趣地獄眾生復思其苦如契經說汝應知之今於此經重為汝說觀諸有情皆是宿世父母宗親所尊重境今在地獄現受眾苦為十三火之所纏繞有二火燄從足而入徹頂而出復有二燄從頂而入通足而出復有二燄自背而入從背而出復有二燄從背而入自背而出復有二燄從左脇入穿右脇出復有二燄從右脇入穿左脇出復有一燄從首而纏下至於足然此地獄諸眾生身

其形軟弱猶如熟酥爲彼眾火交絡焚爇其地獄火燒人間火如燒氎華無復餘燼或有衆生爲火所燒東西馳走以求救護莫知所爲復有衆生逃形無地却來赴火復有衆生忽被擲置糞穢深坑坑中有蟲其背銛利純是鋼鐵長十六指啄噉衆生皮骨髓腦復有衆生處煆煨中而被燒煮或有衆生在鹹水中而被漂溺是時獄卒以大鐵網從中澆出猶若捕魚置彼衆生熱鐵地上偃卧燒炙次以鐵鉗鑷取其舌復以洋銅灌注其口悶絕

而死良久乃蘇即欲奔馳意求免離終無得脫復有鐵狗尋即逐之鐵鳥鐵背隨飛而啄骨肉分裂而啗食之遙見園林即欲攀上望得免脫其林樹上皆生鐵刺其一刺長十六指其刺尖熱衆生欲上刺鋒垂下從胷而入徹背而出受苦無量求脫無由烏鷲飛來啄取雙眼復劈其腦取髓食之從此欲下刺鋒向上眼耳鼻舌身肉手足及十指節悉皆分散隨挂樹上免脫無由獄卒收取盛鐵囊中以熱鐵棒反覆槌打復有衆生手足頭髻

卷三

二

五處磔裂以鋸解之復有衆生內鐵曰中以
其鐵杵從頭而擣復有衆生在於鑊湯鐵杵
翻轉煮之糜爛唯有骨在其命猶存復有衆
生處於地獄而以紫礦將爲屋舍縱火焚燎
其燄洞然紫礦鎔流滴如熱箭復有地獄四
面鐵山衆生處中二山相拶或時南北或復
東西二山合時其中衆生膿血流出復有地
獄而有鐵蛇纏衆生身從足至首而銜其頭
盡力縛束髓血集頂吸而食之唯殘皮骨復
有地獄諸衆生等而被獄卒三鈷鐵杵而杵

其身從兩足入至頂及肩三處通出其火墮
杵猛燄俱發眼耳鼻口火出亦然復有地獄
以諸衆生卧熱鐵地或偃仆側次黑鐵繩隨
身而拚復以斤斧而斲斫之如工匠師治諸
濕木復有衆生被諸獄卒從足至頸條取其
皮條已作繩用充韁轡銜勒衆生上高山頂
其山熱鐵驅迫令登鞭撻萬般苦不可說此
等衆生從無始來皆父母內外宗親今者流
轉在於地獄經無量劫常受苦惱如已舍宅
惡業盡故暫生人天於此造惡還墮地獄苦

永樂北藏

六波羅密多經

第七一册

薩摩訶薩觀此衆生受諸苦已起大悲心次
觀鬼趣復起悲心見諸衆生處餓鬼中一日
一夜如人一月以日計月十二爲年於鬼趣
中壽五百歲同於人間萬五千歲常受飢渴
耳初不聞漿水之名何況眼見然彼餓鬼身
如太山頭如穹廬咽細如針鬣髮髮下垂覆
兩肩猶如利刀割切形體變爲猛燄燒爛其
身如火燎薪苦痛難忍其兩腋毛下垂覆腹
次隱處毛下垂膝踝刀割火燒亦復如是經
無量歲受如斯苦或遙見水奔赴求之及到

其傍面仆而倒以惡業力其水變爲膿血糞
穢或作熱砂其水兩岸復有獄卒執持弓箭
刀棒鉞斧槍稍斫刺種種捶楚飢火所燒熱
渴迷亂尋返馳走猛火焚燒莫知所之獄卒
隨逐撻打斫截手足肢節悉皆損折復有餓
鬼朝產五子隨產食之夜生五子隨生隨食
由懷飢餓未曾豐飽或遇天雨仰口承之由
業力故一滴入口流入腹中變成猛火直過
而出或遇夏月熱風起時吹諸餓鬼墮砂磧
中下熱砂燒上爲日炙飢渴熱逼望見樹林

欲取陰涼奔走至彼陰避餓鬼隨至皆移何以故昔於人間或設施會見有乞人慳惜不與非理打罵而遣逐之以是業緣今受斯報復有餓鬼於夜月時淨無雲翳流光照觸毒熱爍身如盛夏時日炙無異復有餓鬼於盛冬時有大風起由業力故吹諸餓鬼猶若飛塵置氷山中受諸寒苦從是受苦經無量時於此命終還墮地獄如是往來經無量歲惡業盡已希得人身生貧賤家慳悋不施以乞自活轉增貪惜以貧窮故造十不善種種諸

罪從此命終復墮地獄受種種苦其苦畢已生餓鬼中如是往返經無數劫受如斯苦此等衆生亦於過去無量無邊生死劫中恒爲父母六親眷屬常爲我故造不善業今在餓鬼受斯苦報菩薩摩訶薩觀是苦已起大悲心復次慈氏鬼趣既然次觀傍生亦復如是

有諸麀鹿野犴狐兔虎豹豺狼種種諸獸及諸飛鳥野鷄鵝鴨鳧雁鴛鴦如是等類若行若住棲止飛浮恒畏於人大力鳥獸若飲若食未曾暫安晝夜之中常懷怖懼復有傍生

龜鼈龜鼈魚蚌蝦蟇空獸摩羅水族之類恒
被網捕生死水中復有傍生蛇虺蜥蜴蚰蜒
鼠狼此類傍生閻中而生閻中而死復有傍
生蟣蟲蚤等依人身生還依人死復有傍生
或依死屍或依糞濕或依草木當處而生還
當處死或變化生還變化死所謂蛆蟲螟蛉
蠱蝱阜螽蚨蝶之類復有傍生恒食膿血及
諸不淨以爲甘味所謂猪狗虵娘蠅虫之類
遙聞臭氣以爲香美飛走馳赴恐不得餐復
有傍生不食美草唯食棘刺不飲清流唯飲

濁水復有傍生非依草生而恒食草所謂象
馬牛驢駱駝騾等畜生之類或以鐵鈎鈎斷
其腦令使調伏得以乘之或穿鼻中或以轡
勒籠繫其首負重而行常被鞭撻種種呵罵
遲疾須行或有尪羸起已復倒捶楚無限力
不能前皆由宿因今受斯苦或食信施無復
精勤償他宿債遭此難苦如是驅役種種鞭
打尚未還足或取殺之苦切萬端陳告無所
生乏水草病無醫藥死已剝爲人啗食如
是死已墮於地獄何以故由心愚癡不知善

惡不念父母生育劬勞不識因果不聞正法亦無布施持戒善根但念水草餘無所知此等傍生人所畜養除畜養外餘類傍生所謂師子虎豹豺狼及上所說水陸傍生互相殘害更相啗食由是業故生地獄中經無量劫受諸劇苦地獄罪畢復趣傍生如是往來經無量劫此等傍生亦於過去無量無邊生死劫來恒爲父母六親眷屬常爲我故造不善業今在傍生受斯苦報菩薩摩訶薩觀此苦已起大悲心傍生既然次觀人趣有諸衆生

雖生人道多受貧窮飢餓長時裸形露體泥行兩宿霜獲暑耘日夜驅馳手足皴裂頭髮蓬亂羸步而前乞巧巡門未曾一飽至於日暮偃卧飢眠取給於他無相濟者雖有言行人不信從雖有姿容反遭輕賤恒行忍辱饒益於人而被嫌呵云自怯懼或有文藝人不錄之省覲宗親猜嫌求食或歸信三寶謗謂邀名或讚歎於人便云諂曲或生下賤恒不自安繫屬於人進退唯命常冒寒熱不知溫涼給水採薪不辭勞倦卽主之意都無愍心

小有差遲尋被鞭撻自作自得非天與人薄
福所招過於死苦譬如枯樹枝葉皆無一切
飛禽不來棲託薄福之人亦復如是爾時薄
伽梵重說頌言

無言稱癡闇 有語謂風狂 親近嫌諂諛

遠離云恐怖 忍辱言怯弱 歸信謂邀名

貧賤在人門 實過於死苦

復次慈氏當知貧窮極為大苦雖常親近讚
歎於人以無福故過患隨生以貧窮故恒遭
凌辱轉造惡業墮捺落迦復有豪貴族姓之

人多有僕使象馬牛羊親戚眷屬前後圍遶
受勝妙樂猶若諸天五欲迷荒轉增貪恚恒
起我慢凌蔑於人爾時薄伽梵說伽陀曰

不攝五根多放逸 貪財害己若怨家

耽荒五欲如醉人 貴賤皆招生死苦

佛告慈氏菩薩摩訶薩一切衆生不知現在
及與未來自所造業如影隨形諸苦所因貪
欲為本更不修習善法津梁燒滅宿因白法
皆盡從此沒已復墮三塗所以者何由貪欲
故恒斷生命恃已勢力劫奪他財種種方便

侵他妻妾恣欲邪行不擇親疎恒起希求作
諸妄語詭詐良善綺飾文詞訶毀有情作麤
惡語傳說彼此離間他人眷屬諸親不令和
睦恒懷貪嫉侮慢自高瞋火所燒善業都盡
讚諸外道謗佛法僧祠祀天神以求福祐不
知宿世三寶深恩無量劫來爲我勤苦修習
勝行菩提資糧具一切智號之爲佛而於生
死長夜闇中爲作燈明爲歸爲救爲船爲筏
拯濟生靈置於人天大涅槃岸衆生邪見我
慢貢高猶如醉人五欲纏縛不修善法從此

永樂北藏

六波羅密多經

命終墮於地獄傍生鬼趣或在人中下賤貧
窮受諸苦惱如被毒箭中於身心善法不修
受斯苦報菩薩摩訶薩觀是苦已起大悲心
次觀天趣觀彼諸天壽命長遠無諸苦惱將
命終時五衰相現一者頭上華鬘悉皆萎頓
二者天衣塵垢所著三者腋下自然汗出四
者兩目數多眴動五者不樂本居此相現時
新生天女皆悉遠離棄之如草舊侍天女愛
戀情深圍遶而觀如欲捨命哽噎悲哭各各
就前哀號問訊時天報曰彼新天女我亦憐

第七一册

永樂北藏

六波羅密多經

第七一册

愍無有二心云何今者棄我如草芥等於今
悲哀惜我以是因緣於舊生愛新者生瞋五
相現前必知死至離天宮處美妙音聲天上
色香悅意欲樂迷亂失念離此宮耶諸天會
中不得久住我於今日命將盡耶如是苦惱
猶箭中心我等無依無怙無親無主無歸無
救失聲悲歎諸天快樂而捨我耶又思善見
宮城於今將絕帝釋寶座朝謁無由殊勝殿
中永斷瞻望釋天寶象何日同乘衆車苑中
無復能見麤惡苑內介冑長辭雜林苑中宴

會無日喜林園苑遊止無期波利質多及劫
波樹白玉輓石更無坐時善法堂中集議長
隔曼陀枳尼殊勝池水沐浴無由四種甘露
亦難得食五妙音樂頻絕聽聞咄哉大苦無
常迅速令我此身獨嬰此苦刹那生滅而至
死耶諸天壽命乃如幻夢脫衣棄地痛割身
心如被蛇螫極大苦惱瞻仰餘天願垂慈愍
濟我壽命更延少日不亦樂乎能為我身除
五衰相勿令墮彼馬頭山處沃焦海中雖有
是言諸天聞之無能救者此天見已作是思

惟彼等諸天不能相救延我壽命以是定知將死不久臨命終時其天自見當生之處墮於地獄傍生鬼趣見是相已哽噎悲號悶絕擗地角眼相視尋即命終隨業受生墮三惡趣以是當知天中大苦流轉不絕無有盡期

卷三

九

菩薩摩訶薩觀是苦已起大悲心慈氏當知譬如有人以角弓滴大海水弓所得水與大海水何者為多慈氏菩薩摩訶薩白佛言世尊其弓消水極為微少如何以此比大海乎以是大海極為深廣云何方比弓消水耶

爾時薄伽梵告慈氏菩薩摩訶薩言善男子從人天沒墮三惡趣如大海水復生人天如弓消水墮三塗者受苦無量不可稱說不可思量如上略說三惡趣苦如苑伽河而得一沙其未說者如苑伽沙壽命亦爾如人間壽經於百年帝釋天中為一晝夜以此晝夜三十為月十二為年壽一千年如人間歲總三俱胝餘六十億以此壽量為彼黑繩大地獄中一日一夜以此日夜三十為月十二為年滿一千年而為壽量以此千年而於衆合大

地獄中為一日夜以此日夜三十為月十二
為年滿一千年以為壽量乃至阿鼻大地獄
中壽一中劫以是當知地獄衆生壽命長遠
諸天臨終以天眼觀皆悉能知極懷憂惱所
有欲樂一時皆失以其苦樂各十六分一分
苦生能滅天中十六分樂是為菩薩摩訶薩
觀見諸天臨命終時受如是苦起大悲心慈
氏當知此即菩薩摩訶薩第一大慈悲心復
次應起大精進心拔濟有情置涅槃岸如有
商主作是思惟父母宗親咸悉貧匱如何方

便得免艱難如是思已更無異方唯有入海
採如意珠得已還歸色養給侍作是念已入
海求之得如意珠置高幢上能雨一切種種
珍寶衣服飲食香華妓樂父母宗親隨意所
須悉令充足菩薩摩訶薩發菩提心求一切
智亦復如是作是思惟一切衆生皆我宿世
父母親屬流轉生死現受諸苦以何方便而
得免離如是思已更無異方唯有入於六波
羅蜜法海之中求一切智如意寶珠以濟斯
苦作是念已入法海中而求種智如意寶珠

置法幢上布大慈雲普雨一切神通功德陀
羅尼門慙媿衣服施爲舍宅淨戒之香忍辱
華鬢精進之趣禪定爲牀智慧甘露以爲其
飲諸法空寂而爲其座以大涅槃而爲寶城
諸佛菩薩爲善知識降靈如是妙寶衣服香
華妓樂如意寶珠一切種智唯除無上調御
大師無能拔濟諸苦難者永得安樂究竟涅
槃菩薩摩訶薩思惟是已決定自知得不退
轉復發是願願我所生有苦難處代諸衆生
受諸苦惱不願自證解脫涅槃捨彼衆生自

求安樂所以者何一切聲聞及辟支佛自求
解脫已入涅槃無量無邊不可勝數不能利
樂一切衆生不能稱揚佛身功德菩薩摩訶
薩設在三塗能令有情捨不善業修習善法
免離衆苦而得解脫十一況於人中以是因緣菩
薩摩訶薩十一利樂十方一切有情由此義故切
利諸天大梵天王大自在天諸仙外道恭敬
供養皆悉容受而此菩薩得不退心三世諸
佛所共稱讚與受記別菩薩摩訶薩修大乘
者自在無畏如師子王一切衆生隨逐而行

永無怖畏直至菩提聲聞緣覺諸阿羅漢聞
菩薩教深入巖窟以衣覆頭而趣涅槃豈同
大乘修菩薩行自利利他無不蒙益以是因
緣轉加增進寧於三塗受無量苦終不自利
而取涅槃過現未來一切有情所造惡業應
墮惡趣受諸苦者願集我身我代受之我於
過去及現在世所修勝行一切善品諸功德
法願皆迴施一切有情速證涅槃所有珍財
我願悉捨打罵凌辱終不加報皆忍受之願
彼衆生悉無罪累無量無邊阿僧祇劫難行

苦行我願盡行而為衆生誓求無上正等菩
提精進修行禪定解脫得不退轉又如過去
無量無邊菩薩摩訶薩精勤修習一切智慧
我亦當作如是修行所以者何為度一切流
轉有情安置涅槃無上解脫復願一切衆生
之類若卵生若胎生若濕生若化生若有色
若無色若有想若無想若非有想若非無想
我皆令入大般涅槃一切衆生皆令圓滿六
波羅蜜具足成就無上佛身百福莊嚴三十
二相八十種好項皆圓光過百千日衆生樂

見瞻仰無厭復願十方世界一切衆生功德莊嚴悉皆如佛復發是願願捨此身為於法界一切衆生打罵訶責或時繫縛苦切凌辱欲斷命根種種役使承順無違願彼衆生悉無罪累發是願已復更思惟願我速得成滿卷三此願復願此身住於五趣利益安樂一切有情無依怙者為作依怙遊他國者為作示導入海之者為作船筏涉溝澗者為作橋梁處曠野者為作泉井寒凍之者為作柴薪盛暑炎毒為作清涼處黑闇者為作燈明疲乏之

永樂北藏

六波羅密多經

者作輒敷具饑餓之者作甘美饌渴乏之者化作甜漿為裸露者而作衣服亢旱饑饉為雨五穀病苦之者為作良醫疾病除愈壽命延長孤惻鰥寡而為侍者諸貧窮者為作伏藏隨彼行住不相捨離若遠行者為作伴侶并作車馬令達所至若邪見者為說正法令住正見地獄苦者我誓入彼地獄之中拔濟令出墮餓鬼者為作清涼甘美飲食除熱饑渴墮傍生類虎豹豺狼熊羆師子化作肉山以充食啗復發是願食我肉者悉得充飽不

相食喙象馬牛羊羴鹿等獸我爲彼作肥膩
軟草若諸衆生食肉喙草五穀飲食隨意所
須悉令充足處人趣者隨所樂欲我悉供給
令無所乏復發是願願我悉得成就一切陀
羅尼身隨諸衆生所在之處皆爲救護作如
意樹及作寶瓶出無盡財給施一切具足圓
滿十三或作醫王除其疾病以大悲手執法闢
闢涅槃城示佛知見三僧祇劫難行苦行救
諸衆生安住涅槃真實解脫於所生處常勤
清進無有懈怠利益安樂一切有情爲救衆

生處捺落迦受苦無量如涅槃樂復發是願
若一切衆生未得解脫我願常居地獄不證
菩提慈氏當知即是菩薩摩訶薩第二精進
勤求一切智智復次慈氏行此行已應當更
發三種勝心求不退轉乃至三無數劫精進
修行於一刹那無令間斷或有衆魔作沙門
形婆羅門形或作苦行種種異形於大乘中
求諸過失勸修行者令其退轉作如是言佛
道懸遠經百千劫難行苦行難捨能捨國城
妻子象馬七珍奴婢僮僕身肉手足無所惜

惜如是布施經千萬劫方證菩提無量衆生
如是修習皆未成佛悉已退轉自取涅槃設
成佛果亦入涅槃一種涅槃何須勤苦汝求
利益修二種事一求現生常受快樂人天種
種勝妙五欲隨意所作小有苦者亦勿須怖
何以故譬如農夫豈懼蟲鹿不營種耶人天
快樂亦復如是雖有小苦快樂無窮但自修
持何憂何怖二者自求涅槃此生三生得阿
羅漢自當解脫何用勤苦永佛果耶若復不
能趣二乘者且受人天種種快樂設後厭離

疾入涅槃譬如有人用功雖少獲利乃多復
有一人功力極多事不成辦設汝布施種種
勤勞都無所成自為欺誑汝今與我行住共
俱出世涅槃進止同處慈氏當知菩薩摩訶
薩修大乘者聞斯語已都不信從作是思惟
此是惡魔等三嬈亂我耳而作障礙欲誘誑我令
退菩提十四既知是已復發是心我今不應違本
誓願受如斯語決定進求無上佛果而於大
乘誓不退轉發三種心云何為三一者一切
有情皆我宿世父母親友從無始際生死輪

迴受大艱苦於八寒八熱十六地獄受諸苦
惱復於餓鬼傍生趣中及於人天亦復如是
況是我之宿世父母內外親屬而無悲戀是
故我今誓取菩提不應退屈慈氏當知此即
菩薩摩訶薩不退轉中第一心也二者一切
有情從無始來既為父母一一生處在母腹
中寢食睡眠不得安止生育劬勞以大悲心
血變成乳長時不倦咽苦吐甘功德日修願
我成長自我薄祐夭壽而終父母悲號自按
頭髮推背墮淚食旨不甘一一生中皆有斯

苦所出目淚其量淺深過四大海所飲母乳
過四大河復次一切有情無始至今以恩愛
故為我父母種種因緣為我捨命以是至今
流轉未息若此有情勤苦修習無上菩提即
此有情悉合成佛由為我故生死無窮復次
一切有情從無始來三憐愍我故造不善業心
無改悔若此惡業可立形相計量積集過妙
高山積業既然墮三惡趣于今不絕以是義
故如何背恩自取涅槃而求解脫譬如衆人
同犯王法繫在囹圄逃形無路中有一人見

牆小穴設諸方便自脫而行以是因緣免離
苦難二乘之人亦復如是昔與衆生同爲癡
愛繫在三界生死囹圄求出無由中有一人
見四諦門知苦斷集證滅修道獲阿羅漢自
證涅槃修大乘者則不如是願共衆生同得
解脫以戒定爲雙手智慧爲鈇鉞大悲爲鈎
鑰破煩惱賊摧生死軍開涅槃城昇智慧殿
慈氏當知此即菩薩摩訶薩修大乘者第二
不退轉心三者菩薩摩訶薩作是思惟從無
始際流轉至今一一有情互相繫屬身口意

業苦惱他人作擾亂心發彼瞋恚奪他財寶
種種貪求斷他命根食他血肉如是殺害無
量無邊設彼未終日夜思想以何方便斷彼
命根持其血肉充我飲啗又懷憍慢恃已凌
他說彼爲非自言我是聞他勝事嫉妬心生
不耐他人中毒令死見急難者無有悲心喜
不自勝何當早逝見富貴者意不欲之願犯
刑名貶黜貧賤願他苦惱自受榮華願他財
寶日夜銷亡願我資財日日增長願彼憂苦
我恒安樂彼受憎嫌我納愛敬他作怨家自

爲親友彼恒墮落我得超昇願他貧窮我唯
富有我得智慧願彼愚癡無始生死日夜思
惟以如是心自求安樂利益向己苦惱屬他
無一衆生不被侵害名聞善事皆不願他口
許心違常行如是種種迫惱令彼不安無量
無邊不可備說復以惡教示導他人現在未
來墮於險道詐作知見辯證他人令損珍財
失其官爵以離間語鬪亂親疎巧詐多端令
心相恨墮於地獄無有出期以麤惡言於他
毀罵如以熱箭中彼身心乃至命終何時暫

忘假立名字毀咎多端損惱衆生種種異語
或作外道邪見仙人恚火燒心說邪惡法瞋
毒熾盛墜陷有情盡道呪術妖魅符書令諸
衆生皆共修習互相損害疾病流行壯者衰
羸少變令老明眼令瞽聰耳使聾端正之者
而現醜容眉高之者而獲癩病修善之者而
令作惡智慧之者使令癡狂長壽之者而令
夭喪富貴之者而令貧賤乃至今日未絕流
行復念我昔爲外道師邪見教人非法說法
法說非法令無量無邊諸有情類退菩提心

墮於邪見非法之中從此命終墮捺落迦傍
生鬼趣復有衆生於往世中受我邪教從險
峻山投身而下入閻牟河便取命終云得生
天子今不絕復有無量衆生往歿伽河南閻
牟河北二水中間有大神樹名尼拘陀其樹
端正茂葉含翠扶疎蔭映地平廣博此爲施
場樹下多立三鈷鐵戟彼諸衆生求生天者
於彼場中先行布施次剃髭髮入河沐浴望
除罪垢然後上樹當鐵戟上投身而下自取
命終從此死已云得生天無始至今流行未

絕復有衆生受我邪教常自慳惜不行惠施
若見施者起大瞋心見受施人復生恚怒何
以故我見施者及受施人由此業緣俱墮地
獄以是見故無量劫中受餓鬼苦于今未脫
復有衆生受我邪教多殺牛羊以血祀天何
以故如是牛羊天賜與我我食其肉血應祭
天無始至今受行其教已命終者墮惡趣中
殘害未寧互相食啗以愚癡故不得涅槃復
有衆生受我邪教於佛法僧常行誹謗復有
衆生受我邪教不信三世善惡因果言無布

施亦無供養亦無其果無護摩法無善行無
惡行亦無業果無此世無他世無地獄無餓
鬼無傍生無天無人無父無母一切衆生猶
如酒醉造酒之人而以麴米溫涼調適遂有
酒名飲則醉人此醉豈從父母生耶衆生亦
爾父母和合本由染愛而有我身我命終已
更無有生譬如斫樹燒已成灰種此灰者豈
有樹生我身亦爾死已無生以是故知定無
因果由此而於父母師長無有恭敬常毀罵
之無量生中教此邪法令諸有情墮於地獄

或有外道以火燒身或投水中自溺而死或
利戟上宛轉而終或修狗行以口食糞而求
生天或修牛戒如牛行李飲水嚼草裸露而
行不辯六親而作姪亂或有外道自餓不食
盡日而立夜後方食或有外道三五熱灸身隨
日而轉或有外道常翹一足或有外道十八常奉
事月白月一日嚼食一口二日二口乃至滿
月食十五口黑月初日減食一口二日二口
至黑月盡但食一口或都不食或有外道常
持鷄戒散食在地以足撥取口拾而食知時

而鳴或有外道裸形而行無有羞恥燬去毛髮日中而立隨日而轉於盛寒際處陰影中當風而立或有外道斷人命已而取髑髏盛其飲食或有外道裸形無恥以灰塗身或有外道炭墨塗身以人髑髏肢節諸骨以為瓔珞華鬘鏤釧身首莊嚴或有外道馬尾鬣鬣織為衣服或有外道樹皮為衣或有外道鷲毛作衣或有外道鷄毛為衣以如是等外道邪法教諸衆生以口業故無數衆生至今愚迷不得解脫復從無始乃至于今以身至惡

苦惱衆生作獄卒身手執鐵鉗磔衆生舌灌注洋銅又以鐵槌打碎其骨又以鐵鋸解諸衆生又驅迫衆生上於劍樹抽出腸胃五藏而食又以鐵索縛束衆生擲灰河中使受諸苦旋即曳出置熱鐵上如魚在鐵宛轉受苦又逼起坐以熱鐵杓盛以洋銅灌口令飲又以鐵鉗拔出其舌曳令長廣鐵犁耕之如上所說地獄苦中無始劫來我爲此事種種身業苦惱衆生又作師子虎豹豺狼熊羆等獸殘害衆生飲血啗肉又作人王宰官士庶長

者居士尊位之中枉法科稅非理捶楚不行
王法損害有情以是思惟無始至今五趣衆
生無不惱害斫頭剜眼削耳割鼻截舌啗肉
敲骨出髓斬其手足乃至斷命又在人中不
作餘業而爲魁膾畋獵漁捕罟網罾繳奪衆
生命所謂牛羊羴鹿狐兔鷄猪魚鼈等身分
割肢節成大積聚而以販鬻如是殺害無量
無邊經於無量俱胝劫中如是銜賣以自活
命復次慈氏菩薩摩訶薩修大乘者應發是
心如是思惟我以貪瞋癡故造作如是身口

意業誘誑損害一切衆生現墮地獄餓鬼畜
生受諸苦惱我今慙媿深自悔責作何方便
以酬報之如是思惟更無方便能償斯愆唯
有志求阿耨多羅三藐三菩提更無有能償
此宿債我得無上正等覺已於此流轉曠野
磧中廣度衆生置涅槃城安樂之處以一切
智智如意寶珠用酬無始所有深愆慈氏當
知此即菩薩摩訶薩第三不退轉心也如上
二心發起修行精勤不怠此心三心於大乘
中一心修行得不退轉復次慈氏菩薩摩訶

永樂北藏

六波羅密多經

第七一册

大乘理趣六波羅蜜多經卷第四 馨四

唐尉賓國三藏般若奉 詔譯

布施波羅蜜多品第五

爾時佛薄伽梵於大眾中作師子吼廣說五
種發菩提心已時慈氏菩薩摩訶薩與無量
無數百千俱胝諸大菩薩摩訶薩眾文殊師
利菩薩摩訶薩而為上首皆已成就六種波
羅蜜多復有無量大阿羅漢諸漏已盡所作
已辦捨離重擔梵行清淨及無數俱胝百千
萬億那由多天龍阿蘇羅健闍婆迦嚕羅緊

捺羅摩怛洛迦藥叉羅刹鳩呬荼薜荔多毗
舍遮人非人等時慈氏菩薩摩訶薩在大眾
中即從座起整理衣服偏袒右肩長跪合掌
一心恭敬而白佛言世尊已說大乘菩薩不
退轉心菩薩摩訶薩修習幾法得名菩薩摩
訶薩惟願世尊分別解說爾時薄伽梵告慈
氏菩薩摩訶薩言若有善男子善女人以清
淨心歸依佛法僧寶發阿耨多羅三藐三菩
提心得不退轉即名菩薩生我法中名摩訶
薩與菟伽沙等諸佛菩薩而為法子為彼有

情而為父母以大福德光明照耀過百千日
莊嚴其身爾時慈氏菩薩摩訶薩白佛言世
尊此諸菩薩摩訶薩云何遠離云何親近復
以何人而為伴侶先作何事應云何住云何
修行云何降伏其心云何攝持誰之勢力速
疾證得阿耨多羅三藐三菩提爾時佛薄伽
梵告慈氏菩薩摩訶薩言若善男子善女人
應當導引五趣衆生置於無上正等菩提遠
離外道邪法及惡知識應當親近修行布施
持戒忍辱精進禪定智慧具足行大乘者而

為伴侶應於自身聽聞正法精勤誦持應常
安住如是六種波羅密多精進修行降伏心
意攝護六根由此勢力疾證無上正等菩提
是名菩薩摩訶薩云何名為六種波羅密多
所謂布施持戒忍辱精進禪定智慧是為六
種波羅密多何故先說檀波羅密佛告慈氏
我今為汝廣分別說其布施者於六度中最
易修習是故先說譬如世間諸所作事若易
作者先當作之是故先說布施波羅密多一
切有情無有不能行布施者若藥又若羅刹

師子虎狼及諸獄卒屠兒魁贖此等衆生於有情中極爲暴惡尚能離慳而行布施云何布施所謂養育男女慈念乳哺然此衆生雖不能知福利之事以憐愛故今得色力壽命安樂離飢渴苦亦名布施以是義故於六波羅蜜多是故先說檀波羅蜜又如一切貧窮有情飢寒裸露身心不安何能造作種種事業若與衣食令得安樂然後能修種種事業菩薩摩訶薩亦復如是見諸有情貧窮所逼不能發起無上信心修行大乘種種事業先

施一切衣服飲食房舍卧具病瘦醫藥令心安樂然後令發無上正等覺心修行大乘種種事業以是義故六到彼岸布施爲門四攝之行而爲其首猶如大地一切萬物依之生長以是義故先說布施波羅蜜多如上所說藥又等類不知福田及非福田由愛念故施於乳哺當作人身富有資財所須無乏以此習故所生之處常離慳貪給施一切能除有情貧窮困苦所以者何諸菩薩摩訶薩爲欲利樂諸有情故先行布施波羅蜜多有來乞

者皆施與之不得齷感亦不邪視忿恚懷恨而行布施隨其所有而施與之不得遲疑而生慳恪於所愛物衣服卧具飲食湯藥國城妻子奴婢僮僕象馬七珍不生慳恪隨乞與之乃至一念不生退悔若生疑惑當知是魔何以故魔王波旬化爲財寶令使慳恪以此方便惑亂我心於大菩提而爲障礙以是義故不應慳恪如是思惟一切珍財愛戀之心皆應捨離時慈氏菩薩摩訶薩白佛言世尊若所愛財寶皆應布施不生慳恪菩薩摩訶

薩爲轉輪王所有七寶千子圍遶不知云何譬如微細草木處於谿澗遇天暴雨大水汎漲漂盡無遺其轉輪王五欲自恣雄猛自在千子隨身滌菩提心皆悉漂盡云何修習布施行耶以是因緣難爲捨離爾時薄伽梵告慈氏菩薩摩訶薩言善男子菩薩摩訶薩所生之處常得富貴財寶豐足法應如是若爲轉輪聖王應作如是二種思惟一者思惟過去諸佛難行之行及佛菩薩所有教法此轉輪王五欲勝樂皆從妄計分別而生猶如幻

夢轉輪聖王於五欲境不起分別不生計著
何能障礙菩提之心二者思惟一切有情我
已引入阿耨多羅三藐三菩提安樂之地亦
如過去苑伽沙等諸佛如來難捨能捨我亦
誓當作如是捨爲欲滌除慳悋之垢發如是
心願從今身乃至成佛誓以此身捨與法界
一切衆生所修福業若多若少願與一切衆
生共之迴向無上正等菩提以是觀之我昔
已捨一切身命如妙高山觀我此身猶如芥
子身命尚捨何況珍財若諸菩薩多積珍財

不行布施猶如白象於苑伽河淨洗浴已以
鼻喙取糞穢塵土徧身塗之我以福德淨水
洗浴其身端嚴清潔不應慳悋愛惜財寶塗
汗其身慈氏當知菩薩應作如是思惟若有
人來乞我身皮我即剝之不生瞋恨歡喜施
與若乞身首血肉骨髓皆悉能施以是因緣
菩薩摩訶薩利益安樂諸有情故不捨生死
而取涅槃復作是念我念此身前際不來後
亦無去父母和合不淨種子而有我身處不
淨中生熟藏間猶如種樹枝葉茂盛華果成

實我身亦爾以苦為枝憂悲為葉誑誑為華
癡為根本瞋恚羅刹而居此樹又為惡業虎
豹豺狼師子等獸圍繞此樹我今暫時憇此
樹下何為愛惜此毒樹耶而此樹身無我我
所設復有者我亦捨之願奉眾生任彼所須
終無悋惜何以故我以捨故不求果報不求
恩德無所著故所以者何以此毒身有三惡
法之所纏繞云何為三一者不淨二者極苦
三者無恩若復有人於此羅刹毒害惡獸圍
繞眾中救拔我身當知此人於我大恩而於

我身作大利益我於此人常懷恩德豈更於
此而惜身耶又此大地所有園林草木藥等
根莖枝葉華果成實而堪服食及帶持者若
以利斧斬此草木枝葉華果分折與人而能
利益無量眾生而此大地不念眾生食我身
分枝葉華果而得除病彼無情物尚不分別
而能利益一切有情而況我身不能於他而
興利益行於布施反於乞者起我慢心輕罵
陵蔑復於自身內外觀察先觀內身眼是我
耶是我所耶若非我者云何悋惜耳鼻舌身

亦復如是周徧觀察無我我所次觀外身色是我耶是我所耶聲香味觸亦復如是於此內外周徧觀察皆無有我既無有我云何慳惜而不施耶應當決定如是思惟願將此身速奉一切何以故此身無常遷變不定刹那生滅無所有故爾時世尊而說頌言

若他逼捨身命財 制不自由無利益
如是知己諦思惟 開心自施為最勝
迷人若悟夢幻法 內外皆捨無所著
如是布施等虛空 無我無受為最勝

復次慈氏若菩薩摩訶薩修行大乘求阿耨多羅三藐三菩提者當修空法以觀空故心得自在於苑伽沙佛所得受記別心不退轉而行布施無有劬勞檀施為刀破慳悋賊慳悋賊者眾苦根本菩薩於此不生愛著何以故菩薩摩訶薩雖有煩惱皆是方便利物而生然彼煩惱不為過失以諸菩薩隨願生故身口意業住無功用得清淨故善調五根無放逸故能多利樂一切眾生能知勝義及世俗諦以正定水洗滌慳悋垢除此垢已於施自

在說大乘法威光照耀如日流輝破諸黑暗
說法聲光除心昏冥慈氏菩薩摩訶薩白佛
言世尊以何因緣先明法施佛告慈氏菩薩
摩訶薩此法施者有三種事勝於財施云何
爲三一財施者而有竭盡法施增長則無有
盡以是校量勝於財施二受財施者現在利
益受法施者現在未來俱有利益於無量世
恒相隨逐無人侵奪乃至無上正等菩提不
相捨離三財施者能施獲益受者無益若法
施者自他俱益由聞法故發心速趣無上菩

提由此三義法施之者勝於財施由行法施
名稱遠聞一切人天尊重恭敬以此因緣先
說法施若菩薩摩訶薩修習布施波羅蜜多
爲三種事與諸功德而爲其本一者能利自
他若不利他自受世樂非菩薩行二者於大
乘中無有退轉三者隨修少分乃爲無量功
德之本何以故由清淨心無分別故譬如日
出照於世間情與非情皆蒙利益是日不言
我能照觸亦不分別情與非情以是菩薩所
作功德乃至布施一華一果皆爲利益一切

衆生以此功德成無上果悲化十方示導一切復次慈氏菩薩摩訶薩以施爲寶作莊嚴具乃至成佛相好莊嚴云何少施功德多耶以方便力少分布施迴向發願與一切衆生同證無上正等菩提以是功德無量無邊猶如少雲漸徧世界復次慈氏施有三種一者小施二者大施三者第一義施言小施者謂以種種飲食衣服諸莊嚴具財寶象馬庫藏倉廩城邑聚落園林屋宅及轉輪王所有樂具而行布施是名小施二大施者輪王所愛

后妃眷屬及與己身以施乞者是名大施三第一義施者能以身命而行布施以無所得心相應故名爲第一義施菩薩摩訶薩以是三種而行布施是故名爲檀波羅蜜復次慈氏以食施者當施五事云何爲五一者施命若人無食難以濟命二者施色因得食故顏色和悅三者施力以是食故增益氣力四者施樂以此食故身心安樂五者施辯若饑餓者身心怯弱言說窘訥不能辯了飲食充足身心勇銳得大辯才智慧無礙菩薩摩訶薩

施飯食時應作如是迴向發願我施食時施此五事若施命者願與一切衆生得佛壽命長遠無盡一劫二劫隨願而住二施色者願與一切衆生得佛色身如紫金色照曜世間過百千日三施力者願與一切衆生得佛十力一一節中皆有八萬四千六百六十三種那羅延力四施樂者願與一切衆生得佛無比涅槃安樂五施辯者願與一切衆生得佛世尊四無礙辯若施味時願與一切衆生得佛無上甘露法味具足充滿安置無比清淨

涅槃若施漿時願與一切衆生除其渴愛若施美飲砂糖石蜜甘蔗蒲萄種種香飲得如來口中四牙所有飲食及諸毒藥至此牙時變成甘露若施醫藥願與一切衆生得六度藥療生死病悉得痊除獲涅槃樂若施衣服願與一切衆生得慙愧照以覆其身離諸陋形端嚴殊妙獲金色身最勝無比若施塗香種種味香願與一切衆生戒香塗身悉除煩惱臭穢習氣若施象馬車乘輦輦船筏願與一切衆生皆得如來隨心三昧遊止自在無

所障礙施橋梁時願與一切衆生得六度橋
越生死河至涅槃岸若施瓔珞願與一切衆
生得三十二相八十種好瓔珞莊嚴若於曠
野沙磧之處往來渴乏為日所曝施以井池
飲水沐浴願與一切衆生離於流轉生死曠
野三毒災火渴愛之苦復願我身為法泉池
一切智水充滿其中隨彼衆生飲水沐浴竭
生死源得真解脫施義堂屋令諸衆生離風
雨怨賊惡獸怖懼身得安樂願與一切衆生
悉得入於涅槃堂屋離煩惱賊地獄寒熱生

死風雨永無怖畏若施氈褥細軟敷具願與
一切衆生坐菩提座自然覺悟得真平等若
施種種上妙衣服願與一切衆生得三乘法
衣普覆一切苦惱衆生若施三寶師僧父母
種種燈燭願與一切衆生得一切智眼若施
音樂願與一切衆生得真天耳十方世界所
有音聲皆悉聞知若於迥遠無佛法處建立
僧坊及招提舍置諸資具飲食湯藥願與一
切衆生置涅槃城安樂之處永離流轉生死
之苦若施湯藥願與一切衆生施以法藥除

煩惱病若施僕使願與一切衆生悉如阿難
奉侍如來若救囚繫令得解脫願與一切衆
生遠離一切煩惱囚繫得真解脫住法王位
若施金銀及無價寶願與一切衆生得百福
相莊嚴其身若施寶冠莊嚴之具瓔珞環釧
耳璫珠鬘種種校飾願與一切衆生獲八十
種好莊嚴法身若施阿蘭若修道之處願與
一切衆生得四聖種依止之所若施伏藏願
與一切衆生得佛無上功德法財若施七寶
及輪王位自在安樂願與一切衆生得大力

用以妙法手拔濟衆生出十惡業以十善水
洗令清淨以淨戒香用塗其身除斷一切惡
名臭氣以慙愧衣服而為覆蓋以佛功德而
為瓔珞以忍辱為華鬘莊嚴其身以靜慮為
牀座安處不動以菩提冠卷四置於頂上處法王
位而受灌頂慈氏當知如是施者十此即名為
菩薩行於小施復次言大施者菩薩摩訶薩
於所愛敬貞順妻妾及以端正孝友男女愛
無雙者以用布施若我不捨此妻子者云何
得與一切衆生為法父母及能憐愛一切衆

生悲愍救護如已愛子能令離於生老病死以是義故菩薩摩訶薩一切寵愛珍惜之者悉皆布施乃至成佛無上菩提慈氏當知如是施者名為菩薩行於大施復次第一義施者菩薩摩訶薩以清淨心於自身手足皮肉骨髓頭目耳鼻乃至身命以用布施心無吝惜以此功德願與一切衆生於當來世得佛金剛不壞之身若施手足心無吝惜願與一切衆生於生死流轉漂溺瀑河無救護者授正法手拔濟令出置安樂地若施耳鼻舌時

願與一切衆生於當來世悉得諸佛清淨五根以是妙法莊嚴衆生若以肉血施諸衆生如是施時願與一切衆生當得此身猶如大地與諸有情作依止處亦如大水能除垢穢潤澤枯涸百卉滋長又如大火能除闇冥成熟一切復如大風能鼓一切開發生長使得敷榮若施眼時願與一切衆生而得佛眼若施頭首及施寶冠願與一切衆生得佛無上七覺寶冠復次慈氏菩薩摩訶薩所有世間妙好之物不生貪著常能惠施一切有情所

以者何以大悲心等視衆生猶如一子願與一切衆生永息貧窮於所求願悉令滿足而於生死曠野之中備七聖財得佛智寶復次慈氏云何菩薩摩訶薩修行布施無諸過患謂自手營作而行布施非嫉妬他非畏惡名非求恩德而行布施爲濟貧乏惻獨困苦而行布施是名爲施若爲名聞而作師長行於布施如商賈人非行施也起大悲心不擇怨親財物多少而行布施名真施也復次慈氏有二種田云何爲二一者悲田謂諸孤露貧

窮困苦二者敬田謂佛法僧父母師長於悲田所不應輕賤言無福田於敬田所不應求報以慈悲心無所分別等施一切名真施也又布施者勿起希求而於財物不能捨離或被官逼奪而行布施或畏損失而行布施於三寶所不得輕慢應生尊重不自稱說而行布施若以重寶無所愛著不生我慢亦不貢高而行布施名真實施若於敬田不生恭敬將所厭物而施與之不名爲施或爲家貧無妙好物而有麤鄙恥不施之以是因緣都不

行施善男子夫行施者不應分別隨其所有
來即與之是即名為檀波羅蜜菩薩摩訶薩
不應自恃持戒多聞禪定智慧而行布施亦
不輕慢他人貪患愚癡寡聞破戒而行布施
非淨施也菩薩摩訶薩所行布施無不活畏
無惡趣畏隨其多少而施與之以廣大心皆
得無盡無量功德是即名為檀波羅蜜若為
布施互相嫉妬令家眷屬鬪諍不和不名布
施若為布施譏毀乞人汝今丁壯諸根具足
何不自作營理生業而求乞耶如是施者不

名布施或施已追悔而作是言我為愚癡枉
費財物如是施者不名為施或希他讚歎或
怖惡名如是施者不名為施或為惡願而行
布施不名布施或擇日而施謂白月一日八
日十四日十五日黑月三日八日九日十三
日十四日十五日如是日施餘日不施不名
為施或擇時施晨朝布施午時不施日暮餘
時亦復如是如此施者不名布施或擇人施
施與貧者不施富者或貧富俱施不施病者
或與病者不施餘類或施此人不施彼人如

是施者不名布施或選知識顏貌端正而與
好物餘施惡物不名為施或見乞者俳優鼓
樂嬉戲談笑而施與之餘者不施如是施者
不名布施夫布施者不求果報輪王護世釋
梵諸天刹帝利家及婆羅門長者居士如是
家生而為己身自求解脫而行布施亦不厭
退生疲倦心言我已施不應更施如是等施
但名布施不得名為檀波羅蜜復次慈氏菩
薩摩訶薩不為如上非法布施以正解脫迴
向發願無上菩提是真布施檀波羅蜜究竟

清淨於阿耨多羅三藐三菩提得不退轉若
能如是離諸過失行無相施所得功德無量
無邊廣大如法界究竟若虛空菩薩摩訶薩
以如是心若施一華若施一果乃至施水一
滴而於此經受持讀誦乃至一偈一句令他
聽聞經一刹那所得功德無量無邊若復有
人從無量阿僧祇劫所行布施以金銀七寶
及餘種種妙好珍財以用布施求轉輪王釋
梵護世或求阿羅漢果獨覺菩提及餘作業
於無量無邊阿僧祇劫受持淨戒所有功德

比前菩薩摩訶薩無住相施所得功德百分
千分萬分億分俱胝分乃至鄔波尼殺曇分
不及其一而此菩薩願力所施一滴之水投
於大海海水有盡滴水無盡何以故衆生無
盡故菩薩願力亦無有盡虛空法界亦復如
是復次菩薩摩訶薩如是漸次勤行精進得
大神通昇妙高山或至大海獲無價寶還贖
部洲兩種種寶結施有情或雨飲食衣服卧
具病瘦醫藥除斷有情飢渴疾病貧窮困苦
以此功德願施有情盡未來際常無休息廣

大如法界究竟若虛空若但自利而行布施
如空片雲風吹即散豈能利益一切衆生復
次菩薩摩訶薩如是布施同真際等法界火
不能燒水不能漂風不能吹金剛堅實不能
碎壞是故菩薩布施願力能令衆生得大利
益究竟安樂亦令一切有情同此行願乃至
無上正等菩提誓不退轉常行是行乃至涅
槃利益有情令得解脫復次慈氏如來在世
一切有情而以種種上妙衣服房舍卧具飲
食湯藥酥燈油燈瞻蔔油燈種種華香以奉

供養尊重恭敬歌頌讚歎於佛滅後取佛舍利起窣堵波亦作如上種種供養尊重讚歎如是二事功德果報等無差別由此義利令諸有情發殷重心虔誠愛樂以敬慕故發菩提心聽聞正法如說修行便能趣證阿羅漢果辟支佛果及諸菩薩成就十地圓滿六度乃至佛果無上正等菩提即此有情復能勸喻諸有情等同修勝行乃至證得無上正等菩提以是義故菩薩摩訶薩修行布施波羅蜜多乃至施水一滴所有利益同真際等法

界無有窮盡若行施時不能普為一切有情迴向無上正等菩提設以寶聚如妙高山而用布施利益甚少猶如芥子易可窮盡亦如片雲風飄即滅復次慈氏菩薩摩訶薩修習大乘布施時猶如伏藏第十四隨自身行如如意樹第十五隨有情意能滿彼願菩薩摩訶薩應當更發二種勝心一者所有資財庫藏諸物知自性空猶如陽燄夢想幻化二者於諸有情起大悲心若見貧窮起憐愍心發是心已應正了知於是財寶不應慳吝手自行施願與一

切有情同證無上正等菩提如是之財真我所有設畜財物終不爲己皆爲饒益一切衆生悉皆成就檀波羅蜜若我積聚種種財物不能自施如是之物非是我有用不自在於裸形如守藏人自無其分無常賊來風刀解體所愛財物妻妾持去別奉他人彼人得已倍復慳惜乃至命終亦復如是展轉慳悋終不能捨如是等人暫時守護以是當知如是資財定非我物王賊水火及與惡子悉皆有分常懼侵奪思寄親知寢食不安恒憂散

失由慳不施招此憂危復次慈氏行此施已水火怨賊不能侵奪寢食安隱心無憂慮若自手施迴向發願彼諸有情方需其分乃至佛果恒相隨逐心常安隱離諸憂怖若慳悋者常懷憂惱現在世中諸苦根本於未來世當知亦然復次慈氏慳悋不施所畜財物如把草炬逆風而行草盡燒手當受痛苦若速棄者則無諸苦如是知己當觀此財猶如火炬亦如幻燄應速捨之求真實果若慳貪有情互相讚歎汝有點慧守護珍財莫如愚人

妄行惠施如是之人謗無因果當墮地獄餓鬼畜生設得為人常多貧賤復次能行施者國王大臣婆羅門居士之所稱讚所出言詞人皆信受慳吝之人不能惠施常懷憂惱謂施無福當墮三塗復次能施之人一切敬愛第十四慳貪之輩衆所憎嫌能布施者如僧伽藍一切人天悉皆歸向慳貪之人如陷塚墓一切賢聖皆悉遠之亦如涸池衆鳥不集如是二人處大衆中若讚於施聞之怡暢若訶慳吝赦而媿之復次行布施者諸天賢聖樂與同

處慳不施者餓鬼畜生自然會集復次行無相施住第一義得人法空能利自他究竟圓寂復次慈氏若有善男子善女人自稱菩薩修行大乘應當決定正念思惟布施功德無量無邊慳吝過失亦復無量如是知己決定斷除無有障礙見乞者來顏色和悅不應譏毀若聞乞聲歡喜愍念譬如孝子違離父母五十餘年忽聞還家不勝喜躍聞乞者聲亦復如是迎至家中瞻覩如佛發如是心此善知識今受我施除我慳貪惡趣過失無量利

益莊嚴我身無上菩提瑩飾我體如是乞士
著弊垢衣和顏軟語愍我而來是我良友所
以者何除我身中慳貪過惡此之乞者是我
即主我即奴僕應受教命發是心已從座而
起手自捧持所施之物右膝著地歡喜奉施
願與一切衆生利益安樂迴向無上正等善
提復於乞者起利益心如是之人即是能行
天如意樹若無是者如何得度生死曠野不
乏資糧達於人天涅槃彼岸以是當知人天
安樂無上解脫皆因乞者而得成就復次慈

卷四

十七

氏若時乞者至菩薩所起大希望菩薩是時
家貧無物應當軟語慰喻彼人無令瞋恨不
生疑惑令悉有無以是因緣歡喜而去復次
菩薩摩訶薩行布施時應當慈悲寬其心意
所有乞者任彼往來隨其所須皆不遮悋復
次慈氏一切財物無常敗壞衆苦之本如身
瘡痍烏持敗肉其慳悋者不自食用功德不
修復不與人堅守財寶亦復如是當知此人
非行施者不名菩薩於大乘法不發勝心亦
不能成不退轉位譬如大海不宿死屍大乘

海中不容慳者菩薩所以修大乘行為欲遠
 離一切罪垢具修功德於佛法中不生疑慮
 於諸有情及諸財寶一切時中心無分別常
 行惠施利樂群生以如是行圓滿布施波羅
 蜜多速得成就阿耨多羅三藐三菩提名第
 三勝義檀波羅蜜多

大乘理趣六波羅蜜多經卷第四

音釋

翕與迄及切 審與吸同 訥審紀匪切 訥吃也訥

卷四

十八

大乘理趣六波羅蜜多經卷第五

卷五

唐罽賓國三藏般若奉 詔譯

淨戒波羅蜜多品第六

爾時佛薄伽梵於大眾中作師子吼廣說布施波羅蜜多已時慈氏菩薩摩訶薩合掌恭敬而白佛言大聖世尊已說修大乘者興大悲心行布施波羅蜜多以何方便而能圓滿淨戒波羅蜜多何名淨戒防何過失云何護持而得清淨設護淨戒現在未來有何果報云何守護當證阿耨多羅三藐三菩提惟願

永樂北藏

六波羅蜜多經

世尊分別廣說利益安樂一切有情爾時如來應正徧知明行圓滿善逝世間解無上士調御丈夫天人師佛世尊讚慈氏菩薩摩訶薩言善哉善哉汝於無量百千億劫奉持淨戒善為利益安樂有情問如是義汝今諦聽善思念之吾當為汝分別解說若有善男子善女人修大乘者若欲圓滿淨戒波羅蜜多應當如是發廣大心普為憐愍一切眾生所謂不怖地獄不求生天不為己身自求解脫護持禁戒復作如是正念思惟我於昔時已

第七一册

發誓願若見有情毀禁戒者誓當勸令堅持淨戒以佛淨戒而為瓔珞莊嚴其身若我不能護持戒者云何以戒攝護有情以是因緣勸令持戒若不如是云何能置一切有情於阿耨多羅三藐三菩提所以者何若諸凡夫自不清淨為毀戒者雖說正法勸他持戒終不信從反被輕呵若欲教他護持淨戒何不自護而毀犯耶以是思之汝應持戒汝若不持汝口雖說自耳不聞如是種種被他譏毀何能勸人守護淨戒以是當知先自檢身離

諸放逸堅持淨戒波羅蜜多然後為人說正法要有情聞已便能信受既信受已護持佛戒具足清白乃至得成阿耨多羅三藐三菩提復次慈氏若有衆生發菩提心普為一切五趣四生乃至護持一禁戒者亦得名為入佛淨戒波羅蜜多第三能得無上正等菩提復次慈氏菩薩摩訶薩修大乘者見諸有情墮於惡趣應當修習淨戒波羅蜜多拔濟令出置於涅槃然修行時有三大障一者瞋恚二者慳貪三者染欲其瞋恚者能退悲心大悲心

者一切菩提行之根本以悲力故於夢寐中
不生殺想況覺寤時斷命食肉其慳貪者不
能捨施於已財物常生慳惜於他財寶恒起
貪求是故菩薩摩訶薩見他財物如覩毒蛇
不生貪著其染欲者非清淨行應當遠離五
欲淤泥然此貪欲諸苦根本六波羅蜜之大
障也復能燒滅菩提之心爾時薄伽梵而說
頌言

女性妖媚幻惑人 如怨詐親不可近
貪欲迷荒壞清淨 如水瀑流摧石壁

女人之性多諂曲 如水隨流性不定
恒懷異志背其夫 智者諦思應遠離
譬如雪山白象王 鼻有力能拔大樹
及見母象心昏醉 引入陷穽被調伏
如鹿食草飲清流 復能遠涉諸山谷
三 獵師能為誘鹿聲 彼鹿尋聲來就死
如魚沈潛深隱處 游泳水中難可見
為求其食吞鉤餌 貪欲喪身亦復然
譬如黑蜂貪其香 醉象汗流發香氣
貪饜此香集象身 象耳搖動撲皆死

如燈無風燄熾然 飛蛾爲明競投赴
由斯入火自焚燒 貪愛亡軀亦如是
五塵徧觸衆生身 一一害人如毒藥
受者如是諦思惟 衆苦積聚非安樂
炎火熾然猶可觸 旋嵐猛風或能繫
瞋恚毒蛇易調伏 女人之心難可禁
無熱池中功德水 流入大海不堪飲
八味皆失同鹹苦 親近女人善法盡
佛告慈氏以是因緣當知女人不應親近乃
至夢中不應思想況覺寤時而行欲事復次

菩薩摩訶薩離三障已應當修習十種淨戒
云何爲十所謂身三淨戒口四淨戒意三淨
戒言身三者離殺盜婬云何不殺若見有情
被損害時應以悲心往救其命或以資財贖
令得脫設不免者以身代之何況自殺不偷
盜者菩薩摩訶薩於他財物乃至夢中不生
盜想況於覺寤而起盜心應於自財以清淨
心無所憍惜常行惠施亦勸他人離不與取
恒行布施波羅密多離染欲者菩薩摩訶薩
應當遠離五欲境界亦爲有情說欲過失復

令衆生離欲邪行讚說出家無量功德令多
衆生捨家出家拔濟有情離貪愛獄是則名
爲身三善也言口四者謂離虛誑離間麤惡
及無義語云何虛誑謂不見言見見言不見
聞覺知等亦復如是於此虛誑皆捨離之作
真實語名離妄語復次離間語者於彼說此
於此說彼令生乖諍若能離此常和合語是
則名爲遠離間語麤惡語者謂出惡言令彼
熱惱所不欲聞而令聞之若能離此常以輒
語令彼適悅是則名爲離麤惡語言無義語

者以染欲心戲弄談謔乃至邪論皆無義利
若能離此爲益有情實語時語是則名爲離
無義語菩薩如是若能離口四過修習如來
四種善語常爲有情說於妙語令聞法者歡
喜信受如水清珠能清濁水聞法信受亦復
如是復次慈氏意不善業亦有三種謂貪瞋
癡離貪嫉者見他尊貴多饒財寶起嫉妬心
應正思惟作如是念願一切有情得大富貴
無所乏少是諸有情勤苦艱難今乃獲得云
何於彼生嫉妬心我於已財皆應奉彼況彼

自獲我應隨喜云何乃反生嫉妬耶以是因緣於彼有情不應嫉妬但生隨喜若能如是除貪嫉者是名菩薩持心淨戒復次離瞋害者若菩薩摩訶薩被諸有情諸惡誣謗無故打罵斷截肢節菩薩於彼離瞋害心作是思惟我已發願於諸有情不起瞋害云何今日乃發是心又我昔願常以法藥蠲除有情瞋害之病若於衆生起瞋害者自疾不能救何能救彼一切有情復次若諸有情瞋菩薩時深自克責以我有過福德鮮薄令他生瞋我

若無過彼必不瞋復次菩薩摩訶薩見二有情互相瞋恨結怨不捨菩薩見已生悲愍心此之有情不捨瞋恨當墮地獄火燒其身受大苦惱是我之答應持法藥療此瞋病我昔誓願願與一切衆生除瞋恚病云何今日不爲斷除此等衆生常爲惡魔之所執縛不自覺知以大猛火之所焚燒旣被魔執設持利刀來殺害我我知魔鬼不應生瞋當於是人生大悲愍復次離邪見者一切衆生皆有邪見極爲深厚菩薩大悲以正見炬作大照明

令見三寶於佛法僧所有功德深生信樂一切外道一切衆魔作障礙者不能破壞正見之心於大乘行無能退屈復次慈氏菩薩摩訶薩行大乘者欲令衆生離不善行先當自身遠離十惡修行十善何以故若諸菩薩自行十善所有言教人皆信受若自不行而教人者譬如有人爲水漂溺語岸上人我能救汝無有是處造十惡者亦復如是自被十惡瀑流所漂語諸衆生我當度汝亦無是處菩薩如是於十善戒具足修習復教他人如是

展轉名爲修習淨戒波羅密多時慈氏菩薩摩訶薩復白佛言世尊如有情除斷十惡修十善者當獲何果爾時佛薄伽梵讚慈氏菩薩摩訶薩言善哉善哉善男子汝今諦聽善思念之吾當爲汝次第解說此十善業一五皆感四種果報云何爲四一現在安樂二煩惱怨賊勢力羸劣三於當來世常得尊貴無所乏少四精勤修習當得無上正等菩提離殺四者一菩薩摩訶薩於一切衆生不起害心能施無畏亦不恐怖以無怖故一切衆

生親近供養尊重讚歎菩薩於彼生憐愍心
由慈心故過去所有一切怨恨自然心息二
者瞋恚害心悉皆羸劣以慈甘露用塗其心
而能蠲除瞋等熱惱睡眠安隱恒無惡夢以
慈心故藥叉諸鬼食血肉者捨離害心及諸
惡獸常相守護三者於未來世獲三種果一
者壽命長遠常無中天二者所生之處常無
病苦三者大富饒財恒得自在四者以不殺
故得佛法分於五趣中所生之處於世自在
隨意能住乃至坐於菩提樹下諸魔鬼神不

能為障成等正覺無量聖眾之所圍遶慈氏
此即離殺四種果報復次離不與取亦四果
報一者於現生中得離貪嫉身心安樂二者
以離貪嫉一切眾生之所信向委寄任用無
復疑惑與諸有情而作伏藏三者於未來世
得大富饒豪貴自在所有珍財第七王賊水火無
能侵奪四者能與殊伽沙等一切諸佛主功
德藏所謂十八不共法等清淨法財二乘之
人耳尚不聞何況得見慈氏當知此即名為
離偷盜業四種果報復次離欲邪行亦四種

報一者於現生中一切人天之所稱讚亦無疑阻人所敬重遠離惡名二者六根調善令染欲火勢力微劣三者於未來世所生之處父母宗親妻子眷屬孝友貞順純一無雜離於女人所有過失令諸衆生無復染愛四者爲離邪行而得馬王陰藏之相乃至成就阿耨多羅三藐三菩提慈氏當知此即名爲離於邪行四種果報復次離虛誑語亦四種報一者於現在世常行實語離虛誑語諸天憐念常共守護二者既無虛誑一切衆生信受

其語若說法時人皆諦受無勞功力自然信行設復有人自雖虛誑憎誑語人見實語者心亦歡喜以自妄語不信他實若知真實深生敬重當知實語爲大利益斷妄語者一切惡業不復造作何以故以他問時如實答故若在閑靜不起妄念何以故若人問我汝閑居時生妄念不若言無者是虛誑語若言有者羞愧他人以是因緣能令妄心漸漸微薄三者所生之處口中常出青蓮華香蘇曼那香一切有情之所愛敬自實語者不疑他人

有虛誑語亦令他人信已實語能令衆生永斷疑網四者所出言詞人皆信受能令衆生聞法歡喜乃至當得無上菩提慈氏當知此即名為離虛誑語四種果報復次不離間語亦四種報一者現在世中能令自他和合無爭所在安樂二者以和合故衆人愛敬過去所有離間語罪悉得銷滅於三惡趣心無憂懼三者於未來世得五種果一者能獲金剛不壞之身世間刀杖無能損壞二者於所生處得善眷屬無諸乖諍不相捨離三者於所

生處設不遭遇善友知識為說法者自然覺悟無二法門於佛法僧深生信向無有退轉四者令諸有情一心一事歡喜相向速能證得慈三摩地五者而能勸發一切有情修習大乘令不退轉四者由遠離間常和合語得善眷屬隨順調伏乃至涅槃不相捨離慈氏當知此即名為離兩舌語四種果報復次離麤惡語亦四種報一者現在世中離麤染垢心常清淨若於塵境妄起貪欲瞋恚風塵集諸藏識菩薩摩訶薩興大悲雲降慈心雨滅

妄貪欲止惹風塵令得清淨二者輒語之人
一切愛樂讚歎隨順令羸惡者漸令調伏六
根清淨三業無染三者以清淨故於當來世
所生之處永離三塗常生善處四者漸次能
得無上菩提具梵音聲說法之時隨其類音
各解其義而生念言今薄伽梵為我說法不
為餘人所說妙法皆契我心除我身心煩惱
習氣慈氏當知此即名為離羸惡語四種果
報復次離無義語亦四種報一者現在世中
智人讚歎心無卒暴而得安樂二者所出言

教人皆信受羸惡微薄三者於未來世所生
之處恒聞種種如意音聲四者漸次能得無
上菩提獲無礙辯設彼三千大千世界所有
一切天龍人非人等來詣佛所同於一時各
各別問自所疑事時薄伽梵於一刹那以一
言音悉能訓對皆契本心斷除疑網慈氏當
知此即名為離無義語四種果報復次離貪
嫉者亦四種報一者現在世中見他富貴不
生貪嫉作是思惟彼人富貴皆宿福生以我
貪嫉豈能侵奪以是因緣應永斷除慳貪嫉

如若不除斷常受貧窮無復威力以是義故
菩薩觀之除其貪嫉於他富貴生隨喜心不
捨毫釐獲大功德二者一切愛敬身心安樂
無復憂惱威德自在能淨心中貪欲雲翳猶
如夜月衆星圍遶貪嫉之心由斯微薄三者
所生之處常得端嚴六根圓滿財寶豐足衆
人愛敬常行惠施無礙辯才處衆無畏四者
乃至證得無上菩提衆聖圍遶功德最上一
切衆生同受教命慈氏當知此即名為離貪
嫉者四種果報復次離瞋恚者亦四種報一

者於現在世六根聰利儀容可觀人所親附
瞋恚之人猶如枯樹心中火然所有枝葉悉
皆乾盡衆生亦爾被瞋恚火熏習五根儀相
枯槁人所惡見二者心無瞋恚一切惱害打
罵訶責盡皆不起譬如有人持迦嚕羅呪一
切諸毒無能害之以無恚怒增長慈心以慈
真言令三十六俱胝天魔鬼神悉皆摧伏奉
慈真言無所損害三者於未來世以慈心梯
上生梵天一劫安樂令諸衆生斷惡修善四
者漸次能得無上菩提具足莊嚴三十二相

八十種好熾然炳著無量功德蘊集其身慈
氏當知此即名為離瞋恚人四種果報復次
離邪見者亦四種報一者若離邪見修行正
見於現世中離惡知識親近善友聞法信受
未生不善令永不生已生不善令盡除斷未
生善法修習令生已生善法修令增長此正
見者一切善法之根本也二者能閉不善行
門於大衆中名稱普聞心無疑悔三者於未
來世所生之處遇善知識得善伴侶順於正
見歸佛法僧更無異向於菩薩行無退轉心

除滅罪愆增長福聚有漏無漏生死涅槃過
患利益能善分別了達諸法無我我所無有
執著住法性空正見力能究竟清淨四者所
有三乘勝妙功德人不能測正見之力皆悉
圓滿能為衆生作歸依處度脫有情出生死
苦悉皆安置無上大乘乃至處於法王之位
慈氏當知此即名為離邪見人四種果報復
次菩薩摩訶薩非唯護持十善淨戒功德無
盡乃至受持微細禁戒清淨功德亦無有盡
何以故凡夫衆生受持禁戒取相果報一切

有盡外道諸仙所有禁戒失通亦盡人間十善捨十善時戒亦隨失欲界諸天壽盡戒失色界諸天四靜慮中無色界天三摩鉢底捨生失定戒亦隨盡二乘無學入涅槃時戒亦隨盡若菩薩摩訶薩所受禁戒六十五種隨一一戒究竟清淨功德無盡云何名為六十五種謂不害衆生不行偷盜不侵他妻不誑惑他不兩舌語忍麤惡言不作綺語不生貪嫉見他安樂生歡喜心不起瞋恚惡言罵辱悉能忍受不起邪見尊重如來不師外道復

次歸信佛戒心無疑濁故歸信法戒離欲真實故歸信僧戒和合最勝故尊重父戒生我身故尊重母戒養育我故尊重和尙戒生我法身故尊重阿闍黎戒教我軌則故尊重大弟子戒成我法身故一心戒輕重無差故無破戒於重不犯故不缺戒輕不毀故不習小乘戒不求聲聞果故不習二乘戒不求獨覺果故離惡生處戒不生邪見外道家故增長白法戒以淨戒力隨願生故富貴相戒智者不嫌故端嚴戒其心不亂故無毀皆戒於一

切處不被譏訶故善護五根戒勤不放逸故
名稱戒善解諸法故少欲戒無所希求故端
直戒衆善隨心故如說修行戒不違教命故
大慈戒救度一切衆生故大悲戒拔一切衆
生苦故大喜戒慶彼得樂故大捨戒離憎愛
故知已過戒省察自心故不見他過戒護彼
十五
意故布施戒救貧乏故攝持戒攝一切善法
故忍辱戒不害衆生故精進戒勇猛不退故
禪定戒定支增長故智慧戒聞法無厭故多
聞戒求法無倦故近善知識戒修集覺分故

離惡知識戒避險惡道故不惜身分戒刹那
無常故不惜壽命戒如救頭然故不追悔戒
性本清淨故不虛假戒無變動故無熱惱戒
內外清涼故無人我戒心謙下故不掉舉戒
性安靜故不諂曲戒常質直故知衆生心戒
善識物機故調伏心戒不濁亂故寂靜戒離
誼雜故右遶戒無理行故救拔衆生戒行四
攝法故護正法戒守護法財故圓滿諸願戒
弘誓清淨故如來戒隨順如相故佛三昧戒
圓滿一切佛法故慈氏當知此即菩薩摩訶

薩六十五種清淨戒身佛告慈氏若諸菩薩
持一一戒能得如是無量功德乃至捨所愛
命不得缺犯佛之禁戒應持此戒如護眼睛
守慎此戒如護賢瓶不以五欲利斧而斬壞
故護微小戒如五逆罪輕重等護心若金剛
不得起於貢高我慢雖持此戒清淨如是比
於無始所造惡業如大千界所有微塵此持
戒善比彼惡業如一微塵既知如是云何恃
戒而生我慢復次慈氏菩薩見諸衆生毀破
禁戒不生輕慢而於自身更增持護復作是

念我昔誓願令諸衆生堅住淨戒雖諸衆生
難可化度我當勤加精進以淨戒船度破戒
者出生死海到涅槃岸復次慈氏若諸衆生
有此身者須四種物云何爲四一者飲食二
者衣服三者房舍四者醫藥菩薩摩訶薩於
此四事如法營求不以非法不自矜高多求
無厭應當少欲知足支身譬如有人身患瘡
苦求善良醫以藥塗附用衣裏之處深密室
卧輒敷具但爲治瘡非愛身故菩薩如是以
八苦身雖求良藥塗以飲食假以衣服處於

房舍不樂此身色力壽命為修勝法安樂衆生除斷生死煩惱癱瘡菩薩如是處大衆中常省已過不毀他人遠離名譽若有讚歎之者皆自思之如是名聞我皆無分我今自測多諸愆犯功德法中我無少分衆生妄見言我有之菩薩以大悲心而為依止以淨戒波羅蜜多而為伴侶復次慈氏有是淨戒非波羅蜜多取相持戒不為最勝之所攝受但名淨戒非波羅蜜多何以故但獲三界有漏果報壽盡無故若普為一切衆生護持禁戒觀

第一義空無我人相而為有情護持禁戒是則名為淨戒波羅蜜多能令衆生速得無上正等菩提又此淨戒波羅蜜多與諸有情而為示導復與一切無信有情生淨信故能與有情作伏藏故復與一切有情作無價寶珠第十瓔珞嚴身故復與一切有情作上妙塗香故復與一切有情作大名聞故又此淨戒波羅蜜多能與在家出家一切有情若老若少平等端嚴故不起我慢增上慢離諸過患威儀清淨無諸怖畏能得阿耨多羅三藐三菩提

最勝法王云何能知戒為第一若有眾生能持淨戒雖處卑賤而非族姓豪貴尊嚴亦非自力能益他人以是淨戒波羅蜜多能令一切天龍藥叉人非人等國王大臣刹帝利婆羅門長者居士悉皆歸敬禮拜供養尊重讚歎廝下之人受持佛戒尚得如是恭敬尊重況餘尊貴之人護持禁戒成就圓滿淨戒波羅蜜多當知護淨戒者行住坐卧及經行處其地吉祥一切人天應取其土頂戴供養以是當知持淨戒者於諸眾中而為第一是高

最上是則名為淨戒波羅蜜多究竟圓滿

大乘理趣六波羅蜜多經卷第五

卷五

十五

大乘理趣六波羅蜜多經卷第六 馨六

唐罽賓國三藏般若奉 詔譯

安忍波羅蜜多品第七

爾時佛薄伽梵顯說如是淨戒波羅蜜多已
時慈氏菩薩即從座起偏袒右肩右膝著地

卷六

頂禮佛足而白佛言世尊菩薩修行安忍波
羅蜜多云何進求而得圓滿然此安忍復有
幾種若修行者功用如何惟願開示我等樂
聞爾時佛薄伽梵讚慈氏菩薩摩訶薩言善
哉善哉汝今為欲利益安樂一切眾生能問

如是甚深義趣汝今諦聽善思念之吾今為
汝分別解說善男子當知生死涅槃悉皆平
等以無分別名安忍波羅蜜多復次若有
愚下狂亂眾生來罵辱者皆忍受之譬如醉
象難可禁制應以鐵鉤而調伏之瞋心醉象
亦復如是以忍辱鉤而制禦之令其調伏名
為安忍波羅蜜多復次若諸有情為彼三十
六俱胝天魔鬼神藥叉羅刹而來侵害菩薩
唯將安忍波羅蜜多能破彼軍乃至八萬四
千煩惱怨賊欲摧伏者亦以安忍而除滅之

非唯如是天魔大軍煩惱怨賊乃至極下微小怨賊亦以安忍而調伏之是名安忍波羅蜜多復次譬如王子善習王法父王崩已次紹王位當以正法頒告四方率土之內悉皆奉行五種正法云何爲五一不斷生命二不行盜竊三離欲邪行四不虛誑語五不分外賦稅財物若王境內有犯殺者其王便獲第六分罪偷盜邪行及以妄語亦復如是何以故若法非法王爲根本於罪於福第六一分皆屬於王菩薩摩訶薩亦復如是心爲國土

大悲爲王以五忍法宣布境內所謂打罵忿恚戲弄如是五法皆安忍之若違犯者獲大重罪復次慈氏譬如農夫欲種植時爲引水故先治溝渠興功之次中遇山石穿掘無由於斯便止菩薩摩訶薩則不如是於生死流轉大曠野中欲穿智渠引甘露水第六既修習次遇瞋恚石無方除遣唯有安忍審諦觀察而穿破之復次一切國王大臣長者居士恒以瓔珞而爲莊嚴諸佛法王大菩薩等常以安忍瓔珞而自嚴身若遇衆生非理欺負大悲

安忍而救護之。又此安忍與苾芻苾芻尼而為師範。以信進念定慧而為林樹。以淨戒為枝葉。於此林內。瞋火歛起。焚戒枝葉。無由撲滅。以安忍雨而得滅除。現在未來一切苦難。永無憂患。無安忍者。於現世中行住坐卧。無有安樂。於未來世。豈有樂耶。菩薩摩訶薩。以安忍力。而為甲冑。彼造罪人。為旃荼羅。以瞋恚手。執妄想弓。放麤語箭。射安忍甲。而彼弓箭自然摧折。安忍甲冑。一無損壞。其碎弓箭。變為蓮華。當知菩薩如是修行。是則名為安

忍。波羅蜜多。復次。譬如世間阿伽陀藥。能除自他一切毒病。菩薩亦爾。忍伽陀藥。能治自他一切瞋恚煩惱毒病。是名安忍。波羅蜜多。譬如世間明月寶珠。商主持行。度大曠野。砂磧之中。絕無水處。於夜月中。持珠向月。以器承之。水即隨出。卷六商主飲之。得度曠野。菩薩亦爾。持此安忍。明月寶珠。度於生死曠野。磧中絕無智水煩惱之處。於佛智月。持忍辱珠。承佛法水。菩薩飲之。出於生死。至涅槃岸。復次慈氏。譬如大地一切草木。依之得生。一切有

情依之而住安忍亦爾一切菩薩摩訶薩於
十地中修習六種波羅蜜多依之生長由斯
而住復次如有梯陞極為高大衆生登陟直
至梵天安忍之梯高大亦爾菩薩登陟至天
中天復次如巧畫師畫種種像莊彩成就安
忍畫師亦復如是莊嚴功德圓滿成就復次
譬如虛空起大密雲降注洪雨瀑水汎漲漂
蕩一切草木華果入碗伽河轉至大海菩薩
亦爾心如虛空能起一切大悲密雲降大法
雨安忍瀑流漂蕩一切瞋恚草木愚癡華果

流入智河轉至涅槃清淨大海復次菩薩雖
見生死流轉諸苦以安忍力代爲受之經無
量劫不辭厭倦亦無棄捨而取涅槃復次菩
薩摩訶薩以安忍力能捨一切頭目髓腦身
肉手足及與身命心無憍惜凡夫無智聞之
驚怖身毛皆豎何能捨之菩薩如是以安忍
力所生之處容貌端正一切衆生之所樂見
於大會中常爲諸佛之所稱歎復次菩薩摩
訶薩安住忍力堅固不動如妙高山旋嵐猛
風所不能動忍妙高山亦復如是瞋恚猛風

所不能動復次一切外道因惡知識生邪見
 心修諸苦行裸形自餓五熱灸身投巖赴火
 謂得生天不信正法菩薩見已起大悲心示
 同苦行倍過於彼是諸外道尊敬菩薩以為
 師範然後導之示以正法令彼邪徒住於正
 見復有外道而作是言此身有我住在心中
 如大母指而無障礙亦無形相唯天眼者方
 得見之而此眼根為我侍者眼既得已尋報
 我知耳鼻舌身意亦如是以此因緣若有眾
 生毀罵我者人能殺之得生天上忍受罵者

死墮三塗譬如多人同事一將若毀我將眾
 共殺之若不殺者眾人有罪菩薩以安忍力
 愍彼邪見皆忍受之以種種方便除彼邪見
 譬如時雨隨彼草木而能滋潤增長成實善
 薩安忍亦復如是爾時薄伽梵而說頌言

如天欲雨蟻出穴 聚土為封作穴居
 父母不淨集成身 妄識於中執為我
 相續色力恃豪強 智者諦觀如幻燄
 一念之頃作微塵 如象蹈封皆散壞
 瞬息刹那速生滅 行住坐卧皆為苦

若了身色苦無常 智人於此何貪著
 諸天梵住苦行者 毒蛇視觸無能害
 設有中傷呪藥解 無常毒螫誰為救
 善法易修悉棄捨 欲樂敗類苦貪求
 智人於觀之無所成 垢弊之衣難染著
 菩薩摩訶薩應為外道說無我法汝所執我
 為在內耶為在外耶前際去耶後際去耶汝
 言有者汝命終時應能救汝既不能救明知
 無我譬如忠臣一心奉主若在危難主必救
 之今既不能定知無我若有我者應得自在

云何乃被無常壞耶而諸眾生被無常鬼眾
 苦所逼肢節分離奄然而逝若有我者應得
 免之既不免離故知無我以是因緣汝諸外
 道從無始來奉事於我造諸惡業受苦無窮
 當知此我無少恩分汝父事他捨汝而去遂
 將汝身付諸惡獸豺狼虎豹而為啗食然我
 棄汝別覓餘身從無始來捐棄汝等若計其
 數無量無邊現在未來亦復如是復次汝若
 謂心即是神我身為僮僕當知此身即是我
 所從無始來受身無量莫知其數如是諸身

爲一我耶爲多我耶若我多者即是無常以
無常故我義不成若我是一即應常住恒守
一身不應移去以不住故一亦不成由此因
緣汝應思察多我一我義並不成以是當知
心非是我復當觀察身非我所亦非僮僕身
若屬我行住坐卧生老病死須我處分我未
教初相次而來明不屬我若屬我者生應常
生不應老死行住坐卧亦復如是改易非常
定非我所以此定知無我我所復次當知所
執我者汝之大怨何以故汝於前世積集善

根五欲果報今世受盡現在造作種種惡業
以業力故付與獄卒若有我者何不相救菩
薩摩訶薩以安忍力於我我所惡鬼之中拔
濟有情皆令正見離我我所見一切法本性
空寂是名菩薩修習安忍波羅蜜多復次慈
氏六猶如有人爲護子故造作呪術六令諸惡鬼
不得侵害菩薩亦爾用安忍呪護諸衆生瞋
等怨賊無能損害復次慈氏譬如有人爲刺
刺腳欲以諸皮徧覆大地於上遊行免有憂
患智者問曰汝所求皮欲作何事此人具報

如上因緣智者訶云咄哉愚人不應如是但以少皮用充革屣足得行李不被損傷何用多皮覆於大地凡夫衆生亦復如是徧造怨害持刀欲殺大地怨家菩薩見之深生悲愍但以安忍而為革屣護汝身心何有衆怨持刀徧害是則名為安忍波羅蜜多復次有人以毒惡言種種毀罵菩薩聞之不應卒暴而起瞋心當觀察之如是罵者為是誰耶受毀罵者復是誰耶彼此二身各十二處眼處見色耳處聞聲鼻處嗅香舌處嘗味身處覺觸

意處知法而是眼處實非是我若非我者自他眼處誰過失耶若有過者應須治罰如是觀察俱無過失既無過失誰受誰罵而瞋恚耶如是觀察乃至法處亦復如是十二處外更無一物罵者受者二俱是空以此思惟瞋心頓息若聞第六麤語應諦觀察如是語言何者是麤麤語二字生不同時麤時非語語時非麤剎那生滅各不相待二字尚無況多毀罵以是觀察百千劫中作是麤言不成罵辱又復觀察能罵之人及所罵法二俱無常剎那

不住何有瞋耶以是當知過去已滅未來未
至現在不住罵法既空我身亦爾同彼無常
生滅不住以不住故一切皆空作是觀時無
量怨賊一時銷滅若離此觀取相分別但名
安忍不得名爲波羅蜜多五蘊無我乃至十
八界等悉亦無我如幻如化毀讚平等本性
空寂亦復如是復次慈氏菩薩摩訶薩見毀
罵者當生憐愍如是之人瞋魔所持煩惱所
覆作是毀罵我今爲欲辟除此魔應善修學
忍陀羅尼不生瞋恨無令瞋恚及餘煩惱損

害衆生我若瞋者鬼魅我身由此因緣於彼
罵者生大悲愍而安忍之雖能如是但名安
忍若離分別是則名曰波羅蜜多復次慈氏
菩薩摩訶薩行安忍時若見有人執持利刀
斷其手足當於是人生欣慰心善知識想猶
如有人施已歡悅我於今者得大福報於彼
受者常懷恩德傍人見之皆生隨喜菩薩亦
爾見割截者生大慶慰除我罪業施我法財
由爲我故受惡名稱失於人天解脫之樂受
三塗苦以是因緣爲我善友作我良伴成我

安忍波羅蜜多我於彼人應生敬重乃至菩提不忘恩德況反生瞋若起瞋恚是負恩德由是緣故倍生敬心作善師想雖能如是難忍能忍由於自他未亡分別但名安忍不得名為波羅蜜多復次菩薩住閑寂處而有人來謗菩薩言汝不與取作姪欲行打罵治罰第六菩薩摩訶薩而安忍之作是思惟非他過失是我宿世曾謗於他打罵治罰以我餘殃招彼治責彼因害我當墮惡趣應於是人生大悲愍復自思惟我今此心極為姦詐畏墮地

獄生安忍心又欲自成忍波羅蜜令割截者當墮三塗如是思惟深生慙愧菩薩是時見已過已於割截者生媿慙心善知識想深生尊重但名安忍非波羅蜜多何以故由於自他有分別故復次菩薩了瞋恚法諸苦所因知行安忍萬行根本以是因緣而行忍辱但名安忍非波羅蜜何以故由於善惡生分別故復次菩薩觀五蘊身五種過失眾苦所集剎那無常五種不淨三十六物無我我所一切皆空外道邪見執身安樂常住無變是清

淨法有我我所菩薩諦觀此五種法一切有情亦復如是既知是已聞罵不瞋讚譽不喜但名安忍非波羅蜜多復次慈氏略說菩薩安忍三十二種所謂無貪是安忍不害是安忍無熱惱是安忍無瞋是安忍無恨是安忍無忿是安忍無諍論是安忍不染欲境是安忍能護自他是安忍順菩提心是安忍無分別心是安忍不著生死是安忍順業果是安忍身清淨是安忍口意清淨是安忍堅固不退是安忍言說自在是安忍無徧計是安忍

自覺聖智是安忍將護彼意是安忍修四梵行不隨禪生是安忍於人天樂得自在是安忍相好圓滿是安忍梵音深妙是安忍滅除諸惡是安忍遠離慳垢是安忍除斷嫉妬是安忍捨諸怨賊是安忍近菩提分是安忍離諸不善是安忍樂處寂靜是安忍獲諸佛法是安忍慈氏如是三十二種安忍波羅蜜多菩薩修行能得無生法忍速成阿耨多羅三藐三菩提復次慈氏云何名為安忍波羅蜜多若人惡罵當觀此聲猶如谷響若被打時

當觀此身猶如鏡像若被瞋時當觀此心猶如幻化若見忿怒當觀此心性無誼動若得利養當觀此心自性調伏不生歡喜若失利養當觀此心善妙寂靜不生瞋恚若遭毀謗當觀此身猶如虛空不應加報若遇讚譽當觀自身性無我慢而不高舉若得稱歎當觀心性本來空寂不生忻慰若被譏嫌當觀本心性離怖畏不生憂感若遇苦時當觀法性本無逼迫不見苦相若受樂時當觀實性常住不變無苦樂相菩薩摩訶薩住安忍時如

是八風不能動轉何以故以菩提心住真實相離於彼我見法身故復次有不安事皆忍受之為欲降伏諸魔怨故當行一切難行苦行為調外道諸邪見故慈氏當知我今略說安忍波羅密多復次慈氏若觀無常離彼我相心得安忍非真實忍若觀諸法善不善相心得安忍非真實忍若復諦觀十二處忍於諸根塵離恚罵相而得安忍非真實忍若觀恚罵以為顛倒忍為真正辯邪正思非真實忍復次見忍有理恚罵無理此取相忍非真

實忍復次住八正忍離八邪忍道非道忍非
真實忍復次不觀諸法無常無我不淨苦忍
唯觀諸法常樂我淨無生法忍此相違忍非
真實忍復次於空法忍諸見不忍無相法忍
有相不忍無願法忍有願不忍無行法忍有
行不忍無煩惱法忍有煩惱不忍諸善法忍
非善不忍出世法忍世間不忍無過法忍有
過不忍無漏法忍有漏不忍涅槃法忍生死
不忍如是諸忍是對治忍非究竟忍爾時慈
氏菩薩摩訶薩白佛言世尊如是忍者既非

究竟云何名曰究竟忍耶惟願如來分別解
說爾時薄伽梵告慈氏菩薩摩訶薩言善男
子真實忍者以正智慧了一切法本性皆空
即此空性與一切法本性無二故一切法性
空性正智本性清淨無二無二分無別無斷
故以是當知世間法即是空空即是世間法
二法本性不相離故如是忍者名究竟忍復
次以正智慧了一切法性即無相性無相性
即一切法性本性無二故一切法性無相性
正智本性清淨無二無二分無別無斷故以

是當知一切法性即無相性無相性即一切法性二法本性不相離故如是忍者名為究竟忍復次以正智慧了一切法性即無願性無願性即一切法性本性無二故無願性一切法性正智本性清淨無二無二分無別無斷故以是當知一切法性即無願性無願性即一切法性二法本性不相離故如是忍者名究竟忍復次以正智慧了一切行性即無行性此無行性與一切行性本性無二故一切行性無行性正智本性清淨無二無二分

無別無斷故乃至如是忍者是究竟忍復次以正智慧了煩惱性即無煩惱性無煩惱性即煩惱性本性無二故煩惱性無煩惱性正智本性清淨無二無二分無別無斷故乃至如是忍者是究竟忍復次以正智慧了一切善性即不善性不善性即一切善性本性無二故善性不善性正智本性清淨無二無二分無別無斷故乃至如是忍者是究竟忍復次以正智慧了出世法性即世間法性世間法性即出世間法性本性無二故出世法性

世間法性正智本性清淨無二無二分無別
無斷故乃至如是忍者是究竟忍復次以正
智慧了無過失性即過失性過失性即無過
失性本性無二故無過失性過失性正智本
性清淨無二無二分無別無斷故乃至如是
忍者是究竟忍復次以正智慧了無漏法性
即有漏法性有漏法性即無漏法性本性無
二故無漏法性有漏法性正智本性清淨無
二無二分無別無斷故乃至如是忍者是究
竟忍復次以正智慧了涅槃性即生死性生

卷六

十二

死性即涅槃性本性無二故涅槃性生死性
正智本性清淨無二無二分無別無斷故乃
至如是忍者是究竟忍佛告慈氏如是真實
究竟安忍於一切法非自非他非有非無非
生非不生非滅非不滅獲此忍者名真究竟
無生法忍是名安忍波羅密多佛說此安忍
波羅密多時慈氏菩薩而為上首與無量諸
大菩薩摩訶薩眾及此大會異口同音讚薄
伽梵言善哉善哉希有善逝甚奇世尊即以
無量珍妙供具而供養之所謂種種妙香瞻

荀華香燒香塗香末香種種華髮衣服繒綵
 幢幡寶蓋擲虛空中以為供養種種音樂而
 為娛樂種種歌頌讚歎如來是諸衆生聞佛
 說此安忍波羅蜜多不驚不懼不怖不畏悉
 得如來真實法忍所散香華種種供養在虛
 空中徧滿三千大千世界爾時薄伽梵告慈
 氏菩薩摩訶薩言善男子汝應安置如是種
 種華香衣服乃至幡蓋時慈氏菩薩摩訶薩
 白佛言世尊我已安置如是香華種種衣服
 各各置在諸菩薩等天龍衆會本身之中而

為處所爾時慈氏菩薩說是語已即入一切
 色身三昧入是定已所有三千大千世界徧
 滿虛空種種華香衣服繒綵乃至幡蓋以定
 力故悉入慈氏臍輪之中不相障礙而諸供
 具亦不減小菩薩之身亦不廣大爾時無盡
 藏菩薩摩訶薩問慈氏菩薩摩訶薩言善男
 子此三昧名字何等住此定中能令如是諸
 供養具悉入臍中汝身不增衆物不減慈氏
 菩薩言善男子此三昧名普入一切色身無
 盡藏菩薩復言大士此三昧神變境界其事

云何慈氏菩薩言仁者三千大千世界一切
所有入我臍輪我身不增彼像不減何以故
法性如是爾時會中或有菩薩天龍鬼神人
非人等竊作是念我等欲見是三昧境界神
變不知云何爾時薄伽梵知諸菩薩天龍大
衆心之所念告慈氏菩薩摩訶薩言善男子
汝當現此三昧神變令衆同知時慈氏菩薩
久已修習如三昧善得純熟無諸障礙令
諸菩薩他方大衆及在此會諸苾芻僧及佛
世尊一切悉入慈氏身中而諸有情亦無驚

怖得未曾有身心安樂譬如東方過無量阿
僧企耶世界有世界名寶瓔珞莊嚴而彼衆
生所受用物皆以種種珍寶而爲莊嚴受諸
快樂而此身中天人大衆所受快樂如彼世
界等無有異此諸大會皆悉了知在慈氏身
都無障礙爾時慈氏菩薩還攝神第十四力時諸大
衆及佛世尊各復本座儼然而住是諸大衆
一切有情都不覺知有往來相爾時無盡藏
菩薩白慈氏菩薩言希有大士此三摩地神
變之事得未曾有昔所未見慈氏菩薩言仁

者非但此會一切大眾入我身中設以三千大千世界諸妙高山及十寶山大鐵圍山大海江河日月星辰天宮龍宮諸尊神宮五趣四生人非人等悉內身中亦無妨礙我身不增彼亦無減是諸衆生亦不覺知有往來相法性如是況此會耶時薄伽梵說此安忍波羅蜜多及現大神變時會中有七十六那庾多人天皆發阿耨多羅三藐三菩提心三萬二千菩薩皆得無生法忍佛告慈氏若有善男子善女人暫聞此安忍波羅蜜多名能生

信心是人決定不墮地獄鬼趣傍生於阿耨多羅三藐三菩提永無退轉我今說是安忍波羅蜜多究竟圓滿利益安樂一切衆生

大乘理趣六波羅蜜多經卷第六

卷六

十五

音釋

陞丁鄧切登陟之道也 螫施隻切蟲行毒也 忻許斤切喜也

大乘理趣六波羅蜜多經卷第七

聲譽七

唐罽賓國三藏般若奉

詔譯

精進波羅蜜多品第八

爾時薄伽梵說是安忍波羅蜜多已時慈氏菩薩摩訶薩即從座起偏袒右肩右膝著地

第七

合掌恭敬而白佛言大聖世尊已說安忍波羅蜜多應當廣說精進波羅蜜多菩薩摩訶薩應云何住云何降伏云何修行云何圓滿精進波羅蜜多惟願世尊分別廣說爾時薄伽梵告慈氏菩薩摩訶薩言善男子汝今諦

永樂北藏

六波羅蜜多經

第七一册

聽善思念之吾當為汝分別解說所謂修餘五種波羅蜜多皆精進力而能成就精進波羅蜜多謂身口意此三善業皆因精進方得發生於三業中意業最勝菩薩摩訶薩修習意業有二種心一者精進二者退轉所謂發起菩提心是精進止息菩提心是退轉云何發起於諸有情起大悲故云何止息住我空故云何發起攝取一切眾生故云何止息捨一切眾生故云何發起於生死中無疲倦故云何止息求出三界故云何發起一切悉捨

故云何止息輕心不施故云何發起堅持淨
戒故云何止息毀犯戒故云何發起善住安
忍故云何止息不修忍辱故云何發起修集
善根故云何止息懈怠懶惰故云何發起住
禪定故云何止息心散亂故云何發起智慧
相應故云何止息無明相應故云何發起多
聞善說故云何止息不聞正法故云何發起
積集智慧故云何止息取相分別故云何發
起觀蘊如幻故云何止息於蘊生厭故云何
發起知處如夢故云何止息永滅根境故云

何發起觀界無生故云何止息滅身滅智故
云何發起增長梵行故云何止息捨實智慧
故云何發起五通自在故云何止息厭離有
漏故云何發起正觀念處故云何止息不修
念住故云何發起正斷相應故云何止息不
行正斷故云何發起神足自在故云何止息
神足不具故云何發起勤習五根故云何止
息不增五根故云何發起樂修五力故云何
止息不修五力故云何發起圓滿覺支故云
何止息不具七覺故云何發起勤修正道故

云何止息不修八正故云何發起修奢摩佗
故云何止息不善修止故云何發起正觀緣
生故云何止息厭患緣生故云何發起聞所
未聞故云何止息以有所聞故云何發起以
戒嚴身故云何止息厭患蘊身故云何發起
辨說無礙故云何止息無學默然故云何發
起修習三解脫門故云何止息不修三解脫
門故云何發起降伏魔怨故云何止息樂著
涅槃故云何發起善修方便故云何止息愛
樂寂靜故云何發起進求不息故云何止息

所作已辦故云何發起了俗諦故云何止息
證滅諦故佛告慈氏如是種種精進行法皆
精進力而能圓滿無增無減方能利益一切
衆生所以者何以能遠離一切相故皆由智
力而能圓滿精進波羅蜜多云何菩薩摩訶
薩修智事業所謂修習大定大悲不捨有為
證真無為不退不轉乃至無上正等菩提慈
氏當知此即菩薩摩訶薩意業清淨精進波
羅蜜多復次慈氏菩薩摩訶薩有四種精進
云何爲四所謂未生不善能令不生已起不

善速令除滅未生之善當令速生已起之善能令增長慈氏當知此即菩薩摩訶薩四種精進若無此四云何圓滿精進波羅蜜多菩薩摩訶薩所起精進乃至布施持戒安忍精進難捨能捨難作能作如是種種難事精勤勇猛心無懈倦所修勝行一切諸天釋梵護世所不能作何以故菩薩摩訶薩廣度衆生出生死海而無所度皆精進力之所成辦是則名為精進波羅蜜多復次慈氏懈怠衆生所修事業功德微少猶如水滴不至大海懈

怠之人亦復如是不能得至無上菩提譬如有人手足俱無行住坐卧不得隨意乃至微小作業皆不成就如是之人豈能越度江河大海懈怠衆生無精進足亦復如是此懶惰人於家事業尚無所成豈有慈悲具修戒慧能度有情出於火宅修行菩薩六波羅蜜菩提資糧菩薩摩訶薩以精進波羅蜜多而為船筏三無數劫福智所成與諸有情同乘此船超越生死大海彼岸復次世間衆生總有三種一者懈怠二者非勤非惰三者精勤勇

銳言懈怠者於已家務悉亦棄捨況能為他
營建事業非勤非惰者於大事業都不能作
設欲進求遇緣便退勤稍進者恒為有情受
大勞苦但利益彼無念已身復次窳惰之人
為懈怠鬼常所拘執惑亂身心譬如有人入
於大海至七寶山於是山中寶珠無量方欲
採取為鬼所著欬然之間途步而退不獲一
寶裸露而歸懈怠眾生亦復如是此瞻部洲
福德之地十善業功來生其中菩薩觀之無
量無邊十善珠寶徧滿大地而諸眾生為懈

怠鬼之所魅著狂亂失心設見妙寶都無取
心如妙高山不可移動若精進人取斯寶物
不足為難如舉一毛菩薩摩訶薩為欲圓滿
精進波羅蜜多普為眾生從無量劫生死長
夜不惜軀命勤行精進方至菩提菩薩觀之
心無懈怠猶如食頃復更思惟過去諸佛行
菩薩行為欲滿足六波羅蜜經無量劫亦如
食頃菩薩摩訶薩復觀現在未來無量無邊
一切諸佛行菩薩行經無量劫方成正覺如
是劫數難可校量譬如有城極為高廣四面

高下各百由旬於此城內滿中油麻經百千劫除去一粒如是劫數漸漸除一乃至城空為一大劫如是大劫積數滿三阿僧企耶菩薩摩訶薩經如是劫常為五趣一一有情勤行精進受諸苦惱方至菩提譬如大地末為微塵如是微塵寧為多不慈氏白佛言甚多世尊佛告慈氏假使衆生如彼塵數菩薩為彼一一有情如上劫中勤行精進不惜身命受諸苦惱然後乃成無上菩提菩薩摩訶薩復應如是思惟我於過去如前劫數勤加精

進具足圓滿六種波羅密多得不退轉方至菩提作是思惟如是長遠勇猛精進況於人間年月劫數而比於彼如剎那頃而成正覺何不進求菩薩摩訶薩應勤精進堅固其心所捨頭目髓腦手足肢節無所吝惜如是思已一心精進恒無懈倦此即名為菩薩摩訶薩精進波羅密多時薄伽梵而說頌言
 世間諸果實 皆由精進生 大地水火風
 根塵由彼有 貪恚癡疑惑 皆由懈怠生
 菩薩於此中 常懼如毒箭 如人有技藝

懶惰無所成	懈怠諸男女	慈母不忻見
有智勤精進	菩薩行成就	是人開覺花
能成佛果位	智人常勇猛	了達深義趣
愚癡懶惰人	世所不稱讚	若人無精進
亦無世名稱	無善法資糧	如糞穢不淨
如草及磚石	猶堪世所用	懈怠懶惰人
一切無堪用	譬如衣垢弊	亦如華鬘萎
人若無精進	端正不任用	如人有名稱
由精進安忍	無忍無精進	非女亦非男
懈怠乏資財	卑賤多驕慢	常懼他人語

家務悉不成	如是無精進	雖有眾技藝
恒被人所輕	如蛇無毒氣	雖無諸技藝
唯有勤精進	佛果大菩提	決定皆成就
一切修福業	皆由精進力	如欲受使者
專待王教勅	精進尊貴本	應當勤勇猛
菩薩樂修行	必成無上果	恒住於精進
智者所稱讚	無智執由天	邪見生死本
智者住正見	捨天而精進	應當勤勇猛
能度於彼天	愚劣無精進	捨勤而事天
智者樂精勤	遠離於天教	天命及精進

愚智有差殊	信天邪見因	精進招勝果
如有地無種	耕墾何所益	無勤亦復然
天命何所獲	譬如風吹火	隨小漸成大
精進亦復然	善法而增廣	能行諸難行
而獲增勝果	身命無憒惜	當紹於法王

爾時佛告慈氏菩薩摩訶薩求菩提時掇精進甲以大誓願而為器仗日夜精勤增長功德猶初白月漸漸圓滿譬如有人聞彼遠方有佛舍利窣堵法塔及有善說正法之人此人聞已歡喜踊躍不待資糧車乘伴侶徒跣

而往詣彼塔廟所經道路唯是猛火及布利刀是人勇銳其心不退決定前進達於彼所瞻禮佛塔聽聞正法於火刃中舉足下足步步思惟而發是願我於今日刀火中行得聞正法願我當於生死大苦之中拔濟有情置於涅槃安樂之處菩薩摩訶薩發是願已雖踐刀火如履蓮華足下柔軟如須曼那華復似栴檀香水而灑其上清涼芬馥無以為喻復作是願我從今日乃至無上正等菩提於是中間身口意業常作佛事若行餘事願我

此身如枯槁木口說餘言願我瘖瘂意思餘
法願我狂亂除正法外自餘音教無所樂著
如是三業所修諸善皆悉迴向無上菩提復
願一切衆生咸成正覺功德無盡廣大如法
界究竟若虛空窮未來際無有休息譬如虛
空密雲彌布降注大雨若至陸地砂鹵之處
不久便乾若雨一滴入大海中海水未竭其
雨無盡菩薩所作功德亦復如是若爲自身
求於解脫如陸地雨不久還乾若爲法界一
切有情修於善業投涅槃海以大悲願衆生

無盡善亦無盡復次慈氏譬如菩薩壽命無
量往於東方經過無量俱胝三千大千世界
所經國土衆生之類悉皆令得大般涅槃安
樂之處如是無量阿僧祇劫廣度衆生我今
觀之如爪上土其未度者如大地土如是東
方世界未度既然南西北方四維上下亦復
如是雖有如是無量有情菩薩摩訶薩亦不
厭捨而生退轉勤行精進終無休息菩薩摩
訶薩能發如是廣大之心無有少法難修行
者於三界中所有福智尊貴自在無勞功力

自然得之佛告慈氏菩薩摩訶薩於諸世間
所有過去現在未來一切衆生學無學人及
辟支佛如有情精勤修集無量無邊所有
功德比於如來一毛功德百千萬分不及其
一如是所有一一毛端皆從如來無量功德
之所出生如來之身一切毛端皆所有功德共
成如來一髮功德如是佛髮八萬四千一一
髮中各具如上毛端功德如是合集共成如
來一隨好功德如是隨好具八十種一一好
中各有如上佛髮功德如是合集共成如來

一相功德如是諸相具三十二各具如上隨
好功德如是合集至百千倍成佛眉間毫相
功德其相圓滿婉轉右旋如頰臙迦寶明淨
鮮白夜闇之中猶如明星毫相舒之上至色
界阿迦膩吒天捲之如舊復為毫相於眉間
住以此毫相所有功德至百千倍成佛頂上
肉髻之相所有功德無有人天能見頂者如
是肉髻千倍功德不及如來梵音聲相所有
功德其聲下徹阿鼻地獄上至色界究竟天
中如是所說無量功德皆是如來大悲化現

如是化身皆由無量功德集成無比無喻無
與等者如是化身千倍功德成佛報身如是
報身所有功德百千萬倍成佛法身所有功
德莫知其量若有善男子善女人聞說諸佛
如來無邊功德不驚不怖不畏者當知是人
成就精進波羅蜜第七多應發如是廣大之心佛
身功德無量福聚我今觀之誓當修證勤行
精進不惜身命為一切眾生於無量劫受三
塗苦心不生悔皆令圓滿具足成就六種波
羅蜜多得成無上正等菩提佛告慈氏菩薩

摩訶薩善男子應當諦觀佛之智慧汝今諦
聽當為汝說如舍利弗諸聲聞中智慧第一
此瞻部洲北廣南狹如頰車相周市七千踰
繕那量東勝身洲形如半月周市八千踰繕
那量西牛貨洲形如滿月周市九千踰繕那
量北拘盧洲地形爰方周市十千踰繕那量
妙高山王其相四方入水八萬踰繕那量眾
寶所成出水量等四寶合成周圍四面各有
八萬踰繕那量次外即有金山七重周市圍
遶有八海水最外復有大鐵圍山如是四洲

及諸山王用爲紙素八大海水以爲其墨一切草木用爲其筆一切人天一劫書寫已舍利弗所得智慧十六分中不及其一又於此三千大千世界其中衆生所有智慧如舍利弗等無有異菩薩摩訶薩了達布施波羅蜜多所有智慧過彼百倍又此三千大千世界所有衆生皆具布施波羅蜜多智慧不及一菩薩摩訶薩所得淨戒波羅蜜多智慧乃至般若波羅蜜多亦復如是又此三千大千世界所有衆生皆具如是六種波羅蜜多智慧

不及一初地菩薩摩訶薩所得智慧乃至十地菩薩摩訶薩所得智慧展轉倍增亦復如是又此十地菩薩所得智慧比汝慈氏一生補處菩薩摩訶薩所得智慧百千分中不及其一時慈氏菩薩摩訶薩聞佛語已而作是念今者如來在大衆中作是稱讚深生悚慄爾時佛薄伽梵告慈氏菩薩摩訶薩言善男子汝今諦聽於此三千大千世界一切衆生所有智慧皆如慈氏等無有異如是等菩薩摩訶薩詣菩提樹坐於道場降伏魔怨將成

正覺所有智慧於佛如來所得智慧百千萬分不及其一慈氏當知如來智慧甚深無量不可思議亦非譬喻之所校量若菩薩摩訶薩聞是諸佛甚深智慧不驚不怖不畏者應加精進成就波羅蜜多懈怠之人世間小善尚不成就況於如來大智彼岸而能廣度一切衆生復次慈氏有三種精進云何爲三者聞此甚深如來廣大智慧心不傾動二者能隨過去諸菩薩摩訶薩大悲之行三者所行之行設逢苦難心不退轉又以精進力觀

察一切世出世間情非情境皆悉是空以觀如是勝義空故無一衆生有相可得雖知無相而爲衆生於無數劫修諸苦行不辭勞倦常以四攝布施愛語利行同事攝取有情教以三乘令得解脫次復安置於最上乘得不退轉一切行願皆悉成就具足圓滿精進波羅蜜多諸佛如來與授記別近無等等無上菩提猶如白月十四日夜漸向圓滿菩薩亦爾於佛菩提漸向圓滿得無功用自然獲得十種勝事云何爲十一者諸佛正法不由聽

習而悉現前能為有情宣說妙法二者不思
議力自然能發堅固誓願能令一切衆生發
菩提心三者而得自在身口意業隨願現生
一切無礙四者能現種種神通變化隨心自
在無所障礙五者能作希奇未曾有事皆得
自在六者受生自在於五趣中隨機利益而
能生彼七者寶藏隨生調給無盡八者常為
心師不師於心無有卒暴如調伏象九者自
然覺悟生死涅槃二皆平等不由師訓十者
得無上智利樂有情於生死中拔濟令出置

於三乘涅槃正路究竟無上正等菩提復次
精進之人於生死中說諸過患顯大涅槃無
量功德大悲般若常所輔翼由斯不住生死
涅槃利樂有情窮未來際是即精進波羅蜜
多復次精進之人聽聞正法總持自在以精
進力身無疾病一切怨害慈心相向毗那夜
迦作障礙者無所能為菩薩言教悉皆承順
復次精進之人一切諸天恭敬愛念危難之
中一切善神之所擁護復次精進之人小有
所施而能圓滿檀波羅蜜復次精進之人護

持淨戒不為懶惰之所攝受速能圓滿淨戒
波羅蜜多復次精進之人善能安忍怨親平
等無有二心速能圓滿安忍波羅蜜多復次
精進之人勇猛不退被精進甲大慈大悲恒
不捨離速能圓滿精進波羅蜜多復次精進
之人勤修靜慮於三摩地安住不動速能圓
滿禪波羅蜜多復次精進之人多聞智慧諷
誦無倦而無懈怠速能圓滿般若波羅蜜多
然此般若波羅蜜多甚深大海一切聲聞獨
覺及諸菩薩無有方便而能測量唯有精進

卷七

十二

波羅蜜多而能究盡復次精進之人日夜增
長無量功德如青蓮華生淤泥中日夜增長
漸舒出水其華開敷香氣芬馥見者咸悅取
以作鬘置佛頂上若天魔梵國王大臣長者
居士一切人民皆悉愛樂精進之人亦復如
是於彼生死淤泥之中生菩提芽出二乘執
開真實相顯示涅槃種智敷榮香氣芬馥徧
十方界利益人天如青蓮華人皆愛樂是則
名為精進波羅蜜多復次懈怠之人猶如春
杵有二種事一者不能自使日益損壞二者

不能自立棄地即卧漸不堪用以火焚之懶
 惰之人亦復如是一者不自策使色力日減
 二者不能勤理家業常卧睡眠身壞命終地
 獄火中焚燒受苦精進之人如如意樹在於
 生死曠野之中與諸有情作歸依處飢渴之
 者為作飲食^{第七}裸露之者而作衣服^{十三}乃至能度
 生死險難盡此形壽無所乏少令一切眾生
 安隱快樂以精進力速能成就阿耨多羅三
 藐三菩提時薄伽梵說此精進波羅蜜多時
 會中七十八俱胝那度多若人若天皆發阿

耨多羅三藐三菩提心三萬二千菩薩摩訶
 薩皆得無生法忍至不退轉佛告慈氏此即
 名為精進波羅蜜多

大乘理趣六波羅密多經卷第七

音釋

窳惰窳勇主切懶也 欸然欸許勿切墜口
 用耕也 鹵確薄之地也 罽方罽察色切
 方罽振贍也

大乘理趣六波羅蜜多經卷第八

卷八

唐罽賓國三藏般若奉 詔譯

靜慮波羅蜜多品第九之一

爾時佛薄伽梵處種種摩尼寶王師子之座
為無量無數大菩薩摩訶薩衆之所圍遶是
諸菩薩或現第八天身天衆圍遶或現龍身龍衆
圍遶乃至或現非人身非人衆圍遶或現菩
薩身菩薩衆圍遶光明晃曜普及大會靡不
周徧時慈氏菩薩摩訶薩即從座起偏袒右
肩右膝著地合掌恭敬而白佛言大聖世尊

以大慈悲利益安樂諸菩薩衆已說精進波
羅蜜多惟願哀愍宣說靜慮波羅蜜多令諸
有情起大乘行云何思惟云何修習如是靜
慮波羅蜜多而得圓滿惟願宣說我等樂聞
爾時薄伽梵告慈氏菩薩摩訶薩言善哉善
哉善男子汝今能問如是深義利益安樂一
切有情汝等諦聽善思念之吾當為汝分別
解說若善男子善女人發阿耨多羅三藐三
菩提心應作如是諦念思惟佛道懸遠無人
能到唯有一法饒益有情所謂正定若諸善

薩未獲此定其心未得清淨不動生死涅槃
 無有二相由此義故為度衆生以巧方便精
 勤修習相應靜慮無相正智猶如虛空清淨
 無垢常住不變復觀此定猶如滿月一切妄
 想猶若浮雲又此正定起智如清涼風能除
 虛空一切雲翳朗然清淨光明照耀一切有
 情見皆生喜如是滿月光明莊嚴能施有情
 清涼安樂如是定慧清涼之風能除性空妄
 想雲翳正定滿月出現世間大悲光明能除
 有情諸煩惱熱使得清淨安樂涅槃爾時薄

伽梵而說頌言
 靜慮能生智 智與理相應 佛果大菩提
 定慧為根本 供養讀誦持 施戒及安忍
 正智見不二 無二何可得 靜慮為親友
 究竟不相離 世間一切法 身歿皆相捨
 未來無善伴 父母不能救 況餘諸眷屬
 唯靜慮能護 捨此身命時 如棄於土木
 親戚皆相離 唯禪定隨逐 此身不堅固
 散亂造諸惡 若不修禪定 死墮三惡趣
 如人理家務 事畢應止息 如牛踐穀時

被捶猶應食	如盲還本家	慣習不失路
若人樂修定	必歸空寂舍	衆生妄心起
如賢見空華	唯定慧能治	諸佛說如是
衆生心躁動	猶如旋火輪	若欲止息時
無過修靜慮	若於一念中	不勤修靜慮
如人遭賊劫	身命難保全	捨定修餘業
雖獲大果報	猶如雜毒藥	智者不應食
財寶如塵穢	盛色方駛流	若不勤修定
甘露門難啓	如薪火所燒	壯年老所逼
愚不修靜慮	爲欲之所害	一切無常吞

皆由貪五欲	禪定棄不修	云何得常住
如人煮少米	惜薪燒拏攬	捨定不修行
散亂亦如是	愚人耽睡眠	流轉生死海
羸牛自愛尾	貪惜喪其軀	輪王壽盡時
七寶皆散失	大臣及妃后	一切無隨者
唯有修靜慮	<small>卷八</small> 隨逐不相離	<small>三</small> 智者樂修行
必到涅槃岸		
復次慈氏若菩薩摩訶薩欲修靜慮波羅蜜		
多先當親近大善知識復應遠離諸惡知識		
世間不善及惡名聞由惡友生諸善法利名		

聞福德皆因善友之所生起以依善友受持
淨戒莊嚴法身破戒之人如糶穀種一切善
法皆不得生況能滋長無漏深定如是知已
應當一心奉持淨戒乃至小罪應生怖畏寧
喪身命不毀禁戒如淨戒中已廣分別復次
菩薩摩訶薩欲修靜慮先應捨離一切世間
治生販賣種種根莖何以故若不捨離擾亂
其心何能安住甚深禪定以是因緣菩薩摩
訶薩於四威儀斷除妄想善攝其心設聞衆
聲亦無動亂譬如毒蛇置竹筒內其身自直

菩薩亦爾妄想迴曲置靜慮中正見端直不
住生死不入涅槃離諸邪曲若能如是善攝
六根不令放逸眼雖見色而不取相安住甚
深寂靜解脫耳鼻舌身意亦如是恒以正智
觀察思惟而此三業所作善根為是自利為
是利他為益現在為益未來若無如是利益
事者菩薩觀察決定不為猶如世間安立石
像身口意業不動亦然設遇瞋罵應起慈心
或侵利養不生忿恨或被打罵應捨本居自
求寂靜無患難處結跏趺坐正念觀察以大

悲心而為屋宅智慧為鼓以覺悟杖而扣擊
之告諸煩惱汝等當知諸煩惱賊從妄想生
我法王家有善事起非汝所為汝宜速出若
不時出當斷汝命如是告已諸煩惱賊尋自
退散次於自身善起防護不應放逸以大悲
真言令諸有情如第八所求滿足以方便慧而為大
將用四念處以為守護本覺心王住第一義
禪定宮闕安處不動猶若金剛以智慧劍斬
煩惱賊破生死軍摧伏魔怨荷負一切令諸
眾生皆得解脫爾時菩薩復語其心汝於昔

時已發誓願今當自勉令其圓滿過去如來
已記別汝當得菩提廣度一切汝於爾時對
十方佛三乘賢聖作是誓願拔濟一切五趣
有情咸令解脫今諸有情無依無怙無救無
歸若入涅槃捨於生死違本誓願凡諸世間
儒行忠信言尚無二況汝昔願而不依行汝
於今者應當正念一心不動拔濟有情出生
死獄安置無上大般涅槃如是思已住於大
乘甚深禪定是即名為菩薩摩訶薩修習靜
慮波羅蜜多佛告慈氏有十六種靜慮波羅

寂多一切聲聞獨覺所不能知云何十六一
者了達生死而無生死是菩薩靜慮安住如
來清淨禪故二者於諸禪定不生味著是菩
薩靜慮不住一切定亂相故三者起大悲心
是菩薩靜慮除諸有情二重障故四者增長
正定是菩薩靜慮不如三界見三界故五者
成就神通是菩薩靜慮能了有情諸心行故
六者善調伏心是菩薩靜慮不住調伏不調
伏故七者依無相智得淨解脫超諸禪定是
菩薩靜慮於色無色界得自在故八者寂靜

極寂靜是菩薩靜慮勝出一切聲聞獨覺諸
禪定故九者無能燒亂是菩薩靜慮了心清
淨本無動故十者對治毀禁是菩薩靜慮除
諸有情煩惱習故十一者入智慧門是菩薩
靜慮善達世間如幻夢故十二者知衆生心
是菩薩靜慮了諸有情本性空故十三者紹
三寶種是菩薩靜慮能現如來出世間故十
四者得法自在是菩薩靜慮了一切法皆佛
法故十五者常住不壞是菩薩靜慮普門示
現用恒寂故十六者徧照一切是菩薩靜慮

法界平等無不鑒故慈氏當知此即名為菩薩摩訶薩十六種靜慮波羅蜜多一切聲聞獨覺所未曾有復次慈氏菩薩摩訶薩於此勝三摩地如是發起如人要火取木作炷以手鑽搖動求不懈方得火生若數休息終難得火菩薩摩訶薩亦復如是求種智火以定為燧安忍為手精勤不息便能發生一切智火是火生已燒煩惱薪以布施水沐浴清淨用持戒香塗摩其身處大悲座受法王位雨大法雨利樂有情至大涅槃安樂解脫復次

慈氏若諸菩薩心未純熟於三摩地心有動轉猶如惡馬難可調伏當知是人退失禪定應於如是勝三摩地四威儀中無暫放捨若諸菩薩三種心生一者懶惰二者精進三非勤惰如是知己應善調伏勤加精進當除懶怠第八懶惰睡眠及世緣務治生艱難若離勤惰六其心正直湛然寂靜如人遠行速即疲極緩即不至遲疾處中任運能達菩薩摩訶薩亦復如是應以中道安止其心設身火然安處不動住三摩地亦無味著以大智力常住寂

靜於生死海拔濟有情令得解脫應以十六種三摩地印記別其心於剎那中有少動念應當觀察以正智鉤制令止住精勤不息修行靜慮波羅蜜多復次慈氏菩薩摩訶薩修靜慮者有五種障一切有情皆被覆翳所謂五蓋一者貪欲二者瞋恚三者掉悔四者昏眠五者疑蓋除此五蓋方得禪定身心不動是故菩薩而觀察之何因而起云何遠離菩薩應當先觀色欲猶如水月水動月動心生法生貪欲之心亦復如是念念不住速起速

滅復觀色欲猶如蟒蛇在曠野中瞋毒發時頭如蔭蓋行人熱逼投此蓋下為毒所觸因致命終貪欲之人亦復如是行於生死曠野積中妄見欲境生染著心欲想纔起喪失禪定是即名為貪欲蓋障復次觀於欲性如地獄火燒炙有情如水瀑流漂沒一切無有慈悲猶如羅刹損害有情亦如獄卒損人手足猶如利刃復如魁膾斷衆生命又如砒毒犯必命終如墜高山受大苦惱如夜黑闇無所知見如白癩病不可療治又如大海難使乾

竭貪欲深廣過於巨海五欲麤重如妙高山如緊波果端正可觀若人執之觸便喪命如屠羊柱慙者必亡如熱金冠戴之燒死猶如過去轉輪聖王釋提桓因四天王等及諸力士那羅延天一切有情皆因貪欲興兵相伐所積身骨如毗富羅山過去既然現在未來亦復如是復次世間之人於已親屬父母兄弟極相憐愛乃至身命無所吝惜為貪欲故更相憎嫉起毒惡心互相殺害貪色之人有二苦因一者富貴為貪色欲受諸卑賤種種

輕欺二者為貪欲刀挑智慧眼無所分別猶如盲人為此因緣死墮地獄受無量苦復次貪欲之人心無厭足如火添薪亦如國王貪於土境亦如商主貪其財利如求慧解貪於聽聞如諸菩薩樂度衆生如是等人各於已事皆無厭足貪欲之人亦復如是無有厭足求於欲境憂苦艱難得已守護纏縛倍增死墮地獄受大劇苦求靜慮者常於如是色欲怨家不應想念況親近之以是名為貪欲重蓋復次瞋恚蓋者如耽酒人飲已色變瞋恚

亦爾顏容改變作種種相身心戰掉或行毀
謗損惱自他瞋火燒心何能修定劫功德賊
無過瞋恚修靜慮者應當遠離復次掉悔蓋
者猶如狂人身心錯亂或緣親里國邑壽命
苦樂等事妄起尋求生善惡念追悔所作如
是躁動不能寂靜卷八覆弊行捨障奢摩忙如是
名為掉悔重蓋復次昏眠蓋者疲極憂鬱聾
伸欠喏昏昧不任能復輕安障觀慧品修靜
慮者應當除棄是則名為昏眠重蓋復次疑
惑蓋者常懷疑惑理事不決障礙施戒安忍

精進禪定智慧三世因果三寶性相皆不顯
現如何能生微妙靜慮是名疑蓋由此五蓋
學行難成戒定慧門不能顯了如是知己審
諦思惟修定之人應當遠離精勤修習能除
欲苦獲深禪定而不味著由此靜慮起五神
通云何為五所謂天眼天耳他心宿住神境
智證通云何名為天眼智通以天眼力徹見
十方無量無邊諸佛世界所有一切衆生之
類若卵生若胎生濕生化生有色無色有想
無想非有想非無想等一切有情如觀掌中

阿摩勒果如有情皆被諸苦之所纏縛善
薩觀已起大悲心此等有情墮生死海糞穢
大坑我今云何放捨不救以是應當勤加精
進身心無倦便能發起念佛三昧以定力故
能見十方一切諸佛徧滿虛空坐金剛座成
等正覺或見諸佛初轉法輪或見諸佛往於
天上或見如來從寶階下或見如來入里乞
食或見如來隨根說法或為國王大臣長者
居士婆羅門身如應說法或為苾芻苾芻尼
信男信女如應說法或現天龍藥叉阿蘇羅

健闍婆迦嚕羅緊捺羅摩呼洛迦人非人等
薜荔多畢舍遮鳩呌補坦那迦呌補坦那
閻摩羅王餓鬼傍生各隨本音皆言如來為
我說法悉得解悟歡喜踊躍或見諸佛為諸
菩薩說六波羅蜜或為緣覺說十二因緣或
為聲聞說四諦法或勸有情安十善道或見
諸佛現梵王身如應說法或現帝釋身如應
說法或現護世四王身如應說法或現大自
在人身如應說法或現那羅延天身如應說
法或現日天子身如應說法或現月天子身

如應說法或現龍神藥又諸仙婆羅門等身
如應說法或有應現轉輪王身國王宰官諸
男女身和尚阿闍梨及佛如來尊重弟子皆
為現之如應說法或現地獄餓鬼傍生異類
之身而為說法各各聞已離諸苦難及離飢
渴不相殘害慈心相向或有應見娑羅樹林
入般涅槃而為現之如應說法或有應見般
涅槃後分布舍利起諸塔廟而為現之令申
供養而得解脫如是諸佛現種種相皆令得
度生老病死如是諸相徧滿虛空皆佛神通

自在變現種種奇特諸希有事菩薩雖見如
是種種神通變化但名靜慮所起天眼不得
名為波羅密多復次菩薩摩訶薩所得天眼
勝於一切天龍八部有學無學聲聞獨覺所
得天眼最上最勝最妙最尊最極明淨最大
勢力以此天眼能見過去無量無邊諸佛菩
薩行住坐卧種種威儀種種行門禪定解脫
十地妙智陀羅尼門無礙辯才善巧方便悉
令圓滿如是菩薩天眼清淨見諸色像無有
障礙無染無著不取一切色像之相能離一

切隨眠執見然其眼根本性清淨亦不依止一切境界又此眼根不從一切隨眠煩惱習氣所生亦無染著不迷不亂亦無翳障無復分別不為一切諸煩惱障及所知障之所纏縛於一切法而得自在又此眼根能了一切諸法平等住真解脫能知一切差別根性無能壞相於一剎那能見一切有情之類又此天眼體性明淨能離一切濁亂之法而能覺知慈悲之性不捨有情亦無縛著無貪無害又此天眼勝義境界從真諦生智為先導住

於大悲了達諸法及甚深義離諸戲論如所見聞能如實說遠離一切諸不善法趣向無上正等菩提心無障礙見慳悋者勸令捨施見毀禁者生悲愍心見多瞋者令住乎忍見懈怠者令起精進見散亂者令修靜慮見愚癡者令學智慧第八行邪徑者示以正道十一狹劣心者示以大乘令諸有情入一切智發勝神通圓滿菩提一切智慈氏當知此即名為菩薩摩訶薩修行靜慮所起清淨天眼智通復次慈氏云何名為菩薩摩訶薩修行靜慮波

羅密多起天耳通所謂以天耳力勝於一切
天龍八部聲聞獨覺菩薩摩訶薩所得天耳
最上最勝是妙最尊最極明淨有大勢力何
以故由此功德迴向無上正等菩提菩薩摩
訶薩以此天耳能聞十方無量世界諸佛如
來獨覺聲聞天龍八部人與非人乃至地獄
餓鬼畜生情非情等所有音聲悉皆得聞彼
諸有情若干種心三業差別所出音聲如是
菩薩皆如實知凡所發言作善惡因起貪著
語迷惑之聲亦如實知或有言音理雖真正

言詞麤獷或有言音理雖不正言詞柔軟或
有言音二俱妙好或有言音二俱麤鄙以此
天耳皆如實知又此天耳能聞一切凡聖之
聲於凡不厭於聖不忻於賢聖境起愛樂心
於凡夫境起大悲心如是一切前中後際所
有音聲皆如實知不生執著又此天耳普聞
十方無量無邊所有世界一切諸佛說法音
聲皆如實知心無錯亂亦不忘失隨根為說
了知法性無堅不堅非虛非實闍一如來所
說正法無邊諸佛所有法門一時悉聞不錯

不亂不相妨礙悉能領受文字音句義理性相皆如實知又聞如來爲諸眾生各隨類音而爲說法令諸有情了真實相皆得解脫以此功德迴向如來清淨天耳願於未來不聞一切聲聞獨覺二乘之名慈氏當知此即名爲菩薩摩訶薩修行靜慮所起清淨天耳智通復次慈氏云何名爲菩薩摩訶薩佗心智通所謂一切有情過去未來現在之心善惡無記皆悉能知復知過去一切有情所作諸業因果差別又知眾生大心小心非大小心

有欲無欲垢無垢心愚心智心廣心略心定亂縛脫勝劣差別上心下心皆悉知之又知有情布施持戒忍辱精進禪定智慧有相無相慈悲喜捨相應之心或聲聞獨覺大乘菩薩相應之心此諸有情能具如是善根之因或復有情生於貴族所爲下劣或生下賤心性清淨或心性不善所爲清淨或二俱清淨或二俱不善如有情過去所有心行差別皆如實知隨其所應而爲說法此即名爲了知過去一切有情佗心智通復能了知未來

有情現在布施能生未來淨持戒因復知有
情現在持戒能生未來安忍之因又知現在
安忍因緣能生未來精進之因又知有情現
在精進能生未來靜慮之因又知有情現修
相善能生未來無相慧因又知有情現修小
善能作未來大乘之因如是諸心因緣相貌
菩薩摩訶薩皆如實知隨緣救拔心無勞倦
令諸有情深入佛慧無有增減如是說法無
有斷絕未曾於法生慳悋心此即菩薩能知
未來他心智通復知現在一切有情有貪欲

心無貪欲心有過失心無過失心愚心智心
廣心略心定心亂心動心不動心縛無縛心
垢無垢心廣大心無量心上下心皆如實知
一一有情無量煩惱之所繫縛皆如實知如
是知已隨根差別如應說法了心無心不著
自他以善方便禪定智慧決擇有情根性利
鈍永斷生死煩惱根源了本性空圓滿無缺
無染無著亦無過失無滓無穢亦無麤澀了
知諸法如幻如化能知有情心行差別慈氏
當知此即名為菩薩摩訶薩修行靜慮所起

清淨他心智通復次慈氏云何名為菩薩摩訶薩修行靜慮波羅蜜多起宿住隨念智證通所謂住不動地得法平等善能了知諸法實性清淨智慧住奢摩他毗鉢舍那止觀相應於一切事心無忘失智為先導三業清淨福德智慧一種莊嚴自然覺悟不由師教到於涅槃常樂彼岸菩薩摩訶薩以如是智能憶過去一生二生若二十乃至一劫百千萬億那由多劫若成若壞皆悉憶知彼諸劫中如有情生如是家如是父母如是種族

如是姓字如是相貌色力壽量苦樂等事無不明了又諸有情此滅彼生種種家族自身他身無量劫生悉皆憶念及彼生處所有善根及相勸發憶念知己悉皆迴向無上菩提又觀過去生死之身無常苦空無我不淨如是知己於諸色相壽命脩短富貴自在不生我慢不求釋梵護世四王人天果報但以大悲利樂有情隨願受生又知過去無量生中所造惡業深生媿悔於現在世能捨身命不造諸惡於無量世所有善業悉皆迴向阿耨

多羅三藐三菩提普法界一切有情不求
世間最上果報紹三寶種盡未來際無有斷
絕永無休息慈氏當知此即名為菩薩摩訶
薩修行靜慮所起清淨宿住智通復次慈氏
云何名為菩薩摩訶薩修行靜慮波羅蜜多
起神境智通利樂無盡所謂菩薩住不動地
得真寂靜除去憂苦尋伺喜樂出入息等不
生不滅住真法界能現種種神通變化或身
如火聚放大光明徧滿三千大千世界或身
上出水如注大雨捫摸日月威光自在或現

大身上至梵天或現小身猶如芥子或震動
大地如水濤波或以一身而現多身或以多
身還復一身或隱或顯說種種法或沒山石
或復直過若上若下如電流光往還自在行
坐空中如鳥飛翔或履地如水履水如地出
沒自在無所障礙第八如是神力皆為利樂一切
有情復以大慈普門示現或現佛身或菩薩
身聲聞獨覺釋梵等身及諸異類種種之身
隨其根性皆悉為現隨其樂欲而為說法或
諸有情恃其力勢而起貢高隨彼所應而為

現身調伏說法或爲釋梵護世四王那羅延等諸大力士爲降伏故舉妙高山擲置佗方無量世界猶如擲彼阿摩勒果還置本處而諸天人無往來想菩薩神力亦無損減又復於此三千大千世界上至色究竟天下至水際以其右手掌此世界住經一劫行住坐卧而無妨礙還置本處而諸有情水性之屬亦無燒害都不覺知往來之想如是菩薩示現自在神通力時令諸有情驕慢之心悉皆調伏而爲說法復次菩薩以神通力隨意所欲

皆得自在如如意寶所求皆得或變大海而爲牛跡或以牛跡而爲大海或現火災至於初禪或現水災至於二禪或現風災至於三禪或變水作火變火爲水如是種種上中下法隨心變化而得自在更無有人能動轉者除佛世尊餘無能壞菩薩以此廣大神變隨其根緣說廣略法令諸有情而得解脫如是菩薩自在神力一切天魔及煩惱魔所不能障以是菩薩過彼天魔及煩惱魔入佛境界隨其根緣拔濟有情得大自在常不斷絕無

能動轉慈氏當知此即名為菩薩摩訶薩修行靜慮所起神境智通化用無盡如是五通但名靜慮不得名為波羅蜜多復次慈氏若諸菩薩得此通已精勤修習靜慮波羅蜜多於無上菩提得不退轉譬如貧人掘一伏藏十六未見異相猶懷懈慢穿掘不已漸見少相勇銳精勤無有休息以不息故便能得之菩薩摩訶薩亦復如是未得阿耨多羅三藐三菩提日夜精勤修真靜慮不休不息乃至證得無上菩提復次慈氏如是靜慮一切有情發

心非難長時不懈能成就者是則為難譬如勝軍侵奪他國取之不難得已善守是則為難外道邪師修定亦爾不近善友不聞正法邪求解脫獲無色定謂得涅槃壽盡之時趣地獄報復如癡人畜養毒蛇常飲牛乳所以者何世醫皆言牛乳除毒蛇飲乳已瞋毒轉盛如是癡人謂蛇毒盡而摩教之為蛇所螫中毒而死一切衆生亦復如是日夜畜養如是毒身為求安樂常供飲食無常忽至死魔毒發失諸善法趣向三塗復次慈氏聲聞獨

覺所得靜慮斷煩惱障無大悲心而入涅槃
非真靜慮凡夫有情身口意業恒為八萬四
千煩惱之所纏縛不得自在譬如有人供養
怨家羅刹惡鬼供給不已漸得調伏煩惱怨
家惡羅刹鬼則不如是供給色香煩惱轉熾
難可調伏何能修習禪定十七解脫既無禪定何
有智慧既無正智十善亦無當墮地獄餓鬼
餓生以是因緣菩薩摩訶薩應修梵行四無
量心起無緣慈普徧法界何以故菩薩大慈
無有齊限不可思量無邊際故一切有情徧

十方界菩薩大慈亦復如是譬如虛空無有
邊際菩薩大慈亦復如是以是當知有情無
盡菩薩大慈心亦無盡真空無盡慈亦無盡
以是因緣菩薩大慈真實無盡爾時慈氏菩
薩白佛言世尊菩薩普於如有情起大慈
悲頗有譬喻得宣說者願為開示爾時薄伽
梵告慈氏菩薩摩訶薩言善男子不可以少
因緣譬喻而得宣說慈氏當知譬如東方有
菟伽沙等世界南西北方四維上下亦復如
是如是十方菟伽沙數世界合為一海滿中

海水如是十方殞伽沙數世界滿中有情一
一有情各持一毛取大海水滴於餘處至滿
一劫是海有竭彼諸有情尚未窮盡善男子
如是有情徧於十方殞伽沙數世界菩薩於
彼一一有情起大慈心善男子於意云何如
是慈心有邊際不慈氏菩薩白佛言世尊假
使虛空尚可測量此大慈心不可窮盡佛告
慈氏若菩薩摩訶薩聞是慈心無邊無盡不
驚怖者當知是人亦得如是慈心無盡其慈
心者能護自他滅除一切諍訟諸惡能覆有

情所有過失令諸眾生三業調善常得安樂
離諸怨怖多瞋恨者令其慈忍息諸戰陣刀
兵等苦悉能救護一切有情離諸欺誑名聞
十方釋梵四王恭敬供養慈心瓔珞以自莊
嚴為諸有情解脫導首能令二乘迴心向大
積集一切菩提資糧不為世福之所屈伏恒
以相安莊嚴其身能除一切諸根殘缺捨離
八難得生人天行八聖道涅槃正路菩薩修
慈不貪五欲但於有情起平等心行布施時
心無分別護淨尸羅救犯禁者示安忍力令

永樂北藏

六波羅密多經

第七一册

大乘理趣六波羅蜜多經卷第九 馨九

唐屬賓國三藏般若奉 詔譯

靜慮波羅蜜多品第九之二

佛告慈氏菩薩摩訶薩修行靜慮波羅蜜多
應當修習大悲無量為此大悲於諸善業而
為導首譬如命根於出入息而為其先輪王
七寶輪寶為先大乘萬行大悲為先譬如長
者唯有一子父母鍾念徹於骨髓菩薩大悲
亦復如是於諸有情住於極愛一子之地云
何大悲大名麼賀麼者名我我以大悲利樂

有情故名大悲又賀者名性自性大悲能濟
有情不由佗教故名大悲又娑疇者名屬已
分一切有情我應救護故名大悲又迦者名
護不令佗人得其便故名大悲又此大悲
者能作方便成辦一切助菩提故又此大悲
能悟無師自然智故又此大悲能除一切自
心熱惱隨順有情為饒益故復次慈氏此大
悲心有五十種云何大悲無諂諛故云何大
悲身口相應故云何大悲無虛誑故云何大
悲住實際故云何大悲不退轉故云何大悲

了本覺故云何大悲無詐偽故云何大悲自
性清淨故云何大悲行質直故云何大悲住
正性故云何大悲求佛身故云何大悲求佛
壽故云何大悲不起一切過故云何大悲護
有情故云何大悲所度有情無有量故云何
大悲同虛空故云何大悲不捨貧窮諸眾生
故云何大悲拔諸苦故云何大悲自性不動
荷負一切故云何大悲行清淨行不誑自佗
故云何大悲能作自利諸善業故云何大悲
普與樂故云何大悲不生疲倦故云何大悲

能除重擔示勝義故云何大悲堅持施忍精
勤行故云何大悲能忍下劣所輕慢故云何
大悲不懷一切宿憾恨故云何大悲作無上
醫故云何大悲以大乘慧攝下劣乘等無二
故云何大悲善覆自德讚他善故云何大悲
能與無漏真法樂故云何大悲能捨所愛心
無恪故云何大悲為諸有情心無悔故云何
大悲善持淨戒護毀禁故云何大悲能忍已
苦令諸有情得佛樂故云何大悲成熟有情
住法身故云何大悲不惜自身捨肢節故云

何大悲樂修功德不求報故云何大悲能調
有情修靜慮故云何大悲了三界空不染著
故云何大悲積集善根離不善故云何大悲
能滿一切有情所求願故云何大悲不捨昔
願住無為故云何大悲捨有為法故云何大
悲慳貪有情令行捨故云何大悲能令有情
住佛戒故云何大悲多瞋有情令住忍故云
何大悲懈怠有情令精進故云何大悲散亂
有情令住定故云何大悲愚癡有情令智慧
故佛告慈氏如是大悲能令自他一切善根

皆得成就是則名為大悲無量復次慈氏菩
薩摩訶薩修行靜慮波羅蜜多云何修習大
喜無量所謂憶念一切佛法愛樂恭敬不住
生死不壞喜心除諸邪見離五欲蓋能安有
情住真實際恒求如來三十二相八十種好
聽聞正法順第一義恒樂修行達於彼岸圓
滿具足喜慶心生譬如世間大節會日一切
親族善友集會勝妙五欲歡娛喜悅菩薩亦
爾起大神變遊戲之時八部龍天四眾雲集
戒定智慧解脫知見悅樂其心是名大喜又

此喜者諸有情無損害心勤求一切諸佛妙法已得未得心無暫捨於大乘法心恒正解於二乘法不生取著捨離慳悋增長檀那見乞者來心樂惠施於佗持戒生淨信心見毀禁人極懷憐愍於己尸羅清淨圓滿離三惡怖迴向法身設有毀罵安忍受之於軌範師奉順言教頂戴尊重勤而行之於諸有情善言含笑遠離嘔感先意問訊住真寂定無諂無誑不羸不曲常讚人善不說佗過樂與衆同行六和敬作大法師開示涅槃顯真實相

於尊重所起父母想等視衆生猶如一子於親教師尊重如佛於修行者猶海導師諸波羅蜜如無價寶於說法人如如意珠無漏法林自在遊戲教授我者深自慶喜聞說過非如醫示病聞說正法如病獲藥是名為喜了苦無常無我不淨隨順涅槃常樂我淨一相一味故名為喜又大喜者體真勝義性無生滅不沉不舉無去無來常爾一心名真喜悅又大喜者如聞善言身心適悅安住不動猶若須彌又大喜者明了因果無迷謬故又大

喜者如地不動為所依故又大喜者如威德人無能敵故又大喜者如勝義諦不毀壞故又大喜者如佛法僧功德圓滿永無厭故慈氏當知此即名為菩薩摩訶薩大喜無量復次慈氏菩薩摩訶薩修行靜慮波羅蜜多云何修習大捨無量菩薩摩訶薩修捨無量總有三種云何為三一者煩惱捨二者護自佗捨三者時非時捨云何名煩惱捨若遇恭敬心不高舉設遇輕慢不鄙卑賤得利不喜失利不憂毀罵不賈讚亦無喜稱揚不欣聞譏

不恚遭苦難時觀空無我悅樂事至但觀無常於所愛境心無貪著設見嫌恨亦不生瞋於怨於親持戒破戒其心平等作善作惡若愛若憎都無二相聞善惡言正不正法亦復如是於諸有情其心平等於身命財不生慳悋是則名為煩惱大捨云何名為護自佗捨菩薩摩訶薩若有人來節節支解菩薩於彼無瞋恨心如是菩薩於身語中未常變易是名為捨復次乞又仁多者是名雙義及瘡痕義謂眼及色如有二人於菩薩所一人打罵

一則香塗菩薩觀之等心無二瘡痕義者菩薩觀之第一義中誰為打人誰為塗者不見損益亦無彼我不害自他是名為捨眼根色境雙義既然耳聲鼻舌味身觸意法寂滅平等亦復如是於毀讚者及我六根第一義中無傷無害是名為捨設被傷害亦不損他是名為捨或護自他俱無傷損是名為捨於利非利常爾一心無害自他故名為捨常自覺察護他人心離於諍訟亦名為捨復深觀察無有是非是名為捨如是名為護自他捨

云何名為時非時捨若諸有情不受教誨非法器者菩薩不瞋名非時捨於聲聞人觀四聖諦獲苦法忍趣羅漢果菩薩不障名非時捨行布施時且止持戒修淨戒時且止於施忍辱精進禪定智慧亦復如是名非時捨若於諸法應成就事決定應作精進勇猛長時無倦無暇無退不辭勞苦乃至事畢方可放捨是名時捨如是名為時非時捨如是修習慈悲喜捨但名靜慮不得名為波羅密多爾時慈氏白佛言世尊如是修習靜慮為因悉

能具足神通智慧云何名為神通智慧爾時
薄伽梵告慈氏言善男子是神通者能以通
力見極微色是名神通以淨法眼知色性空
亦不取著是名智慧復次聞諸世間極微小
聲是名神通於諸音聲悟無言說離諸譬喻
是名智慧復次能知一切有情心行是名神
通了諸有情妄心非心是名智慧復次於過
未際悉智憶念是名神通了佛土空是名智
慧復次了知根性差別之相是名神通了勝
義空是名智慧復次能知諸法是名神通了

俗如幻是名智慧復次力能起彼釋梵四王
是名神通超過一切聲聞獨覺是名智慧慈
氏當知如文名為菩薩摩訶薩修真靜慮得
不思議神通果報復次慈氏一切衆生恒為
無量煩惱擾亂其心菩薩摩訶薩得真三昧
隨彼有情煩惱品類現如是等諸三昧門令
其解脫菩薩摩訶薩應加精進住是三昧令
諸有情安住如是平等法中所謂得心平等
行平等相應平等布施持戒忍辱精進禪定
智慧悉皆平等即一切法皆平等是名法

性三昧復次慈氏此三昧平等即菩提平等
菩提平等即一切有情平等一切有情平等
即一切法平等得如是平等法已是名住真
三昧復次慈氏此菩提平等即虛空平等虛
空平等即一切有情平等一切有情平等即
一切法平等得如是平等法已是則名為住
真三昧復次慈氏一切世間性平等即清淨
性平等清淨性平等即一切有情平等一切
有情平等即一切法平等得此一切法平等
是則名為住真三昧復次慈氏若知自心平

等即知一切有情心平等是則名為住真三
昧復次慈氏若諸有情能於我身作於饒益
及不饒益我於彼等心如大地普皆平等其
心不動所以者何由住如是三昧平等性故
以住三昧無散亂語無率爾語了達諸法解
第一義善知時節隨順而說八風不動菩薩
能住如是平等法性不捨三昧不離世間自
在無礙是名菩薩摩訶薩方便智慧靜慮波
羅蜜多復次慈氏云何菩薩摩訶薩修行出
世方便智慧若菩薩修靜慮時於諸有情起

慈悲心名爲方便觀法寂滅是名智慧復次
修靜慮時歸依於佛是名方便了無取著是
名智慧求一切法是名方便了法性空是名
智慧觀佛色身是名方便觀佛法身是名智
慧觀佛梵音是名方便了無言說是名智慧
若正觀時是名方便觀照亦空是名智慧拔
濟有情是名方便了衆生空是名智慧知衆
生根是名方便根性亦空是名智慧觀佛土
淨是名方便了佛土空是名智慧得佛菩提
是名方便了本寂滅是名智慧請轉法輪是

名方便法無轉相是名智慧觀七覺支是名
方便了真本覺是名智慧菩薩摩訶薩如是
相應修習靜慮波羅蜜多一切天魔不得其
便即能成就無上菩提爾時薄伽梵說此靜
慮波羅蜜多時會中三萬二千菩薩得日燈
三昧此日燈三昧亦名一莊嚴三昧云何名
爲日燈三昧如日出時一切燈燭星月無復
光明菩薩得此三昧者亦復如是有學無學
聲聞獨覺諸有情智映蔽不現是故名爲日
燈三昧復次云何名一莊嚴三昧所言一者

即是無生無生者即是法空又一者名徧一切處譬如油麻油徧麻中無生法者亦復如是體徧一切是名一莊嚴三昧此一莊嚴亦名一增長三昧一者即婀娜即法界所謂契經今法界現前卷九法界現前已所有諸法神通增長明了現前是故名為一增長三昧此一增長亦名一法界三昧所言一者即是法界法界亦空以定力故其空現前是名一法界莊嚴三昧此一法界亦名一空三昧所言一者猶如虛空一切萬物生長空中菩薩真空

現在前時信等善法悉皆增長是故名為一空三昧復次慈氏菩薩摩訶薩住此靜慮波羅蜜多時能入俱胝那度多百千三昧今為汝說少分名字所謂電光三昧月光三昧善增長三昧毗盧遮那三昧增長不思議三昧如如光照三昧無垢三昧海德三昧能自在轉一切法輪三昧成就禁戒三昧無憂三昧堅固三昧蘇迷盧三昧法炬三昧法勇三昧轉法智自在三昧散積聚法三昧持一切法三昧持白法三昧知佗心三昧莊嚴寶幢三

昧滅煩惱三昧壞四魔三昧發起十力三昧
無著三昧斷縛著三昧燈手三昧聞施名三
昧持地三昧安住心三昧須彌燈三昧摧伏
怨敵三昧智炬三昧發生智三昧教授三昧
自在轉無邊法門三昧令心堪任三昧知勝
妙善三昧震日月音三昧無所行三昧壞魔
三昧無種種想三昧善調伏心三昧釋獅子
三昧念佛三昧念法三昧念僧三昧不退轉
三昧不胸三昧最勝無我三昧似空處三昧
常覺悟三昧除煩惱緣三昧如虛空三昧入

功能三昧念慧覺三昧無盡辯三昧大悲聲
三昧現真諦三昧不毀壞三昧善行三昧有
情歡喜三昧知愛樂三昧生愛樂三昧勝慈
三昧性淨三昧大悲三昧大喜三昧無所捨
著三昧法義三昧法悲三昧慧炬三昧智海
三昧無動三昧善調伏身三昧解脫智自在
三昧金剛幢三昧勝蓮華道場三昧離世間
法三昧勝智三昧佛觀行三昧威光三昧威
嚴三昧與解脫智三昧佛身莊嚴三昧光明
普徧三昧刹土徧淨三昧入有情性三昧滿

一切願三昧順菩提路三昧波羅蜜莊嚴三
 昧寶髻三昧覺華三昧與解脫果三昧甘露
 音三昧無滯三昧疾風行三昧寶冠三昧截
 海流三昧金剛峯三昧大神通三昧出生義
 三昧見無邊佛三昧憶持一切所聞三昧與
 剎那智三昧清淨無邊功德三昧如是無量
 俱胝三昧若諸菩薩摩訶薩得是三昧者是
 則名為靜慮波羅蜜多時薄伽梵說此靜慮
 波羅蜜多時會中七十八那度多人天發阿
 耨多羅三藐三菩提心三萬二千菩薩證無

生法忍

般若波羅蜜多品第十之一

爾時薄伽梵處於種種摩尼寶王師子座上
 現種種相純以菩薩摩訶薩眾而共圍遶時
 慈氏菩薩摩訶薩即從座起偏袒右肩右膝
 著地合掌恭敬而白佛言大聖世尊已為利
 益安樂諸菩薩故說靜慮波羅蜜多惟願世
 尊為諸菩薩說般若波羅蜜多又此般若波
 羅蜜多復有幾種修何方便而能得之惟願
 如來分別解說爾時薄伽梵告慈氏菩薩摩

訶薩言善男子汝今諦聽善思念之吾當為汝分別解說若諸菩薩修行布施波羅蜜多乃至靜慮波羅蜜多皆從般若波羅蜜多本母所生而為根本譬如眼等五根發生五識能取五塵皆有作用如是一一皆以識心而為根本若離其心無所成辦菩薩摩訶薩修前五種波羅蜜多恒以智慧而為其母若離智慧無所剋獲亦如有情身有命根能有所作命根謝已無復堪任修行諸度若無智慧亦復如是譬如國境無有智臣陰陽失序一

切人民皆不安樂法王國土若無智慧亦復如是修行布施乃至靜慮波羅蜜多皆不成就解脫涅槃終不能得如是商主入海採寶要得船師方達寶所隨意而取菩薩亦爾於生死海以五波羅蜜多而為舟船載功德寶十一要因般若波羅蜜多無上船師至於彼岸爾時薄伽梵而說頌言

智慧為根本 能生善法芽 佛果大菩提
無法智所作 如人遭苦難 智者能救護
愚者造諸惡 如石投深水 若無真智慧

常思其善事	智者住空寂	如火煖大海	如日放光明	為益應同住	正智離分別	能淨諸雲翳	見乞不輕賤	日夜無休息	智者遇大怨
智慧離分別	被毀心無惱	大悲離分別	不棄旃荼舍	如入瞻蔔林	如日無私照	智者多慈悲	應生歡喜心	智者樂修行	慈悲猶不捨
人中最第一	諸惡不能燒	見惡常憐愍	智人雖小過	自然皆蒙熏	亦如清涼月	常濟於貧乏	如樹初生長	增長亦如是	如折蓮華莖
藕絲恒不斷	生死與涅槃	大悲常利物	耆年多智慧	速成安樂行	應親近是人	能壞善人心	供給於惡人	無不傷害者	如人飲甘露
生死如毒樹	本性皆平等	不擇於怨親	淨戒悉圓滿	智慧無垢人	尊重過父母	如火燒枯木	欲益反招損	供養智慧人	永得安隱樂
悟即法身果	淨慧賢聖行	恒離於分別	親近如是人	三業恒清淨	無智難親近	應當常遠離	如人飲狂獸	少善獲多福	

永樂北藏

六波羅密多經

第七一册

佛告慈氏菩薩摩訶薩此般若波羅蜜多皆從善友聞正法生邪見之人是智慧怨汝等應當親近善友遠惡知識此般若波羅蜜多非唯出生一切善法過去未來現在諸佛皆從此生當知此經即是一切諸佛之母復次慈氏菩薩摩訶薩行布施時有二種智一者約九小智二者大智小智施者為求人天二乘解脫如是施者但名布施不得名為波羅蜜多十三大智施者心無所得無所得故得佛菩提如是施者名檀波羅蜜以是故知檀波羅蜜從

智慧生尸波羅蜜亦有二種一者小智二者大智小智持戒怖三惡道求生人天二乘解脫如是持戒心不清淨不得名為尸波羅蜜大智持戒普為利樂一切有情不住於相而無所得趣大菩提如是持戒是則名為尸波羅蜜以是故知戒波羅蜜從智慧生忍辱波羅蜜亦從般若波羅蜜生一切有情本智如日無明覆蔽忍光不現修安忍者除斷無明聖智現前佛日斯照譬如國邑無有智臣誠用不均人民流散設有智者亦當迴避無

忍慧者亦復如是又此智慧如明眼人遙見毒蛇即便遠避有智慧眼避瞋毒蛇亦復如是無慧眼者謂於過去無量劫中修行諸善無安忍力及智慧眼一念瞋火燒滅無餘如乾草積麤火入中焚燒皆盡智慧之人有安

忍力設遇惡人打罵訶責正智安忍能調伏之譬如香象既已調伏臨陣驅策能破敵軍菩薩摩訶薩亦復如是住無相忍不起瞋恚無緣大悲廣度一切以是當知安忍波羅蜜多從般若波羅蜜生精進波羅蜜亦從般若

波羅蜜多而得發生何以故若無般若波羅蜜多一切所作皆不成就大菩提果無邊法門安住最勝巧便大智周徧觀察要精進力方能圓滿六波羅蜜以是當知精進波羅蜜皆從般若波羅蜜生禪波羅蜜亦從般若波

第九

十四

羅蜜生所以者何意業微細難可測量身口所作則易除滅妄心所起難可制伏如風飄火猛燄可制如海濤波亦可息之唯有妄心甚難調伏何以故無始無明迷心性故譬如世間多思覺者妄起尋求而伺察之如是妄

想設入定門心猶取著無智慧故經百千劫
終不能得三昧現前亦如愚人妄執諸見或
執我常或執我斷見不清淨云何能得三昧
現前有智慧人觀察二事一者見其自身多
有疾病苦樂等事皆由先世妄想顛倒造作
諸業而今受之若無癡愛何有病耶身本自
空因緣幻有無造無作誰受苦耶二者復應
重更觀察雖無我相所作福業皆不唐捐當
願法界一切有情無盡福河滌令清淨悉得
成就六波羅蜜戒定智慧以為莊嚴以是故

知一切萬行皆以般若波羅蜜多而為其母
猶如大地皆依虛空而得安立而彼虛空無
有所依般若波羅蜜多亦復如是以是故知
禪波羅蜜智慧為母非唯五度從智慧生一
切世間福德名聞人天果報乃至出世無漏
善根皆以智慧而為生處猶如大地皆依虛
空而得安立一切衆生執我取相有五怖畏
一不活畏常積資財恐不活故二惡趣畏造
不善業恐墮三塗恒怖畏故三者死畏愛惜
身命恐喪失故四者惡名畏恒作諸惡以自

覆載恐人聞知。故王者大衆威德。畏於大衆中。所發言詞。懷怖畏。故菩薩摩訶薩。智慧觀察具證二空。能益自他。無不活畏。除斷邪行。具淨尸羅。必至涅槃。無惡趣畏。深入緣起了本。無生則無死。畏住無相。理身心寂靜。無自他相離。惡名畏。成就微妙。四無礙辯。處衆無畏。猶師子王。是故名爲無大衆畏。復次慈氏。一切衆生根性差別。慳貪者令惠施。曠恚者令慈忍。我慢者令謙下。愚癡者得智。慧開示涅槃。顯真實相。無量功德。皆從般若。

波羅蜜生一切諸佛及諸菩薩。天龍八部咸皆讚歎。尊重恭敬。猶如父母。譬如慈母。唯有子鞠育。誨示漸漸成長。令得尊貴。菩薩亦爾。憐愛有情。等如一子。般若甘露而爲法食。五波羅蜜爲大資糧。十力四無所畏。十八不共法。諸妙功德。莊嚴法身。成就無上法王之位。復次慈氏。有十種事能障智燈。掩蔽光明。不能顯了。增長癡闇。無所覺知。一者癩惰於世事業。皆不成就。豈能修行出世妙善。二者近惡知識。造諸惡業。增長無明。三者耽著睡

眠身心昏昧不能修習無上菩提四者聽聞
大乘尋復忘失五者樂習世間一切技藝不
知如幻而生執著六者我慢覆藏雖遇善友
不能諮問無上正法七者於大乘教微妙深
理不能解悟我慢自高便生退屈八者恥已
愚昧不能親近卷九有智之人九者攻乎異端詐
謂知見有所論難皆涉邪徒十者於最上乘
不生信樂設有所聞師心邪解由是十事障
礙大乘正法不聞淪溺生死離此十事有十
勝法便能悟入無上菩提一者精勤樂習禪

定二者親近善友聽聞正法三者損滅睡眠
恒自覺悟四者於大乘法所聞不忘五者順
世事業常觀如幻無所著故六者無所藏隱
決衆疑故七者不輕己身勤修行故八者常
樂法施與大會故九者恒自謙下不誑衆生
故十者不自師心深入佛慧故菩薩摩訶薩
以此十事具足圓滿六波羅密成就法身清
淨解脫復次慈氏菩薩摩訶薩此般若波羅
密多不與十六種法而為相應一者不與十
二因緣相應所謂無明乃至老死二者不與

無明滅乃至老死滅而為相應菩薩摩訶薩
離分別心無二相故三者不與身見邊見乃
至六十二見而為相應四者不與世間八風
相應所謂利養稱讚毀苦樂衰損等事而
為相應五者不與隨煩惱等忿恨相應六者
不與我慢增上慢等相應七者不與根本貪
瞋癡等而為相應八者不與煩惱魔死魔等
而為相應九者不與我相人相作者受者養
育士夫補特伽羅意生儒童業障報障煩惱
等障而為相應十者不與妄念分別見聞覺

知而為相應十一者不與四顛倒法而為相
應無常計常常計無常無樂計樂樂計無樂
無我計我我計無我不淨計淨淨計不淨如
是妄計名顛倒法有情心行乃至諸塵勞門
而為相應十二者不與慳悋犯戒瞋恚懈怠
散亂愚癡而為相應亦不與有相行施持戒
忍辱精進禪定智慧相應十三者不與不善
等法性罪有罪有漏有為而為相應亦不分
別世出世善法無漏無為而為相應十四者
不與二十二根相應所謂眼耳鼻舌身根相

應亦不與苦樂憂喜捨受相應亦不與男女
等根意根命根信等五根三無漏根而為相
應十五者不與三界五趣種種有情而為相
應亦不分別大乘小乘佛法僧寶差別之相
而為相應十六者不分別真諦俗諦有為無
為有智無智有識無識作意無作意有體性
無體性有相無相心意差別而為相應慈氏
當知摩訶般若波羅蜜多無染無著離諸分
別平等清淨一相一味不與如是差別等法
而為相應復次慈氏菩薩摩訶薩善巧方便

行深般若波羅蜜多時住奢摩佗毗鉢舍那
住身寂靜了因緣法如幻如花順勝義諦離
有離無非斷非常隨順因果無我人相真實
不動不壞威儀住三脫門而不取證無動無
靜是如來禪遊戲神通深入實際不住生死
不入涅槃不盡有為不住無為雖觀無相不
捨大悲雖住三界而恒出離知真無染而不
修證離於戲論常樂宣說復次慈氏菩薩摩
訶薩修行般若波羅蜜多應於善友聽聞正
法具足八十四種勝上之心方能發生般若

波羅密多微妙勝慧所謂住真實相最極微
妙相般若相應相善知識相離憍慢相恭敬
相右遶相無量相善言相至誠相善作意相
無亂相無定相妙寶相妙藥相除病相法器
相示導相入智慧相聞法無厭相增長捨相
善調象馬相敬事多聞相樂聞深法相觀身
寂滅相清淨適悅相聞法無倦相聞義相聞
法相隨說修行相爲佗說法相聞所未聞相
聞神通相不求餘乘相樂聞般若相樂聞菩
薩藏相樂聞善巧方便相四攝相聞梵行相

念正定相能生善巧無生相大慈心相緣起
相無常相苦相空相無我相不淨相寂靜相
空相無相相無願相無不善行相勝義諦相
不壞相自在相護自心相不捨精進相思惟
妙法相對治煩惱相宗重正法相對治邪見
相獲聖財相除斷貧窮相智者稱讚相智人
極喜相智者所樂相崇重賢善相見諦相觀
蘊過失相有爲過患相依法相依義相依智
相依了義經相不依不了義經相不作諸惡
相自利益相利益佗相善作業相無熱惱相

勝行相獲一切諸佛法門相慈氏當知聽法之人具足如是勝妙之心能善聽聞甚深般若波羅蜜多知一切法無我無人本來清淨生死涅槃平等無二復次菩薩摩訶薩觀於眼等五根苦樂等受男女意命能起煩惱生死根本信等五根三無漏根能捨煩惱是涅槃因知煩惱性從本以來不生不滅性相常住如是修習是名般若波羅蜜多復次慈氏菩薩摩訶薩所修勝行與智慧相應及不相應無有分別二智平等不捨衆生恒起大悲

普覆一切清淨不動如是修習是則名為般若波羅蜜多復告慈氏此般若波羅蜜多句義不可思議是相應句如理句如量句佛語句了緣句無礙句無滅句大捨句不動句一切不動句無依上句平等句無難句無高下句實際句不變易句無著句無住句無所依句對治句寂靜句極寂靜句徧寂靜句無戲論句無起句即真句不缺句無餘句無際句無對治句最勝句真實句如如句絕言句不別異句無彼此句三世平等句無三世句不

住五蘊句不住六界句不住十二處句不住十八界句依法句依義句依智句依了義句如是句義是菩薩摩訶薩修行般若波羅蜜多不可思議離言說故真勝義故不可思議故無因喻故無比量故無有上故自利利他故大希有故唯佛與佛能證能說餘無測知何以故般若波羅蜜多無性無相無比無喻唯佛如來方能究盡復次慈氏此般若波羅蜜多非即蘊處界無依無止不生不滅不內不外不在中間是故般若波羅蜜多不可思

議爾時慈氏菩薩聞是般若波羅蜜多歡喜踊躍以偈讚曰

大雄世尊智無量 十力無畏真解脫
神通廣大無邊際 一切無能測量者
昔曾侍觀無量佛 獲得甚深微妙智
難行苦行恒沙劫 是故能成調御師
佛證自然一切智 住真寂滅難思議
唯佛如來自證知 能現無邊佛境界
法性真常離二邊 寂滅無為出三有
煩惱業苦悉皆除 法身清淨真解脫

菩提道場成正覺	唯有諸佛能證知
清淨湛然無去來	無相無行無說示
涅槃無比無能喻	凡夫二乘莫能測
等覺菩薩不能知	唯佛世尊獨明了
佛會一切聲聞眾	逮得已利如來讚
漏盡皆住最後身	此等不知佛境界
一切辟支佛利智	徧滿十方如稻麻
百千萬劫共思惟	不能測知佛智慧

大乘理趣六波羅密多經卷第九

音釋

嘖

嘖毗實切 嘖子

婀

婀倚可切

煥

煥乃管切

颯

甲遙切 旋風也

大乘理趣六波羅蜜多經卷第十 一 馨十

唐罽賓國三藏般若奉詔譯

般若波羅蜜多品第十之二

佛告慈氏菩薩摩訶薩有七種事能得如是不可思議無盡法門謂因無盡有情界無盡大悲無盡妙用無盡法門無盡壞生死魔故智無盡故如是般若波羅蜜多無行無相無生無滅菩薩於一切法應如是知佛說是甚深般若波羅蜜多時會中有一外道名微末底即從座起而白佛言世尊佛說一切諸法

永樂北藏

六波羅蜜多經

第七一册

本來不生自性清淨此義不然自在天常而是一切萬物父母能生諸法能造能作安立世間復有說云神我能生一切諸法然此我者住於心中猶如拇指復有說云一切諸法從和合生云何今者乃說無生爾時薄伽梵告微末底汝所問者隨汝意答斷汝疑心應當諦聽如汝所說自在天常能生一切所生萬物應同一性悉亦是常若謂所生前後變易非常住者理亦不然用不離體應是常住體不離用應非常故自在常者生應常生云

何有時或生不生既不常生云何是常以是
義故同彼所生定是無常所生既多亦非是
一若是一者應無差別萬類區分如何是一
又自在天能生一切無有慈悲若有慈悲應
令有情悉生人天常受快樂云何令諸有情
受於八苦生三惡趣受種種苦若有慈悲云
何自生自立自害若自在天是一是常所生
一切應無變易云何異類生滅無常五趣之
中受茲不淨譬如見果即知其因當知自在
非一非常若言妙好是自在作麤鄙不善畢

舍遮為如是之言亦不應理善由自在惡由
舍遮善惡相違何名自在又諸有情作惡人
多修善者少即畢舍遮鬼勝自在天又諸有
情所作善事自在處分所作諸惡鬼所教者
汝諸弟子恒作是言為善生天惡墮地獄若
生天墮獄由造善惡云何言彼自在作耶譬
如國王使人宣令賜財受職但言王賜終不
言是宣教命人又如國王使人斷命但言王
殺不言魁膾是即造善歸自在天若造諸惡
畢舍遮受有情何故受苦樂耶以是當知大

自在天決定不能造作一切若言一者有情何故能生無量善惡心耶以是故知亦非是一若言一切由自在天即應純善何有惡耶如人有時於多人所作諸惡事即是惡人若衆生惡由自在者世間咸謂地獄罪人自作惡業汝獨云何推自在耶又有人謗佗作惡得無量罪汝謗自在獲罪亦然復次微末底自在造作過失如前神我過失倍過於彼若我是常能造作者此身去住應得自由無人能害云何號哭而懼死耶若我是常應能

憶念過去造業受諸苦報故於今生不應造惡又我常者即應自在捨於衰老恒受少壯如脫故衣更著新好云何而有老病死耶以是當知我非作者復次微末底我觀諸法亦非和合因緣所生所以者何因無生性因若有生不應待緣緣無生性亦復如是若說因緣我能和合此亦不然如二盲人各別行住不能見色設令同住不見亦然當知神我和合因緣亦不能生若能生者應是無常有作用故如所生果定是無常以是當知離所生

外無別能生或說五大極微是常能生諸法
 此亦不然猶如水米和合成酒飲即令醉如
 是醉力不從外來非水中出亦非米出水米
 和合轉變而生一切諸法無有作者亦無有
 我而為因緣所以者何大地虛空水火風界
 當知亦爾豈無情物生有情耶一切諸法假
 有實無非自在天亦非神我非和合因緣五
 大能生是故當知一切諸法本性不生從緣
 幻有無來無去非斷非常清淨湛然是真平
 等爾時薄伽梵而說偈言

一切有為法	如乾闥婆城	衆生妄心取
雖現非實有	諸法非因生	亦非無因生
虛妄分別有	是故說唯心	無明妄想見
而是色相因	藏識為所依	隨緣現衆像
如人目有翳	妄見空中華	習氣擾濁心
從是三有現	眼識依賴耶	能現種種色
譬如鏡中像	分別不在外	所見皆自心
非常亦非斷	賴耶識所變	能現於世間
法性皆平等	一切法所依	藏識恒不斷
末那計為我	集起說為心	思量性名意

了別義為識	是故說為心	心外諸境界
妄見毛輪華	所執實皆無	咸是識心變
色具色功能	皆依賴耶識	凡愚妄分別
謂是真實有	睡眠與昏醉	行住及坐卧
作業及士用	皆依藏識起	有情器世間
非由自在作	亦非神我造	非世性微塵
如木中火性	雖有不能燒	因燧方火生
由此破諸闇	展轉互為因	賴耶為依止
諸識從彼生	能起漏無漏	如海遇風緣
起種種波浪	現前作用轉	無有間斷時

藏識海亦然	境界風所動	恒起諸識浪
無間斷亦然	如酪未鑽搖	其酥人不見
施功既不已	醍醐方可得	賴耶妄熏習
隱覆如來藏	修習純熟時	正智方明了
諸識隨緣轉	不見本覺心	自覺智現前
真性常不動	猶如金在礦	處石不堪用
銷鍊得真金	作眾莊嚴具	賴耶性清淨
妄識所熏習	圓鏡智相應	如日出雲翳
若有修空者	順空而取空	觀空與色殊
不名真觀者	觀色即是空	色空不可得

此即勝義空	是真解脫者	客塵無自性
無明妄分別	實相非有無	衆生虛妄見
猶如日月明	流光能普照	如來清淨藏
具足諸功德	真妄互相熏	猶如二象鬪
弱者去無迴	妄盡無來去	蓮華性無染
出水離淤泥	菡萏開敷時	見者皆歡喜
如來無垢識	永斷諸習氣	清淨智圓明
賢聖所歸趣	猶如最勝寶	無復諸瑕翳
輪王為寶冠	常置於頂上	如來清淨藏
永離諸分別	體具恒沙德	諸佛之法身

住真無漏界	清淨解脫身	寂滅等虛空
法性無來去	佛現三界中	不生亦不滅
此界及佗方	湛然常不動	平等真法界
佛與衆生如	非斷亦非常	大悲恒不盡
諸佛法性身	本覺自然智	是真勝義諦
唯佛方證知	自性體無生	牟尼本寂靜
流轉諸三有	畢竟歸依處	法無來去相
三世常寂然	住真三昧者	見彼法界身
清淨不思議	恒沙衆德備	此即無漏界
諸佛之所依	佛具三種身	體相用平等

甚深廣大性	勝義無差別	無漏無變易
遠離一切相	煩惱及所知	本性恒清淨
無垢無染著	是真調御師	性淨即涅槃
亦是法身佛	體備恒沙德	無垢不思議
六度常圓滿	此即薩婆若	廣大無邊際
永斷於思想	斷習成菩提	具恒沙功德
於諸法自在	普現諸色像	大悲清淨果
常利益一切	無漏無分別	願力皆圓滿
猶如摩尼珠	隨色皆能現	譬如工畫師
能畫種種相	所現諸境界	皆是識心變

衆生諸性欲	如來悉能知	法身恒不動
願力隨緣現	示現兜率天	降神乘白象
生處於王宮	出家修苦行	即詣菩提樹
降伏諸魔怨	成佛轉法輪	或現涅槃相
示現有生滅	真身恒不動	鈍根樂小法
方便說涅槃	真如法界中	無有涅槃相
大悲樂饒益	引導於衆生	猶如大商主
誘進諸愚小	菩薩廣大心	咸令入涅槃
爾時微末底聞佛說已身心適悅歡喜無量		
從座而起整理衣服右膝著地合掌恭敬以		

妙伽佗而讚佛曰

墮在生死河 邪見所纏縛

迦毗微野娑

迦那仙外道

凡愚被昏蔽

邪見由是生

十力善逝尊

慧日能明照

或聞那羅延

自在天等教

增長於貪著

令心發狂亂

正見破諸暗

是真如來教

我當至心聽

歸依大聖尊

大梵身四臂

四面蓮華生

演說四圍陀

增長於邪見

唯佛薄伽梵

慧日大聖尊

能破我等疑

真實歸依處

時微末底讚歎佛已而白佛言大聖世尊我

於今者得大善利蒙佛慧日正智光明邪見

疑心一切都盡我今歸依大聖世尊復白佛

言世尊我今所以名微末底為求異道心轉

疑惑今於佛前獲正法眼滅疑惑心名蘇末

底我及弟子同於今日歸佛法僧修行大乘

願無退轉所得善利迴施有情皆向佛道爾

時薄伽梵為微末底說是法時會中無量眾

生發阿耨多羅三藐三菩提心六十二那庾

多菩薩證無生法忍復次慈氏菩薩摩訶薩

修行般若波羅蜜多應修八法云何為八所

謂蘊善巧處善巧界善巧諦善巧緣起善巧
三世善巧一切乘善巧一切法善巧云何蘊
善巧謂觀色蘊猶如聚沫愚人見之謂是白
氈入水而取其沫散滅不可撮摩菩薩摩訶
薩以正智慧見第一義了色性空猶如聚沫
以是因緣名正知見復觀受蘊如水上泡速
起速滅剎那不住菩薩摩訶薩以正智慧見
第一義了受性空猶如水泡以是因緣名正
知見復觀想蘊猶如陽燄如人熱渴遠見陽
燄謂之爲水馳走尋覓近之則無菩薩摩訶

薩以正智慧見第一義了想性空以是因緣
名正知見復觀行蘊猶如芭蕉中無有堅剝
之不已竟無所得菩薩摩訶薩以正智慧見
第一義知行性空以是因緣名正知見復觀
識蘊猶如幻化如世幻師幻作金銀珍寶真
珠瓔珞求其實體了不可得菩薩摩訶薩以
正智慧見第一義了識性空猶如幻化以是
因緣名正知見作是觀已於諸有情起大悲
心興拔濟意如是觀察名蘊善巧復觀五蘊
猶如幻夢皆從妄想顛倒心生無我無人無

衆生無壽命非養育非士夫非補特伽羅意
生儒童作者受者以善巧方便了蘊性空猶
如夢想都不可得是名菩薩摩訶薩蘊善巧
智復次菩薩摩訶薩觀蘊如響無我無人乃
至無作者受者如是蘊性如空谷響屬諸因
緣如實了知等無二相是則名爲菩薩摩訶
薩蘊善巧智復次觀蘊如影從業緣現無我
無人乃至受者如是影性了不可得等無二
相是名菩薩摩訶薩蘊善巧智復次觀蘊如
鏡中像無我無人乃至受者如是鏡像非內

非外了不可得平等無二是名菩薩摩訶薩
蘊善巧智復次觀蘊從緣而有如幻如化無
我無人乃至受者以善巧智如實了知等無
二相是名菩薩摩訶薩蘊善巧智復次觀蘊
是變壞相無常苦空無我不淨性本空寂非
壞非不壞如實了知名蘊善巧智復次云何
名爲處善巧謂觀眼處耳鼻舌身意處內法
皆空次觀色聲香味觸法處外法亦空以正
智慧觀第一義非內非外名正知見是則名
爲處善巧智復有處善巧所謂了眼耳鼻舌

身意處皆悉是空亦無見聞覺知之相名法
處智復有了法處智了色聲香味觸法處自
性空寂非眼耳鼻舌身意處境界相名了法
處智復有處善巧謂眼處耳鼻舌身意處法
性空無我我所色處聲香味觸法處法性皆
空無我我所非相應非不相應非善法非不
善法不增不減無有二相本來空寂是名菩
薩摩訶薩處善巧智復有處善巧智眼處色
處本來清淨無染無著眼處堅固寂然常住
如是耳聲鼻舌香味身觸意法性本清淨無

染無著乃至意根堅固寂然常住不變是名
菩薩處善巧智復次云何名為處善巧所謂
聖人處非凡夫處能生聖道是名為處凡夫
邪行生於惡道名為非處菩薩摩訶薩住八
聖道起大悲心令諸有情入正定聚是則名
為處善巧智復次云何名為菩薩界善巧智
謂觀眼界色界眼識界無我亦不屬我亦非
眼界色界眼識為緣而起乃至眼界法界無
我亦不繫屬於我乃至意識界無我亦非意
識為緣而起如是菩薩以正智慧觀第一義

知十八界性即是空無我無人法界平等清淨不動是名菩薩摩訶薩界善巧智復有界善巧所謂了法界智了知地水火風界性是空堅濕煖動皆不可得同真際等法性是菩薩摩訶薩了法界智復有了法界智了眼界乃至意識界空色界乃至法界性空眼識界乃至意識界性空亦無見聞覺知分別之相是則名爲了法界智復次云何名爲諦善巧所謂四諦苦集滅道觀此五蘊苦苦行苦壞苦名苦聖諦智了知無明增長五蘊名集諦

智不起貪欲滅盡諸苦名滅諦智爲此滅故修八聖道名道諦智是名菩薩摩訶薩諦善巧智復有諦善巧所謂知苦無生名苦諦智知集不起名集諦智了本不生今則無滅名滅諦智於不二相修中道觀名道諦智是則名爲諦善巧智復次菩薩摩訶薩了知苦受空無自性能觀正智亦復皆空名苦中苦智觀集緣起從緣幻有能觀正智亦皆是空名集中集智知貪愛滅既本性空正智現前清淨平等名滅中滅智知出苦道了不可得正

智觀察自性皆空名道中道智如是正智離諸分別是名菩薩摩訶薩諦善巧智復次能知生苦體即無生名苦中真智知生集起集無和合名集中真智知生本無即無有滅名滅中真智知出苦道離有離無是名道諦真智菩薩摩訶薩如實了知名諦善巧復有諦善巧所謂三諦世俗諦勝義諦實相諦世俗諦者謂一切世間語言文字見聞覺知勝義諦者謂心行處滅無復文字離於一切見聞覺知實相諦者所謂一切相即無相如是無

相即是實相菩薩摩訶薩於俗不染觀真不住一相平等是則名為菩薩摩訶薩諦善巧智復有二諦所謂世諦真諦世諦者所謂一切世間色心等法如實而見稱實而知真諦者謂二空理清淨湛然究竟寂滅化之不厭知真無取無法可得是名菩薩摩訶薩諦善巧智復有一諦謂即真如清淨法界無生無滅非斷非常遠離二邊究竟安樂於生無生心無二相是名菩薩摩訶薩諦善巧智復次云何名緣起善巧菩薩摩訶薩觀察緣起流

生之法無生無滅無盡之相此無盡相即菩提相是名菩薩摩訶薩緣起善巧智復次云何三世善巧謂念過去所有善法如實修行不善之法常當遠離如實知已悉皆迴施一切有情是名菩薩摩訶薩過去善巧智復念未來所有善根菩提資糧皆悉迴向一切智智是名菩薩摩訶薩未來善巧智復次現在所有正念相應善法不起邪念相應不善是名菩薩摩訶薩現在善巧智復次觀於過去皆悉是空現在未來亦復皆空三世平等住

第一義是具解脫復觀現在未來一切諸佛福德智慧生隨喜心是名菩薩摩訶薩三世善巧智復次觀過去寂滅未來未至現在不住三世善法所修勝行悉願迴向無上菩提現在善法剎那不住而恒發起菩提之心是名菩薩摩訶薩三世善巧智復次過去已滅未來未至現在不住如是生滅念念不住心常覺悟是名菩薩摩訶薩三世善巧智復次菩薩不思議自在神通能憶過去所種善根未來覺心當願圓滿現在所修諸善願皆迴

向無上菩提是名菩薩三世善巧智復次爲
欲成熟諸有情故憶念過去所有善根一切
有情隨彼根依願成就所有供養未來諸
佛一切有情隨彼根當來成就所有現在
一切有情神通說法種種教化隨根成熟如
是三世利益自佗圓滿菩提勝妙之行是名
菩薩三世善巧智復次云何名乘善巧謂聲
聞乘獨覺乘菩薩乘依此三乘而求出離云
何菩薩摩訶薩於聲聞乘善巧智慧遇佛出
世聞四諦法因聲悟理生正見故是名聲聞

修淨戒故圓滿戒身得禪定故圓滿定身見
諦理故得智慧解脫解脫知見身是名菩薩
摩訶薩於聲聞乘得善巧智復有聲聞乘善
巧於三界中生疲倦想於有爲法深觀無常
見一切法悉皆無我涅槃寂靜歡喜愛樂復
觀五蘊如怨賊觀諸界如毒蛇觀十二處如
空聚常願出離樂於涅槃起依怙想是名菩
薩摩訶薩於聲聞乘而得善巧智復次云何菩
薩摩訶薩於獨覺乘善巧謂厭諸有爲樂於
出離少欲知足離諸戲論樂居閑寂於諸因

緣自然覺悟諸法無常而得解脫是名菩薩
摩訶薩於獨覺乘善巧智復次云何菩薩摩
訶薩於大乘法而得善巧大乘功德無量無
邊悉令有情咸皆悟入彼最上乘無有障礙
無生無滅得大智慧積集一切福德善根一
切有情所受用故成就諸波羅蜜令諸心行
善調伏故增長無上大菩提故有大威力詣
菩提樹坐於道場觀衆生根大悲不捨無障
無礙善於一切悉皆憐愍等如一子能越一
切惡道諸怖畏故能令一切佛法皆現前故

摧伏外道諸魔怨故建立菩提勝法幢故能
除斷常諸結使故得佛如來無礙智故豐益
佛法諸珍寶故隨根利益無錯失故養育有
情大悲成故十力無畏不共佛法相好功德
瓔珞莊嚴無過失故如是所有一切善巧是
名菩薩摩訶薩^{卷十}大乘善巧智復次^{十四}一切諸佛
之所乘故具足七法佛為大乘如轉輪王具
足七寶云何為七所謂大觀察故大隨順故
大智慧故大精進故大方便故大證悟故大
事業故大觀察者菩薩摩訶薩親近善友聽

聞正法於一刹那悟一切法實相現前大隨
順者菩薩摩訶薩成就大智大定大悲利益
自他故大智慧者菩薩摩訶薩見真實相我
法皆空大精進者菩薩摩訶薩於無量阿僧
祇劫大悲萬行能成辦故大方便者菩薩摩
訶薩得平等忍不住生死不證涅槃大證悟
者菩薩摩訶薩證力無畏不共佛法無量無
邊大功德故大事業者菩薩摩訶薩於生死
中得大菩提成就圓滿恒沙萬德佛事業故
具足如是七種勝法而為法王是名菩薩摩

訶薩大乘善巧智復次云何一切法善巧謂
有為無為菩薩於此二法巧便最勝於身善
行口善行意善行清淨增長迴向無上正等
菩提是名菩薩有為善巧智菩薩於身口意
具三無作清淨平等迴向無上正等菩提是
名菩薩無為善巧智復有善巧謂菩薩摩訶
薩於布施持戒乃至靜慮增長修習迴向無
上正等菩提是名菩薩有為善巧智復以般
若波羅密多離一切相修諸波羅密多迴向
無上正等菩提是名菩薩摩訶薩無為善巧

智復有善巧以方便智行四攝法攝取衆生
是名菩薩摩訶薩有爲善巧智復有善巧住
第一義雖攝衆生而無取著迴向菩提是名
菩薩無爲善巧智復有善巧了知煩惱增長
生死菩提分法斷絕生死是名菩薩有爲善
巧智復次知空無相無願三解脫門能於無
上正等菩提決定平等無二無別無有退轉
是名菩薩無爲善巧智復次有善巧行於三
界不著三界是名菩薩有爲善巧智了知三
界性皆是空如幻如化而不取著是名菩薩

無爲善巧智復次如是了知法性清淨無相
無名具一切智名爲實智爲度衆生假名方
便如是分別名權智菩薩摩訶薩於此八
法二智自在名爲般若波羅蜜多復次悉能
了知一切法性名爲智慧所有觀察善不善
法名爲方便隨順解脫離諸分別聖智現前
名爲般若波羅蜜多復能如是善巧分別諸
見結使以奢摩佗毗鉢舍那如是拔除是名
方便而能圓滿無上大願是名智慧除彼熱
惱使得清涼是名方便能解煩惱性不可得

是名智慧除身心苦得輕安樂是名方便遊
法園苑得念總持理智現前是名智慧與諸
有情作依止處是名方便能依所依無住無
著是名智慧獲三十七菩提分法是名方便
應常離念而與實相智慧相應得大法樂是
名智慧復能生長十六五波羅蜜是名方便隨所
樂乘同歸佛慧自性照明是名智慧能度一
切生死瀑流是名方便實無衆生得滅度者
是名智慧建立正行是名方便見本性空是
名智慧除客煩惱是名方便善能覺悟智性

無染是名智慧行無所行是名方便悟於法
空是名智慧不著三界是名方便令諸菩薩
了第一義是名智慧攝諸衆生行於萬善是
名方便一切賢聖同一法界是名智慧隨其
根性除妄分別是名方便見本清淨寂滅無
生是名智慧能起方便斷滅癡闇是名方便
深入禪定不住禪定是名智慧誘導二乘是
名方便除斷法執入佛知見是名智慧隨衆
生根今生勝解是名方便了根性空是名智
慧超妄境界是名方便示勝義諦是名智慧

權說四諦是名方便於諸修行了不可得是名智慧勤求功德悲願無盡是名方便了應非真不來不去法界平等是名智慧隨緣普示教化一切是名方便了煩惱性本來解脫是名智慧了智結使虛妄分別是名方便了

卷十

十七

眾生心本來寂靜是名智慧勸令修斷隨眠習氣是名方便一切眾生心行差別八萬四千諸塵勞門即佛慧門是名智慧聲聞緣覺善巧勸修漸入佛道是名方便菩薩修行如是般若波羅密多疾證阿耨多羅三藐三菩

提是名般若波羅密多佛說此摩訶般若波羅密多時會中三十二俱胝菩薩摩訶薩得無生法忍七十萬八千眾生發阿耨多羅三藐三菩提心此會大眾各以種種妙華寶幢幡蓋諸莊嚴具瞻蔔華香供養般若波羅密多散於如來及慈氏菩薩摩訶薩等諸菩薩上一切諸天於虛空中作天妓樂種種歌頌讚歎如來於無量劫成就菩提無邊功德爾時佛告一切大眾慈氏菩薩摩訶薩汝等能問甚深般若波羅密多大乘功德無盡法門

不可思議彼諸會眾聞是經者亦當圓滿如是功德若聞是經生信解心受持讀誦書寫解說如是等人利益無量不可思議亦非譬喻算數之所能及爾時薄伽梵解絡披衣授與慈氏而作是言善哉善哉善男子汝能問此甚深般若波羅蜜多一切十方諸佛如來悉皆隨喜時慈氏菩薩受佛衣已頂戴尊敬而作是言此衣即是如來真身制底一切天龍人非人等皆應作禮右遶恭敬種種供養爾時大衆忽見無量雜華寶鬘幡蓋從十方

來住佛頂上在虛空中須臾之間遍覆大會慈氏菩薩大衆之上又於幡蓋供養具中大音聲讚言善哉善哉慈氏菩薩摩訶薩快問斯義我等深心隨喜供養爾時舍利弗白佛言世尊此等華鬘幡蓋從何而來出是音聲讚歎隨喜爾時薄伽梵告舍利佛言善男子此慈氏菩薩於過去世行菩薩行度脫無量百千萬億諸衆生等今有住菩薩不退地者或在聲聞獨覺人天之中彼諸衆生以宿因緣於十方界各以種種寶華鬘蓋供養

般若波羅蜜多經及佛如來讚歎慈氏如是
功德有是音聲說此語已一切眾會於慈氏
菩薩摩訶薩所深生尊重咸作是言我等今
日得大善利得見是人親近供養於如來所
得聞是經世尊此諸眾生得聞佛名及慈氏
菩薩摩訶薩名尚得無量無邊功德何況親
於佛前得聞是經信解受持爾時世尊告舍
利弗若有善男子善女人於一劫中種種布
施金銀琉璃珊瑚碼瑙真珠摩尼頭目髓腦
無所吝惜護持禁戒安忍精進修諸禪定若

聞此經一四句偈我說此人成就大乘般若
波羅蜜多而此功德勝前功德若離此法諸
波羅蜜悉不成就舍利弗以是因緣若善男
子善女人聞此經典信解受持思惟修習我
說是人速能成就無上菩提十九當知是人則為
已得諸佛如來菩提法印舍利弗若有菩薩
說此經時應發是願我今應當諷誦此經廣
為人說能生此念即名圓滿檀波羅蜜何以
故一切施中法施最勝若持此經守護法身
即是圓滿戒波羅蜜順無生忍亦即名為忍

波羅蜜如理不懈此即名為精進波羅蜜安
住寂滅此即名為靜慮波羅蜜得自然慧不
由佗悟是即名為般若波羅蜜舍利弗若復
有人受持此經四句偈等速能圓滿無上菩
提若諸菩薩持此法要讀誦書寫或持經卷
所在之處則為有佛當知是人已得如來一
切法藏若有受持此經典者形雖差別而菩
提心無有二相何以故舍利弗此經則是不
退菩提實相法印以是當知若諸菩薩隨順
此經當知是人得不退轉無上菩提若諸菩

薩隨順此經當知則是隨順一切佛法爾時
護世四天王及諸眷屬悉皆合掌尊重恭敬
一心正念而白佛言世尊我等四王今為如
來作護法衆若善男子善女人持此經者即
是法師我當承事供養恭敬如佛無異何以
故一切諸佛及大乘法皆從此經出故爾時
天帝釋白佛言世尊我雖從佛得聞餘經未
曾得聞如是甚深最勝經典我今堪任與諸
天衆隨此經典所在國土城邑聚落山林樹
下空閑之處有受持讀誦書寫解說我等諸

天爲作聽衆以是經故令彼國王后妃眷屬
色力增盛永無憂患大臣卿相一切人民及
說法師我等常當共作擁護令無衰患令諸
國界陰陽順序無諸愆失一切怨敵無能侵
害稼穡成熟人民安樂增彼法師色力辯才
自在無礙又令法師處大衆中得大無畏如
師子王廣爲化說爾時薄伽梵告天帝言善
哉善哉憍尸迦汝於此經及說法師如是擁
護令無衰患汝今當知若護法師則是護法
若護法者則護國土及一切衆生爾時索訶

世界主大梵天王白佛言世尊我與梵衆天
等捨禪定樂隨此經典及說法師所在之處
我當徃彼爲現四相令彼法師知我等來云
何爲四一者見大光明二者聞有異香三者
令彼法師辯才無礙四者令諸聽衆專念一
心以此四相知我在會聽聞正法爲作擁護
爾時魔王波旬白佛言世尊佛說此經令我
宮殿皆無光色震動不安力勢衰損所以者
何以諸菩薩摩訶薩聽此經故若此經典在
在處處有善男子善女人等受持此經乃至

一偈一句一經於耳信解受持當知此人已
受阿耨多羅三藐三菩提記當紹佛位爾時
魔王波旬白佛言世尊彼善男子善女人以
受持是經令我眷屬威德勢力悉皆摧滅若
有受持讀誦書寫解說此經典者所在之處
我等誓願常作擁護不起一念障礙之心爾
時薄伽梵告舍利弗汝當於未來世受持讀
誦流布此經為令正法得久住故舍利弗言
唯然世尊我當受持復告阿難言汝當受持
讀誦流布此經阿難陀言唯然世尊我當受

持我等雖能奉行不得如諸菩薩廣宣流布
佛告阿難勿憂此經不能流布無量菩薩摩
訶薩盡在此大會悉願傳通會中有六十俱
胝菩薩摩訶薩為欲護持此經典故從座而
起白佛言大聖世尊我等誓當於十方界流
通此經此索訶世界自有慈氏宣布是經不
令斷絕若佛滅後後五百歲有諸衆生於此
經典暫得聽聞一經於耳當知此人佛所記
別受持此經一偈一句當知皆是慈氏等菩
薩摩訶薩威神之所建立爾時薄伽梵告諸

菩薩言善哉善哉善男子汝等今於我所護持此經當於無量劫伽沙佛亦護是經時慈氏菩薩摩訶薩長跪合掌而白佛言大聖世尊我聞此經觸犯如來今於佛前至誠懺悔惟願慈悲哀恕我過及諸菩薩亦當受我如

是悔過佛告慈氏汝於是經得深理趣般若波羅蜜多於大乘法無有疑惑於身口意無有誤失一切諸佛共印可汝我亦如是汝所說法如我無異爾時阿難白佛言世尊當何名此經我等云何奉持時薄伽梵告阿難言

永樂北藏

六波羅蜜多經

此經是過現未來菩薩摩訶薩大乘理趣亦為一切眾生眼目亦為諸佛本母所以此經名大乘菩薩理趣六波羅蜜多無量無邊無盡義經以是名字汝當奉持佛說是經已具壽阿難陀等諸大聲聞慈氏菩薩摩訶薩等諸大菩薩一切世間卷十天龍藥叉阿蘇羅健闍婆迦魯羅緊捺羅摩怙洛迦人非人等及不卷十一佛所說皆大歡喜信受奉行

大乘理趣六波羅蜜多經卷第十

第七一册

永樂北藏

六波羅密多經

第七一册

音釋

淤泥

淤泥 淤泥 依據切

澱

齒

齒

齒

齒

齒

齒

齒

齒

齒

撮

撮 撮 括切

芭蕉

芭蕉

芭蕉

芭蕉

芭蕉

芭蕉

芭蕉

芭蕉

芭蕉

芭蕉

芭蕉

左脰右肘脇間也 益切

絡

掖

絡

掖

絡

掖

絡

掖

絡

掖

絡

掖

絡

掖

絡

掖

絡

掖

絡

掖

絡

掖

佛說大乘菩薩藏正法經卷第一第二 如一

宋西天三藏朝散大夫試光祿卿傳梵大師法護等奉譯

長者賢護品第一之一

如是我聞一時世尊在舍衛國坐夏安居滿三月已出行訪其裁製成辦衣服之者與大苾芻衆千二百五十人俱并餘苾芻如一苾芻尼優婆塞優婆夷國王大臣沙門婆羅門長者及諸外道乃至天龍夜叉乾闥婆阿修羅迦樓羅緊那羅摩睺羅伽等於佛世尊尊重恭敬志誠供養世尊受世供利與世福田所謂

飲食衣服坐卧之具病緣醫藥及餘廣多受用等物以佛世尊名稱善譽殊勝高顯超出世間如來應供正等正覺明行足善逝世間解無上士調御丈夫天人師佛世尊十號具足於天人阿修羅沙門婆羅門若魔若梵一切世間大眾之中以自通力而證聖果隨所遊止宣說正法初善中善後善文義深遠純一無雜圓滿清白梵行之相爾時世尊徐緩而至摩伽陀國次第經行至王舍大城到已止於鷲峯山中是時王舍城中有一長者其

名賢護宿植善本於先佛所廣作佛事具大
財富廣多主宰受用之物積以金銀財穀庫
藏增集摩尼真珠磔磔珊瑚吠瑠璃等及諸
象馬牛羊奴婢侍從并營作人時賢護長者
聞沙門瞿曇從王宮出淨信出家與大苾芻
衆千二百五十人俱經遊摩伽陀國次第至
於王舍大城止其鷲峯山中而彼沙門瞿曇
具足廣大色相功德名稱善譽超出世間成
正覺果如來應供正等正覺明行足善逝世
間解無上士調御丈夫天人師佛世尊隨其

所應宣說正法初善中善後善文義深遠純
一無雜圓滿清白梵行之相長者即作是念
我今宜應詣彼沙門瞿曇之所親近瞻禮彼
佛如來應供正等正覺色相功德斯爲甚善
時賢護長者作是念已即與五百長者俱出
王舍大城詣佛瞻禮爾時世尊如二日初分時著
衣持鉢與苾芻衆恭信圍繞入王舍大城次
第乞食而佛世尊威儀嚴肅履步調寂清淨
光明普照世間進止屈伸端直清淨時賢護
等五百長者遙見世尊徐徐而來威容相好

清淨端嚴諸根調柔意念寂靜勝善調伏如
大龍王復類泉流清淨無滌有無數天人
衆導從圍繞身相巍巍猶紫金色三十二相
八十種好莊嚴具足天雨衆花廣大殊妙其
所雨花周徧稠密復有千俱胝葉七寶蓮花
隨足而蹈世尊具是無數百千威儀功德自
遠而來時諸長者於其路左如是見已於佛
世尊深生淨信以清淨心前詣佛所到佛所
已頭面禮足肅躬恭信住立佛前時賢護等
五百長者俱白佛言世尊瞿曇於大衆中相

好增勝世尊瞿曇於大衆中威德增勝世尊
於大衆中名稱增勝世尊瞿曇於大衆中光
明增勝世尊瞿曇真金色相最上增勝世尊
身相如古金仙世尊身相妙無等等世尊諸
相具希有法世尊瞿曇一切世間無與等者
我見世尊具足如是威相功德以何緣故捨
家出家爾時賢護長者即以偈詞而伸讚歎
如我昔聞佛世尊 名稱吉祥及威德
最上妙相我今觀 殊勝光明具如是
清淨妙好真金相 金色高勝衆所觀

離塵無染處衆中	如衆星中妙月現
我昔歸命人中尊	如須彌山極高勝
猶天妙蓋頂相嚴	周徧次第而普覆
頂骨首髮軟復滑	同彼帝青妙色相
頸相猶如孔雀王	右旋宛轉而柔軟
額廣平正復潔白	雙眉猶如帝釋弓
眉間毫相淨復明	如星中王善照曜
兩目善妙喜愛相	觀者咸生歡悅意
諦觀不起厭足心	頂禮世尊清淨目
我觀人中尊鼻相	隆高脩直如金山

唇如琥珀類頻婆	清淨復如淨珠寶
齒相明淨復潔白	如乳如藕及如鴨
堅牢清淨密復齊	隨所動轉而善愛
大小諸齒密不厚	四牙鋒利而無垢
猶如鵝王處鵝群	光瑩清潔白中白
面如初日淨光照	青優鉢羅及銅色
舌相淨妙而廣長	徧覆面門悉清淨
我於天人梵世中	未嘗見佛妙相好
耳輪猶如師子王	具師子相善無畏
我觀喉相具威德	善納衆味淨光明

正直頸項無曲邪	容儀敦肅而殊妙	最勝吉祥人中尊	七處平滿其所謂	一頸平滿七處同	雙臂修直腹臍圓	無高無下二臂同	上半身如師子王	猶那羅延不壞身	身毛上靡而柔軟
常得味中之上味	七處平滿世所聞	如日光明現峯頂	二手足心及二肩	圓具清淨而明煥	其猶龍王妙清淨	雙垂二臂立過膝	如尼拘陀身圓滿	大力忍力皆具足	彼一一毛皆右旋

塵翳不染淨妙身	陰藏隱覆而復密	雙脰其猶軟草同	足跟平滿跌相稱	復如鵝王指纖長	手指纖長赤銅甲	足下圓具千輻輪	履步平滿無高下	世間最勝妙相圓	世尊行步大無畏
譬彼蓮花不著水	猶如調善妙馬王	雙脰次第而安住	手足皆具網鞞相	手足數周二十指	諸指柔毛而下覆	踝骨不羸而不現	行時離地及四指	按地寶蓮隨足踏	如師子王無高下

不遲不速處中平	遊戲自在無恐懼
諸天雨眾微妙花	空中競奏妙音樂
非人供養啓恭敬	此佛神通希有相
色相超越毗沙門	威光勝踰百千日
天人魔梵諸眾中	悉無如是勝功德
今我內心起疑念 ^如	佛具最上神通力 ^五
復見何等功德門	故佛出家成聖果

爾時世尊告賢護等諸長者言諸長者我見十種諸燒亂法世間合集斯苦甚大何等為十一者生為燒亂二者老為燒亂三者病為

燒亂四者死為燒亂五者憂為燒亂六者悲為燒亂七者苦為燒亂八者煩惱為燒亂九者愁歎為燒亂十者輪迴為燒亂如是十種諸燒亂法世間合集我見是已是我乃淨信出家趣證阿耨多羅三藐三菩提果爾時世尊欲重宣此義而說偈言

諸愚夫異生	輪迴網羈絆	生燒亂愁歎
老病旋逼逐	憂悲故苦惱	死法來吞食
若救度出離	解脫三有網	

復次長者願之一法互相損害世間合集斯

苦甚大損害有十何等為十一者以我心故
 過去已作諸損害事二者生起思念現在今
 作諸損害事三者生起思念未來當作諸損
 害事四者我所愛者生起思念而不已作諸
 損害事五者我所愛者生起思念而不念作
 諸損害事六者我所愛者生起思念而不當
 作諸損害事七者非我愛者生起思念過去
 已作諸損害事八者非我愛者生起思念現
 在今作諸損害事九者非我愛者生起思念
 未來當作諸損害事十者生起思念作無義

利損害過失如是十種諸損害事世間合集
 我見是已為今離彼諸損害故是故我乃淨
 信出家趣證阿耨多羅三藐三菩提果爾時
 世尊重說偈言
 眾生瞋最大 各各互相害 已現當損害
 成十損害事 如二 愛者不生害 已作及當作
 現作亦復然 不成損害法 於我非友愛
 作諸損害事 已現當亦然 生損害罪業
 并無義過失 十損害纏縛 我見損害法
 乃淨信出家

復次長者種種見中諸險惡見世間合集斯
 苦甚大險惡見者有其十種何等為十一者
 於我見中起險惡見二者衆生見中起險惡
 見三者壽者見中起險惡見四者於人見中
 起險惡見五者於斷見中起險惡見六者於
 常見中起險惡見七者無作見中起險惡見
 八者無因見中起險惡見九者不平等見中
 起險惡見十者於邪見中起險惡見如是十
 種諸險惡見我見是已為欲普令破諸見故
 是故我乃淨信出家趣證阿耨多羅三藐三

菩提果爾時世尊重說偈言
 我人衆生見 壽者見亦然 諸愚夫異生
 險惡見所覆 斷常及無作 邪無因不平
 令安立正見 是故我出家 我於阿僧祇
 那度多百千 俱胝劫數中 為衆生利樂
 復次長者有^二大病箭世間合集斯^七苦甚大
 病箭者有其十種何等為十一者愛箭二者
 無明箭三者欲箭四者貪箭五者瞋箭六者
 癡箭七者慢箭八者見箭九者成箭十者壞
 箭如是十種諸大病箭我欲普令悉得拔除

是故我乃淨信出家趣證阿耨多羅三藐三菩提果爾時世尊重說偈言

愛箭故貪積 無智故暗冥 無明癡暗覆

旋趣於佗蘊 欲箭隨射激 貪箭故吞食

瞋箭起昏迷 癡箭都所覆 見箭起違背

慢成壞亦然 諸愚夫異生 乃互相毀訾

此妄此真實 互相興違諍 破世間病箭

唯佛無生法 世間諸衆生 常爲箭所射

爲救護拔除 悉令離諸苦

佛說大乘菩薩藏正法經卷第一

佛說大乘菩薩藏正法經卷第二

宋西天三藏朝散大夫武光祿卿傳梵大師法護等奉詔譯

長者賢護品第一之二

復次長者愛等諸法建立根本世間合集斯苦甚大愛根本法有其十種何等爲十一者以愛緣故而起追求二者追求緣故乃生貪著三者以貪緣故而興我見四者我見緣故計爲決定五者法定緣故乃生欲貪六者欲貪緣故即起計著七者計著緣故而生慳悋八者慳悋緣故而爲執取九者執取緣故即

不防護十者不防護緣而生眾苦以不護故
 執持刀杖鬪戰諍訟由此因故與兩舌等多
 種罪業不善之法如是十種愛根本法世間
 合集我見是已欲令安立無根本法是故我
 乃淨信出家趣證阿耨多羅三藐三菩提果

爾時世尊重說偈言

眾生愛所吞	於此彼追求	得利貪我見
所受為決定	此事我當作	乃欲貪增長
欲貪增長已	計著生慳悋	世間慳過失
堅固而執著	以執故不護	起罪咎相續

愚者以不護 執刀杖損害 廣作諸罪業
 其後苦增長 愛緣增長已 乃生於眾苦
 我證勝菩提 今住無根本
 復次長者邪定聚法世間合集斯苦甚大邪
 法有十何等為十一者邪見二者邪思惟三
 者邪語四者邪業五者邪命六者邪勤七者
 邪念八者邪定九者邪解脫十者邪智如是
 十種邪定聚法世間合集斯苦甚大我見是
 已普令超越一切邪法是故我乃淨信出家
 趣證阿耨多羅三藐三菩提果爾時世尊重

說偈言

邪見所含藏

邪思惟境界

談說邪語言

起作諸邪業

邪命及邪勤

邪念與邪命

起彼邪解脫

一向生邪智

此諸邪定聚

諸愚者安立

令翻邪入正

是故我出家

復次長者惡道深險世間合集斯苦甚大漸

向惡趣增長惡趣廣開惡趣謂不善業有其

十種何等為十一者殺生二者偷盜三者邪

染四者妄言五者綺語六者兩舌七者惡口

八者貪九者瞋十者邪見如是十種不善業

道漸向惡趣增長惡趣廣開惡趣我見是已

為今出離諸險惡道是故我乃淨信出家趣

證阿耨多羅三藐三菩提果爾時世尊重說

偈言

眾生起殺命

侵取他財物

欲邪行徧行

速墮於地獄

兩舌及惡口

妄言無決定

愚者綺飾語

異生煩惱縛

貪心樂作富

瞋起諸過失

邪見破壞多

當墮於惡趣

身有三種罪

語四種應知

意三罪亦然

作者墮惡趣

若造諸罪者

定墮於惡趣

若離此三罪 必不墮惡趣

復次長者煩惱隨煩惱諸雜染垢世間合集
斯苦甚大雜染有十何等為十一者慳悋垢
雜染二者毀戒垢雜染三者瞋恚垢雜染四
者懈怠垢雜染五者散亂垢雜染六者惡慧
垢雜染七者無間垢雜染八者疑惑垢雜染
九者無信解垢雜染十者不尊重垢雜染如
是十種諸雜染法世間合集我見是已普令
安住無雜染法是故我乃淨信出家趣證阿
耨多羅三藐三菩提果爾時世尊重說偈言

世間相續法	十雜染逼迫	著有為雜染
暫時無疲懈	諸愚夫異生	慳悋所染汚
戒學攝衆生	破壞而不具	愚者背忍辱
懈怠劣精進	不能安定心	惡慧而癡鈍
父母及尊長	師尊皆遠離	不見世光明
惡慧起疑念	佛說甚深法	而生於毀謗
癡暗法所覆	聖法不尊重	見雜染法已
不著於有為	無為無染汚	令衆生寂滅
復次長者生死怖畏世間合集斯苦甚大此		
有十種何等為十一者慳之與嫉覆蓋成結		

斯苦甚大二者無明分法常所繫纏斯苦甚
 大三者欲海汎溢斯苦甚大四者欲中艱苦
 支節摧壞斯苦甚大五者親愛纏縛欲箭所
 射斯苦甚大六者忿恨煙塵蓬焮充塞發明
 熾焰斯苦甚大七者貪火燒然斯苦甚大八
 者瞋毒隱覆斯苦甚大九者癡障如刺斯苦
 甚大十者生死曠野險難怖畏纏縛隨逐斯
 苦甚大我見如是十種法已欲令除斷是故
 我乃淨信出家趣證阿耨多羅三藐三菩提
 果爾時世尊總以前義重說偈言

生及壯年老吞食	色相壞為非色相
無念無慧損減門	此法能壞世間相
病能吞食於色力	勢分精進悉摧毀
而復損減於諸根	負劣力而無依怙
死怖其猶羅刹吼	常時隨逐群生類
時來命盡無愛心	壞滅世間諸壽命
老病死法極猛惡	燒亂世間諸眾生
不老不死安樂門	我出家為勤求故
三火燒然於世間	不見世間救護者
我起救護世間心	願灑甘雨息諸火

世間正道皆破壞 無目昏冥復癡暗
願開淨目施眾生 出家顯示於正道
眾生疑惑心所起 乃為諸障所障覆
我願當除惡作心 故出家已宣正法
眾生互相起違背 伺求過失而斷壞
故我出家利世間 普願眾生息瞋恚
世間父母極親愛 眾生慢心不尊重
欲令摧折我慢幢 是故出家為救護
我見眾生貪所覆 由財物緣致墜墮
若能獲得七聖財 當今世間離貧苦

眾生互相起違害 以無義利已資養
決定破壞於自身 是故我今離三有
愚人不了於義利 如是徧滿三界中
我欲利益故出家 當示世間正義法
眾生耽溺於地獄 我見極受諸苦惱
種種惡毒廣無邊 我出家故今解脫
眾生互相起殺害 旋復畜生諸趣中
起悲願故我出家 無依眾生作依怙
我見餓鬼趣眾生 極受飢渴諸苦惱
我證無上大菩提 普施最上甘露食

人中追求為大苦	天中謝滅苦極增
了知三界諸苦深	故我出家為救拔
世間有諸無慚者	為欲迷亂惡眾生
不擇眷屬及尊親	欲染吞食猶猪犬
著欲繫屬於女人	我見眾生為所縛
起無義利憍醉心	故我出家為救護
眾生破壞不自在	恐怖至死不解脫
我出家已得菩提	普令覺悟皆自在
白衣舍中無義利	我見百千種過失
我今轉此諸地方	皆令出離生死際

爾時賢護等五百長者聞佛所說發希有心
咸作是言佛菩提者斯為廣大我等方知佛
為真覺時諸長者異口同音而說偈言

我等五百諸長者	以老怖故來投佛
願說無上勝法門	出離老死苦邊際
世尊圓淨相清淨	已離三有得解脫
救度三有成壞門	離三有舍令自在
離貪解脫無所畏	離塵無垢清淨心
無上善調大導師	開明無上甘露法
無上丈夫住勝相	天人世間無與等

無等等者世間尊	演上中上大悲法
盡諸過失三垢斷	具清淨目離昏冥
塵暗癡網悉蠲除	宣說無邊離塵法
悲愍世間無依怙	三有流中為提拔
悲心中起大慈心	速令出離善安住
憍慢癡惡生死海	病苦違害如潮流
無救沉溺諸衆生	佛悲愍故為救度
佛身清淨如金山	圓具百種勝威光
甘美最上大梵音	妙寶語言宣勝法
諸法自性皆清淨	本來明亮淨亦然

無作作受亦不亡 為無聞者善開示
 無邊名稱所行善 十方無畏自然智
 意等虛空智無邊 善說沙門誓願法
 爾時世尊即起是念此五百長者善根成熟
 我今應當隨其所宜為說正法令此地方轉
 白衣舍成出家相盡諸有漏作證邊際爾時
 世尊即於空中加跌而坐是時五百長者於
 佛世尊深生愛樂淨信尊重種種施作善妙
 親近爾時世尊告五百長者汝諸長者世間
 所有生老病死憂悲苦惱愁歎輪迴如是十

種諸燒亂法汝等各欲求解脫邪又復世間
已作現作及彼當作愛非愛中起無義利如
是十種諸損害事汝等各欲求解脫邪又復
世間種種見中諸險惡見所謂我人衆生壽
者斷常無作無因不平及彼邪見如是十種
諸險惡見汝等各欲求解脫邪又復世間十
大病箭所謂愛無明欲貪瞋癡慢見及成壞
如是十種諸大病箭汝等各欲求解脫邪又
復世間愛根本法所謂愛故追求追求故貪
貪故我見我見故決定決定故欲貪欲貪故

計著計著故慳慳慳慳故執取執取故不防
護不防護故生苦如是十種愛根本法汝等
各欲求解脫邪又復世間邪定聚法所謂邪
見邪思惟邪詔邪業邪命邪勤邪念邪定邪
解脫邪智如是十種邪定聚法汝等各欲求
解脫邪

十一

十四

佛說大乘菩薩藏正法經卷第二

音

蹈 徒到切

鞞 莫切

鞞 覆也

躡 繫也

輓 柔乳切

珠 戶瓦切

口 將移切

合 毀也

臚 丑容切

燒 亂而沼切

忿 怒撫也

充 彌也

臚 市充切

羈 羈居切

羈 羈居切

燿 煙起貌

佛說大乘菩薩藏正法經卷第三第四 如二

宋西天三藏朝散大夫試光祿卿傳梵大師法護等奉詔譯

長者賢護品第一之三

復次長者又復世間十不善業所謂殺生偷盜邪染妄言綺語兩舌惡口貪瞋邪見如是

十種不善業道汝等各欲求解脫邪又復世

間十雜染法所謂慳悋雜染毀戒雜染瞋恚雜染懈怠雜染散亂雜染惡慧雜染無聞雜染疑惑雜染無信解雜染不尊重雜染如是十種雜染之法汝等各欲求解脫邪又復世

間有其十種生死怖畏所謂慳嫉覆蓋無明繫纏欲海汎溢欲中艱苦欲箭所射忿恨煙塞貪火燒然瞋毒隱覆癡障如刺生死曠野險難怖畏如是十種生死怖畏汝等各欲求解脫邪爾時五百長者異口同音前白佛言世尊我等各欲求解脫十種憍亂之法總略而言乃至十種生死怖畏彼彼十法我等各欲悉求解脫爾時世尊告五百長者言汝等各欲求解脫者而彼解脫從何所求諸長者眼不欲解脫何以故眼本無轉亦復無作眼無

所思亦無了知是故應知眼本不從我之建立諸長者耳鼻舌身意本無轉亦復無作意無所思亦無了知是故應知意本不從我之建立諸長者色不欲解脫何以故色無所轉亦復無作色無所思亦無了知是故應知色本不從我之建立聲香味觸法不欲解脫何以故法無所轉亦復無作法無所思亦無了知是故應知法本不從我之建立又復長者色蘊不欲解脫何以故色蘊無轉亦復無作色蘊無思亦無了知是故應知色蘊不從我

之建立受蘊想蘊行蘊識蘊不欲解脫何以故識蘊無轉亦復無作識蘊無思亦無了知是故應知識蘊不從我之建立又復長者地界不欲解脫何以故地界無轉亦復無作地界無思亦無了知是故應知地界不從我之建立水火風空如二識界不欲解脫何以故識界無轉亦無所作識界無思亦無了知是故應知識界不從我之建立諸長者當知一切法皆從虛妄分別所起繫屬於緣無力劣弱從緣而轉若有緣法而彼諸法即可施設緣法

若無諸法亦復無所施設然於一切法所施設中無有少法而可了知亦無少法若生若滅若起若盡復無別法爲斷爲常汝諸長者以是緣故應如是知彼一切法皆從虛妄分別所起繫屬於緣無力劣弱從緣而轉若有緣故而彼諸法即可施設緣法若無諸法亦復無所施設然於一切法所施設中亦無少法而可了知亦無少法若生若滅若起若盡復無別法爲斷爲常汝等當知若有虛妄分別不如理作意即可施設若無虛妄分別不

如理作意無所施設若有不如理作意而彼無明即可施設若無不如理作意無明亦復無所施設無明有故行有施設無明無故行無施設諸行有故識有施設諸行無故識無施設識法有故如二而彼名色三即可施設識法無故名色亦復無所施設名色有故而彼六處即可施設名色無故六處亦復無所施設六處有故觸可施設六處無故觸法亦復無所施設觸法有故受可施設觸法無故受法亦復無所施設受法有故愛可施設受法無故

愛法亦復無所施設愛法有故取可施設愛法無故取法亦復無所施設取法有故有可施設取法無故有法亦復無所施設有法有故生可施設有法無故生法亦復無所施設生法有故而彼老死即可施設生法無故老死亦復無所施設此中應知何名爲老謂狀貌衰變喘息呻吟策杖而行諸根熟異壽命減沒行相朽舊如是所說故名爲老何名爲死謂終歿時至滅所滅相諸蘊離散身墜於地彼衆同分壞謝變異如是所說故名爲死

此是老相此是死相總而言之名爲老死生法有故而彼老死即可施設生法無故老死亦復無所施設何名爲生謂發生徧起出胎成立五蘊起聚六處圓具彼衆同分次第合集如是所說故名爲生有法有故生可施設有法無故生法亦復無所施設何名爲有謂欲有色有無色有此名爲有取法有故有可施設取法無故有法亦復無所施設何名爲取謂欲取見取戒禁取我語取如是所說故名爲取愛法有故取可施設愛法無故取法

亦復無所施設何名爲愛謂色愛聲愛香愛
味愛觸愛法愛如是所說故名爲愛受法有
故愛可施設受法無故愛法亦復無所施設
何名爲受謂眼觸爲緣所生諸受耳觸爲緣
所生諸受鼻觸爲緣所生諸受舌觸爲緣所
生諸受身觸爲緣所生諸受意觸爲緣所生
諸受如是所說故名爲受觸法有故受可施
設觸法無故受法亦復無所施設何名爲觸
謂眼觸耳觸鼻觸舌觸身觸意觸如是所說
故名爲觸六處有故觸可施設六處無故觸

法亦復無所施設何名六處謂眼處耳處鼻
處舌處身處意處如是所說故名六處名色
有故而彼六處即可施設名色無故六處亦
復無所施設何爲名色謂受想行號之爲名
受觸作意及彼四大所造號之爲色總
而言之故曰名色識法有故而彼名色即可
施設識法無故名色亦復無所施設何名爲
識謂眼識耳識鼻識舌識身識意識如是所
說故名爲識行法有故識可施設行法無故
識法亦復無所施設何名爲行謂色徧思聲

徧思香徧思味徧思觸徧思法徧思如是所
說故名爲行無明有故行可施設無明無故
諸行亦復無所施設何名無明謂不知先際
不知後際不知先後際不知內不知外不知
中間不知苦集滅道四聖諦法不知於緣不
知緣生法中若黑若白不知緣與非緣不知
對礙非對礙不知有罪無罪不知所應親近
不應親近於諸法中不知不見不能覺了現
前三昧如是所說故名無明不如理作意有
故而彼無明即可施設不如理作意無故無

明亦復無所施設何名不如理作意謂我於
先佛爲有爲無我於先世已過去耶未過去
耶我於先世爲類何等我於未來世當復何
等爲有爲無未來世中當在何處我於未來
世復類何等於內法中其復云何有我無我
而生疑惑爲有爲無何者是生何者不生若
有所生復類何等由起如是不如理作意故
於其六見及餘見中有所生起即起有我之
見無我之見於我我所中不能平等如理而
觀以不平等如理觀故如是乃有諸見生起

是故有我及有世間即有緣法其緣法者無常無強無力無堅是不究竟變壞之法於不究竟法中計爲正住及正安立此見成已是不故說名不如理作意虛妄分別有故不如理作意即可施設虛妄分別無故不如理作意無所施設何名虛妄分別謂我人衆生壽者補特伽羅儒童意生作者受者此名虛妄愚夫異生無聞之者於我人衆生壽者等中生福計此名分別總而言之故名虛妄分別此虛妄分別有故不如理作意即可施設虛

妄分別無故不如理作意無所施設此虛妄分別及不如理作意有故無明即可施設二法無故無明亦復無所施設無明有故而彼諸行即可施設無明無故諸行亦復無所施設總略而言乃至生法有故而彼老死即可施設生法無故老死亦復無所施設諸長者當知一切法皆是虛妄分別所起繫屬於緣其緣法者無常無強無力無堅從緣而轉緣法有故而彼諸法即可施設緣法無故諸法亦復無所施設然於一切法所施設中亦無

少法而可了知亦無少法若生若滅若起若盡亦無別法爲斷爲常諸長者譬如池中大水流注有諸蟲魚棲止其內於汝意云何而彼諸魚依何力邪長者白佛言世尊依水爲力佛言長者於汝意云何水實有力邪長者白佛言不也世尊不也善逝佛言長者水本無逝佛言長者虛妄分別所起諸法亦復如是無力無堅從緣所轉緣法有故而彼諸法即可施設緣法無故諸法亦復無所施設然於一切法所施設中亦無少法而可了知亦

無少法若生若滅若起若盡復無別法爲斷爲常諸長者而彼緣法若或如理伺察之時實不可信不可信故即生驚怖由驚怖故四向馳走又復諦誠如理伺察云何是此法云何是彼法以伺察故即不見有驚怖馳走又復如理伺察之時即無有法以無法故云何馳走何以故諸長者以一切法無所得故一切心意亦無所得又復諸長者一切法無我以離塵垢故一切法無衆生以離我故一切法無壽者超越一切生老病死憂悲苦惱愁

歎等法故一切法無人三世斷故一切法無
文字一切音聲語言離故一切法本來無塵
無所緣故一切法寂靜近寂相故一切法一
切處通達如虛空自性故一切法依止於空
無決定對現故一切法無動無依止故一切
法安住實際無住無動相應故一切法無言
說離語言波浪故一切法無色相離形顯色
及對礙所行故一切法無等離我相故一切
法無所了知離心意識故一切法無含藏超
越眼之境界道故一切法不可信超越耳鼻

舌身意境界道故

佛說大乘菩薩藏正法經卷第三

佛說大乘菩薩藏正法經卷第四

宋三藏朝散大夫試光祿卿光祿大師惟淨等奉詔譯

長者賢護品第一之四

復次佛告諸長者言一切法無觀無不觀何
以故離生住滅故一切法無轉無作離心意

識故一切法繫屬於緣自性無力故又諸長者眼者四大所造無常無強而不究竟無堅無力速朽之法斯不可信多苦多惱衆病所集是故諸長者眼無依止亦無造作耳鼻舌身意亦復如是四大所造無常無強而不究竟無堅無力速朽之法斯不可信多苦多惱衆病所集是故諸長者意無依止亦無造作諸長者是等諸法應如是學此眼如聚沫不可撮摩眼如浮泡不得久立眼如陽焰從業煩惱渴愛所生眼如芭蕉自體無實眼如幻

化從顛倒起眼如夢寐爲虛妄見眼如其響繫屬於緣眼如影像由業對現眼如浮雲刹那離相眼如電光須臾變滅此眼無主爲如地此眼無我爲如水此眼無衆生爲如火此眼無量爲如風此眼無人猶如虛空此眼不實四大爲家此眼性空離我我所此眼無知如草木瓦礫此眼無作風力所轉此眼爲空不淨充滿此眼虛偽雖復治事營飾終歸散滅此眼如丘井爲老所逼此眼畢竟無邊際處後當歸死諸長者汝等當知眼既如是耳

鼻舌身意其義亦然總略乃至彼一切法應如是知諸愚夫異生於彼一切所欲法中生愛著謂眼耳鼻舌身意色聲香味觸法又復於彼色蘊受蘊想蘊行蘊識蘊眼界色界眼識界乃至眼界法界意識界地界水界火界風界空界識界如二此等法中所欲愛著乃至一切有爲無爲名相法中所欲愛著是故諸長者汝等當於所欲法中勿生愛著謂妻子舍宅財寶等法勿生貪取當發淨信捨家出家得出家已不生樂欲無樂欲故圓具淨戒

修持清淨波羅提木叉之法圓滿潔白法式儀範乃至小罪猶懷大懼諸長者如是學即得戒蘊具足戒具足故耳鼻舌身意色聲香味觸法而無所取色蘊受蘊想蘊行蘊識蘊而無所取眼界色界眼識界乃至眼界法界意識界而無所取地界水界火界風界空界識界而無所取總略而言彼一切法都無所取以無取故即無減失何法無減失謂眼耳鼻舌身意色聲香味觸法無減失色蘊受蘊想蘊行蘊識蘊無減失眼界色界眼識界乃

至意界法界意識界無減失地界水界火界
風界空界識界無減失此等諸法若無減失
即無染汚無染汚故即速得輕安何法輕安
謂無所見若無所見即一切所向無有少法
而作障礙若無障礙即自無所害他無所害
自他無所害由無害故心無所壞即能趣入
彼無餘依清淨涅槃又諸長者所言入者何
所入邪謂非眼所入非耳鼻舌身意所入又
諸長者若執眼從緣成此即著我我所離於
涅槃云何離涅槃謂貪故離涅槃瞋故離涅

槃癡故離涅槃無智故離涅槃諸長者無智
者不離過去不離未來不離現在決定無智
所生何名為智所謂盡智何名盡智謂即過
去無盡智未來無盡智現在無盡智緣法無
智離智所生彼無智離智即眼從緣離智所
生眼者無我若無我即無取若無取即無捨
若無捨即解脫云何解脫謂我執解脫衆生
執解脫壽者執解脫人執解脫斷常執解脫
一切執解脫分別執解脫彼無分別已即無
能分別所分別法無分別亦不離分別云何

無分別謂我我所俱無分別若我無分別即無取捨若無取捨即所入解脫若法離繫若法非離繫皆得出離何所離邪謂離一切苦諸長者當求如是出離之法然於是中無法可取何以故若有所取即生怖畏爾時世尊欲重宣明如是等義說伽陀曰

以取法故即生怖 由怖當墮惡趣中
若見如是怖起因 識法有故而生取
若能如理觀正道 慧光明見破諸暗
見故即得勝慧明 當知異性無所得

永樂北藏

大乘菩薩藏正法經

第七一册

應當審觀諸空處 運動虛假而不實
此中勿作安樂門 渴愛虛誑世間故
如實了知於空法 知諸法空皆無實
我得安樂離憂門 亦得無動最上樂
若能如是正了知 即知一切法皆空
由斯解脫諸苦因 是故諍訟無所立
因諸所欲生執著 執故而生諸煩惱
執者即是取之名 因取故生於三有
有故有生即輪轉 三有止息即不生
老病死法亦隨無 畢竟不受無常苦

當知無欲即無取	以無取故無三有
有苦止息即無生	老病死苦皆不受
是故汝等諸長者	同發捨離取著心
棄諸眷屬所愛因	速當圓具苾芻相
知識財利諸所欲	應當互生於喜足
隨處謙恭起下心	所向為他增善利
勿起意謂自守戒	勿觀佗為破戒者
於其戒相持犯中	勿非毀佗為犯者
譬如野鹿投繩網	當知彼為自損害
魔索縛心害亦然	毀他生害亦如是

愚人生諸損害意	自讚毀佗深為咎
毀戒尚息於謗言	何況梵行持戒者
具學仙眾勇智者	常修遠離寂靜行
棄捨身命無愛心	勤求解脫寂靜法
諸外道輩及典章	無利根本皆遠離
愛樂甚深正法門	彼法宣說真空理
心根本處此當知	所謂內外十二處
從彼生起諸業因	業久住處謂思法
眼根色境二種緣	眼識生緣為三事
若不和合破散時	如無薪火義如是

如是所生一切法	互相和合故有生
作者受者二俱無	正道常現諸所作
內外諸法所成身	是中應知我空法
愚人顛倒執著心	於我我所不知故
眼內無法而可有	於外亦復無所得
無我無作壽者無	應知諸法亦如是
非眼徧思欲解脫	耳鼻舌身意亦然
色等無轉無作門	當觀諸法亦如是
如大海水起聚時	暫生泡沫而無實
諦觀眼等亦復然	無堅無力如泡沫

五蘊自性假和合 如彼聚沫無堅力
 解脫一切憊惱門 及彼生老等憂惱
 沒於我教出家已 了知一切法如幻
 不虛受彼信施心 復能普供十方佛
 爾時五百長者聞佛宣說甚深正法即於如
 是中路方處遠塵離垢得法眼淨譬如白衣
 不雜塵黑易受染色此五百長者於是方處
 遠離塵垢法眼清淨亦復如是爾時世尊復
 爲五百長者宣說法要示教利喜佛言諸長
 者眼極熾焰云何熾焰謂貪火瞋火癡火熾

焰生老病死憂悲苦惱等火熾焰我說此法
自受苦惱耳鼻舌身意熾焰亦然云何熾焰
謂貪火瞋火癡火熾焰生老病死憂悲苦惱
等火熾焰我說此法自受苦惱色塵熾焰云
何熾焰謂貪火瞋火癡火熾焰聲香味觸法
塵諸火熾焰亦復如是又諸長者色蘊熾焰
云何熾焰謂貪火瞋火癡火熾焰受蘊想蘊
行蘊識蘊諸火熾焰亦復如是十八界法其
義亦然又諸長者地界熾焰謂貪火瞋火癡
火熾焰水界火界風界空界識界熾焰亦復

如是謂貪火瞋火癡火熾焰生老病死憂悲
苦惱熾焰亦然我說此法自受苦惱復次長
者眼無所取應如是學耳鼻舌身意亦無所
取色無所取聲香味觸法亦無所取應如是
學又諸長者色蘊無所取受蘊想蘊行蘊識
蘊及十八界皆無所取應如是學又諸長者
地界無所取水界火界風界空界識界亦無
所取應如是學又諸長者此界無所取佗界
無所取應如是學復次諸長者若眼耳鼻舌
身意無所取故即無依止色聲香味觸法無

所取故即於諸處中得無依止又諸長者色
 蘊受蘊想蘊行蘊識蘊及十八界無所取故
 即於蘊中得無依止又諸長者地界水界火
 界風界空界識界無所取故即於六界中得
 無依止又諸長者此界他界無所取故即於
 一切世界之中得無依止又諸長者若一切
 法無所取故即於一切法中得無依止諸長
 者一切法無所得亦非無得若能了知無得
 非無得即能解脫生老病死憂悲苦惱我說
 此為解脫諸苦爾時世尊欲重宣明如是等

義說伽陀曰

此諸世間極熾焰	死生二火鎮燒然
無救媿惱諸愚夫	唯聖道法常不滅
何法世間作光明	有佛如來今出現
刹那善觀正道門	發起精進常堅固
當觀諸法無依止	慧光明見破諸暗
見故即得勝慧明	應知異性無所得
若能觀察無依止	了知一切法皆空
如是了知空法門	菩提心空無所有
當知貪瞋癡等法	此三熾焰極猛惡

世間壽命普燒然 又處睡眠愚不覺

所有生老及病死 憂悲苦惱常逼迫

當知燒惱諸世間 彼一切法無依止

爾時五百長者聞佛所說如是正法心開意

解前白佛言世尊我等今者快得善利於佛

法中淨信出家復於佛所圓具淨戒爾時佛

言善來諸苾芻即時諸長者鬚髮自落袈裟

著身成苾芻相爾時世尊說伽陀曰

汝等受持袈裟衣 鬚髮自落皆清淨

執持應器善相圓 一切皆成阿羅漢

既證果已依師法 各說清淨唄陀南

於諸天人大眾前 圓滿清淨苾芻相

往昔曾於諸佛所 皆修廣大布施行

一呼善來歡喜生 處處廣修諸善法

今得見我出世間 發清淨心復增勝

由彼增勝清淨心 聽說最上清淨法

聞佛語已證聖果 遠離我見諸執著

現前空法悟圓成 我生已盡皆解脫

佛說大乘菩薩藏正法經卷第四

音釋

喘尺克切疾息也撮七活切撮取也礫郎狄切小石也唵陀南梵語
也此云自說也烏波切

永樂北藏

大乘菩薩藏正法經

第七一册

永樂北藏

大乘菩薩藏正法經

第七一册

佛說大乘菩薩藏正法經卷第五 睇六 如三

宋三藏朝散大夫試光祿卿光祿大師惟淨等奉詔譯

無怖夜又品第二

爾時世尊於其中路化度五百長者已即於是處安然詳審將入王舍大城爾時王舍大城諸賢聖中有大夜又名曰無怖即作是念如三值佛世尊斯極難得我今應以勝妙飲食奉
上世尊時無怖夜又以色香味觸清淨具足上妙飲食恭奉世尊爾時世尊為悲愍彼無怖夜又故受所施食佛受食訖即時空中

有六萬八千諸夜又眾作是讚言善哉善哉隨意讚聲徧聞空界時無怖夜又告自會中諸夜又眾言我已持奉如來清淨上妙飲食汝等諸眾宜應奉施諸苾芻眾清淨飲食當令汝等施長夜中利益安樂時諸夜又即皆奉施諸苾芻眾最上飲食時苾芻眾為悲愍故悉受其食爾時世尊及苾芻眾受其食已漸次進詣王舍大城是時即有無數千天眾無數千龍眾夜又眾乾闥婆眾阿修羅眾迦樓羅眾緊那羅眾摩睺羅伽眾人眾非人眾

及彼無數百千俱胝那庾多諸衆生衆咸悉
圍繞隨從世尊爾時世尊未至王舍大城先
詣一處廣大地方到已敷設勝妙之座佛處
其座時無怖夜叉即以天妙曼陀羅花優鉢
羅花鉢訥摩花俱母陀花奔拏利迦花及彼
天妙旃檀香末散於佛上而伸供養普散徧
散周廣而散散已合掌住立佛前爾時世尊
知無怖夜叉及諸夜叉衆深心清淨已即時
放大殊妙光明法爾已來諸佛世尊所放光
明具無數色及種種色從口門出所謂青黃

赤白紅紫碧綠光明普照無邊世界映蔽日
月威光不現其光照耀下至地獄上至梵世
光明旋還至於佛所右繞七匝而彼光明從
佛頂隱或從肩隱或從膝隱法爾已來諸佛
世尊若爲地獄衆生授記光即從佛雙足而
隱若爲傍生授記光從背隱若爲餓鬼衆生
授記光從前隱若爲人趣授記光從左隱若
爲天趣授記光從右隱若爲聲聞授記光從
膝隱若爲緣覺授記光從肩隱若諸佛世尊
爲諸菩薩授阿耨多羅三藐三菩提記光從

頂隱爾時尊者阿難見佛世尊所放廣大淨
光明已偏袒右肩右膝著地合掌向佛說伽
陀曰

世尊今日以何因 放光明普照耀
廣作利益諸世間 現斯光相何所為
何人今日獲聖種 聞佛菩提廣大因
何人授記在今時 何人安住解脫果
大智放光非無因 為調伏故現光相
所放光相作開明 牟尼聖尊光何現
爾時世尊說伽陀曰

有一夜又名無怖 信向佛故施飲食
彼發最上清淨心 故我今時現光相
而是夜又此界滅 即當往生忉利天
於彼天中壽終時 後當生於夜摩天
夜摩滅已生兜率 以欲塵故造染業
還復墮生於人間 當得為王具神力
作轉輪王人中主 統四大洲而自在
人間滅已復得生 彼梵世中受勝報
後經二十俱胝劫 常為一切所恭信
於彼天上及人間 數數往來受諸樂

其後棄捨於王位	淨信捨家而出家
於彼緣覺妙菩提	如是畢竟當獲得
經於三十千生中	而數滅彼夜叉身
後復還生忉利天	恭敬於佛作佛事
彌勒尊佛當見已	而彼夜叉即獲得
阿羅漢果證圓成	隨佛大師仰供養
後滿一千夜叉生	安立無上大菩提
以彼彼生不善根	永不復墮諸惡趣
或復值過於千佛	尊重恭敬人中尊
為求無上大菩提	利益一切衆生故

或二三千夜叉生	以華鬘等作供養
為佛菩提最上因	千俱胝生供養佛
次復清淨觀已身	後復尊敬佛菩提
夜叉有子名大山	受夜叉身具神力
大山夜叉發淨心	願我當得成佛果
後常恭敬佛世尊	於一切處發洪願
今見我已仰供養	發起最勝菩提心
即當以此衆善根	永離三塗諸惡趣
當見彌勒尊佛已	施佛俱胝妙寶蓋
施寶蓋已復淨心	施佛俱胝妙衣服

如是廣大供施已	然後發心求出家
五百歲中起精勤	清淨修持於梵行
為求無上大菩提	利益一切眾生故
彼於如是勝上緣	普修布施持戒行
如彼殞伽沙數量	若干劫中廣修行
若干劫數我所知	如所知見而宣說
此後修行經劫數	非我所知不可說
如先所說譬喻中	殞伽河沙數等量
彼見若干佛世尊	於彼彼佛咸尊敬
奇哉勝智大智者	即彼大心無有上

廣伸供養於諸佛	普利眾生數莫知
後當成佛大聖尊	一切世間無有上
大山夜叉當成佛	名稱醫王於佛號
七十俱胝歲數中	廣為眾生宣正法
名稱醫王佛會中	二十俱胝大眾會
而彼眾會所發心	一切當修布施行
其後復增苾芻眾	數滿二十一俱胝
於彼廣多眾會中	具有無量聲聞眾
彼會所有聲聞眾	而悉趣向大菩提
彼佛利益諸眾生	化事周圓當入滅

彼時正法住於世	當滿百千歲數中
五百劫中得具圓	有佛及彼苾芻眾
其後或復經一劫	或復經彼一千劫
智者出現化世間	使令親近於佛法
說彼極善樂欲意	深固多聞為最上
不深固心悉滅除	常當深固善觀察
宣說諸有多聞者	彼能增長於勝慧
四根本法正義門	為諸菩薩所歸向
所謂施戒聞捨等	於菩薩道極賢善
宣說菩提正道門	最勝乘中而無上

其有宣說聲聞道 除斷疑網復賢善
 廣為相益諸眾生 我放光明普照耀
 佛出世為大光明 當知最上極難得
 宣說世深妙法門 普利一切世間故
 爾時大山夜叉即作是念世尊今時往詣王
 舍大城鷲峯山中我今宜應於世尊所少植
 善根即時告語彼自會中夜叉眾言諸仁者
 汝等當知世尊將詣王舍大城鷲峯山中汝
 等宜應發勤勇心各隨力能為佛世尊作供
 養事時大山夜叉言已即與自會眷屬從王

舍大城乃至鷲峯山中所經道路皆悉除去
土石砂礫如淨圓鏡於道路中以淨香水周
巾徧洒復以妙衣於其道中相續布設復於
道中處處安施等人分量諸殊妙花幢幡寶
蓋種種莊嚴置殊妙塗香寶瓶及諸妙香寶
繩交絡垂諸花纓以為嚴飾復於空中奏妙
音樂又復敷置盡一箭道優鉢羅花俱母陀
花奔拏利迦花等復有異鳥翔鳴道中金繩
交絡有七寶網及以金網彌覆其上爾時大
山夜叉於其道中廣莊嚴已即自化身并其

衆會身喜心喜清淨悅意發歡喜心極純善
心柔軟心清淨心無障礙心悅樂心向佛心
向法心向僧心菩提無動心無恐懼心無等
等心一切三界最勝心慈愍一切衆生心悲
心喜心捨心成諸佛法大器之心六真實心堅
固心不破壞心六三增勝心於聲聞緣覺地中生
棄捨心於菩薩地中起成辨心發如是等清
淨之心來詣佛所到已頭面頂禮佛足右繞
三匝住立一面合掌向佛說伽陀曰
我今爲佛廣施設 最上最勝諸供養

願我當得佛聖尊	宣說最上微妙法
願我當圓於十力	歡喜善住四無畏
廣大利益諸衆生	如佛世尊諸所作
具三十二勝妙相	八十種好衆莊嚴
當作世間大光明	如佛世尊普照耀
轉彼清淨妙法輪	十二行相而最上
宣說甘露正法門	普爲衆生作利益
廣現神通變化事	如佛世尊現亦然
善作利益諸群生	乃至無數俱胝衆
世尊出現大光明	如大龍王無所畏

如是正道廣宣揚	開覺菩提而無上
爲舍亦復爲歸救	爲趣攝化諸衆生
願我當得亦復然	利益生事皆圓滿
五趣所生諸群品	願我當爲作主宰
悉令解脫諸苦因	如佛世尊所解脫
爲二足尊 <small>如三</small> 作供養	無邊威德 <small>七</small> 光明照
天主龍及阿修羅	普供世間無等比
我作最上勝事業	願我當如大法主
三十二種勝相圓	天上人間爲最上
爾時世尊爲大山夜叉說伽陀曰	

如佛世尊所說教	修作無上正法因
衆生當得勝法門	無上菩提不難得
世間光明大聖主	作供養已佛光照
諸天龍神人衆中	所應受彼諸供養
成證無上大菩提	安坐樹王衆集會
摧伏大惡諸魔軍	廣爲衆生宣正法
爾時世尊即與無數百千天龍夜叉乾闥婆	
阿修羅迦樓羅緊那羅摩睺羅伽人非人等	
并餘無數百千俱胝那庾多諸衆生類恭敬	
圍繞而佛世尊具大威德有大神力起大變	

化廣大施作放大威光振動刹土雨大蓮花
 鼓百千衆殊妙音樂有妙蓮花大若車輪隨
 足而蹈世尊從彼大山夜叉妙巧施作莊嚴
 道路往詣鷲峯山中世尊到已即告尊者阿
 難言汝可爲佛施設殊妙之座所謂法座最
 上之座三界勝座及妙寶座如來登其座已
 攝受一切衆生稱揚演說彼菩薩藏甚深正
 法成辦一切菩薩勝行除去一切衆生諸有
 疑惑開明正慧斷諸疑網如來說此甚深經
 典廣爲悲愍利益安樂天人世間一切衆生

永樂北藏

大乘菩薩藏正法經

第七一册

爾時尊者阿難受佛勅已乃為如來施設勝座是時即有六十八俱胝天眾各各為佛施設寶座而為獻奉請佛如來登斯座已即於佛前異口同音說伽陀曰

我今為佛廣敷設	殊妙寶座及妙衣
願佛悲愍諸天人	如其所應登寶座
若佛如來登座已	宣說正法趣彼岸
六種振動於世間	一切皆生大歡喜
佛光普照諸大眾	煖明佛刹及山王
普得見佛大聖尊	開生清淨諸法欲

所有天龍及人眾	八部一切諸品類
互相得見彼彼身	是中一切無障礙
所有俱胝那庾多	百千天人大眾等
各得見佛大聖尊	宣說難得妙法句
是時頻婆娑羅王	與諸臣佐并眷屬
剎那來至佛會中	親近聖尊為聽法
佛知眾座悉已定	普徧四方善觀察
一切眾會及天人	廣徧四生作利益
世尊普告諸大眾	疑者當問二足尊
隨諸所問我開明	普令除斷諸疑惑

爾時三千大千世界一切衆生及天人世間諸衆等咸悉恭敬瞻仰世尊起清淨心屏息外聞專注聽受如來宣說甚深正法爾時世尊即告尊者大目乾連言汝勿就座應當觀彼諸苾芻衆其有未來赴斯會者汝今往彼雪山南面大迦葉所召來赴會時尊者大目乾連受佛勅已即運神力往詣雪山南面大迦葉所到已白言尊者當知世尊如來今在鷲峯山中與沙門婆羅門人天大衆集會說法佛遣我來呼召尊者唯願尊者如佛教命

往赴佛會無令互得隱法之罪爾時尊者大迦葉謂尊者大目乾連言汝宜先往我即隨當往詣佛所是時尊者大迦葉即於座中運自所有神通化用四衆圍繞於剎那間即到鷲峯山中佛世尊所到已頭面頂禮佛足去佛不遠於一面坐時尊者大目乾連以神通力旋至佛所見尊者大迦葉先至佛會在一面坐見已白言尊者大迦葉神力具足先至佛會其何速耶尊者大迦葉即謂大目乾連言如佛說汝神通第一何故今時徐緩如是

佛說大乘菩薩藏正法經卷第五

佛說大乘菩薩藏正法經卷第六

宋三藏朝散大夫試光祿卿光祿大師惟淨等奉詔譯

菩薩觀察品第三之一

爾時尊者舍利子即從座起偏袒右肩右膝著地合掌向佛而白佛言世尊我有少疑欲

當請問惟願如來應供正等正覺善為宣說若佛世尊聽許所請我即當問佛言舍利子恣汝所問如來應供正等正覺隨有問者即當為說使其皆得開釋疑心爾時尊者舍利子即白佛言世尊菩薩摩訶薩成就幾法即得身業無諸過失三語業無諸過失十意業無諸過失身業清淨語業清淨意業清淨身業無動語業無動意業無動天魔外道力不能制然後深發一切智心地位諸善次第得成能為一切衆生作所歸向作光明炬作大河流

作大橋梁作大船筏濟渡一切到於彼岸為
舍為救為歸為趣於一切智心而無動轉爾
時尊者舍利子為欲稱揚如是義故以偈問
佛

以何義故勇智者 而能安住大菩提
宣揚功德妙法門 成證無上菩提果
諸勇智者何所行 利益一切諸群品
又復觀察何法門 而能成佛無上道
復以何法降魔眾 安處菩提大道場
振動俱胝刹土中 圓證菩提勝妙果

以何義故名菩薩 如是之句復云何
此中願說菩提門 一切佛法中最上
於諸世間何所行 而能廣利諸眾生
離諸染著如蓮花 解脫俱胝諸群品
云何應受彼供養 諸天諸龍及智者
乃至一切人非人 如三 今問斯義願宣說 十一
爾時世尊告尊者舍利子言舍利子汝今當
知菩薩若能成就一法於一處於多處普能
攝受無量佛法何者一法所謂發起深固大
菩提心此即是為菩薩成就一法於一處於

多處普能攝受無量佛法舍利子白佛言世尊云何名深固云何名菩提心佛告舍利子言深固者即是真實不破壞故堅固無動即無退屈故無退屈即善安住故善安住即無退轉故無退轉即善觀察衆生故善觀察衆生即大悲根本故大悲根本即廣大心故廣大心即善知成熟衆生法式故善知成熟衆生法式即自在妙樂故自在妙樂即無種類故無種類即無愛著故無愛著即攝受衆生故攝受衆生即善能觀察劣弱衆生故善能

觀察劣弱衆生即爲救爲歸不起恚心故不起恚心即善觀視故善觀視即無所得故無所得即善意樂故善意樂即無所有故無所有即善清淨故善清淨即自潔白故自潔白即內無垢故內無垢即外清淨故舍利子此如是等從真實不破壞至內無垢外清淨斯諸法門乃名深固又舍利子菩提心者謂即彼心無諸過失一切煩惱不能隨逐彼心不樂餘乘彼心堅固不爲一切邪外語言之所壞亂彼心不破一切魔衆而不能動彼心決

定長養一切善根本行彼心不動愛樂佛法
故彼心善住登菩薩地故彼心無上無對治
故彼心如金剛一切佛法善決擇故彼心平
等無高下故彼心於一切眾生意樂清淨自
性無染故彼心無垢慧光照故彼心廣大容
受一切眾如三生故彼心無染如虛空一故彼心無
障礙觀無礙智故彼心於一切處隨應了知
大悲無斷故彼心現證清淨稱讚故彼心成
就一切智種子圓滿一切佛法故彼心安住
普施一切樂事誓願最勝故彼心圓具淨戒

無缺犯故彼心修持忍辱離諸恚故彼心精
進不懈怠故彼心禪定近寂靜故彼心無害
具慧行故又復彼心是真實根本成就如來
戒蘊定蘊慧蘊解脫蘊解脫知見蘊彼心是
真實根本圓滿如來十力四無所畏十八不
共法故又舍利子菩提所成之心名菩提心
而此薩埵求菩提心深固具足是故得名菩
提薩埵此亦說名廣大眾上最上眾上三界
最勝眾上此即身業無諸過失語業無諸過
失意業無諸過失身業清淨語業清淨意業

清淨身業無動語業無動意業無動不爲一切天魔外道而能動轉深發一切智心地位諸善次第當得一切世法不能染汚能爲一切衆生善作調伏作徧調伏作所歸向作光明炬作大河流作大橋梁作大船筏濟渡一切到於彼岸爲舍爲救爲歸爲趣深發一切智心不爲天魔外道之所轉動此菩薩於阿耨多羅三藐三菩提心淨信深固廣多清淨樂見諸聖樂聞深法心無慳惜廣行捨常樂出離心無障礙於一切衆生無雜亂心無

退墮心無流散心有業有報淨信無疑諸所施作悉離疑惑於善惡法不壞果報此如是等善了知己於身命緣不造罪業遠離殺生偷盜邪染妄言綺語兩舌惡口貪瞋邪見如是十不善業皆悉斷除十善之業常所修集淨信諦理於沙門婆羅門中常修正道具戒清淨廣多聽受一切善法隨已勤行深固作意而善調伏徧寂近寂離諸諍訟無非愛語心意純善無不善意勤行善法離不善法無高無下亦不輕動離諸譴毀安住正念妙等

引心斷三有縛拔除毒箭去諸重擔樂住寂靜度諸疑悔不受後有常於諸佛世尊菩薩摩訶薩及沙門婆羅門所親近恭敬隨順奉事無相違背而常不離諸善知識攝受正法宣正法門示教利喜謂布施大富持戒生天多聞大慧修習相應如是宣說此是布施得布施果此是慳慳得慳慳果此是持戒得持戒果此是犯戒得犯戒果此是忍辱得忍辱果此是瞋恚得瞋恚果此是精進得精進果此是懈怠得懈怠果此是禪定得禪定果此

是散亂得散亂果此是智慧得智慧果此是愚癡得愚癡果此身善所行得身善所行果此身惡所行得身惡所行果此語善所行得語善所行果此語惡所行得語惡所行果此意善所行得意善所行果此意惡所行得意惡所行果此是善此是不善此所應作此不應作此所施作於長夜中利益安樂一切眾生此如是等於善知識所宣說正法示教利喜知是大法器者即當宣說甚深法門謂空解脫門無相解脫門無願解脫門無造無作

無生無起無我無人無衆生無壽者及說甚深緣生之法所謂有法有故有生即無明緣行行緣識識緣名色名色緣六處六處緣觸觸緣受受緣愛愛緣取取緣有有緣生生緣老死憂悲苦惱如是即一大苦蘊集以不有故即無所生無生即滅謂無明滅即行滅行滅即識滅識滅即名色滅名色滅即六處滅六處滅即觸滅觸滅即受滅受滅即愛滅愛滅即取滅取滅即有滅有滅即生滅生滅即老死憂悲苦惱滅如是即一大苦蘊滅然於

是中無有少法若生若滅而實可得何以故一切法緣生故無主宰無作者無受者因緣所轉是故此中無法可轉亦非無轉亦非隨轉無實所生三界施設從煩惱轉從苦所轉故有施設一切皆是無實所生若於此中如實觀察即無有少法而爲作者若無作者即無所作於勝義諦中都無所得如是所說無法可轉亦非無轉菩薩摩訶薩於如是等甚深之法聞已信解不生疑悔入一切法無礙智門是故不著色受想行識不著眼耳鼻舌

身意色聲香味觸法不著眼界色界眼識界乃至意界法界意識界如是信解一切法自性皆空舍利子菩薩若住如是信解即不減失常見諸佛亦不減失常聞正法復不減失常承事衆世所生不離見佛不離聞法不離承事清淨之衆現前值遇諸佛出世在所生發大精進勤求善法所發精進不爲無義利事謂舍宅居止無義利事妻子眷屬財寶受用及奴婢等無義利事又餘一切欲樂遊戲取著過失無義利事善能棄捨於佛如

來正法之中淨信出家以彼清淨出家心故近善知識而常不懈思惟善法得善意樂所聞善法真實修行不著文字所成勝慧深心具是樂法無厭勤求多聞如所聞法爲佗廣說其愛著心不爲憐求名聞利養爲佗說法不背自語爲佗廣說如所聞法起大慈心不越一切衆生大悲之心爲多聞故不惜身命少欲喜足樂寂靜處離諸憤鬧善能資養隨所聞法善觀察義攝受正義不著於文隨所攝受於一切世間天人阿修羅衆中不獨行

於自利益事但為勤求無上大乘利樂一切
衆生所謂佛智無等等智一切三界最勝智
於佗所作而不放逸

佛說大乘菩薩藏正法經卷第六

如三

十六

音釋

訥奴骨切鬢莫班切煖呼玩切憤鬧憤古對切
教切不靜也

佛說大乘菩薩藏正法經卷第七第八 如

宋西天三藏朝散大夫試光祿卿傳梵大師法護等奉詔譯

菩薩觀察品第三之

復次佛告舍利子言之何名為不放逸法所謂常當攝護諸根云不若為攝護諸根謂眼見色已不執其相亦復不執隨形妙好亦不愛著色等諸味如實了知出離之法如是耳聞其聲鼻嗅其香舌了其味身覺其觸意知其法皆不執相亦復不執隨形妙好亦不愛著諸法等味如實了知出離之法如是所說

名不放逸又舍利子不放逸者謂自調心已善護作心去除煩惱現證法樂無所伺察欲尋賾尋害尋無所伺察貪不善根瞋不善根癡不善根無所伺察身業惡行語業惡行意業惡行無所伺察不深固作意無所伺察總略乃至一切罪業不善諸法皆無伺察如是所說名不放逸又舍利子不放逸菩薩深固作意勤行相應若法是有如實知有若法は無如實知無云何是有云何是無所謂王道勤行能生信解即有邪道勤行能生信解即

無諸業有報即有諸業無報即無眼即是有
彼眼實性即無耳鼻舌身意即是有耳鼻舌
身意實性即無色是無常是苦是不究竟是
不堅牢是散壞法即有計色是常是樂是究
竟是堅牢是不散壞法即無受想行識是無
常是苦是不究竟是不堅牢是散壞法即有
計受想行識是常是樂是究竟是堅牢是不
散壞法即無
復次無明緣行等諸法中不實無明緣行乃
至生緣老死即有定實無明緣行乃至生緣

老死即無行布施者能感大富即有行布施
者返招貧匱即無持戒生天即有破戒生天
即無多聞大慧即有愚癡大慧即無修習相
應即有修習不相應即無深固作意相應即
有不深固作意相應即無發勤精進菩薩得
菩提果即有懈怠菩薩得菩提果即無增
上慢人作出家事即有增上慢人證涅槃即
無於一切處通達空性即有計執我人眾生
壽者即無復次舍利子是故當知不放逸菩
薩能深固作意勤行相應即普徧世間有諸

智者廣為開示普徧世間若無智者即不能
開示於世俗諦不知其有不知其無何能隨
順諸佛世尊所說實義舍利子諸佛如來總
略以其四種法印攝一切法何等為四一者
諸行無常二者諸行是苦三者諸法無我四
者涅槃寂靜而一切眾生於諸行無常中計
有常想若諸眾生斷除常想此即是為如來
所說又諸眾生於諸行苦中計為樂想若諸
眾生斷除樂想此即是為如來所說又諸眾
生於一切法無我中計為我想若諸眾生斷

除我想此即是為如來所說又諸眾生於涅
槃寂靜理中起有所得顛倒之心若諸眾生
斷除有所得顛倒心者此即是為如來所說
又舍利子若能了知諸行無常即能解入空
無常性若能了知諸行是苦即能離諸願求
若能了知諸法無我即能觀想空^二三摩地解
脫法門若能了知涅槃寂靜即能於諸相中
有所修作亦不非時取證實際舍利子如是
等法若諸菩薩勤行相應即不減失一切善
法速能圓滿一切佛法

如來不思議品第四之一

爾時佛告舍利子言信心住菩薩於佛如來應供正等正覺十種不思議法中信解清淨超越分別離諸疑悔後復生起身喜心喜適悅之相發希有想何等為十一者於佛如來最勝身相不可思議信解清淨乃至適悅之相發希有想二者於佛如來妙好音聲不可思議信解清淨乃至發希有想三者於佛如來最上大智不可思議信解清淨乃至發希有想四者於佛如來微妙光明不可思議信

解清淨乃至發希有想五者於佛如來圓滿戒定不可思議信解清淨乃至發希有想六者於佛如來廣大神足不可思議信解清淨乃至發希有想七者於佛如來十種智力不可思議信解清淨乃至發希有想八者於佛如來四無所畏不可思議信解清淨乃至發希有想九者於佛如來大悲之心不可思議信解清淨乃至發希有想十者於佛如來不共佛法不可思議信解清淨乃至發希有想如是十種如來應供正等正覺不可思議希

有之法住信菩薩精進勤求不怖不懈心無
動轉乃至身肉皮骨筋脉骨髓乾枯焦瘁若
未能得如來十種不思議法於其中間不生
疲倦精進勤求必當獲得舍利子住信菩薩
於佛如來如是十種不思議法應當如是信
解清淨乃至發希有想爾時世尊重明斯義
說伽陀曰

如來身相不思議 應觀微妙淨法身
無相亦無對礙門 菩薩能生於信解
乃至諸趣廣分別 音聲惟佛不思議

於一切處實法門 應當信解佛境界
所有一切衆生類 上中下根有差別
惟佛勝智普能知 信解智力不思議
諸佛無邊大光明 淨光明網不思議
廣大照曜於十方 無邊刹海皆洞徹
牟尼出世淨妙戒 而不依止世間法
住信菩薩淨信心 信佛神足不思議
諸佛神通境界門 而諸菩薩不能知
諸佛常住等引心 佛解脫門不思議
法界廣大無分別 惟佛勝力悉能知

具足智力大仙尊 無邊無際虛空等
假使一切衆生類 互發問端辭猶海
隨問徧答生喜心 如來無畏不思議
爲一衆生作利益 無邊衆生亦復然
普今安住調伏心 如來大悲不思議
如來諸相皆具足 而能覺了一切法
不共佛法功德門 於一切處智顯示
如是十種不思議 攝諸佛法入法性
若能徧起信解心 菩薩善住於淨信
復次舍利子云何名爲住信菩薩於佛如來

最勝身相信解清淨乃至發希有想謂佛如
來其身清淨於彼一切不善法中普能除斷
復於一切善法之中皆悉具足如來身者已
離一切不淨穢惡筋骨血肉流散漏失諸染
汚法如來身者自性明亮清淨瑩潔永離一
切煩惱垢染超出世間不爲一切世法所染
如來身者積集無量福智妙行長養衆生修
習無量戒定慧解脫解脫知見等諸善法嚴
具一切勝功德花如大圓鏡現衆色像復如
清淨水月影現又如來身者如虛空界普攝

一切復如法界最上最勝佛身無漏諸漏已
盡佛身無為不墮諸數如虛空身無等等身
一切三界最勝之身人如來身者不可喻身
無所喻身清淨無垢離諸染污自性光明非
先際可觀非後際可觀非現在可觀非種族
可觀非色可觀非相可觀非隨形妙好可觀
非心可觀非意可觀非識可觀非見可觀非
聞可觀非念可觀非表了可觀非蘊可觀非
處可觀非界可觀非生可觀非住可觀非滅
可觀非取可觀非捨可觀非出離可觀非行

可觀非顯色可觀非狀貌可觀非形色可觀
非來可觀非去可觀非戒可觀非定可觀非
慧可觀非解脫可觀非解脫知見可觀非有
相可觀非離相可觀非法相可觀非諸相成
辦可觀非無所畏可觀非無礙解可觀非神
通可觀非大悲可可觀非不共佛法成辦可觀
諸佛出現如幻如焰如水中月自性妙身空
無相無願無際岸身無種類身無積聚身無
分別身無依止身無別異身已得善住不動
轉身無色非色自性身無受非受無想非想

無行非行無識非識自性身無實無生非大
 種身未曾有未曾有業身非眼所生不從色
 中出亦非在外非耳依止不從聲中出亦非
 在外非鼻所嗅不從香中出亦非在外非舌
 了別不從味中出亦非在外非身和合不從
 觸中出亦非在外非心所轉非意所轉非識
 所轉亦非不轉亦非隨轉得安住無動等虛
 空身法界最上混入虛空界舍利子如是等
 法住信菩薩能於如來不可思議淨妙身相
 信解清淨超越分別離諸疑悔後復生起身

喜心喜適悅之相發希有想爾時世尊重明
 斯義說伽陀曰

無量俱胝那度多	歷劫廣修菩薩行
身業三種善淨中	勤求無等善遊身
十方世界起慈意	廣以身命行布施
常離欲邪行染心	勤求無上虛空身
清淨微妙上衣飾	無量劫中行布施
施波羅蜜妙行圓	廣施最上諸佛子
犛牛愛尾猶護戒	能捨身命忍無怨
願求佛身無懈心	廣修精進波羅蜜

樂觀諸佛定境界	內心樂起慧方便
法界最上善逝身	願我如是當獲得
佛諸善行廣作已	得菩提果人中上
當獲廣大虛空身	善離塵染淨無垢
離我人相自性空	無相無言無所得
出過諸眼境界門	大牟尼身如是得
離色離聲意清淨	無生無作本來空
當得如來無動身	十方善逝亦如是
如幻化出種種身	諸象馬等及人相
愚癡虛妄顛倒心	佛十力尊色相見

過去無量諸善逝 未來諸佛亦復然
 同一無等法性身 法界最上虛空等
 舍利子彼住信菩薩於如是等諸佛如來最
 勝身相不可思議信解清淨超越分別離諸
 疑悔後復生起身喜心喜適悅之相發希有
 想復次舍利子云何名為住信菩薩於佛如
 來妙好音聲不可思議信解清淨乃至發希
 有想舍利子謂佛如來於彼一切眾會之中
 所出音聲皆為調伏隨順作諸善利所有十
 方世界一切眾生普徧意樂悉令生喜然佛

如來不作是念我能爲此苾芻衆會宣說諸法爲此苾芻尼衆會優婆塞優婆夷婆羅門刹帝利長者居士梵衆會等爲其說法又佛如來隨宜宣說契經諷頌記別應頌自說譬喻緣起本事本生方廣希法論議如是等法普爲一切衆會乃至梵衆如應宣說所有上中下根種種差別諸衆生類悉聞法句而彼法句皆從如來口門而出隨諸根性各得解了於其中間亦無語言互相違礙各各於法明了知解此即如來宿福果報現轉妙音令

諸衆生隨轉解入又舍利子如來聲者所出細滑悅意可樂清淨無垢美妙樂聞復善明了不麤不惡聞者身喜心無厭倦聞者心喜喜樂隨生分明解了咸生愛樂心意調適如師子音聲雲雷音聲海潮音聲迦陵頻伽微妙音聲清梵音聲大鼓音聲吉祥音聲柔輦音聲振響音聲令彼衆生諸根適悅淨妙音聲一切衆會忻樂音聲諸相具足最勝音聲諸佛如來若此若彼皆悉具足無量功德清淨音聲舍利子此如是等是爲住信菩薩於

佛如來妙好音聲不可思議信解清淨乃至發希有想爾時世尊重明斯義說伽陀曰

如來梵音妙聲相 所出音聲善調伏

梵眾不及佛音聲 如是諸法皆具足

佛聲能與慈相應 廣大悲心復高勝

喜捨相應亦復然 牟尼聖尊妙音出

聞聲能息眾生類 貪火瞋毒諸不善

愚癡暗冥亦消除 如是音聲皆具足

種種方處諸人眾 普徧一切人類中

乃至極此閻浮提 種種語言佛善了

眾生隨聞佛音聲 地居空居諸天眾

得聞牟尼妙音聲 隨佛音聲能解入

二足四足及多足 無足等類聞佛聲

隨觸隨聞寂意生 彼一切處隨聲轉

三千大千世界中 開明調伏眾生類

普攝上中下諸根 隨佛音聲而善轉

應調伏者聞解脫 離諸分別非分別

等引心說聖諦門 是中無執亦無縛

無邊眾生聞佛聲 聞已息除諸煩惱

志誠歸命佛法僧 聞已戒忍皆具足

如來最上妙音聲 是聲深廣無邊量
音聲無邊智無邊 菩薩智信無疑悔

佛說大乘菩薩藏正法經卷第七

佛說大乘菩薩藏正法經卷第八

宋三藏朝散大夫試光祿卿光祿大師惟淨等奉詔譯

如來不思議品第四之二

復次舍利子云何名為住信菩薩於佛如來
最上大智不可思議信解清淨超越分別離

諸疑悔後復生起身喜心喜適悅之相發希
有想舍利子諸佛如來以無礙知見轉一切
法復次舍利子我今為汝譬喻宣說發明如
來智波羅蜜多令彼住信菩薩信解清淨乃
至發希有想舍利子譬如殍伽沙等諸世界
中一切草木枝葉如口莖榦總取為四指分量中
或有人攝聚一處聚一處已用火焚之焚已
一切悉成灰燼散擲於彼殍伽沙數一切世
界大海之中其灰在海經百千歲分布而有
如來智力圓滿具足能於彼彼大海之中取

彼彼灰分布於彼一切世界謂若干灰若干世界若干根本若干蘊聚若干枝葉悉布在於若干方處而無減失何以故諸佛如來於法界中善覺了故以其覺了而悉能知如是若干一切世界廣大所作如來應供正等正覺具大威德有大神通廣大名稱世間若有諸善男子善女人等於佛如來最上大智信解清淨離分別者皆是如來慈心建立現證一切善根邊際而復能盡諸苦邊際何以故諸佛如來於法界中善覺了故若有能於佛

如來所發生一念信解心者所獲功德而不壞失又舍利子我今復說譬喻顯明斯義或有智人於我喻說而能解了譬如有人壽限百歲或於一時取以一毛端量一滯之水析作百分持詣佛所作是白言世尊我今持此水滯寄置佛所十後復來取佛當與我佛即受之以其水滯置在苑伽河中隨流汎溢次第入於大海之中爾時彼人過百歲已來詣佛所作是白言世尊我昔以水滯寄在佛所願佛今時還當授我舍利子如來應供正等正

覺最上大智圓滿具足即於大海之中取彼
先寄一毛端量析百分者一滯之水授與彼
人其一滯水不為海水損觸壞失舍利子我
所說喻表示分明況復有人能見是義如是
水滯經又時中以如來智力而不能壞如來
應供正等正覺亦復如是若善男子善女人
能於如來如是大智信解清淨離分別者皆
是如來慈心建立緣佛功德空中雨華現證
一切善根邊際而復作盡諸苦邊際何以故
諸佛如來於法界中善覺了故若有能於佛

如來所發生一念信解心者所獲功德而不
壞失爾時尊者舍利子白佛言世尊諸佛如
來離如來智能轉諸法不佛言不也舍利子
是時舍利子復白佛言當何名為智何名為
識舍利子當知識者住於四處一者識隨色
住色緣色住而常親近增長堅牢廣大所成
二者識隨受住受緣受住而常親近增長堅
牢廣大所成三者識隨想住想緣想住而常
親近增長堅牢廣大所成四者識隨行住行
緣行住而常親近增長堅牢廣大所成此說

名識何名爲智謂住五取蘊中智蘊了知此
說名智若復地界水界火界風界空界識各
了知住於識界此說名識若復識於法界有
所分別此說名智若復眼所了知色中施設
耳所了知聲中施設鼻所了知香中施設舌
所了知味中施設身所了知觸中施設意所
了知法中施設此說名識者復內心寂靜外
無所行以智收攝無有少法而可分別此說
名智若復所緣識生作意識生分別識生此
說名識若復無所執無所取無所緣無表了

此說名智若復有爲所行法中識有所住識
於有爲中行此說名識若於無爲法中無識
可行若無爲智即說名智若是識於生住滅
法中了別無生無滅無住此說名識舍利子
於如是等諸法之中如是名識如是名智是
故當知如來大智不可思議住信菩薩信解
清淨超越分別離諸疑悔後復生起身喜心
喜適悅之相發希有想爾時世尊重明斯義
說伽陀曰

所有琬伽沙數等 十方世界諸草木

若人焚蕤悉成灰 置大海中百千歲
 佛十力尊微妙智 後復能取海中灰
 若干根種及諸方 而悉分布無減失
 心持十方衆生界 貪瞋癡行悉了知
 一切意樂及所行 無增無減皆悟解
 大智十力世間尊 十方乃至徧法界
 調御不生分別心 一切佛子皆信解
 復次舍利子云何名爲如來微妙光明不可
 思議住信菩薩信解清淨超越分別離諸疑
 悔後復生起身喜心喜適悅之相發希有想

謂佛如來應供正等正覺於法界中善能覺
 了所有光明廣大微妙而此三千大千世界
 總攝一切普徧光明炎赫照曜如無雲覆翳
 日光高出如來應供正等正覺亦復如是於
 此三千大千世界廣大光明炎赫照曜映敵
 大地所有一切星宿山石藥木燈光及大火
 聚超出最勝廣大微妙明焰熾盛至于日月
 光明及四大王天所化宮殿身莊嚴具等諸
 光明三十三天夜摩天兜率天化樂天忉化
 自在天所化宮殿身莊嚴具等諸光明彼梵

衆天梵輔天梵會天大梵天所化宮殿身莊
嚴具等諸光明超出最勝廣大微妙明焰熾
盛彼少光天無量光天光音天少淨天無量
淨天徧淨天無雲天福生天廣果天無想天
無煩天無熱天善見天善現天色究竟天所
化宮殿天莊嚴具諸光明中如來應供正等
正覺清淨光明超出最勝廣大微妙明焰熾
盛何以故如來圓滿廣大無量戒定慧解脫
解脫知見故舍利子若此三千大千世界一
切光明施設表示比佛如來所有光明百分

不及一乃至烏波尼殺曇分皆不及一譬如
世間常等真金置於閻浮檀金聚中而彼常
金無有光明亦不炎赫不能照曜而此三千
大千世界所有一切光明施設表示於佛如
來最上光中悉無光明炎赫照曜如來光者
無有過上廣大最勝亦無分限極善業報現
前隨轉於此三千大千世界之中廣大照曜
不以日月晝夜時分所照爲明如來悲愍世
間一切衆生普令安住淨圓光中如來應供
正等正覺乃於阿僧祇世界之中廣大照曜

何以故如來已得最上波羅蜜多及般若波羅蜜多故舍利子我今復說譬喻以明斯義譬如有人取此三千大千世界大地諸土盡末爲塵持詣東方過一世界下一塵點第二世界復下一點如是乃至南西北方各各世界悉下塵點舍利子於汝意云何而彼塵末於諸世界盡邊際不舍舍利子言不也世尊不也善逝佛言舍利子如來應供正等正覺亦復如是於彼一切世界之中以淨光明廣大照曜而諸光明比佛光明百分不及一乃至

烏波尼殺曇分皆不及一何以故如來應供正等正覺已得最上波羅蜜多及般若波羅蜜多故又舍利子大地所有草木樹林鐵圍諸山乃至須彌山王皆是如來大光明力所住持故乃於三千大千世界廣大照曜然其下劣衆生不能信解或有衆生不能瞻見如來圓光或有衆生於圓光中廣大瞻覩或有一俱盧舍見佛光者或有一由旬內見佛光者或有三千大千世界之內見佛光者又舍利子如來光明何人能於百千世界悉瞻覩

者謂諸登地菩薩能於無邊一切世界見佛
光明如來悲愍一切眾生盡虛空界及眾生
界以淨光明普徧照耀彼住信菩薩聞是說
已信解清淨超越分別離諸疑悔後復生起
身喜心喜適悅之相發希有想爾時世尊重

明斯義說伽陀曰

所有日月諸光明 帝釋梵王光明等
乃至色究竟天光 而悉不及佛光相
色究竟天等諸光 乃至三千大千界
比佛一毛孔中光 十六分中不及一

虛空光明為廣大 眾生廣大亦復然
若觀如來淨光明 無邊無際虛空等
應化度者見佛光 不比世間生盲類
彼不能見日光明 返謂日光無所有
下劣眾生亦如是 佛以光明常照耀
自不能觀淨光明 返謂佛光無所有
諸有見佛圓光者 或俱盧舍或由旬
或復三千世界中 而能觀佛光明相
八地九地及十地 已登地位諸菩薩
悉能安住大地中 觀佛光明具大慧

菩薩趣向佛大慧 依止無邊光明輪
 作諸佛事利衆生 諸佛刹土不思議
 諸佛如來不思議 不思議光亦復然
 不思議開淨信心 諸福蘊門不思議
 復次舍利子云何名爲如來圓滿戒定不可
 思議住信菩薩信解清淨超越十六分別離諸疑
 悔後復生起身喜心喜適悅之相發希有想
 舍利子如來正實之語作如是說世間所生
 一切衆生若淨戒蘊清淨身業清淨語業清
 淨意業而諸衆生於世間生於世間老不滌

世法得婆羅門離罪之法復得沙門寂靜觀
 想三摩地法當得最上波羅蜜多如來又以
 正實之語作如是說我不見有世間一切若
 魔若梵若沙門婆羅門天人阿修羅等而能
 清淨戒蘊定蘊同佛如來無量清淨戒定蘊
 者何以故如來應供正等正覺已得最上波
 羅蜜多已得戒定波羅蜜多舍利子我今復
 說譬喻以明斯義可樂聞不舍利子白佛言
 世尊今正是時願佛爲說若諸苾芻得聞如
 來清淨戒定波羅蜜多法者隨所聞已信奉

受持

佛說大乘菩薩藏正法經卷第八

音釋

匱求位切
 乏也
 筋舉欣切
 骨絡也
 忻計斤切
 喜也
 涖丁歷切
 水點也
 析先的切
 分也
 類類也
 犛交切
 牛也
 斲徐刃切
 餘也
 涖丁歷切
 水點也
 析先的切
 分也
 同類也
 犛交切
 牛也
 斲徐刃切
 餘也
 涖丁歷切
 水點也
 析先的切
 分也
 其河名也
 斲徐刃切
 餘也
 涖丁歷切
 水點也
 析先的切
 分也
 藝儒劣切
 燒也

永樂北藏

大乘菩薩藏正法經

第七一册

永樂北藏

大乘菩薩藏正法經

第七一冊

佛說大乘菩薩藏正法經卷第九第十如五

宋西天三藏朝散大夫試光祿卿傳梵大師法護等奉詔譯

如來不思議品第四之三

復次佛告舍利子言於汝意云何地界與眾生界孰為多邪舍利子白佛言世尊地界非多眾生界多佛言舍利子如是如是眾生界多舍利子假使三千大千世界所有一切眾生若卵生若胎生若濕生若化生若有色若無色若有想若無想若非有想非無想乃至普及諸有情界於一剎那一臘縛一須臾頃

無前無後悉得人身即彼如上得人身者一切眾生於一剎那一臘縛一須臾頃悉證阿耨多羅三藐三菩提果即彼一切所成諸佛如來一一如來現前所化各有千頭而一一頭各有千面其一一面各有千舌是諸如來具足如來十力四無所畏四無礙解無礙辯才舍利子而彼如來同共稱讚如來所有戒波羅蜜多及戒蘊功德經俱胝那度多劫而悉不能得其邊際又舍利子一佛如來戒蘊功德無有邊際如是諸佛如來戒蘊功德無

上大慧解入辯才乃至入大涅槃於其中間
皆悉同等何以故於無性中起有性思議是
故如來戒蘊功德無上大慧最勝辯才無量
無數無有邊際與虛空等舍利子且置如上
所說一三千大千世界乃至東西南北四維
上下普徧十方殫伽沙數等諸世界一切衆
生於一刹那一臘縛一須臾頃悉得人身乃
至悉證阿耨多羅三藐三菩提果總畧廣說
乃至於無性中起有性思議是故如來戒蘊
功德無上大慧最勝辯才無量無數無有邊

際與虛空等何以故如來已得最上波羅蜜
多圓滿清淨戒波羅蜜多復次舍利子我今
復以顯明事相宣說如來定波羅蜜多汝樂
聞不舍利子白佛言世尊今正是時願佛爲
說令諸苾芻聞所說已信奉受持佛言舍利
子後時後分當有七日出現世間於彼時中
三千大千世界皎熾徧皎熾極徧皎熾都一
皎聚彼時如來若行若住若坐若卧具有十
種希有之法現彼地方何等爲十一者地平
如掌是爲第一希有之法二者於彼時中三

千大千世界燄熾徧燄熾極徧燄熾都一燄
聚彼時如來若行若住若坐若卧彼地方中
悉無荆棘涌出金寶是為第二希有之法三
者於彼三千大千世界燄熾徧燄熾極徧燄
熾都一燄聚彼時如來若行若住若坐若卧
其地廣闊如來受用是為第三希有之法四
者於彼時中三千大千世界燄熾徧燄熾極
徧燄熾都一燄聚彼時如來若行若住若坐
若卧彼地方中自生異草青潤柔軟右旋宛
轉如迦啣隣那寶復有妙香是為第四希有

之法五者於彼時中三千大千世界燄熾徧
燄熾極徧燄熾都一燄聚彼時如來若行若
住若坐若卧彼地方中自然涌出八功德水
所謂一冷二輕三軟四香五美六清七飲時
無厭八多飲無患如是具足八功德水是為
第五希有之法六者於彼時中三千大千世
界燄熾徧燄熾極徧燄熾都一燄聚彼時如
來若行若住若坐若卧彼地方中有清涼風
自然吹觸舍利子譬如夏月盛熱之時人極
疲倦時或有人往詣苑伽河岸承彼清涼漸

入河中澡沐身體去除熱惱乃得輕安調暢
適悅出河在岸往復經行其去不遠見大樹
林清潤蒨鬱枝葉扶踈影蔭清虛周巾垂覆
其中殊麗宛如珠寶間錯嚴飾是人即時詣
彼林所安詳而坐四面涼風散來吹觸舍利
子如來亦復如是以前宿善業果報煖明清淨
涼風自然吹觸是爲第六希有之法七者於
彼時中三千大千世界燄熾徧燄熾極徧燄
熾都一燄聚彼時如來若行若住若坐若卧
彼地方中自然而有水生諸華所謂優鉢羅

華鉢訥摩華俱母陀華奔拏利迦華等是爲
第七希有之法八者於彼時中三千大千世
界燄熾徧燄熾極徧燄熾都一燄聚彼時如
來若行若住若坐若卧彼地方中自然而有
陸生諸華所謂阿帝自訖多華瞻波迦華蘇
摩那華縛利尸迦華阿輸迦華波吒羅華迦
蘭尼迦華多囉尼華等如是等華色香具足
是爲第八希有之法九者於彼時中三千大
千世界燄熾徧燄熾極徧燄熾都一燄聚彼
時如來若行若住若坐若卧彼地方中見有

殊妙寶塔出現一切天人若魔若梵沙門婆羅門等瞻禮供養是爲第十希有之法舍利子如是十種希有之法於彼地方次第出現以其如來應供正等正覺於法界性善覺了故隨其色相入三摩地住等引心純一樂受經^{如五}旡伽沙數等劫謂如食頃如來於三摩地無所壞失舍利子如來在定住經一劫或百劫千劫百千劫一俱胝劫百俱胝劫千俱胝劫百千俱胝劫百千俱胝那度多劫後從定起何以故如來應供正等正覺已得最上波

羅蜜多故而彼最上波羅蜜多者具大神通有大威德得大自在是故如來圓滿具足舍利子如彼非想非非想天中天子生已緣一境住謂識所緣經八萬四千劫而識不於餘識所轉乃至壽限盡時即便趣滅舍利子如來始於初夜分中證成阿耨多羅三藐三菩提果於中夜分入大涅槃於其中間而不壞滅三摩地法如來在定無心可轉無心所行無心伺察無心徧行無心可增無心可減無心散亂無心可高無心可下無心攝護無心

隱密無心隨順無心違背無心沉下無心動
 轉無心喜悅無心愛著無心分別無心離分
 別無心計度無心隨識流轉無心依止眼耳
 鼻舌身意無心依止色聲香味觸法無心於
 彼法中行無心於彼智中行無心於彼過去
 觀察無心於彼未來如五觀察無心於彼現在五觀
 察如來應供正等正覺如是安住三摩地中
 心無少法而可生起然於一切法中以無礙
 知見而常隨轉都無發悟如來離心意識於
 定分位亦不減失復常施作一切佛事然無

發悟爾時世尊重明斯義說伽陀曰

佛於無量百千劫	徧三有中修	道行
戒聞定忍無散心	圓成無上菩	提果
佛善業果報如是	超勝世間戒清淨	
無戲論垢淨如空	十力淨戒虛空等	
佛於初夜成正覺	後於中夜入涅槃	
佛無心行無徧行	於諸寂定無減失	
十力戒蘊亦無減	神力解脫分亦然	
百千劫中住一心	佛無分別離分別	
佛於如空定境界	三義轉佛無礙智	

心意伺察不遺除 佛子信解佛十力

舍利子如是等法住信菩薩應於如來戒定法中信解清淨超越分別離諸疑悔後復生起身喜心喜適悅之相發希有想復次舍利子云何名為住信菩薩於佛如來神足通力信解清淨乃至發希有想舍利子如來應供正等正覺常所宣說尊者大目乾連於聲聞苾芻眾中神通第一於彼菩薩眾中若以聲聞神通同等較量我不見有聲聞神通與菩薩等者若以菩薩神通與佛神通同等較量

我不見有菩薩神通與如來神通而相等者彼諸菩薩常作是念如來神通不可思議我等發勤精進願求成辦如來神力復次舍利子我今復以喻說發明如來神通智力汝樂聞不舍利子白佛言世尊今正是時願佛為說今諸苾芻聞所說已信奉受持佛言舍利子於汝意云何大目乾連有大神通邪舍利子白佛言世尊我親聞佛說親所聽受大目乾連於聲聞苾芻眾中神通第一佛言舍利子假使三千大千世界滿中一切聲聞彼彼

神力皆與大目乾連神力同等猶如稻麻竹
箏甘蔗叢林如是同等如是色相所有一切
聲聞功德威勢精進力能神通變化隨所表
示比佛如來百分不及一千分不及一百千
分不及一一俱胝分不及一百俱胝分不及
一千俱胝分不及一百千俱胝分不及一算
分數分及譬喻分乃至烏波尼殺曇分皆不
及一何以故如來應供正等正覺已得最上
波羅蜜多故舍利子如來以神通力於此地
中置一芥子以佛如來加持力故彼諸聲聞

一切威勢神通力能而悉不能舉彼芥子復
不能動一毛端量何以故如來應供正等正
覺已得最上波羅蜜多及神通波羅蜜多故
舍利子且置上說此三千大千世界乃至東
西南北四維上下普徧十方殑伽沙等一切
世界所有一切衆生之類若卵生若胎生若
濕生若化生若有色若無色若有想若無想
若非有想非無想彼諸衆生一時皆得聲聞
之果具大神通悉如大目乾連彼諸聲聞同
以威勢力能神通變化而悉不能舉動芥子

一毛端量何以故如來應供正等正覺已得最上波羅蜜多及神通波羅蜜多故具大威德有大神通得大自在爾時世尊復告尊者舍利子言汝昔曾聞風災劫時有大風起名毗藍婆振吼吹擊此三千大千世界須彌山王鐵圍諸山大鐵圍山等及四大洲至八萬洲彼彼大海吹鼓高起流散周徧一由旬量舍利子白佛言世尊我昔親聞如來宣說如是等事佛言舍利子風災劫時大風吹擊此三千大千世界須彌山王及諸山大海吹鼓

高起破壞流散周徧一切乃至無數百千由旬分量地居諸天亦悉颺鼓流散周徧塵尚不見況山石等所有夜摩天中諸宮殿等颺鼓破壞流散周徧塵尚不見何況宮殿彼兜率天化樂天忉化自在天梵眾天梵輔天梵會天大梵天少光天無量光天光音天少淨天無量淨天徧淨天如是等天諸宮殿等颺鼓破壞流散周徧塵尚不見何況宮殿舍利子如是大風颺鼓吹擊爾時如來所有妙衣不能損動一毛端量況復衣角所以者何以

佛如來不思議神力不思議緣不思議所行
 不思議大悲悉具足故舍利子當彼大風颯
 鼓之時東西南北四維上下周徧十方殑伽
 沙等一切世界大風不止是時如來舉以指
 端指大風輪即時大風皆悉止息此是如來
 神通智力無所滅^五矢不思議故舍利子彼住
 信菩薩應於如來神通智力信解清淨超越
 分別離諸疑悔後復生起身喜心喜適悅之
 相發希有想爾時世尊重明斯義說伽陀曰
 所有三界諸眾生 皆作聲聞具智慧

與大目連智皆同 悉具神通波羅蜜
 如來於此地方中 置一芥子極微塵
 彼彼一切現神通 而悉不能為舉動
 所有殑伽沙數等 十方一切世界中
 毗藍婆風振擊時 普徧諸方皆吹鼓
 當彼如是大風起 佛上妙衣悉舉示
 不能動其一毛端 由佛神力不思議
 大風吹擊極猛惡 牟尼舉一毛端量
 神力能止大風輪 無邊廣大虛空等
 舍利子住信菩薩應於如來如是神力信解

清淨乃至發希有想

佛說大乘菩薩藏正法經卷第九

佛說大乘菩薩藏正法經卷第十

宋三藏朝散大夫試光祿卿光梵大師惟淨等奉詔譯

如來不思議品第四之四

復次舍利子住信菩薩於佛如來十種智力不可思議聞已淨信超越分別離諸疑惑後

復生起身喜心喜適悅之相發希有想如來以具十智力故了知勝處於天人世間能師子吼轉妙梵輪所有一切天人魔梵悉不能轉無與如來同其法者云何十力一者處非處智力二者業報智力三者種種信解智力四者種種界智力五者根勝劣智力六者至處道智力七者禪定解脫等持等至染淨智力八者宿住隨念作證智力九者天眼作證智力十者漏盡作證智力舍利子如是名為如來十種智力如來以具十智力故了知勝

處於大衆中能師子吼轉妙梵輪乃至一切
世間無與如來同其法者云何如來處非處
智力謂佛如來以其無上最勝智力於處非
處如實了知何者是處何者非處舍利子所
言非處者謂不容受身作惡者語作惡者意
作惡者能感悅意光澤可愛果報若如此者
無有是處而或可容受者謂身語意造作諸
惡不能招感悅意光澤可愛果報斯有是處
又非處者謂身語意業造作諸善而能招感
不悅意光澤可愛果報無有是處可容受者

謂身語意造作諸善而能招感悅意光澤可
愛果報斯有是處又非處者謂慳怯人感大
富果無有是處若慳怯人感貧窮果斯有是
處又非處者謂行施人感貧窮果無有是處
若行施人感大富果斯有是處又非處者謂
破戒人得生天人無有是處若破戒人當墮
地獄餓鬼傍生趣中斯有是處又非處者謂
持戒人返墮地獄餓鬼傍生趣中無有是處
若持戒人生天人中斯有是處又非處者謂
瞋恚人感端正果無有是處若瞋恚人感醜

陋果斯有是處又非處者謂忍辱人感醜陋
果無有是處若忍辱人感端正果斯有是處
又非處者謂懈怠人而能獲得現前三昧無
有是處若懈怠人不得現前三昧斯有是處
又非處者謂精進人不得現前三昧無有是
處若精進人而能獲得現前三昧斯有是處
又非處者謂散亂心人得出離道無有是處
若散亂心人不能獲得出離之道斯有是處
又非處者謂能安住心一境性之人不能獲
得彼出離道無有是處若能安住心一境性

之人得出離道斯有是處又非處者謂無慧
人而能除斷一切種子習氣無有是處若無
慧人不能除斷一切種子習氣斯有是處又
非處者謂有慧人不能除斷一切種子習氣
無有是處若有慧人能斷一切種子習氣斯
有是處又非處者謂殺生人起殺害因感長
壽果無有是處若殺生人感短壽果斯有是
處又非處者謂離殺生之人感短壽果無有
是處若離殺生之人感長壽果斯有是處又
非處者謂偷盜之人感大富果無有是處若

偷盜之人感貧窮果斯有是處又非處者謂
離偷盜之人感貧窮果無有是處若離偷盜
人感大富果斯有是處又非處者謂邪染之
人得有子妻室無有是處若邪染之人不得
有子妻室斯有是處又非處者謂離邪染人
不得有子妻室無有是處若離邪染之人得
有子妻室斯有是處又非處者謂妄語之人
不招毀謗無有是處招其謗者斯有是處又
非處者謂離妄語之人返招毀謗無有是處
不招謗者斯有是處又非處者謂兩舌之人

眷屬不離無有是處若眷屬分離斯有是處
又非處者謂離兩舌之人眷屬分離無有是
處若眷屬不離斯有是處又非處者謂惡口
之人常聞悅意語言無有是處若其不聞悅
意語言斯有是處又非處者謂離惡口之人
不聞悅意語言無有是處若其聞者斯有是
處又非處者謂綺語之人得決定辯才無有
是處若其不得斯有是處又非處者謂離綺
語之人不得決定辯才無有是處若其得者
斯有是處又非處者謂多貪人得大富者無

有是處若其不得斯有是處又非處者謂離
貪人大富斷續無有是處若不斷續斯有是
處又非處者謂瞋恚心人不墮地獄無有是
處若其墮者斯有是處又非處者謂離瞋人
不於善趣天界中生無有是處若其生者斯
有是處又非處者謂邪見人十二積集邪見之因
能得聖道無有是處若邪見人積集邪見之
因不得聖道斯有是處又非處者謂正見人
積集正見因故不得聖道無有是處若正見
人積集正見因故獲得聖道斯有是處又非

處者謂修施行人若不得淨心分位無有
是處若其得者斯有是處又非處者謂持淨
戒人不得淨心分位無有是處若其得者斯
有是處又非處者若起有所得見之人獲順
忍者無有是處若其不得斯有是處又非處
者若證空解脫人不得順忍者無有是處若
其得者斯有是處又非處者謂惡作之人得
住輕安心者無有是處若其不得斯有是處
又非處者謂惡作之人得心調伏及輕安者
無有是處若其不得斯有是處又非處者若

諸女人成轉輪聖王無有是處若男子得成
斯有是處又非處者若諸女人成帝釋天主
無有是處若男子得成斯有是處又非處者
若諸女人成梵王無有是處若男子得成斯
有是處又非處者若諸女人現成佛果者無
有是處若八人地次第得果斯有是處又非
處者謂須陀洹人現轉證成第八位者無有
是處若於此蘊中趣涅槃者斯有是處又非
處者謂斯陀舍人現轉第三位者無有是處
若於此蘊中趣涅槃者斯有是處又非處者

若阿那含人還來人間無有是處於此蘊中
趣涅槃者斯有是處又非處者若阿羅漢人
有結習者無有是處若其無者斯有是處又
非處者謂諸聖人趣求異類師尊教授異義
所生法者無有是處若不然者斯有是處又
非處者若得無生法忍之人有退轉者無有
是處乃至得證菩提斯有是處又非處者若
諸菩薩坐菩提場已而不證成菩提果無有
是處若諸菩薩坐菩提場已決定證成阿耨
多羅三藐三菩提果然後起座斯有是處又

非處者謂諸佛如來於種子習氣有所表現者無有是處若佛如來所有一切種子習氣悉能除斷斯有是處又非處者謂佛如來智有障礙無有是處若佛如來智無障礙斯有是處又非處者謂能觀見諸佛如來最勝頂相無有是處若不能見佛頂相者斯有是處又非處者謂能知佛心所行者無有是處若不能知諸佛如來心所行者斯有是處又非處者謂佛如來住等引心有所得相者無有是處若佛如來常住等引心者斯有是處又

非處者若謂如來語言虛妄不決定者無有是處若佛如來言無虛妄斯有是處又非處者若謂如來有其過失無有是處諸佛如來離諸過失斯有是處舍利子如是等法如四無所畏十八不共法法中廣說

復次舍利子若謂諸佛如來於現在世中若知若見有障礙者無有是處若諸佛如來於現在世中若知若見無障礙者斯有是處舍利子如是所說如來所有處非處智力無有邊際若欲知其邊際之者譬如虛空所可知

耶若其虛空不知邊際如來應供正等正覺
 處非處智力邊際亦然諸住信菩薩得聞如
 來不可思議處非處智力已發生信淨超越
 分別離諸疑惑後復生起身喜心喜適悅之
 相發希有想爾時世尊重明斯義說伽陀曰

十方虛空無邊量 處非處智力亦然
 智力真實徧世間 廣說最上真實法
 若人圓具解脫器 知彼所行為說法
 彼圓法器諸眾生 知處非處住捨行
 虛空大地尚可動 佛說果報無虛妄

處非處智若圓成 世出世間十力具
 舍利子此是如來第一智力如來應供正等
 正覺以具如是勝智力故了知勝處於大眾
 中能師子吼轉妙梵輪乃至世間無與如來
 同其法者復次舍利子云何名爲如來業報
 智力謂佛如來以無上智於過去未來現在
 一切眾生所作諸業積集因處諸果報等皆
 如實知云何了知舍利子謂諸如來應供正
 等正覺於諸眾生過去諸業所集善因離諸
 不善於未來世與其善果如來一一如實了

知若諸眾生造不善業集不善因離諸善法於未來世獲不善果如來一一如實了知若諸眾生積集業因於未來世感下劣分位如來決定如實了知若諸眾生積集業因於現在世感殊勝分位於未來世亦感殊勝分位如來決定如實了知若諸眾生積集業因於過去世起下劣行未來世中起廣大行如來決定如實了知若諸眾生積集業因少分發起當感廣大殊勝分位如來決定如實了知若諸眾生積集業因廣大發起當感少分殊

勝分位如來決定如實了知若諸眾生修聲聞行感聲聞果如來決定如實了知若諸眾生修緣覺行感緣覺果如來決定如實了知若諸眾生修佛智因感佛智果如來決定如實了知若諸眾生於現在世積集樂因未來世中感其樂報如來決定如實了知若諸眾生於現在世積集樂因未來世中感其苦報如來決定如實了知若諸眾生於現在世積集樂因未來世

中感其樂報如來決定如實了知舍利子如
 來於過去未來現在世中一切眾生所有諸
 業若因若果如來真實無異無別決定一
 如實了知如來隨所知已如其所應皆為說
 法舍利子如來應供正等正覺於過去未來
 現在一切眾生諸業果報積集如五因處十六皆如實
 知如來智力無有邊際若欲知其邊際之者
 譬如虛空所可知耶若其虛空不知邊際如
 來應供正等正覺業報智力邊際亦然諸任
 信菩薩得聞如來不可思議業報智力已發

生淨信超越分別離諸疑惑後復生起身喜
 心喜適悅之相發希有想爾時世尊重明斯
 義說伽陀曰

佛善了知諸因果 業法智眼悉能觀
 無礙智徧三世中 諸眾生行悉明達
 苦樂諸因及所願 徧諸眾生五趣中
 輪轉一切諸苦因 善逝決定皆明了
 所有黑白諸業報 因果願求亦復然
 能仁真實悉了知 猶觀掌中如意寶
 若諸業法修因少 當來果報獲無量

若因無量果還微 善逝真實皆曉了
 修聲聞行果如願 緣覺菩提因願同
 無上智果願亦然 善逝如實皆曉了
 若於先業修苦因 後復當招於樂果
 若於諸業修樂因 後復當招於苦果
 苦因苦果如是法 樂因樂果亦復然
 自業自果和合因 善逝如實皆曉了
 諸有苦法三世轉 徧諸眾生五趣中
 真實無斷無異門 佛無上智皆明了
 舍利子此是如來第二智力如來以其勝智

力故了知勝處於大眾中能師子吼轉妙梵
 輪一切世間天人魔梵皆不能轉乃至無與
 如來同其法者

佛說大乘菩薩藏正法經卷第十

音釋

棘說力切凡有荊刺者皆曰荊棘荊箭鳥孔切鬱紆勿筆
 于鬼切惡統招切風與飄同

永樂北藏

大乘菩薩藏正法經

第七一冊

佛說大乘菩薩藏正法經卷第十一第十二同卷如六

宋三藏朝散大夫試光祿卿傳梵大師惟淨等奉詔譯

如來不思議品第四之五

復次舍利子云何名為如來種種信解智力
謂佛如來於諸衆生諸補特伽羅所有信解
種種差別如來如六一一如實了知若諸衆生本
住貪愛於瞋起解廣如經說若諸衆生本住
著癡於瞋起解如來一一如實了知若諸衆
生本住不善之法於不善法起解如來一一
如實了知若諸衆生本住善法於善法起解

如來一一如實了知若諸衆生修下劣行於
殊勝法而起信解如來悉如實知若諸衆生
修殊勝行於下劣法而起信解如來悉如實
知若諸衆生修下劣行於殊勝分位而起信
解如來悉如實知若諸衆生修殊勝行起下
劣解如來悉如實知若諸衆生於邪定聚而
起信解取彼定法如來悉如實知若諸衆生
於正定聚而起信解取彼定法如來悉如實
知若諸衆生於正定聚取彼解脫如來悉如
實知若諸衆生信解欲界定法從欲界入如

來悉如實知若諸衆生信解色界定法從色
界入如來悉如實知若諸衆生信解無色界
定法從無色界入如來悉如實知若諸衆生
信解三界定法徧三界入如來悉如實知若
諸衆生本住下劣分位而得殊勝之法如來
悉如實知若諸衆生本住殊勝分位而得下
劣之法如來悉如實知若諸衆生起種種信
解種種色相種種受用種種領納如來悉如
實知若諸衆生信解以先業故當感墜墮如
來悉如實知若諸衆生信解脫之法取彼解

脫如來悉如實知如來如是如實知已隨其
所應即爲說法舍利子此是如來信解智力
無有邊際與虛空等若諸住信菩薩於佛如
來種種信解最勝智力聞已淨信超越分別
離諸疑惑後復生起身喜心喜適悅之相發
希有想爾時世尊如六重明斯義說伽陀曰
世間種種信解法 過未現在無限量
即彼信解如所思 佛人中尊皆曉了
若於貪法起信解 而本住著瞋分位
若瞋若癡義亦然 佛隨信解皆明了

住貪住癡等諸法	隨心所持難思度
相續無間徧所行	能仁勝智皆明了
若諸衆生下劣行	還復信解廣大法
行勝解劣義亦然	佛調御尊皆明了
若衆生取邪定聚	來還所起亦復然
所有三界解脫門	佛隨信解皆明了
所生色相種種異	受用差別亦復然
隨先業故報無差	二足聖尊皆明了
隨其信解了知己	如其所應爲說法
第三勝解智力門	佛子當生清淨信

舍利子如是如來第三信解智力如來應供正等正覺以具勝智力故了知勝處於大衆中能師子吼轉妙梵輪一切世間天人魔梵悉不能轉無與如來同其法者復次舍利子云何如來種種界智力如六謂佛如來於種種界如實了知若諸衆生於諸世間以諸福行而爲長養如來悉能如實了知若諸衆生以非福行而爲長養如來悉如實知若諸衆生以不動行而爲長養如來悉如實知若諸衆生修出離行如來悉如實知又舍利子如來悉

如實了知眼界色界眼識界云何能知謂佛
了知內空外空內外空故乃至意界法界意
識界悉如實知云何能知謂佛了知內空外
空內外空故又舍利子如來了知地界水界
火界風界及虛空界悉如實知云何能知謂
如虛空故亦然了知如來悉知欲界色界及
無色界分別所起知有爲界是造作相知無
爲界是無造作相知雜染界是客塵煩惱相
知清淨界是自性明亮相知諸行界是不如
理作意無明相知涅槃界是如理作意明智

相又舍利子若諸界依止諸界安住諸界隨
順諸界建立諸界作用諸界意趣諸界寂定
諸界住著如來一一如實了知隨所知已即
爲說法舍利子此是如來種種境界智力如是
勝力無有邊際若諸住信菩薩於佛如來如
是智力聞已淨信超越分別離諸疑惑後復
生起身喜心喜適悅之相發希有想爾時世
尊重明斯義說伽陀曰

一切世間諸衆生 以種種界爲依止
隨轉界趣義亦然 佛無上尊皆明了

福非福及不動行	諸出離界義亦然
隨諸界趣安住心	涅槃無動常寂靜
所有眼界及色界	彼眼識界亦復然
耳鼻舌身意界中	如來如實皆明了
於其法界了知已	彼意識界亦復然
了知諸法內外空	此即能仁大智力
地界水界及火界	而彼風界亦復然
如是諸界徧了知	猶如虛空等無異
所有欲界及色界	彼無色界亦復然
如來如是徧了知	及彼分別所起等

而彼虛空無邊際	諸界無邊亦復然
佛於一切雖徧知	不起我心能了解
了知諸界無所生	亦知諸界無所滅
如是諸界寂靜心	無上丈夫皆明了
如其虛空無邊際	佛智無邊亦復然
以無礙智悉了知	種種信解皆解脫
知心所起信解已	俱胝衆生悉調伏
如來第四力圓成	佛子當生清淨信
舍利子如是如來第四智力廣說乃至無與	
如來同其法者復次舍利子云何名爲如來	

根勝劣智力謂諸衆生所有根性若勝若劣如來一一如實了知云何能知謂下根中根及彼利根亦復徧知殊勝諸根乃至積集分別從貪所起諸業根性從瞋所起諸業根性從癡所起諸業根性如來悉如實知如是分別諸業虛妄所起貪瞋癡等皆如實知如是分別諸根從貪瞋癡少分所起者如來悉如實知分別諸根從貪瞋癡廣大所起者亦如實知分別諸根從貪瞋癡執著所起者亦如實知若善因根性若不善因根性若不動因

根性若出離因根性如來悉如實知又舍利子如來徧知一切衆生眼根耳根鼻根舌根身根意根女根男根命根苦根樂根憂根喜根捨根信根精進根念根定根慧根未知當知根已知根具知根如是二十二根如來悉如實知又諸根中若眼根因通耳根分位非鼻根舌根身根如來悉如實知若耳根因通鼻根分位若鼻根因通舌根分位若舌根因通身根分位若身根因通眼根分位如是諸根因及分位如來悉如實知若諸衆生有布

施根性修持戒行如來了知自佗根故即爲宣說布施之法若諸衆生有持戒根性修布施行如來了知自佗根故即爲宣說持戒之法若諸衆生有忍辱根性修精進行如來了知自佗根故即爲宣說忍辱之法若諸衆生有精進根性修忍辱行如來了知自佗根故即爲宣說精進之法若諸衆生有禪定根性修勝慧行如來了知自佗根故即爲宣說禪定之法若諸衆生有勝慧根性修禪定行如來了知自佗根故即爲宣說勝慧之法總略

乃至諸善提分法亦如是說若諸衆生具聲聞根性修緣覺乘行如來了知自佗根故即爲宣說聲聞乘法若諸衆生具緣覺根性修聲聞乘行如來了知自佗根故即爲宣說緣覺乘法若諸衆生具大乘根性而修聲聞緣覺乘行如來了知自佗根故即爲宣說大乘之法若諸衆生具最上乘根性修大乘行如來了知自佗根故即爲宣說最上乘法若諸衆生具不堪任非法器根性如來了知無所堪任非法器已即當捐棄若諸衆生有所堪

任是法器者如來即為宣說正法舍利子如
 來於一切衆生中若觀察諸根而悉了知不
 觀察諸根亦悉了知若出離根者而悉了知
 不出離根者亦悉了知隨諸衆生何等根性
 若諸行法若意樂因若緣若障若究竟處若
 最後根如來一一皆如實知爾時世尊重明
 斯義說伽陀曰

趣向彼岸諸根性 知衆生性及意樂
 世間諸根徧了知 人中師子宣正法
 普觀下中上根器 未曾有智而徧轉

知解脫器諸衆生 智宣勝法令開曉
 決定煩惱諸所起 隨衆生根少或多
 如諸根性遍了知 隨順宣說智行法
 若諸衆生具善根 或具不善諸根者
 眼耳鼻舌身意根 苦樂憂喜捨根性
 信進念定慧根等 如六 男女命根亦復然 七
 如其宣說彼信根 餘根勝義亦如是
 根性所行及諸相 隨衆生意而徧轉
 應根宣說勝法門 智善明了諸苦法
 聲聞諸根難解脫 唯佛菩提善出離

聲聞不知佛智因 爲說菩提最勝力

舍利子此是如來第五智力廣說乃至無與
如來同其法者復次舍利子云何名爲如來
至處道智力謂佛如來徧一切處所向之道
皆如實知云何能知若衆生界住正定聚者
住不定聚者住邪定聚者一一了知若住正
定聚衆生界者所有因力及彼先行而悉具
足開明利根如來知彼有所堪任是解脫器
隨昔因力而爲說法若住不定聚衆生界者
以彼緣力成熟相故隨其所應說法教授即

得解脫若緣力未熟即不解脫如來俟其因
緣和合值佛出世即爲說法彼於佛所得聞
法已深固勤行乃得勝果若住邪定聚衆生
界者不修正業根性癡暗非其正器如來不
爲說法以其無所堪任非解脫器如來知已

即當捐棄是故諸菩薩應當勤行被精進鑽
又舍利子如來了知三種貪處謂有貪處善
相所起復有貪處邊際相所起復有貪處先
因所起如來了知三種瞋處謂有瞋處惱害相
所起復有瞋處貪不滿意所起復有瞋處宿

習所起如來了知三種癡處謂有癡處無明
因所起復有癡處有身見因所起復有癡處
疑惑因所起如來一一如實了知又舍利子
如來於諸苦處以迅速神通而能了知以其
利根或於苦處以遲緩神通而能了知以其
柔軟根故又復如來於諸樂處以迅速神通
而能了知以其利根故或於樂處以遲緩神
通而能了知以其柔軟根故又於遲緩處以
遲緩神通而能了知以障道故於遲緩處以
迅速神通而能了知令得輕安故於迅速處

以遲緩神通而能了知以無畢竟安隱故於
迅速處以迅速神通而能了知以無別異故
又復有處得決擇力圓滿非修習力有得修
習力圓滿非決擇力有修習力及決擇力皆
得圓滿有修習力及決擇力皆不圓滿如來
一一如實了知又復有處意樂具足行不具
足有行具足意樂不具足有意樂具足行亦
具足有意樂不具足行亦不具足如來一一
如實了知又復有處身業清淨非語非心又
復有處心業清淨非身非語又復有處身語

心業皆不清淨又復有處身語心業皆悉清淨如來一一如實了知舍利子所有一切眾生於一切處所作因業若動若寂如來以無礙智隨眾生轉舍利子如是如來至處道智力無其邊際與虛空等諸住信菩薩聞已淨信超越分別離諸疑惑後復生起身喜心喜適悅之相發希有想爾時世尊重明斯義說伽陀曰

佛善了知至處力 諸正定聚知彼因
及不定聚諸眾生 彼成熟相皆明了

三種貪處佛善了	瞋癡三種亦復然
三種煩惱差別門	佛悉了知因緣處
苦處了知利根性	遲緩神通柔軟根
樂處利根亦復然	佛悉了知遲緩相
有遲緩處遲緩力	或遲緩處利根性
或迅速處遲緩根	迅速神通無異相
有決擇力無修力	或有修力決擇無
決擇修力或俱圓	二種俱無皆明了
有處意樂或圓具	而復行業未能圓
俱有俱無二種門	佛能遍觀皆明了

有處身業得清淨 非語非心淨亦然

或復語身清淨時 非心清淨義如是

或有清淨於心業 非語非身義亦然

或復語心清淨時 非身清淨義如是

身語心業皆清淨 佛徧觀察悉能知

如其所成寂靜門 此佛第六勝智力

舍利子此是如來第六至處道智力如來以

具勝智力故了知勝處乃至世間無與如來

同其法者

佛說大乘菩薩藏正法經卷第十一

佛說大乘菩薩藏正法經卷第十二

宋西天三藏朝散大夫試光祿卿傳梵大師法護等奉詔譯

如來不思議品第四之六

復次舍利子云何名為如來禪定解脫等持

等至捺淨所起智力謂佛如來於自於他所

有禪定解脫等持等至捺淨等法悉如實知

云何能知所有一切眾生諸雜捺法若因若

緣悉如實知及彼眾生諸清淨法若因若緣

亦如實知云何是因云何是緣謂即一切眾

生諸雜染中不如理作意是因無明是緣無

明爲因行爲緣行爲因識爲緣識爲因名色
爲緣名色爲因六處爲緣六處爲因觸爲緣
觸爲因受爲緣受爲因愛爲緣愛爲因取爲
緣取爲因有爲緣有爲因生爲緣生爲因所
緣爲緣煩惱爲因業爲緣見爲因愛爲緣隨
眠爲因所起爲緣一切衆生諸雜染處此如
是因此如是緣如來一一皆如實知又因緣
者所有一切衆生於清淨法中有二因二緣
若諸衆生聞佗隨順語言音聲即能各各深
固作意於三摩地能善觀想善住心一境性

又二因二緣者謂所起智及未起智又二因
二緣者謂伺察生法不證涅槃又二因二緣
者謂明行具足取證解脫又二因二緣者謂
修習解脫門自性解脫智又二因二緣者謂
盡智無生智又二因二緣者謂真實覺了真
實所得如是一切衆生於清淨法中有如是
因有如是緣如來一一皆如實知又舍利子
所有一切衆生有其多種清淨所緣雜染所
緣有取清淨所緣者如實伺察故有取雜染
所緣者如實伺察故有雜染所緣中取清淨

所緣者如實伺察故有清淨所緣中取雜染所緣者增上慢所執故舍利子如來勝智廣大無邊而能徧轉如實徧知所謂離諸罪業尋伺善法入離生喜樂初禪定門從初禪定入至滅受想定起乃至從滅受想定入還至初禪定起八解脫者謂順入逆入及逆順入何等爲八一者有色觀諸色解脫二者內無色想觀外諸色解脫三者淨解脫身作證具足住四者空無邊處解脫五者識無邊處解脫六者無所有處解脫七者非想非非想處

解脫八者滅受想定解脫此八解脫若順若逆等持等至及三昧耶皆能觀想然佛如來於三摩地悉無分別亦無所緣及彼所入如來於一三摩地中徧入一切三摩地門從一定起諸定亦然如來於等引心無相續轉無所得心無能觀心所有一切緣覺三摩地出過聲聞三摩地菩薩三摩地出過緣覺三摩地諸佛三摩地出過菩薩三摩地何以故如來增上勝智悉徧轉故若發聲聞心者諸有語言及教授法如來悉知若發緣覺心者若發

菩薩心者亦如實知隨其所應說法教授舍利子此是如來第七禪定解脫等持等至深淨所起智力無邊無際與虛空等諸住信菩薩聞已淨信超越分別離諸疑惑後復生起身喜心喜適悅之相發希有想爾時世尊重

明斯義說伽陀曰

諸有眾生雜染性 及諸眾生清淨因
大無畏尊悉了知 知己隨應為說法
而諸煩惱所因者 從彼無明緣所生
無明為因行為緣 乃至有支生諸苦

一切煩惱諸根本 源由不如理作意
從是因緣生有支 佛善了故為閑曉
諸業根本所謂行 無明及識而為緣
乃至諸苦有支生 隨佗音聲起諸法
深固作意而內觀 審知二因及二緣
眾生如實覺了因 以彼因故能寂止
眾生若求解脫因 應當善觀諸緣法
調御聖尊悉了知 深固安住戒清淨
如應審諦觀空法 而善修習解脫門
解脫三有苦難中 如實清淨善開曉

衆生信佛清淨法 空無相願解脫門
三摩鉢底復善宣 聲聞緣覺諸禪定
衆生備具諸煩惱 佛說禪定解脫門
無染第七力圓成 能調難調佛善說
舍利子如是如來第七智力如來以具勝智
力故了知勝處如六乃至無與如來同其法者復
次舍利子云何名爲如來宿住隨念智力謂
佛如來以無上智若自若佗無數多種諸宿
住事隨念了知若一生若二生三四五生若
十二十三四五十百生千生及百千生乃至

無數俱胝那度多百千生事隨念悉知若成
劫若壞劫若成壞劫乃至無數成壞劫中於
某方某處往昔世中諸有衆生如是名字如
是種族如是姓氏如是狀貌如是色相如是
形體如是壽量如是久住如是苦受如是樂
受於某處滅於某處生復於某處滅已復某
處生若有表示若無表示若自若佗有無數
多種宿住隨念等事若諸衆生有如是因由
彼因故諸所從來如來一一如實了知知已
爲說法要所有一切衆生過去心行如來悉

能住持了知若心相續若心所緣若心生起於所緣心不壞不滅舍利子如來於一衆生心相續知故乃至於何等心而悉相續如實了知從某心起設經旃伽沙數等劫說不能盡是故應知諸佛如來了知一切衆生心行無其邊際經俱胝劫說不能盡如來無上勝智亦無邊際舍利子如是如來宿住隨念作證智力不可思議無有等比無其限量不可算數不可記說於諸衆生無邊際處以佛神通智力隨念能知若諸衆生隨所生起種諸

善根若佛乘若緣覺乘若聲聞乘若諸善法如來隨念而悉能知如來以大威力隨諸衆生善根所緣即爲說法令彼衆生不退轉於阿耨多羅三藐三菩提果如其信解皆得出離若發聲聞乘心若發緣覺乘心若發無上正等菩提之心舍利子此是如來十六第八宿住隨念作證智力無其邊際與虛空等諸住信菩薩聞已淨信超越分別離諸疑惑乃至發希有想爾時世尊重明斯義說伽陀曰
百俱胝劫無邊際 佛世燈照宿住事

遍知自他五類心	如觀掌中菴摩果
壽量劫數及色相	生滅衆生所起因
具法器者亦悉知	過去無邊無際等
世間衆生心心所	相續所生無間斷
聖尊大智徧了知	過去無量諸心法
一衆生心佛知己	殑伽沙數等亦然
三有無際復無邊	乃至後際不可盡
如是所行智無盡	無數亦復無限量
世尊智海廣無邊	悉知衆生善音樂
尊重能仁具無量	神通智力悉廣大

如昔所修善法因	以威神力能思念
如是無量大福事	三種智通善思念
安住不退轉大心	已修勝行解脫道
善逝正智無邊量	能知一切衆生心
第八智力廣無邊	佛子當生清淨信
舍利子如是如來 ^{如六} 第八智力如來 ^{十五} 以具勝智	
力故了知勝處乃至無與如來同其法者復	
次舍利子云何名為如來天眼隨念作證智	
力謂佛如來以無上智清淨天眼過於肉眼	
觀見世間一切衆生生時滅時尊貴卑賤善	

相惡相趣向善趣趣向惡趣隨諸衆生業報成熟所受其果如來悉知又若衆生身語意業作諸不善毀謗賢聖起諸邪見以其積集邪見因故身壞命終墮於惡趣地獄餓鬼傍生趣中若諸衆生身語意業作諸善行不謗賢聖起於正見以其積集正見因故身壞命終生天界中又復如來清淨天眼徧觀十方一切佛刹如虛空界無其邊際亦如法界無有限量不可記說所有十方殑伽沙數等一切佛刹如來智光而悉照現或見一切大火

炎熾或見一切成壞等相或見衆生光明中來或見衆生生時滅時或見菩薩光明中現或見菩薩從兜率天沒來生人間降神母胎菩薩生已即行七步所有菩薩住胎入胎悉能觀見或見諸佛世尊光明中現或見菩薩成正覺果或見諸佛轉大法輪或見諸佛歎捨壽命所有緣行入大涅槃或見諸聲聞衆光明中現又見聲聞趣證涅槃或見諸緣覺衆光明中現又見緣覺現諸神通作大清淨或有衆生不能乘佛光明來者謂外道衆及

五通仙衆不與聲聞緣覺菩薩相等是故不能乘光而來以佛清淨最上天眼智力光明亦悉乘光而來或復如來現車輪量廣大光明有諸衆生乘光而來如是乃至三千大千世界無量無邊徧衆生界一切天人悉於如來智光中現如六十六又舍利子如來清淨天眼徧觀一切佛刹諸衆生界何等衆生所應化度隨其觀已有應度者佛即爲現其前而化度之是彼衆生既得度已餘諸衆生亦悉不知舍利子此是如來第九天眼作證智力無其邊

際與虛空等諸住信菩薩聞已淨信廣說乃至發希有想爾時世尊重明斯義說伽陀曰
 善逝天眼淨無垢 俱胝劫集善業因
 佛眼觀照徧十方 佛刹廣大不思議
 若成若壞諸事相 或見炎熾大火鬘
 或見多界渾然空 佛自然智皆明照
 廣大難思衆生界 若色無色亦復然
 或墮善趣惡趣中 佛自然智皆明照
 現在俱胝諸如來 及已涅槃諸聖尊
 并諸緣覺與聲聞 佛自然智皆明照

菩薩為欲利來生 諸所修行菩提行

覺智明達無攝藏 佛自然智皆明照

如是善逝無垢眼 眾生微細悉能觀

第九智眼力難思 佛子應當生淨信

舍利子如是如來第九智力如來以具勝智

力故了知勝處如六乃至無與如來同其法者復十七

次舍利子云何名為如來漏盡作證智力謂

佛如來以無上智力諸漏悉盡非漏隨增心

善解脫慧善解脫證自通已隨諸所行我生

已盡梵行已立所作已辦不受後有如來以

是漏盡智力清淨明亮悉斷一切種子習氣

不與一切聲聞緣覺而相等比聲聞漏盡者

有其限量不斷習氣緣覺漏盡者亦有限量

捨離大悲及離辯才如來漏盡者諸相具足

一切種子習氣皆悉除斷大悲攝受無畏辯

才深善伺察一切世間無勝過者住一心相

和合所成何以故如來已無業種子故無煩

惱種故於威儀道無過失故其猶虛空清淨

澄瑩煙雲塵霧悉不能染如來漏盡智力亦

復如是一切煩惱種子悉不能染如來安住

如是清淨漏盡智力已盡諸漏說漏盡法亦復宣說斷取著法令諸眾生了知一切虛妄分別諸所取著而悉不起普令眾生如實伺察如來以善方便說譬喻法令諸眾生於彼諸漏不實法中如實知已於一切法無少法可取於諸取著而悉寂止舍利子如來了知一切眾生諸漏所集諸漏滅法諸漏向滅之道如來如實知已隨其所應為說法要諸住信菩薩於佛如來漏盡作證智力聞已淨信超越分別離諸疑惑乃至發希有想爾時世

尊重明斯義說伽陀曰

漏盡智力佛圓具	廣大無量淨無障
成滿十方勝智門	趣正無上菩提果
不同聲聞漏盡智	種習限量結縛障
人中最上最勝尊	蠲除種習及限量
所有緣覺漏盡智	捐捨大悲及辯才
世尊漏盡智圓成	大悲辯才皆無量
佛善安住漏盡智	悉知世間漏不實
於一切法虛妄中	此理如應皆善了
悲念世間極苦惱	說法無我空無常

虛假不實諸相中 應觀最上寂靜地
 無我無人無衆生 作者受者悉皆無
 於一切法虛妄中 佛悲心觀解脫道
 如來已離諸疲懈 實智亦無忘失法
 能仁常住相應門 廣利世間宣正法
 十力能摧於佗法 十力無邊等虛空
 善能安住十力尊 轉最上輪無等比
 舍利子如是如來十種智力如來以具十智
 力故了知勝處於天人世間能師子吼轉妙
 梵輪所有一切天人魔梵悉不能轉無與如

來同其法者諸住信菩薩於佛如來不可思
 議最勝智力應當淨信超越分別離諸疑惑
 後復生起身喜心喜適悅之相發希有想

佛說大乘菩薩藏正法經卷第十二

十九

永樂北藏

大乘菩薩藏正法經

第七一册

佛說大乘菩薩藏正法經卷第十三第十四卷

宋西天三藏朝散大夫試光祿卿傳梵大師法護等奉詔譯

如來不思議品第四之七

如七

復次舍利子云何名為如來四無所畏不可思議諸住信菩薩應發淨信超越分別離諸疑惑乃至發希有想舍利子如來無所畏法其有四種如來由具四無畏故了知勝處於大眾中能獅子吼轉妙梵輪餘諸沙門婆羅門悉不能轉一切世間天人魔梵無與如來同其法者舍利子何等是為四無所畏一者

一切智無畏謂佛如來已能圓具無上勝智於大眾中作如是言我成無上正等正覺此法唯佛自所證知餘諸天人世間不能與佛同其法語如來以此法故成等正覺云何說名如來成等正覺謂佛如來以一切法平等故而成正覺於諸法中無高無下若異生法若聖人法若諸佛法若有學法若無學法若緣覺法若菩薩法若世間法若出世間法若有罪法若無罪法若有漏法若無漏法若有為法若無為法於如是等一切法中如來悉

平等故此名如來現成正覺此中云何名爲
平等謂空平等見自性故無相平等相自性
故無願平等三界自性故無生平等生自性
故無作平等作自性故無起平等起自性故
無含藏平等含藏自性故如所說平等三世
自性故明解脫平等無明有愛自性故涅槃
平等諸行自性故舍利子以如是等諸法平
等是故如來現成正覺如來於大眾中得無
所畏以如是法教示眾會令諸眾會咸生歡
喜身得喜故心極信順復令眾會適悅快樂

如來大悲相應具真實故平等性故如實性
故無異性故無種類性故無所觀性故無生
性故無離性故無所取性故如來所具無畏
法中實無少法可取亦非無取如來無畏法
中亦無虛誑如實故平等法界平等於是平
等法中普盡一切世界舒坦無礙如來如實
之法甚深微妙難解難知如來起大悲心即
以是法起種種方便爲諸眾生廣大宣說聖
出離法能盡諸苦如來以大願力一切眾生
無師範者爲作師範未成正覺者令成正覺

所有一切衆生馳流諸境斷見等者如來以無畏法悉令清淨舍利子如來無所畏法無邊無際與虛空等若欲知其虛空邊際即知如來無畏邊際諸住信菩薩聞是法已應生淨信超越分別離諸疑惑乃至發希有想此說是名如來第一無畏復次舍利子二者漏盡無畏謂佛如來具足無上勝智於大衆中作如是言我盡諸漏得無所畏而彼一切天人世間無能與佛同法語者此復云何如來已盡諸漏謂佛如來欲漏已盡心得解脫斷

滅一切貪行種子如來有漏已盡心得解脫斷滅一切瞋行種子如來無明漏已盡心得解脫斷滅一切癡行種子如來見漏已盡心得解脫斷滅一切煩惱所行種子此等是名如來諸漏已盡如是所說皆世俗所成非勝義諦勝義諦者謂最上聖智慧中若智若斷若修若證而無少法可住何以故如所說盡彼即無生無生即無盡於畢竟盡中無所對治此說名盡如所說盡亦復無有盡法可盡即是無爲無爲即無滅無住若說有生如來

即無生法性常住法界常住諸法亦復隨智
所行然其所行悉無所行亦非無行亦復無
漏法可得雖復如是如來安住大悲心已亦
爲衆生廣大宣說斷除諸漏之法如來於大
衆中得無所畏以如是法教示衆會令諸衆
會咸生歡喜身得喜故心極信順復令衆會
適悅快樂如來大悲相應具真實故平等性
故如實性故無異性故無種類性故無所觀
性故無生性故無離性故無所取性故如來
所具無畏法中實無少法可取亦非無取如

來無畏法中亦無虛誑如實故平等法界平
等於是平等法中普盡一切世界舒坦無礙
此如是等不可思議無量無數甚深正法如
來悉具足已大悲之心所逼切故爲諸衆生
廣大宣說如是之法舍利子如來無所畏法
無邊無際與虛空等若欲知其虛空邊際即
知如來無畏邊際諸住信菩薩聞是法已應
生淨信超越分別離諸疑惑乃至發希有想
此說是名如來第二無所畏法如來由具無
所畏故一切天人世間無與如來同其法者

復次舍利子三者說障道無畏謂佛如來具足無上勝智於大衆中作如是言我說諸障道法能障聖道乃至一切天人世間無能與佛同法語者云何名爲障道之法有其一法能障聖道何等爲一謂諸衆生心不清淨二法能障聖道謂無慙無愧三法能障聖道謂身惡作語惡作意惡作四法能障聖道其四種法皆墮惡趣謂貪欲當墮惡趣瞋恚當墮惡趣愚癡當墮惡趣怖畏當墮惡趣五法能障聖道謂殺生偷盜邪染妄語飲酒六法能

障聖道謂不尊重佛不尊重法不尊重僧不尊重戒學不尊重定學不尊重修頭陀行者七法能障聖道謂慢過慢慢過慢我慢邪慢增上慢卑慢八法能障聖道謂邪見邪思惟邪語邪業邪命邪勤邪念邪定九法能障聖道謂於我身作無義利生起害心已作現作當作於我所愛作無義利生起害心已作現作當作於我非愛作無義利生起害心已作現作當作十法能障聖道謂殺生偷盜邪染妄言綺語兩舌惡口貪瞋邪見舍利子如是

等法能障聖道乃至不如理作意相應所生
結使此法無味是不可觀是不可行由顛倒
勤行故不出離生起一切愛見取著於身語
意業愛著增熾如來了知諸法能障聖道知
已如實爲諸衆生廣大宣說障道之法令諸
衆生寂止近止如七說除斷法普爲教示令諸衆
會咸生歡喜身得喜故心極信順復令衆會
適悅快樂如來大悲相應具真實故平等性
故如實性故無異性故無種類性故無所觀
性故無生性故無離性故無所取性故如來

所具無畏法中實無少法可取亦非無取如
來無畏法中亦無虛誑如實故平等法界平
等於是平等法中普盡一切世界舒坦無礙
此如是等不可思議無量無數甚深正法如
來悉具足已大悲之心所逼切故爲諸衆生
說斷障道之法普令一切寂止近止舍利子
如來無所畏法無邊無際與虛空等若欲知
其虛空邊際即知如來無畏邊際諸住信菩
薩聞是法已應生淨信超越分別離諸疑惑
乃至發希有想此是如來第三無所畏法如

來由具無所畏故一切天人世間無與如來同其法者復次舍利子四者盡苦道無畏謂佛如來具足無上勝智於大衆中作如是言我說聖出離法能盡苦道乃至一切天人世間無能與佛同法語者云何名爲聖出離法能盡苦道其有一法是聖出離道何等爲一謂諸衆生心悉清淨二法是聖出離道謂奢摩他毗鉢舍那三法是聖出離道謂空無相無願四法是聖出離道謂身念處受念處心念處法念處五法是聖出離道謂信根精進

根念根定根慧根六法是聖出離道謂念佛念法念僧念戒念施念天七法是聖出離道謂擇法覺支精進覺支喜覺支輕安覺支捨覺支念覺支定覺支八法是聖出離道謂正見正思惟正語正業正命正精進正念正定九種歡喜根本六法是聖出離道七謂歡喜適悅輕安快樂等持如實知見寂靜離滌解脫十法是聖出離道謂遠離殺生遠離偷盜遠離邪染遠離妄言遠離綺語遠離兩舌遠離惡口遠離貪欲遠離瞋恚能具正見舍利子如

是所說諸聖出離法能盡苦道乃至諸善善
提分法戒蘊相應定蘊相應慧蘊相應解脫
蘊相應解脫知見蘊相應四聖諦法相應此
等所說皆名聖出離道復有聖出離道謂正
所行此正所行彼即無法可行亦非無行無
入無出無取無捨何以故若已行若當行二
法皆離彼一切法無二亦然此如實知見是
聖出離道如來於此聖出離道自了知已爲
諸衆生廣大宣說令諸衆會咸生歡喜身得
喜故心極信順復令衆會適悅快樂如來大

悲相應具真實故平等性故如實性故無異
性故無種類性故無所觀性故無生性故無
離性故無所取性故如來所具無畏法中實
無少法可取亦非無取如來無畏法中亦無
虛誑如實故平等法界平等於是平等法中
普盡一切世界如七舒坦無礙此如是等不可思
議無量無數甚深正法如來悉具足已大悲
之心所逼切故爲諸衆生廣大宣說聖出離
法令諸衆生咸悉覺了盡苦邊際舍利子此
是如來第四無所畏法如來由具四無所畏

故了知勝處於大衆中作獅子吼轉妙梵輪
餘諸沙門婆羅門悉不能轉乃至一切世間
天人魔梵無與如來同其法者舍利子如來
如是四無所畏無邊無際與虛空等若欲知
其虛空邊際即知如來無畏邊際諸住信善
薩得聞如來如是不可思議無畏之法應生
淨信超越分別離諸疑惑後復生起身喜心
喜發希有想爾時世尊重明斯義說伽陀曰
彼一切法皆平等 佛自然智隨覺了
由是現證佛菩提 如來平等普觀視

世間一切異生法 與諸佛法悉平等
有學無學諸法門 及緣覺法亦如是
所有世間一切法 及彼出世勝法門
善惡無動法亦然 與涅槃道皆同等
所有空法無相法 彼無願法亦復然
無生無作諸法中 如來平等同觀照
此平等法了知已 佛為衆生廣宣說
化衆生歸解脫門 牟尼第一無所畏
解脫世間三種法 為衆生說解脫門
佛大無畏人中尊 此名第二無畏法

雖知諸佛演正法	何故親近不解脫
心不清淨慚愧無	由斯一二為障礙
復由身語意三業	不遵戒法而惡作
貪瞋癡怖起四憊	彼諸殺害并偷盜
邪染妄言飲酒五	六不尊重七慢生
八種邪法 <small>如七</small> 旋復興	彼九惱處 <small>八</small> 多過失
後起十種不善業	於解脫道為障礙
深固作意不了知	為癡暗道所覆蔽
取著虛妄及迷醉	顛倒勤行了知已
乃復親近正法門	此名第三無畏法

清淨法門無限量	近正法故證菩提
唯佛智知寂靜門	知己廣施甘露法
佛最稱讚菩提分	乃至廣多諸善法
習近故為解脫門	佛十力尊善宣說
深固勤行離諸染	於其善法悉相應
是法非法無著心	寂靜解脫離憂怖
如實了知諸善法	如空寥廓而無礙
無執著法亦復然	彼能出離三有海
三有海中迷著者	十方尊說業所生
佛令解脫悲愍心	四無畏法虛空等

舍利子如是所說如來四無畏法不可思議
諸住信菩薩聞是法已應生淨信超越分別
離諸疑惑乃至發希有想

佛說大乘菩薩藏正法經卷第十三

佛說大乘菩薩藏正法經卷第十四

宋西天三藏朝散大夫試光祿卿傳梵大師法護等奉詔譯

如來不思議品第四之八

復次舍利子云何名爲如來大悲之心不可
思議諸住信菩薩聞是說已應生淨信超越

分別離諸疑惑乃至發希有想舍利子如來
大悲心者所謂不捨一切衆生常行悲愍爲
成熟故隨悲心轉而無不轉是故當知如來
大悲之心無有限量不可思議復無等比亦
無數量不可稱說最爲甚深如其語業不能
宣說何以故隨佛如來所證菩提亦然如是
爲諸衆生起大悲心隨如是菩提即如是大
悲舍利子云何如來得證菩提如來無根本
無所住故乃證菩提云何名根本復何名住
謂有身見爲根本依虛妄分別而住如來以

其菩提平等故平等了知二法亦悉平等是故說名無住無根本如來由是現成正等菩提而諸衆生於無住無根本法不能了知如來爲今一切衆生悉覺了故乃於衆生轉大悲心又舍利子菩提者寂靜近寂由如是故我成正覺何名寂靜何名近寂內謂寂靜外謂近寂所以者何謂眼空故我我所無自性此名寂靜如是耳鼻舌身意空故我我所無自性此名近寂知眼空已色無所取此名寂靜乃至知意空已法無所取此名近寂而諸

衆生於此菩提寂靜等法不能了知如來爲今一切衆生悉覺了故乃於衆生轉大悲心又舍利子菩提者自性明亮由如是故我成正覺云何名爲自性明亮謂由自性無所染故與虛空等虛空自性周徧一切以虛空平等故一切法平等畢竟自性如是明亮此明亮性所應覺了諸愚夫異生以客塵煩惱之所染故於此自性明亮法中不能了知如來爲今一切衆生悉覺了故乃於衆生轉大悲心又舍利子菩提者無出無入由如是故我

成正覺何名無出以無相故無出又無出者一切法無捨故無入者一切法無取故如來於是無出無入法中平等觀照如來無此無彼一切法離彼此故是故如來現成正覺如是無出無入法中而諸衆生不能了知如來爲今一切衆生悉覺了故乃於衆生轉大悲心又舍利子菩提者無相無所緣由如是故我成正覺何名無相何名無所緣謂眼識無所得名爲無相色無所觀名無所緣乃至意識無所得名爲無相法無所觀名無所緣舍

利子此無相無所緣法是諸聖境界何名聖境界謂即三界是聖境界若諸聖境界彼即無境界而愚夫異生不能了知如來爲令一切衆生悉覺了故乃於衆生轉大悲心又舍利子菩提者非過去未來現在三世平等三輪清淨由如是故我成正覺何名三輪清淨謂過去心無轉未來識無覺了現在意無動而心意識都無所住過去無分別未來無領納現在無戲論此三平等三輪清淨之法而諸衆生不能了知如來爲令一切衆生悉覺

了故乃於衆生轉大悲心又舍利子菩提者是無爲由如是故我成正覺謂非眼識所知乃至非意識所知此名無爲無爲即無生無滅無住此說亦名三輪清淨是即無爲然於有爲之法亦悉了知何以故一切法自性彼即無性無性即無二無爲之法亦非身證而諸衆生不能了知如來爲令一切衆生悉覺了故乃於衆生轉大悲心又舍利子菩提者是無差別由如是故我成正覺何名無差別復何名句謂如所說名句無住名無差別

法界名句無種種性名無差別實際名句無動性名無差別空名爲句無所得名無差別無相名句無尋伺名無差別無願名句無分位名無差別無衆生名句無衆生自性名無差別虛空名句無所得名無差別無生名句無滅名無差別無爲名句無所行名無差別菩提名句近寂名無差別涅槃名句無所轉名無差別舍利子此如是等而諸衆生不能了知如來爲令一切衆生悉覺了故乃於衆生轉大悲心又舍利子菩提者非身心可證

何以故是身無知無作無轉如草木瓦礫是
心如幻如水月陽焰應當覺了身心若然即
是菩提此乃世俗所行亦非菩提有少法可
說若身若心若法若非法若真實若不真實
若誠若妄悉無言說何以故菩提無言說故
彼一切法亦無分位七可容言說猶如虛空了
無分位無言說故菩提亦然了無分位亦無
言說舍利子若其如實審伺察時彼一切法
本無言說法無言說亦非無說此諸法理而
諸衆生不能覺知如來爲令一切衆生悉覺

了故乃於衆生轉大悲心又舍利子菩提無
取亦無舍藏何名無取何名無舍藏謂知眼
故名爲無取色無所觀名無舍藏乃至了知
意故名爲無取法無所得名無舍藏舍利子
如來以無所取無舍藏故現成正覺又眼無
所取色無舍藏識無所住乃至意無所取法
無舍藏識無所住彼無住識於彼一切衆生
心住此云何知謂有四種法於一切衆生心
住何等爲四謂色中住受想行中一切衆生
心住如是四法衆生心住然其所住亦即無

住如來了知如是無住之法真實之際而諸
衆生不能覺了如來爲令一切衆生悉覺了
故乃於衆生轉大悲心又舍利子菩提是空
增語以其空故菩提亦空如來以其諸法空
故現成正覺亦非空故有所證若空若菩提
同一理智而無有二以空及菩提本無二故
即無種類之法以其諸法無二無種類故即
無名無相無行畢竟無行無集法中此說名
空是中悉離執見取著而於勝義諦中無有
少法可得以如是故乃說名空此所說空如

虛空故即此虛空欲說爲空而亦無言可說
爲空空亦無言而可說故於是空中若解入
者乃一切法假名施設然其名字而不在方
亦不離方如其假名不在方不離方故由是
諸法假名施設一切法亦然而不在方亦不
離方如來如實了知本來如是無生無起如
實知己自性解脫無縛無解而愚夫異生於
如是法不能了知如來爲令一切衆生悉覺
了故乃於衆生轉大悲心又舍利子菩提如
虛空故而悉平等無高無下菩提亦然等無

高下若知諸法畢竟都無亦復無高無下可說舍利子如來以一切法無高無下故現成正覺雖有所成亦無微塵許法若高若下而可施作如實智知無此彼法何名如實智謂無根本法雖有所生而無攝受亦無主宰以無主宰無攝受故若生不生隨緣所轉然於是中無法可轉亦非無轉如來於法而亦不說斷滅之相如是無斷滅法而諸眾生不能了知如來為令一切眾生悉覺了故乃於眾生轉大悲心又舍利子善提是如所說句何

名如所說句如其善提色法亦然而不離真如其善提受想行識亦然亦不離真如其善提地界水界火界風界空界亦然亦不離真如其善提眼界色界眼識界乃至意界法界意識界亦然亦不離真如由是施設此如是等諸聖法門所謂蘊處界等如來以如實法故現證善提以無顛倒法故現證善提如其先說中後亦然先際無生後際無去中際性離如是如所說句中如說一法多法亦然如說多法一法亦然如其所說若一若

多都無所得如是如所說句而諸衆生不能
了知如來爲令一切衆生悉覺了故乃於衆
生轉大悲心又舍利子菩提入相入無相何
名爲相何名無相此說相者謂即所起一切
善法無相者即一切法都無所得又相者謂
心無所住分位無相者即無相三摩地法又
相者即思惟稱量算數伺察無相者即出過
稱量云何出過稱量謂識業無故又相者謂
有爲伺察無相者即無爲作證此相無相法
愚夫異生不能解入亦復不知如來爲令一

切衆生悉覺了故乃於衆生轉大悲心又舍
利子菩提無漏無取何名無漏何名無取此
說無漏者謂離四種漏法一離欲漏二離有
漏三離無明漏四離見漏無取者謂離四取
一離欲取二離我語取三離見取四離戒禁
取如是四取^{如七}一切皆由無明覆蔽愛水滋潤
我見執取蘊處界法如來了知彼我語取爲
根本故得我清淨已一切衆生亦悉清淨若
其清淨即無少法而可分別若無分別即能
深固作意若深固作意相應即無明不能起

發由其無明不起發故即十二有支亦復不起彼即無生彼即決定若其決定即調伏義是即勝義勝義諦中即無補特伽羅義若無補特伽羅義即是不可說義若不可說義即緣生義若緣生義即正法義若正法義即如來義由如是故當觀諸法皆從緣生若能見法即見如來如其所見若如實伺察即無少法可見若無法可見即見無相及無所緣若如是見即真實見如來由此法故現成正覺平等故平等如是無漏無取之法愚夫異生

不能了知如來為今一切衆生悉覺了故乃於衆生轉大悲心又舍利子菩提清淨無垢無著何名清淨何名無垢何名無著謂空是清淨無相是無垢無願是無著無生是清淨無作是無垢無起是無著自性是清淨圓淨是無垢明亮是無著無戲論是法淨離戲論是無垢戲論近寂是無著真如是清淨法界是無垢實際是無著虛空是清淨寥廓是無垢廣大是無著知內是清淨外無所行是無垢內外無所得是無著知蘊是清淨界自性

是無垢處離諸業是無著過去盡智是清淨
未來無生智是無垢現在法界安住智是無
著舍利子此清淨無垢無著有其一法而能
普攝謂寂靜句若寂靜即徧寂若徧寂即近
寂若近寂即無寂此是牟尼聖尊所說又舍
利子如虛空故菩提亦然如菩提故諸法亦
然如諸法故衆生亦然刹土亦然涅槃亦然
此即名爲涅槃平等是一切法畢竟邊際清
淨正因無所對治離對治因本來清淨本來
無垢本來無著如來了知彼一切法若色無

色本如是故現成正覺觀諸衆生界清淨無
垢無著故即起遊戲神通乃於衆生轉大悲
心舍利子當知如來大悲之心清淨無垢無
著於諸衆生常所運行然無發悟無所生起
無所觀矚普盡十方一切世界舒坦無礙舍
利子如來大悲無邊無際與虛空等若欲知
其虛空邊際即知如來大悲邊際諸住信菩
薩得聞如來不可思議大悲心已應生淨信
超越分別離諸疑惑乃至發希有想爾時世
尊重明斯義說伽陀曰

以無根本無住法	現證菩提佛所宣
如所覺了亦復然	為諸眾生廣宣說
知內眼根名為空	知外色法空亦然
寂靜近寂妙法門	佛證菩提如是說
彼諸眾生不覺了	毗鉢舍那奢摩他
開覺句義為眾生	佛大悲心方便轉
諸法自性本明亮	菩提清淨等虛空
為彼眾生不了知	佛大悲心方便轉
一切眾生多執取	不能如理而相應
無人無出妙法門	佛證菩提如是說

為諸眾生不了故	如來乃起大悲心
諸法無相無所緣	此是諸聖之境界
諸愚夫為非境界	佛證菩提方便宣
而諸異生不了知	為開覺故由斯說
如來為諸眾生故	隨應所起大悲心
無為自性妙法門	本來不生亦不滅
當知彼法無所住	是中三種相應相
而諸愚夫不了知	諸法有為自性故
隨應所起大悲心	為今了知此理法
菩提非身所覺知	非心覺故亦如是

身本自性無知覺	心如幻法亦復然
而彼愚夫不了知	如是身心自性故
隨應所起大悲心	為令了知此理法
佛證最上勝菩提	自然智尊坐道樹
坐已普觀眾生界	旋轉種種惡趣中
佛見極生哀愍心	生死輪中大悲轉
憍慢等法所迷著	見網纏覆苦計樂
無常不淨我眾生	此等顛倒而計執
佛見極生哀愍故	於取著中大悲轉
癡蓋徧覆三有中	暗冥悉無光明照

如日光明雲所覆	無垢智光悉隱蔽
佛見極生哀愍心	生死輪中大悲轉
貪愛故生諸惡趣	破壞正道而極壞
地獄傍生餓鬼中	眾生業故皆墮落
如先佛說諸正道	開明顯示為眾生
佛見極生哀愍心	生死輪中大悲轉
了知諸法如實性	廓然明照等虛空
如佛所說諸世間	不知最上清淨法
舍利子如是所說是為如來不可思議大悲	
之法諸住信菩薩聞是法已應生淨信超越	

分別離諸疑惑後復生起身喜心喜發希有
想

佛說大乘菩薩藏正法經卷第十四

永樂北藏

大乘菩薩藏正法經

第七一册

永樂北藏

大乘菩薩藏正法經

第七一冊

佛說大乘菩薩藏正法經卷第十五

第十六同卷

宋西天三藏朝散大夫武元祿卿傳梵大師法護等奉詔譯

如來不思議品第四之九

如

復次舍利子如來所有十八不共佛法諸住
信菩薩聞是說已應生淨信超越分別離諸
疑惑乃至發希有想而是十八種法如來以
具足故了知勝處於大眾中作師子吼轉妙
梵輪餘諸沙門婆羅門悉不能轉所有一切
世間天人魔梵無與如來同其法者云何名
為如來十八種法一者如來三業無諸過失

所謂身無過失故若智若愚無與如來同法
語者何以故佛世尊者身業清淨無諸過失
如來身相端直諸威儀道進止可觀若向若
背若屈若伸都無缺失被僧伽黎執持應器
而僧伽黎衣離地四指毗藍婆風不能吹鼓
舉足下足行住坐卧威儀如法於城邑聚落
若入若出下足接地而不損觸千輻輪相於
虛空中雨眾蓮華及諸妙香又復如來足按
地時傍生趣中諸眾生類於七夜中悉得快
樂命終之後得生天界佛身光明普遍照耀

下至阿鼻地獄彼諸衆生蒙光照觸皆獲樂受此名如來身無過失又復如來語無過失此語無過失者若智若愚無與如來同法語者何以故舍利子如來所出語言悉知時故是如實語誠諦語平等語如說能行語無衆雜語今諸衆生歡喜語無重複語善文善義妙莊嚴語以一語言音聲隨諸衆生種種意樂咸生歡喜語此名如來語無過失又復如來心無過失此心無過失者若智若愚無與如來同法語者何以故舍利子如來雖常住

等引心而不捨離一切佛事常所施作心無所觀於一切法無礙知見而常運轉此名如來心無過失即以如是心無過失之法爲諸衆生亦然宣說普令斷除諸心過失此等是名如來第一不共佛法舍利子如來心無愛著所有一切魔及魔衆并餘邪異外道於佛如來伺不得便何以故如來若順若逆若尊重若損害皆已離故一切衆生若起尊重心亦不高若不尊重心亦不恚如來諸所作事已作見作悉無流散不起愛著亦復不與世

間相違以如來心無愛著故修無諍行如來無我無執無取離諸結縛是故如來無所愛著以其無故爲諸衆生亦然宣說斷愛著法此是如來第二不共佛法復次舍利子如來無失念若有失念即有癡暗以其如來無癡暗故即於禪定解脫等持等至悉無障礙所有一切衆生心行動轉普觀察已即爲如應宣說法要由無忘失故於諸法義樂說辯才及無礙解皆無忘失如來於過去未來現在具無礙智見故自解了已即爲衆生廣大宣

說過去未來現在無礙智見無忘失法此是如來第三不共佛法復次舍利子如來常住三摩呬多若行若住若坐若卧若食食已或復默然心無所得如來已得甚深三摩地法及最上波羅蜜多能觀所觀悉無障礙所有一切衆生及衆生聚中悉不能觀如來之心如入唯除如來加持力故如來常住三摩呬多心已即爲衆生如應宣說三摩地中清淨捨法此是如來第四不共佛法復次舍利子如來無種種想不於種種想及諸境界而住其心三

何以故如來於刹土中無種種想刹土如虛空無有盡故於衆生中無種種想衆生自性無種種故於諸佛中無種種想界無差別平等智故於諸法中無種種想離貪法故如來於衆生中見具戒者不起敬心見毀戒者不起慢心不饒益者現起饒益無不饒益普饒益故不調伏者平等調伏邪定聚者亦不輕慢如來於一切法中起平等行此名如來無種種想即以此法爲諸衆生宣說斷除種種之想此是如來第五不共佛法復次舍利

子如來於諸捨法無不決擇何以故如來於修道者而行捨法非修道者亦不棄捨於修心者而行捨法非修心者亦不棄捨於修戒者而行捨法非修戒者亦不棄捨於修慧者而行捨法非修慧者亦不棄捨於智行捨不棄愚癡捨出世間不棄世間於聖出離者而行捨法非聖出離者亦不棄捨如來轉妙梵輪而行捨法於諸衆生亦不捨離大悲之心如來自所證成平等捨法不假對治而能隨順舍利子又復如來於捨法中無高無下亦

無所住已得不動離於二法無出無入依時而捨不越於時無動搖無別異無分別無所觀無和合無表示無實無虛無誠無妄亦無領納如是如來捨法具足即以是法爲諸眾生廣大宣說令捨法圓滿此是如來第六不共佛法復次舍利子如來於欲無減何名爲欲謂善法欲復何名無減謂即如來大慈心欲無減大悲心欲無減說法欲無減化度眾生欲無減成熟衆生欲無減伺察欲無減教示菩薩欲無減令三寶種不斷欲無減如來

所欲所向智爲先導如是等如來所欲皆爲令彼一切衆生圓滿無上一切智果如其所應宣說法要此是如來第七不共佛法復次舍利子如來精進無減以其如來精進力故普爲化度一切衆生不捨精進令聽法者不生疲倦如來於聽法者亦無所得觀其法器如來隨應爲說法要不生疲倦亦無中止當說法時不念飲食於其中間不捨衆生如來過度殫伽沙數等諸佛刹其中若有一衆生未化度者如來身語心業悉無疲倦三業輕

安發起精進如理勤行令諸衆生得聖解脫是爲如來爲諸衆生大精進力此是如來第八不共佛法復次舍利子如來於一切處一切種諸念無滅如來正念悉無忘失何以故諸佛如來相續現證阿耨多羅三藐三菩提果所有一切衆生如六過去未來現在五諸心如來悉能住持觀察如來於諸念中畢竟不復有所忘失隨諸衆生一切心行而悉了知如來不復思想觀視正念無滅住三聚法了衆生根解入衆生一切意樂觀衆生行如來亦無

思惟伺察說法無斷所以者何隨其如來念無滅故念即寂靜悉無忘失即以是法爲諸衆生廣大宣說此是如來第九不共佛法復次舍利子如來等持無滅所有如來等持之法即是一切法平等如其所說諸法平等何名如來等持無滅謂若真如平等即等持平等等若等持平等即諸如來平等若入是平等法門此即說名三摩呬多若貪際平等即離貪際平等若瞋際平等即離瞋際平等若癡際平等即離癡際平等若有爲際平等即無

爲際平等若生死際平等即涅槃際平等若入是平等法門即名如來等持無減何以故由等持無減故即畢竟無減又復如來等持之法非眼相應非耳鼻舌身意相應如來於其諸根無所缺壞不依止地界亦不依止水火風界不依止欲界色界無色界不依止此界他界以無依止故即無所減是爲畢竟無減以其如來等持無減故即以此法爲諸衆生廣大宣說普令衆生獲得如來等持法門此是如來第十不共佛法復次舍利子如來

慧無減如來勝慧云何能知謂一切法不隨他信智無衆生壽者補特伽羅於法有所得智無盡無礙解善巧之智分別句義智於一句中八百千劫加持宣說智隨諸所問各各宣說斷疑惑智於一切處無障礙智建立三乘善宣說智八萬四千心行悉了知智八萬四千法蘊隨應說智如是如來最上勝慧無邊無際說不能盡如其如來勝慧無減即爲衆生廣大宣說慧無盡法此是如來第十一不共佛法復次舍利子如來解脫無減何名

如來解脫無滅所謂隨應悉令解脫諸聲聞
衆聞聲解脫諸緣覺衆覺悟緣生而得解脫
諸佛世尊離諸障礙二取解脫此說解脫者
先際諸佛已往後際諸佛未至現在諸佛不
住由是眼色二取解脫耳聲鼻香舌味身觸
二取解脫無取無著無依止解脫心自性明
亮故智亦復然此說名爲一心相中相應勝
慧如來由是現證阿耨多羅三藐三菩提果
如其所證即以此法爲諸衆生廣大宣說此
是如來第十二不共佛法復次舍利子如來

一切身業智爲先導隨智所行以其如來身
業具足故一切衆生見佛身者悉得調伏聞
佛說法者悉得調伏觀佛默然者悉得調伏
觀佛受食者悉得調伏見佛威儀者悉得調
伏瞻佛衆相者悉得調伏觀佛妙好者悉得
調伏瞻佛不可見頂相及放光者悉得調伏
見佛舉足下足於城邑聚落若入若出者悉
得調伏諸佛如來於四威儀道中而無不爲
衆生作調伏事此名如來身業智爲先導隨
智慧行此是如來第十三不共佛法復次舍

利子如來一切語業智爲先導隨智慧行何
以故諸佛世尊不說虛假之法說無斷法善
樂說法如來諸有語言未知者今知無高無
下無紆煩語無屈曲語無麤澁語無惡戾語
無熾峻語善柔軟語無衰朽語無輕動語無
矯惱語無迅速語無遲緩語善分明語善演
說語善了知語妙說相妙音聲無破缺無過
失極甘美廣大殊妙無塵離塵無垢無暗顯
煥無礙和合明亮神通無劣音響不破能生
妙樂身得歡喜心極信順息除貪愛息除瞋

恚息除愚癡降伏惡魔制諸罪業息邪異語
止不了語如擊鼓音聲如迦陵頻伽聲如帝
釋聲如梵王聲如海潮聲如雲雷聲如地振
聲如鴈王聲如孔雀王遊戲聲如拘枳羅聲
如命命鳥聲如鹿王聲如瑩篋聲分明解了
聲悅意樂聞聲甚深清亮無瘖瘂聲生妙樂
聲生善根聲文句不斷聲文句樂說聲義句
和合聲法句和合聲知時聲順時聲不越時
聲知自他根善演說聲布施莊嚴聲持戒清
淨聲忍辱柔和聲精進勇悍聲禪定妙樂聲

永樂北藏

大乘菩薩藏正法經

第七一册

智慧畢竟聲大慈和合聲大悲無倦聲大喜
明亮聲大捨究竟聲建立三乘聲令三寶種
不斷聲安立三聚分位聲三解脫門清淨聲
觀四諦聲觀察智聲不毀智者聲諸聖稱讚
聲知虛空無量聲諸相具足聲舍利子此如
是等是名如來^如一切語業智爲先導隨智慧
行此是如來第十四不共佛法復次舍利子
如來意業智爲先導隨智慧行何以故如來
心法而不可說如來意法識法不可以智慧
辯才而能測度如來智慧隨知一切衆生心

隨入一切衆生意通達一切衆生智諸法決
定諸等持法亦無他信超越所緣離諸緣生
息除三有及諸惡趣越諸魔法諸魔異解脫
諸諂幻法而悉遠離捨我我所去除無明癡
暗覆蔽修八正道離諸疑惑與虛空等法界
平等而無差別舍利子如是等法是爲如來
所有意業智爲先導隨智慧行此是如來第
十五不共佛法

佛說大乘菩薩藏正法經卷第十五

佛說大乘菩薩藏正法經卷第十六

宋三藏朝散大夫試光祿卿光梵大師惟淨等奉詔譯

如來不思議品第四之十

復次舍利子如來於過去世中以無著無礙
智見隨轉所轉云何舍利子謂過去世諸佛
刹中若成若壞彼一切事如來以算數方便
而悉能知又佛刹中所有一切藥草樹林而
悉能知又佛刹中所有一切眾生眾類眾生
施設而悉能知又佛刹中所有一切眾生種
種性行種種色相周徧廣大而悉能知又佛

刹中諸佛出世作諸化事乃至一一廣為眾
生宣說正法或有眾生以聲聞法得化度者
或有眾生以緣覺法得化度者或有眾生以
大乘法得化度者乃至佛刹廣大諸苾芻眾
廣大壽量廣大正法住世廣大久近眾生飲
食受用等事乃至眾生出息入息如是所有
一切眾生過去世中一切諸相若生若滅諸
趣受生種種根性種種意樂佛悉能知如來
以無著心任持了知彼一切法諸心無邊諸
心所起如來以算數方便皆悉能知如來以

現量智如實觀察過去世中諸眾生心如
是如來最上勝智曾無間斷為諸眾生如
應說法舍利子此是如來第十六不共佛
法復次舍利子如來於未來世中以無著
無礙智見隨轉所轉云何為未來世中諸
佛如來當出於世佛悉能知乃至未來劫
火洞然大水漂溺猛風吹鼓或有諸佛刹
土安然不動至于諸佛刹中一切地界碎
若微塵及彼一切藥草樹林至于一切星
宿相狀至于周徧諸佛刹中諸佛出世緣
覺出世聲聞出世菩薩成

證至于眾生出息入息飲食受用等事若
行若住乃至一切眾生周徧廣大一一眾
生各趣解脫或聲聞乘或緣覺乘或復大
乘得解脫者而彼一切如來悉知又復諸
佛刹中周徧一切一一眾生諸所生處及
心心所諸所生起而彼一切如來悉知雖
如是知亦非如來未來世中於諸眾生有
所任持但於未來世中如應觀察為諸眾
生宣說正法舍利子此是如來第十七不
共佛法復次舍利子如來於現在世中以
無著無礙智見隨轉所轉

云何所謂現在十方一切諸佛刹土如來以三種算數方便而悉能知所有現在一切諸佛一切菩薩一切緣覺一切聲聞如來悉知至于現在一切星宿相狀亦復徧知及彼現在一切藥草樹林亦悉了知至于十方一切地界碎若微塵以算數方便而悉能知又復十方一切水界如毛端量水滴上滿又復十方一切火界迅速起滅又復十方一切風界百種相狀周徧吹擊以算數方便而悉能知又復十方一切空界假使聚如毛端之量以

算數方便亦悉能知又復現在三種衆生界而悉能知又復現在所有一切地獄衆生界趣彼所生因及所起因而悉能知又復現在所有一切畜生界趣彼所生因及所起因而悉能知又復現在所有一切餓鬼界趣彼所生因及所起因而悉能知又復現在所有一切餓鬼界趣彼所生因及所起因而悉能知又復現在一切人趣彼所生因及所滅因而悉能知又復現在諸天界趣彼所生因及所滅因而悉能知又復現在一切衆生及衆生心所應任持若有煩惱若離煩惱而悉能知又復現在一切衆

生隨其根性所應化度不應化度如來悉知
然佛如來亦無二種隨流識轉如來以其入
無二理最上法門爲諸衆生說舍利子此是
如來第十八不共佛法復次舍利子如是十
八不共佛法如來以具足故周徧十方一切
世界於大衆中光明顯照圓具一切威光名
稱最上吉祥希有之法又舍利子如來十八
不共佛法猶若虛空無有邊際若能知其虛
空邊際即知如來不共佛法所有邊際是故
諸菩薩摩訶薩得聞如來如是十八不共佛

法聞已淨信超越分別離諸疑惑後復生起
身喜心喜發希有想爾時世尊欲重明斯義
說伽陀曰

調伏聖者無過失 身語意業悉無動
如應說法利衆生 此是勝尊不共法

佛心無高亦無下 一切違順皆止息
修無諍行解脫心 此是勝尊不共法
佛調伏尊無失念 解脫行法悉了心
四無礙解已圓明 此是勝尊不共法
如來行住及坐卧 一切皆住等引心

無眾生想無亂心	此是勝尊不共法
善逝已無種種想	諸佛刹土及眾生
起平等行大名稱	此是勝尊不共法
佛心無不決擇捨	決定正道善觀察
分別離分別都無	此是勝尊不共法
能仁不滅善法欲	悲方便門常所行
調伏無量諸群生	此是勝尊不共法
精進曾無少減缺	調伏諸見廣無邊
善調身語意亦然	此是勝尊不共法
如來不滅於正念	覺了菩提詣道場

於法覺了無覺心	此是勝尊不共法
佛無分別離分別	平等安住等持心
諸法決定無所依	此是勝尊不共法
佛慧刹那悉決了	諸眾生行而悉知
隨其意樂闡法門	此是勝尊不共法
隨聲悟解曰聲聞	想緣生法名緣覺
離著無垢等虛空	此大捨心不思議
宿昔安住無覺心	自性解脫心任持
彼解脫法隨應宣	此是勝尊不共法
現威儀道眾所瞻	直身端視入城邑

相好莊嚴眾威光	眾生觀者皆調伏
眾生觀佛真實光	多俱胝眾獲妙樂
蒙光照觸調伏生	此是勝尊不共法
佛以一音演說法	隨眾生意悉能聞
如聲對響理相應	此是勝尊不共法
善逝心業本無有	智所作業 <small>十二</small> 悉不忘
聖智隨入眾生心	此是勝尊不共法
禪定等持善相應	一切戲論無所行
平等行法等虛空	此是勝尊不共法
如來悉知過去世	轉一切法無障礙

解脫智了諸趣中	此是勝尊不共法
所有世間未來法	當有所得或無得
眾生刹土及如來	佛悉了知無懈倦
佛心曾無諸散亂	未來世中隨觀察
眾生及法知亦然	此是勝尊不共法
現在世中諸所轉	如來悉知無所著
佛調御者等虛空	此是勝尊不共法
如來所有不共法	而十八種不思議
如實開明若虛空	菩薩應當生淨信
舍利子如來以具足如是十八不共佛法故	

如來應供正等正覺了知勝處於大眾中作
師子吼轉妙梵輪餘諸沙門婆羅門天人魔
梵悉不能轉無與如來同其法者舍利子諸
住信菩薩得聞如來如是不思議法聞已當
生清淨信樂超越分別離諸疑惑後復生起

身喜心喜發希有想

慈悲喜捨品第五之一

復次舍利子彼住信菩薩諸佛世尊審知其
器堪可任持菩薩藏正法之器是諸佛法器
如是知已即詣其所隨應爲說菩提道法舍

利子以是緣故當知住信菩薩是大法器舍
利子我念過去世阿僧祇劫前復過無量不
思議阿僧祇劫數爾時有佛出現世間其名
大蘊如來應供正等正覺明行足善逝世間
解無上士調御丈夫天人師佛世尊彼佛於
其世間天人阿修羅沙門婆羅門等諸大眾
中以自通力圓證聖果爲諸大眾宣說正法
初善中善後善文義深遠純一無雜圓滿清
白梵行之相舍利子彼大蘊如來應供正等
正覺諸衆會中有七十二那度多聲聞大眾

皆是阿羅漢諸漏已盡無復煩惱心得自在
到於彼岸彼時有國名最勝幢有大國王名
最勝壽正法治化國土廣大安隱豐樂人民
熾盛其王有子名精進行色相端嚴人所樂
觀宿種善根已曾親近過去百千那庾多俱
胝諸佛如來恭敬供養是時太子與自官屬
止一殊妙大園苑中爾時大蘊如來應供正
等正覺知其精進行太子是佛法器堪可任
持菩薩藏正法之器如是知已即詣園苑到
已爾時處于空中爲精進行太子說菩提道

法彼佛告言太子此中何名爲菩提道謂於
一切衆生起慈波羅蜜多隨轉攝法此即名
爲菩提道復何名爲一切衆生慈波羅蜜多
太子所謂菩薩於衆生界行廣大慈彼衆生
界如虛空界譬如虛空寥廓廣大菩薩慈心
亦復如是於衆生界及衆生聚中無不廣大
慈心周徧太子當知如衆生界無有限量菩
薩慈觀亦復無量又如虛空無邊際故而衆
生界亦無邊際以其衆生無邊際故慈心亦
復無其邊際太子當知彼衆生界其數廣多

如八

十五

非同地界水火風界今說譬喻以明斯義顯
衆生界廣多無量太子譬如東方殫伽沙數
等諸世界南西北方四維上下周徧十方殫
伽沙數等諸世界而彼一切同一大海大水
充滿同一源流以彼如是十方一切殫伽沙
等諸世界中諸衆生聚破爲百分乃至如彼
一毛端量舉一水滴復次如前以其殫伽沙
等衆生數量爲半百分乃至如彼一毛端量
舉一水滴次復如前以其殫伽沙等衆生數
量復破半百乃至如彼一毛端量太子如前

所說彼大水蘊以其算數方便不能比等衆
生界數無量無邊而衆生界無量無邊故善
薩慈心亦復如是太子於汝意云何所有善
薩慈觀善根汝可知其量不太子白言不也
世尊不也善逝佛言太子菩薩摩訶薩慈觀
善根無量無邊亦復如是復次太子菩薩慈
心能自隨護作他利益以慈心故於他無瞋
亦無懈倦離諸忿恚息諸過失不見違順表
示清淨滅諸垢穢於身語心常生妙樂蠲除
襍染息諸怖畏善護恚惡起清淨意滅諸鬪

戰不執刀杖向解脫門離諸損害所有一切
諂曲心意雜亂詞句虛假語言皆悉遠離順
善財利資養身命帝釋梵王常所恭敬威德
莊嚴智者稱讚護諸愚者護持梵行不著欲
界解脫道等一切出生而善攝受非所愛樂
諸有福行亦不積集一切勝上諸有福行而
常增長三十二相八十種好以為莊嚴一切
下劣殘缺諸根亦悉遣除順向善趣涅槃正
道一切惡趣剎那止息一切法愛而自喜樂
諸欲受用大富王位增上適悅悉無愛著於

諸眾生起平等心而行布施離諸異想一切
戒學順向修習諸毀戒者善為作護現忍辱
力遠離惡魔憍慢等事發勤精進出離正行
於禪定解脫等持等至根本煩惱以決定心
而求出離勝慧淨因出生一切慈闍總持自
分他分悉無違害息除一切魔煩惱分行住
坐卧增長一切如樂和合除蕩一切不善自
性及諸作意慚愧妙香而常塗飾消滅一切
惡趣障難及煩惱等常起慈心救護世間以
大慈心棄捨已樂隨與他樂復次太子諸聲

聞人所起慈心但唯自利菩薩慈心而常利
 益一切衆生又復當知初發心菩薩行衆生
 緣慈修行位菩薩行法緣慈得忍菩薩行無
 緣慈太子如是所說皆是菩薩摩訶薩行大
 慈心若諸菩薩住慈心者即能爲諸衆生行
 廣大慈

如八

十七

佛說大乘菩薩藏正法經卷第十六

永樂北藏

大乘菩薩藏正法經

第七一册

音釋

呬虛器切 澁色入切 熾祖合切 熾虛宜切 熾深陷切 熾虛於
 也 悍侯急切 裸與雜同 鬪丁候切

永樂北藏

大乘菩薩藏正法經

第七一册

佛說大乘菩薩藏正法經卷第十七

第十八卷

宋三藏朝散大夫試光祿卿光梵大師惟淨等奉詔譯

慈悲喜捨品第五之二

如九

復次大蘊如來告精進行太子言云何名為菩薩大悲之心所謂菩薩求彼阿耨多羅三藐三菩提時以大悲心而為先導譬如士夫所有命根以出入息而為先導積集大乘菩薩以大悲心為其先導亦復如是又如轉輪聖王以其輪寶而為先導即能獲得諸寶圓具菩薩大悲為先導故即能獲得一切佛法

是故當知菩薩大悲於一切眾生而不棄捨復次太子云何是菩薩於諸眾生轉大悲心所謂菩薩觀見世間一切眾生堅固執著諸有身見彼所隨逐乃生諸見而為纏縛菩薩為說斷除執著之法是為菩薩於諸眾生轉大悲心又復菩薩觀見世間一切眾生住顛倒處以無常法計為常想苦為樂想無我我想不淨淨想菩薩為說斷除顛倒之法是為菩薩於諸眾生轉大悲心又復菩薩觀見世間一切眾生顛倒取著諸染欲事於所生母

及諸姊妹起貪染心菩薩作是思惟怪哉世
間罪業衆生愛著欲境非聖所行邪行充滿
原其所生居母胎藏次由母產云何于今反
生欲意姊妹同體出一母胎豈以染緣共期
和合壞極破壞最極破壞恣貪瞋癡破毀身
心無智所壞摧滅正法建立非法行險難法
趣入地獄餓鬼畜生境界譬如狐群於其夜
分入棄屍林中起恚惡相伺其所食世間顛
倒染著衆生亦復如是又如世間生盲之人
不能瞻視諸有色相墮險惡處染著衆生亦

復如是又如猪群食其殘棄不淨之物染著
衆生亦復如是以顛倒染緣爲染汚所壞入
魔境界魔索繫縛欲泥陷沒菩薩爲說斷除
染愛之法是爲菩薩於諸衆生轉大悲心又
復菩薩觀見世間一切衆生爲五蓋所覆欲
箭所射處處愛著眼見色已著所愛境耳聞
其聲鼻嗅其香舌了其味身覺其觸隨諸所
愛而生取著苦哉衆生違害處多親附惡友
互求財利與彼惡友同其知解得無義利互
爲損惱多諸昏沈睡眠惡法懈倦迷悶無智

隨逐起諸惡作此等衆生爲客塵煩惱染汚其心起諸疑惑此等衆生不能決定獲得最上甚深佛法菩薩爲說斷除蓋障等法是爲菩薩於諸衆生轉大悲心又復菩薩觀見世間一切衆生起諸慢心謂慢過慢慢過慢我慢增上慢卑慢邪慢如是七慢一者於劣計勝二者於勝計等三者於勝計勝四者恃所執我五者計已多德於增上功德法而起慢心六者計已少分劣他七者謂已有德以慢心故所應稱讚而不稱讚所應禮奉而不禮

奉不敬者宿於師尊所不能聽受於智者所不能請問何者是善何者不善何者所應親近何者不應親近何者應作何者不應作何者有罪何者無罪何者是正道何者是三摩地何者是解脫如是等法不能請問菩薩爲說斷除一切魔障如九之法是爲菩薩三於諸衆生轉大悲心又復菩薩觀見世間一切衆生愛繩所縛所謂愛樂男女妻妾財利等事以愛著故是即愛樂生死險難三塗惡趣三有纏縛拘束身心不得自在以不自在故造諸罪

業菩薩爲令彼悉趣向涅槃聖道宣說正法
是爲菩薩於諸衆生轉大悲心又復菩薩觀
見世間一切衆生離善知識近惡知識以近
惡故染著十種不善之法謂殺生偷盜邪淫
妄言綺語兩舌惡口貪欲瞋恚邪見菩薩欲
令一切衆生爲善知識之所攝受息除一切
不善之業積集清淨十善業道宣說正法是
爲菩薩於諸衆生轉大悲心又復菩薩觀見
世間一切衆生癡所覆障無明黑暗而常隨
逐執著我人衆生壽者補特伽羅作者受者

我我所等菩薩爲令如是一切衆生慧眼清
淨諸見斷滅宣說正法是爲菩薩於諸衆生
轉大悲心又復菩薩觀見世間一切衆生沈
沒生死不能解脫五蘊殺者常所殺害菩薩
爲令解脫五蘊超越輪迴曠野險難出離三
界宣說正法是爲菩薩於諸衆生轉大悲心
又復菩薩觀見世間一切衆生作諸不善如
棘刺樹雖生無成造不善業亦復如是此世
他世五趣輪回不能順向涅槃聖道菩薩爲
其開涅槃門使令趣入宣說正法是爲菩薩

於諸衆生轉大悲心復次太子菩薩如是觀
察世間諸衆生故以十種相轉大悲心何等
爲十一者無諂誑心轉虛空出離故二者深
固心轉能善出離故三者無虛假神通轉正
道出離故四者無屈曲心轉止諸曲心善出
離故五者真實心轉於一切衆生悉無高下
平等出離故六者隨護他轉自心清淨善出
離故七者堅固慧心轉離動靜心而常安住
善出離故八者棄捨已樂轉無愛著出離故
九者隨授他樂轉利他出離故十者荷負衆

生轉重擔轉堅固精進善出離故菩薩摩訶
薩以如是等十種勝相於諸衆生轉大悲心
又復菩薩或有衆生應以大乘法得出離者
即起悲心而爲出離此說是爲菩薩大悲又
復衆生應修布施淨戒安忍精進靜慮勝慧
法者即起悲心隨應出離此說是爲菩薩大
悲又復衆生應修念處正勤神足根力覺道
歡喜根本最勝事業及次第諸定乃至十善
業道廣大章句隨應爲轉從悲心起佛自然
智而爲飲食資養慧命此說是爲菩薩大悲

又復菩薩自諸所行極善所作起大悲心隨諸衆生應何所作悉能圓滿衆生意樂此說是爲菩薩大悲若諸菩薩摩訶薩具足如是大悲心者即能觀察衆生悉令獲得如是等法此乃菩薩思惟愍念起大悲心復次太子云何是爲菩薩喜心如九所謂菩薩於諸善法五隨所思念適悅歡喜聞諸善法不驚不懼不生懈倦蠲除一切別異心意安然愛樂一切法樂心喜身順自心清淨歡喜意生觀如來身相好莊嚴勤求愛樂增上適悅聽法無倦依

法修行歡喜愛樂諸來惡語歡喜忍受隨所生起諸歡喜法於一切衆生起無礙心廣爲宣說令生勝解無祕惜心攝伏慳吝隨所求者歡喜而施面常熙怡攝護毀戒尊敬持戒常生清淨自所修行得清淨已超越一切惡趣怖畏歡喜安慰一爲衆生諸來惡語起觸燒者歡喜忍受施諸眼目及身分時歡喜甘忍心無間斷常生悅樂起歡喜心尊重師長尊勝已者不生輕慢面常熙怡含笑先言離諸顰蹙曲心意雜亂語言歡喜悉除喜心

愛樂諸出離法仰敬師尊如諸菩薩頂重正
法猶護己身尊奉如來如惜其命欽承師範
如其父母愛念一切衆生如所生子遵軌範
師如護眼目敬修行者如護頭頂信受諸波
羅蜜多如固手足重說法師如愛妙寶動求
正法如重良藥讚奉醫王如水上善太子如
是所說是爲菩薩喜心若住喜心菩薩摩訶
薩於一切時常得歡喜勤求正法曾無懈怠
起歡喜心修菩薩行復次太子云何是爲菩
薩捨心所謂捨者有其三種何等爲三一煩

惱捨二自他隨護捨三時隨時捨云何名煩
惱捨謂恭敬不高不恭敬不下得利無領納
失利無惱恚見諸持戒及毀戒者平等其心
稱讚不喜譏謗不恚毀辱能安譽美無動於
諸苦法善能決擇於諸樂法常所伺察隨順
不著違害不斷於善惡友住平等心善作惡
作亦復無二愛非愛境平等而捨多聞無聞
悉無領受善說惡說都無違順安慰過失二
俱平等心愛念自他衆生不惜身命於上
中下一切衆生平等照明於美惡相住平等

法於真妄中自實清淨太子如是所說菩薩
自無種類捨心清淨此說是爲諸煩惱捨云
何名爲自他隨護捨所謂菩薩當段取身肉
行布施時住於捨心悉無所求身無所作語
無所作中亦無動無眼相無色相乃至無意
相無法相一切無動此名爲捨惡作無害亦
名爲捨善作無動亦名爲捨自他俱忍亦名
爲捨諸所饒益及不饒益住平等心亦名爲
捨無諸諍訟名最上捨自心決定亦名爲捨
伺察自他悉無所害菩薩住等引心而行於

捨然菩薩捨不同諸佛世尊所行捨法何以
故菩薩摩訶薩於其捨法現前了知常所修
作於諸善法而常勤求知時隨時而行捨故
云何名爲時隨時捨所謂菩薩觀見衆生非
法器者無聞之者悉住捨心又於衰毀譏苦
一切衆生亦住捨心又於聲聞乘法決定超
越而捨於布施時行持戒捨於忍辱時行布
施持戒忍辱精進捨於精進時行持戒捨於
禪定時行布施捨於智慧時行五波羅蜜多
悉圓滿捨此說是爲時隨時捨諸所應作及

不應作彼一切法悉住平等亦名爲捨諸住
捨行菩薩摩訶薩乃至於彼諸善法分悉名
爲捨太子如是所說皆名菩薩摩訶薩於一
切衆生起慈悲喜捨之心爾時世尊釋迦牟
尼如來告舍利子言彼時大蘊如來爲彼精
進行太子說慈悲喜捨法已即復宣說六波
羅蜜多何等爲六所謂布施波羅蜜多持戒
波羅蜜多忍辱波羅蜜多精進波羅蜜多禪
定波羅蜜多勝慧波羅蜜多如是宣說諸波
羅蜜多令彼精進行太子發勤精進如理修

行

布施波羅蜜多品第六之一
復次佛告舍利子云何名爲施波羅蜜多發
勤精進舍利子若於六波羅蜜多勤精進者
此說是爲修菩薩行其六波羅蜜多者謂布
施波羅蜜多持戒波羅蜜多忍辱波羅蜜多
精進波羅蜜多禪定波羅蜜多勝慧波羅蜜
多舍利子諸菩薩摩訶薩見彼沙門婆羅門
貧窮孤露來乞丐者隨諸所欲而悉施與或
乞飲食衣服塗香花鬘及棲止處或乞病緣

醫藥燈明音樂妻子奴婢園林臺觀金銀瑠
 璃碑礪瑪瑙珊瑚琥珀摩尼真珠及餘妙寶
 象馬車乘財穀庫藏乃至四大洲主輪王富
 樂嬉戲等事至于手足耳鼻眼自身分血肉
 骨髓世間所有無不施者復次舍利子有十
 種法菩薩若能具足清淨當行布施何等為
 十一者菩薩不求艱難受用施二者菩薩不
 逼惱眾生施三者菩薩不驚怖他施四者菩
 薩無不捨所請施五者菩薩無現相施六者
 菩薩於諸眾生無異相施七者菩薩無損害

施八者菩薩無境土差別施九者菩薩所施
 眾生而無作意梵少第十法舍利子如是十種
 法菩薩若能清淨當行布施復有十法菩薩
 若能具足清淨當行布施何等為十一者菩
 薩不違業報施二者菩薩無邪意樂施三者
 菩薩無不勝解施四者菩薩無懈怠施五者
 菩薩無見面施六者菩薩無惱害施七者菩
 薩無退屈施八者菩薩無讚譽持戒施九者
 菩薩無輕慢毀戒施十者菩薩不求果報施
 如是十種法菩薩若能清淨當行布施復有

十法菩薩若能具足清淨當行布施何等爲
十一者菩薩無毀謗施二者菩薩無違背施
三者菩薩無瑕疵施四者菩薩無忿怒施五
者菩薩無憎嫉施六者菩薩無瞋恚施七者
菩薩無不恭敬施八者菩薩無不自手施九
者菩薩隨應止其下劣心施十者菩薩於所
生處無怖望施如是十種法菩薩若能清淨
當行布施復有十法菩薩若能具足清淨當
行布施何等爲十一者菩薩無不堅牢施二
者菩薩無邊際施三者菩薩無分段施四者

菩薩無他信施五者菩薩不著下劣心施六
者菩薩不求色相受用富貴歡喜施七者菩
薩不求梵王帝釋護世諸天等施八者菩薩
不求聲聞緣覺地施九者菩薩不毀謗智者
施十者菩薩所作善利無不迴向一切智施
如是十種法菩薩若能清淨當行布施

佛說大乘菩薩藏正法經卷第十七

佛說大乘菩薩藏正法經卷第十八

宋三藏朝散大夫武光祿卿光祿大師惟淨等奉詔譯

布施波羅蜜多品第六之二

復次舍利子有十種稱讚之法菩薩若能具足清淨當行布施此稱讚法者謂即有爲出離故得有爲果菩薩應當如是布施即得十種稱讚之法何等爲十一者施食獲得長壽二者施飲息除一切渴愛煩惱三者施諸乘輦即能獲得諸利樂事四者施妙衣服即起慚愧之心如獲金蓋五者施諸塗香華鬘即

得戒聞等持妙香塗飾六者施諸妙香末香即得身支柔軟妙香馥郁七者施諸美味即得味中上味及能圓具人中妙相八者施依止處即能當與一切衆生爲舍爲洲爲救爲歸爲所趣向九者施諸病緣醫藥即得不老不死甘露妙樂如九圓滿具足十者若施種種資具即得菩提分法勝妙資具圓滿具足如是十種布施稱讚之法菩薩求菩提時當得一切稱讚攝受復有十種稱讚之法菩薩若能清淨當行布施何等爲十一者若施燈明即

得如來五眼清淨二者若施殊妙歌音即得
天耳清淨三者若施金銀瑠璃碑礫瑪瑙珊
瑚琥珀摩尼真珠及餘珍寶即得如來三十
二種大丈夫相四者若施種種妙寶種種妙
華即得如來八十種好五者若施象馬車乘
即得廣多人眾充滿圍繞六者若施殊妙園
林即得禪定解脫等持等至圓滿具足七者
若施財穀庫藏即得諸法寶藏圓滿具足八
者若施奴婢及營作人即得所作自在如佛
自然智圓滿具足九者若施妻子眷屬即得

最勝可愛無上正等正覺圓滿具足十者若
施四大洲主富樂之位即得菩薩一切善法
成一切智圓滿具足如是十種布施稱讚之
法菩薩求菩提時當得一切稱讚攝受復有
十種稱讚之法菩薩若能清淨當行布施何
等為十一者若施如九五欲妙樂即得十一戒定慧解
脫解脫知見諸蘊清淨及於一切嬉戲娛樂
等事悉得如意二者若施雙足即得法義足
圓具諸菩提場三者若施二手即得法手常
授於他圓滿具足四者若施其耳即得諸根

圓具無所缺壞五者若施其鼻亦得諸根圓具六者若施身諸支分即得無過失身如佛身清淨七者若施其眼即得法眼清淨八者若施血肉即得一切衆生真實身命真實布施善資其命九者若施其髓即得金剛堅固不壞之身十者若施上分頭頂菩薩摩訶薩即得安住三界最勝無上現證一切智智圓滿具足舍利子菩薩摩訶薩求菩提時應如是布施如是等諸相乃能圓滿一切佛法稱讚攝受舍利子智者菩薩以其甚深勝慧不

樂世間所樂財物但爲勤求阿耨多羅三藐三菩提求甘露法求大覺智求寂靜涅槃菩薩於其世間一切所樂之物及諸妙樂無不捨者一切皆爲依止阿耨多羅三藐三菩提故舍利子譬如世間耕植之人首欲耘田先依堅木次設衆具牛以導前於本土中作耕耘事營力既成資養身命彼耕植人以身命存故金銀諸寶亦能成辦至於財穀衣服等物悉能成辦何以故財不如穀穀爲本故菩薩摩訶薩亦復如是若依時依處以世間所

樂財物行布施者即能依止阿耨多羅三藐
三菩提舍利子又如群牛先食青草次復飲
其溫涼之水水食既調即成其乳次成其酪
後成生酥後成熟酥如是次第悉有所成善
薩摩訶薩亦復如是先以世間所樂財物行
於布施即能依止阿耨多羅三藐三菩提隨
所樂欲悉能成辦或得成彼轉輪聖王或復
成辦三種勝相謂菩薩十地如來十力四無
所畏又復成辦千種事業即得十八不共佛
法又復成辦千種事業得佛六十種清淨妙

音又復成辦百種事業即得如來一大人相
又復成辦二百種事業即得如來最上清淨
烏瑟膩沙頂相又復成辦百種功德妙相即
能圓具如來所有大法螺音又復成辦百千
俱胝功德妙相即得如來鮮白齊密上妙齒
相舍利子是故當知如來勝業果報善薩悉
能成辦若能發起一念慈心諸乞丐者隨應
布施即與發彼瓊伽沙數等心無異即能成
辦佛三摩地當知諸佛從三摩地起已如來
應供正等正覺於一一毛孔悉能化現百三

摩地所化自在舍利子如是如來所有一切
神通事業佛法勝相皆是菩薩宿修大行以
世間所樂財物奉施如來以攝受故求甘露
法求寂靜涅槃舍利子以是緣故菩薩摩訶
薩以世間所樂財物行布施者即能依止成
就阿耨多羅三藐三菩提果復次舍利子我
念過去世阿僧祇劫前後過無量無數不思
議劫爾時有佛出現世間其名福生如來應
供正等正覺明行足善逝世間解無上士調
御丈夫天人師佛世尊其佛壽量千歲佛會

之中有百千大苾芻衆皆是大阿羅漢諸漏
已盡無復煩惱心得自在到於彼岸是時有
一紡線之人色相端嚴人所樂見其所居
去佛世尊遊止方處而復不遠其人於自舍
中營自所業功力辦已於自後分常所出時
即出自舍前詣世尊福生如來所到佛所已
發清淨心持以一線奉上世尊作是白言我
今以此一線獻奉世尊願佛哀愍受我所施
願我以此善根未來世中獲諸攝法是時世
尊即爲攝受其紡線人從是已後乃至成佛

如是次第總以線數五百而奉世尊由是十
五劫中不墮惡趣又復以此善根千俱胝生
作轉輪聖王又此善根千俱胝生作帝釋天
主又此善根當得身分柔軟人相可愛最初
修作勝上事業親近供養千俱胝佛尊重恭
敬以香華燈塗飲食衣服幢幡寶蓋醫藥緣
具伸供養已最後復過阿僧祇劫當證阿耨
多羅三藐三菩提果名善攝受如來應供正
等正覺明行足善逝世間解無上士調御丈
夫天人師佛世尊彼佛世尊住壽二十俱胝

歲佛會之中有二十俱胝那度多大苾芻眾
皆是阿羅漢諸漏已盡無復煩惱心得自在
到於彼岸有五俱胝大菩薩眾皆悉安住阿
耨多羅三藐三菩提宣說正法廣度無量無
數眾生作利樂已入大涅槃彼佛世尊入涅
槃後正法住世滿一千歲廣作佛事如我今
時當入涅槃等無有異舍利子汝見如是紡
線之人發清淨心以一條線奉施如來如是
次第成辦佛法謂由清淨心廣大故舍利子
是故當知若心不廣大復不精勤即不能得

珠勝果報若心清淨以其世間所樂財物而
 爲依止隨力少施即得一切可愛樂果又復
 智者菩薩以增上智力多作勝利何以故力
 廣大故所作無量迴向力故爾時世尊欲重
 明斯義說伽陀曰

布施不求於色相 不求受用及富饒
 但求無上佛菩提 以少施故獲多利
 不求名稱及善譽 世間快樂亦無求
 於諸起滅絕憍望 求佛大果無餘法
 飲食衣服及眾具 於一切處悉無求

如毛端量發施心 求甘露門常開廓
 凡所行施無高下 亦無諂曲慳悋心
 是中懈怠悉蠲除 勇發世間利益事
 若財若穀資身命 及餘一切悉行施
 施已廣大歡喜生 菩提解脫不難得
 父母妻子諸所愛 如九 來乞凶者皆施之
 所施亦無憎嫉心 是修最上菩提行
 凡諸所見無忿恚 惡友常同善友觀
 諸怖畏者施慰安 於諸事法無執著
 不求王位生法欲 常宣出離正法門

法施普及諸衆生 利益世間常不捨
不求天中諸妙樂 唯求無上佛菩提
不怖布施大名稱 棄捨已身及餘法
唯佛菩提常不捨 非眼識色相所求
亦復不求生諸天 但求涅槃最上樂
諸所施作無依止 若成若壞悉無求
智者常生正智心 明了一切正道法
復次舍利子是故當知諸菩薩摩訶薩勤行
修習布施波羅蜜多是即廣修菩薩勝行
持戒波羅蜜多品第七之一

復次佛告舍利子言云何名爲諸菩薩摩訶
薩修習持戒波羅蜜多是即廣修菩薩勝行
舍利子菩薩有三種法常善所行何等爲三
謂身語意皆善所行云何身善所行而菩薩
者遠離殺生偷盜邪淫此名身業善行又復
菩薩遠離妄言綺語兩舌惡口此名語業善
行又復菩薩無貪無瞋正見此名意業善行
菩薩作是思惟云何此身語意常善所行若
身不作業即無殺生偷盜邪淫此名身善行
若語不作業即無妄言綺語兩舌惡口此名

語善行若意不作業即無貪瞋邪見此名意
 善行菩薩又復如實伺察若身語意無作業
 者即於諸法何能表了於身語意何所施設
 若青黃赤白紅紫碧綠當何顯示即無眼識
 表了無耳鼻舌身意識表了何以故以無能
 生所生能起所起故若其無者諸作業中何
 能施設菩薩作是思惟已了知戒相現前無
 所作若無所作有何表示若無表示亦無取
 著如是乃名菩薩善行於其戒相亦無所觀
 若於戒相無趣向故即無所觀若如是觀即

有身見不能生起若有身見不起即於持戒
 毀戒如理伺察而悉不見若如是觀即於戒
 法軌範境界無所了知如是持戒於自於他
 悉無所得亦無所行若於自他無所行故即
 於戒無毀缺亦無所取若自他無所得戒亦
 無所得若戒無所得即戒學無缺犯若戒學
 無缺犯即戒亦無缺犯如是即戒無所取何
 故無取以一切法無所取故是故一切法無
 自亦無他於無我中當云何取爾時世尊欲
 重明斯義說伽陀曰

身業清淨語亦爾	意常清淨修淨行
禁戒清淨復常行	此名菩薩持淨戒
十善業道賢復勝	菩薩智者善所觀
於身語意悉無修	此名智者持淨戒
無修無勝亦無授	形色顯色而復無
若無形顯色相觀	諸境何能見彰表
戒若無為無修作	眼於色境不能觀
耳鼻舌身意亦然	諸境無能為表示
根識若無相引發	悲心應作如是觀
於戒清淨戒亦無	戒中無得而無住

如是解了無我相	戒無所護善護戒
無戒想無戒中修	菩提行中離諸見
若於諸見無所觀	無見亦復無知解
即此無見處亦無	是中持犯無領受
若入無護正法理	戒中軌範不思議
善能了知真護門	無戒亦復無所得
無我亦復戒中無	無我想故戒無得
淨戒是為無我語	所說常生離怖心
戒所依止亦復無	我無領解即無我
無持無犯無所取	無戒無求無我言

無我即能無戒想	戒無我故無所起
如是戒相得無畏	菩提行乃深慧門
持者皆由聖力增	諸有缺犯亦無得
為愚癡者說持犯	諸法無得亦復然
於戒勝果無縛解	大哉淨戒善護者
三惡趣中皆不墮	諸見斷故罪不生
我見不生即不墮	戒無所持無所受
此即無持亦無犯	於中如是戒了知
若於我法不能見	於三有中亦無觀
况復持犯有所行	如是見者善持戒

復次舍利子菩薩十種善法從彼清淨心意
 中出從彼精進勝行中出從彼最極善欲廣
 大業報信解中出於聖者所親近承事於師
 尊所不起分別若聖若師聽受正法勤求無
 著志求菩提不惜身命舍利子持戒菩薩如
 是十種勝法皆從菩薩^{如九}內心中出若能安住^{十八}
 如是十種法者即能積集一切善法

佛說大乘菩薩藏正法經卷第十八

音釋

鼻許救切 以鼻
 擔都監切 子六切
 覺毗負切 覺
 愁丑琰切 也
 貌詔故切 也
 如固切 也
 紉績也

永樂北藏

大乘菩薩藏正法經

第七一册

永樂北藏

大乘菩薩藏正法經

第七一册

佛說大乘菩薩藏正法經卷第十九

第二十卷

宋西天三藏朝散大夫試光祿卿傳梵大師法護等奉詔譯

持戒波羅蜜多品第七之二

如十

佛言舍利子云何名為善法當知善法厥有三種謂身語意善所行故諸菩薩摩訶薩如

是安住善所行者能於菩薩藏正法勤求修

習即得菩提而常隨逐爾時世尊欲重明斯

義說伽陀曰

身業常當善修作 此是諸佛所宣說

隨處親近阿闍黎 即得多聞善境界

永樂北藏

大乘菩薩藏正法經

第七一册

補特伽羅勝義者 常起慈心利眾生

語言妙樂無愛憎 所說聞者生樂欲

隨諸相法無恚惡 極善意樂悉平等

修習不生罪欲心 慈心觀察常尊重

得聞如來淨教已 應當尊重於正法

由其尊重正法因 速得成證菩提果

如是十種善法菩薩能安住已即於菩薩藏

正法勤求修習親近承事諸阿闍黎隨諸所

作總略乃至給奉水瓶復次舍利子菩薩有

十種發心何等為十一者菩薩發如是心痛

哉世間一切衆生疾惱之身四蛇奮毒互相
 違害積集諸苦生多過失癰疽瘡癬風癢痰
 癢起衆疾狀眼等諸病歷多艱苦極增違害
 速疾破壞是不堅實羸劣衰朽速趣命終棄
 於林中無一可樂我當令一切衆生歇此不
 堅實身怖取堅固真實之身舍利子此是菩
 薩第一發心由發心已能於菩薩藏正法勤
 求修習親近承事諸阿闍黎隨諸所作總略
 乃至給奉水瓶爾時世尊欲重明斯義說伽
 陀曰

諸界如蛇毒猛惡	四種互相為依止
各各咸興恚害多	於身廣生大病惱
眼耳二處生諸病	鼻舌所生病亦然
唇齒生病苦復深	及餘疾患徧身起
癰疽初起生疼苦	瘡癬旋生痛劇增
餘諸疾患起多門	由此於身徧纏繞
此身既生諸病惱	積集諸苦在其身
無義無利損害多	速疾銷亡身謝滅
一棄林中何所有	無常迅速不堅牢
諦觀如是臭穢身	與諸病苦為依聚

應修賢善諸事業	當來回作佛身因
捐棄如是衆惡身	破毀衰殘而迅速
佛身成辦圓衆德	不可思議大法身
回觀如是衆苦身	諸漏徧增不可樂
當知別無諸漏法	即以此身為漏因
暫居炎熱欲清涼	或處凝寒思庇覆
痛哉此身何所樂	老死常縈損害多
猷寒怖熱惱其心	一切墮落皆破壞
智者應修士夫業	願得最上真實身
堪任親近阿闍黎	猷棄此身虛幻體

舍利子此是菩薩第一發心復次舍利子二者菩薩發如是心痛哉世間一切衆生不堅實身斷滅摧毀破壞離散舍利子譬如世間工巧窰師造諸餅器隨量大小雖有所成即歸破壞世間衆生虛幻所成不堅實身亦復如是又如大樹^{如十}枝葉扶疎花果茂盛^三雖可愛樂即歸墮落世間衆生不堅實身如成熟果亦復如是又如清夜露滴草頭日光照觸旋有即無世間衆生不堅實身不久暫停亦復如是又如世間大海江河流注不斷水中聚

沫旋有即無世間衆生身如聚沫不可撮摩
 亦復如是又如天雨水滴成泡旋滅旋生不
 能暫住世間衆生不堅實身自性劣弱亦復
 如是舍利子菩薩欲令衆生厭棄如是不堅
 實身怖取堅固真實之身此是菩薩第二發

心爾時世尊欲重明斯義說伽陀曰

如世巧匠造餅盆 杖輪塗等共成器
 一切同歸破壞門 衆生壽命亦如是
 又如大樹盤根廣 枝葉扶疎花果繁
 一切同歸墮落門 衆生壽命亦如是

又如草端承露水 日光照灼倏然無
 眼境不停須臾間 衆生壽命亦如是
 又如大海江河水 水中聚沫劣無堅
 衆生虛幻羸弱身 等彼聚沫皆無實
 又如天雨廣流注 水中旋復起浮泡
 剎那觀境即空無 不堅實身亦如是
 不堅實身生實想 實中還起不實心
 彼人不入真實門 此邪思惟妄境界
 實中若作真實想 不實當生不實心
 彼人得入真實門 此正思惟真境界

若起真實心想已 承事師尊舉水餅
回此虛幻不實身 當得堅固真實體

舍利子此是菩薩第二發心復次舍利子三
者菩薩發如是心痛哉世間一切衆生不能
如是思念我於生死長夜之中遠離善知識
親近惡知識+發起懈怠下劣精進邪見所覆
癡冥疲乏無施無愛無諸善作唯造惡業果
報成熟感諸不善當得身相貪愛增劇羸瘦
憔悴或生餓鬼趣中不能活命以火爲食經
多百歲多千歲多百千歲不聞水聲何況得

飲我今回發是心願當親近習行善法近善
知識由如是故當得人身善能活命行諸布
施乃至捐棄軀命親近承事諸阿闍黎於菩
薩藏正法勤求修習隨諸所作總略乃至給
奉水餅此是菩薩第三發心爾時世尊欲重

明斯義說伽陀曰

世間所有善知識 應當往彼常親近
不能數數近善因 由是不生諸善行
以其親近惡友故 即常遠離賢善人
懈怠下劣精進心 慳疾諂誑生過失

不行布施無愛樂	一切善法不能行
果熟當招瘦弱身	或生餓鬼諸境界
長夜眠伏於生死	蘊報癡冥怖畏多
飲食俱無饑渴增	備受廣多諸苦惱
經歷多百千歲中	渴苦不聞水之聲
布施善道不復觀	不得世間諸善相
我今回發如是心	世間人身極難得
誓願親近阿闍黎	速獲圓滿諸善行
常當遠離惡知識	常得親近賢善人
捐棄身命不為難	願作菩提勝根本

於阿闍黎起尊重 恭敬發生清淨心
 頂奉承事我所行 願作菩提勝根本
 舍利子此是菩薩第三發心復次舍利子四
 者菩薩發如是心世間衆生應如是念我於
 長夜中遠離善知識親近惡知識發起懈怠
 下劣精進癡冥疲乏無忍無愛無諸善相心
 困身倦如被打擊衆苦逼迫媿亂衆生若無
 彼緣寧招罪至由是廣造諸不善業以其不
 善之業果報成熟當墮牛畜駝驢趣中不能
 活命於彼趣中以草為食咀嚼齧齧掛打怖

畏負重困苦遠離一切施等善相我今回發
是心親近善友當得人身不惜軀命廣行布
施作諸善業親近承事諸阿闍黎於菩薩藏
正法勤求修習隨諸所作總略乃至給奉水
餅此是菩薩第四發心爾時世尊欲重明斯

義說伽陀曰

衆生長夜居險惡 於諸聖道不了知
駝驢畜類趣中生 備受廣多諸苦惱
當來若得人身相 廣作賢善諸事業
趣向善提正道門 此是智者之勝相

我當發起尊重彼 已能善住佛法者
奉阿闍黎教誨言 願作菩提勝根本
過去不思議劫中 於生死輪循環轉
徧歷無義無利門 不能修作布施行
處世不能自活命 懈墮遠離善知識
常隨惡友教誨言 隨轉還歸惡趣地
相續駝驢中杻械 繫縛拘繫捶打身
遠離善友果報成 牛畜趣中業不壞
駝驢趣類受生已 連環執縛苦惡深
杖木鞭笞負重多 善友爾時難親近

人身最極為難得	善友親近亦復難
剎那親近善功成	歷久能拔諸艱苦
若能善修身語業	精進遠離諸過失
心安命活眾所行	我乃親近善知識
奉阿闍黎無諂曲	從是我發菩提心
菩提聖道廣宣揚	遵仰師尊常愛重
塗香種種妙香等	眾妙衣服及末香
異品莊嚴寶花鬘	二足聖尊伸供養
十方現住一切佛	開示勝義利眾生
普放金色大光明	無邊色相為供養

如佛所放妙光已 廣供人中調御尊
 菩提正道清淨因 詣菩提場願證果
 舍利子此是菩薩第四發心復次舍利子五
 者菩薩發如是心世間眾生應如是念我於
 長夜中遠離善知識親近惡知識發起懈怠
 下劣精進癡冥疲乏無忍無愛無諸善相都
 無所念痛哉世間一切眾生不能思念一切
 物命同一身肉若存若壞其肉無異食噉之
 者謂之無罪亦無罪相謂之無福亦無福相
 乃至海岸邊極遼曠之方諸有眾生其見無

異無罪無福由此緣故若罪若福不能了知以不知故近惡見者增長癡暗不知善道唯造惡業以其廣造不善業故果報成熟得下劣身相乃至墮在地獄趣中受地獄苦吞熱鐵丸考掠捶打扭縛懸吊將趣死邊業還令活經多千歲不聞樂聲何況樂觸斯由不知罪福不造施因智者應念我今回發是心親近善友當得人身不惜軀命廣行布施作諸善業親近承事諸阿闍黎於菩薩藏正法勤求修習隨諸所作總略乃至給奉水餅此是

菩薩第五發心爾時世尊欲重明斯義說伽陀曰

為由親近諸惡友 惡心欺誑於他人
罪業邪見為所依 故我廣興於罪業
邊極遼寬眾類 恣噉飲食無足心
皆謂罪福悉無因 亦無苦楚諸報應
此等如是罪業見 數數親近於惡友
一向艱惡罪殃深 由斯速墮於地獄
縱得人身經千轉 旋墮三種惡趣中
不見正等正覺尊 出現世間堪歸向

所有世間善知識	極善名稱悉不聞
我若當來得人身	廣修賢善諸事業
世間人身最難得	衆生壽命亦復難
如來正法極難聞	諸佛出世實難值
縱得人身斯難者	速得聖道轉復難
我若值佛出興時	遵一切智清淨教
所有身語意三業	發起一切諸過罪
於不究竟苦果中	誓願不復還修作
若復內心清淨故	罪業因果亦復然
於不究竟苦果中	如彼內心皆清淨

所有極善身語意	世間無智誠難作
唯除親近阿闍黎	願作菩提勝根本
當知正道名聖道	如其意樂善宣說
當入無誑精進門	作佛菩提勝根本
菩薩如是發心已	頂重師尊給水餅
智慧方便悉圓成	是為菩薩廣大行
舍利子此是菩薩第五發心復次舍利子六	
者菩薩發如是心世間衆生應如是念我於	
長夜中遠離善知識親近惡知識無善樂欲	
於師尊智者不能謙下恭信百種稱讚親近	

禮奉誠諦合掌作諸善業但以慢心增長造
多不善由其所作不善業因果報成熟縱得
人身羸瘦憔悴不能活命不能行施雖生人
中其性慳怯加復貧困或作奴僕爲他所使
侘所繫屬如耽欲飛禽於空中行隨所住處
驚怖艱險邪見衆生亦復如是破毀淨戒而
常習行三不善根在四趣中五蓋所覆常行
六種不能尊重師長之法於其七種善妙正
法不能遵奉起八邪法入邪定聚於九惱處
常起惱害常行十種不善業道於非道中堅

猛而入向地獄門背生天道遠善知識近惡
知識順魔意樂捨離善法行不善法打擊怖
畏艱苦隨生施作種種不饒益事以是緣故
不能愛樂行布施等我今回發是心親近善
友當得人身不惜軀命廣行布施作諸善業
於菩薩藏正法勤求修習隨諸所作總略乃
至給奉水餅此是菩薩第六發心爾時世尊
欲重明斯義說伽陀曰
近惡友故增憍慢 親近還經多劫海
人中若受奴僕身 長夜輪回於三有

難得人身歷艱苦	最上身相極難得
善妙色相亦復難	諸佛出世極難值
我當親近賢善友	顯示菩薩正行道
菩提心寶廣大增	多俱胝劫願獲得
身不堅牢如泡沫	復如幻化歌戲等
如其所見在夢中	覺了無實悉虛假
壽數將盡命促少	猶如雲電不久停
刹那命盡轉蘊時	捨不實身求實體
時分轉易迅速住	當須摧墮憍慢山
虛假和合三世中	漂流不思議劫海

棄捨於身離諸愛	於其壽命亦無惜
蠲除憍倨我慢心	頂重師尊常承事
世間師尊極勝上	如其父母等無差
息除憍倨我慢心	尊重精勤奉諸作
菩薩無上菩提分	菩薩勝行同分者
愛樂尊重 <small>本十</small> 堅固心	願諸所作 <small>本一</small> 皆勤勇
慢愛行時慢增長	除斷慢法不能知
由智金剛破無餘	大憍慢山皆摧墮
令他修勝菩提行	最勝安處菩提場
正法摧伏諸魔軍	救度四生煩惱衆

十方一切病苦者	不能自默不淨身
我當發起慈悲心	願作三世所歸趣
廣行布施波羅蜜	復能學佛戒功德
諦觀忍辱行周圓	我發精進最上道
圓具禪定波羅蜜	隨心所起善安住
勝慧方便亦復然	願奉師尊修施行
增長此諸福威力	不可思議智慧善
自他意樂悉尊高	修學圓成真法器
舍利子此是菩薩第六發心	

佛說大乘菩薩藏正法經卷第二十

宋雷天三藏朝散大夫試光祿卿佛光大師法護等奉詔譯

持戒波羅蜜多品第七之三

復次舍利子菩薩發如是心世間眾生應如是念我於長夜中遠離善知識親近惡知識

發起懈怠下劣精進癡冥疲乏如瘖瘂人無見無忍亦無善愛無惡業惡報無善業善報無雜業雜報既不自知亦復不能請問沙門婆羅門諸阿闍黎何者是善何者不善何者有罪何者無罪何者所應親近何者不應親

永樂北藏

大乘菩薩藏正法經

第七一册

近何者所應作何者不應作何者作已於長夜中無義無利生諸苦惱由是我慢增長不能了知善業根本唯造一切不善之業縱得人身諸根殘缺又於人中不能活命不能行於布施又於人中盲聾瘖瘂無諸色相善說惡說悉不能知由如是故不樂布施我今應當回發是心親近善知識若得人身諸根完具能活其命習行布施不惜軀命具諸色力善說惡說悉能了知復能請問師尊智者何者是善何者不善何者有罪何者無罪何者

所應親近何者不應親近何者諸所作時違背聲聞緣覺之法順向善提藏義親近承事諸阿闍黎隨諸所作厭此不真實身怖取堅固真實之身總略乃至給奉水餅此是菩薩第七發心爾時世尊欲重明斯義說伽陀曰

欲近善友作利益	我乃遠離多百劫
不能請問善惡門	有罪無罪果報等
增上慢心墮地獄	傍生餓鬼諸趣中
親近罪業諸友朋	多劫歷苦而無盡
縱得人身根殘缺	多千劫中受輪迴

不能了知善惡門	有罪無罪果報等
若得人身離艱苦	諸根完具善相圓
人相完具離難時	如一眼龜值浮木
得覩世間燈照耀	佛教中聞無滌法
爾時請問世間尊	諸善不善果報等
慳者云何所趣向	何者慳者能行施
貪諂毀戒復云何	又何不破淨戒者
云何恚惡心無動	云何懈怠散亂心
精進禪定樂云何	惡慧癡冥何所為
云何得彼真實慧	云何菩提行方便

六種賢行竟云何	慈心廣大世間勝
惡趣衆生云何救	云何樂法心無厭
菩提行藏廣勤求	十方刹中善安住
云何親詣世間尊	云何禮奉營諸福
普賢行門復云何	如我今時善親近
云何請問阿闍黎	願聞師尊尊重事
生阿闍黎歡喜心	此心生已真佛子
福力智力為增上	是中所成廣大智
智力增強發勝心	給奉水餅生歡喜
舍利子此是菩薩第七發心復次舍利子善	

薩發如是心世間衆生應如是念我於長夜
中遠離善知識親近惡知識發起懈怠下劣
精進癡冥疲乏如瘖瘡人所有世間一切文
句與義句合與法句合法句合故住於寂靜
與離貪合寂滅正智與沙門婆羅門涅槃同
住於一切處所作我乃棄捨不能了知文義
句合乃至不與涅槃同住亦復不能受持讀
誦亦復無力又無精進無士夫力用無士夫
勢無士夫勤勇無最上精進無因無緣諸衆
生煩惱亦無因無緣衆生雜染無因無緣衆

生清淨無因無緣此等無因依止諸見不能
了知所作善業唯造惡業縱得人身諸根殘
缺又於人中不能活命不能行施癡迷所覆
盲聾瘖瘡無諸色力不能了知文義句合乃
至不與涅槃同住亦復不能受持讀誦由如
是故不能親近習行善法我今應當回發是
心親近善法乃至不惜軀命了知文義句合
於出離道涅槃同住於菩薩藏正法勤求修
習受持讀誦發勤精進親近承事諸阿闍黎
於菩薩藏正法受持讀誦此不真實身悌

取堅固真實之身福智勝力當得圓具以福
智力得圓具故所作慣習而能積集菩薩藏
正法親近承事諸阿闍黎隨諸所作總略乃
至給奉水餅此是菩薩第八發心爾時世尊
欲重明斯義說伽陀曰

所有法義相應故	於正道分修道行
寂滅理中作證門	而涅槃道得真實
若於此法遠離者	即於諸法無所利
無義利白設相應	不能親近彼正法
無力亦復無精進	士夫勢用悉皆無

無佗勤勇亦復然	於一切處無所得
即見無佛亦無法	無父無母及宗親
由斯善惡業皆無	一切皆無諸報應
此諸如是罪業見	數數親近罪根深
一向艱惡日增多	墮地獄中經久遠
地獄出受傍生報	餓鬼趣中罪復深
其後縱得人中生	聾駱瘖冥而無舌
餘業復受瘖瘖報	癡暗缺漏苦還增
而復重受地獄殃	由不了故當墜墜
經歷久時後當得	人身具足善相圓

諸根既具勝力增	依時淨住而思忖
若於諸法義相應	即得同歸出離道
修菩提道證菩提	我當思惟如是事
所有諸大菩薩藏	和合甚深正法義
經歷俱胝千劫中	發生淨信極難得
若此若餘廣多數	諸佛妙法不思議
隨諸修作能受持	為佛菩提勝根本
我當親近及承事	尊重信奉阿闍黎
諸佛菩薩亦復然	即得最上清淨信
發生如是淨心已	即是菩薩廣大心

勝慧方便悉圓成 給奉水餅常精進
舍利子此是菩薩第八發心復次舍利子菩
薩發如是心痛哉世間一切眾生以其愛著
於身命故常為一切無義利行顛倒隨逐何
者名為無義利行謂彼眾生愛著身命不能
愛樂菩提分法以其我見而為先導執著心
堅癡冥所覆摧毀破壞眾事隨逐此說是名
無義利行又復眾生愛身命故以其我見而
為先導愛戀妻室男女知識以愛著心隱覆
癡暗遠離諸饒益事此說是名無義利行又

復衆生愛身命故以其我見而爲先導顧惜
奴婢作事人等瞻視防護此說名爲無義利
行復次世間一切衆生有義利行常所隨逐
者謂若衆生不惜身命愛樂菩提分法以菩
提心而爲先導善修身語意業此說名爲有
義利行又復衆生不惜身命而常愛樂菩提
分法以菩提心而爲先導積習布施波羅蜜
多乃至積集般若波羅蜜多此說名爲有義
利行又復衆生不惜身命而常愛樂菩提分
法以菩提心而爲先導行布施愛語利行同

事普攝一切衆生此說名爲有義利行又復
衆生不惜身命而常愛樂菩提分法以菩提
心而爲先導修習念處正勤神足根力覺道
勝菩提分此說名爲有義利行又復衆生不
惜身命而常愛樂菩提分法以菩提心而爲
先導聽受父母及阿闍黎諸有教誨禮拜讚
歎恭信合掌奉諸所作此說名爲有義利行
又復衆生不惜身命而常愛樂菩提分法以
菩提心而爲先導常以淨心營三寶事此說
名爲有義利行又復衆生作如是念我以惜

身命故無義利事常隨逐我我當發勤精進
 親近承事諸阿闍黎不惜身命隨諸所作狀
 此不真實身怖取堅固真實之身福智勝力
 當得圓具以圓具故所作慣習悉能成辦詣
 菩提場當證聖果舍利子此是菩薩第九發

心爾時世尊欲重明斯義說伽陀曰

若人愛惜身命故 菩提分法不愛樂
 三不善業造圓成 此乃愚夫異生類
 愛樂已身及妻室 并諸男女眷屬等
 此無義利執著心 旋轉三界愚癡者

又於奴婢作業人 不覺了知常顧戀
 此無義利愛著深 資生畜養四足等
 廣多聚積諸財穀 不自受用不與人
 此無義利愛著深 祕護伏藏不彰顯
 此無義利染著故 彼愚夫心常愛惜
 返於菩薩善意中 棄捨不能生愛樂
 若能不惜於身命 愛樂菩提勝分法
 三種善業造圓成 此即名為有義利
 施戒忍辱及精進 禪定勝慧亦復然
 與彼方便行相應 此即名為有義利

承事父母為先導 遵奉師尊亦復然
 審諦思惟三寶門 此即名為有義利
 諸大菩薩甚深藏 普攝一切勝法門
 受持誦念廣宣揚 此即名為有義利
 此有義利諸勝行 乃是諸佛親所宣
 如其所說義相應 第十 是名佛子廣大行
 發生如是大心已 復起清淨諦信心
 親近承事阿闍黎 給奉水餅隨諸作
 舍利子此是菩薩第九發心復次舍利子菩
 薩發如是心痛哉世間一切眾生不能如理

調伏心意違背阿闍黎所有教誨彼人不得
 阿闍黎財何者名為阿闍黎財所謂信財戒
 財聞財捨財慧財慙財愧財如是七法名阿
 闍黎財由其不得如是財故當受貧苦逼惱
 其心智者應當善調伏心隨順阿闍黎所有
 教誨習行布施作諸善行何以故若能善調
 伏心隨順教誨修布施行彼人即得阿闍黎
 財此復何名阿闍黎財謂得菩薩藏正法普
 攝一切菩薩勝行善調伏法如是知已當於
 菩薩藏正法勤求修習廣為他人宣布演說

若能安住菩薩藏者即得畢竟斷除貧苦趣
 向阿耨多羅三藐三菩提如是發心已即能
 隨順阿闍黎教行布施等狀此不真實身悌
 取堅固真實之身親近承事諸阿闍黎隨諸
 所作總略乃至給奉水餅舍利子此是菩薩

第十發心爾時世尊欲重明斯義說伽陀曰

所有難調諸眾生 內心諂誑復險惡
 違背師尊教誨言 不能堪任諦忍受
 此難調伏既知己 應當隨順師教誨
 如其教令所宣揚 即得大仙聖財寶

所謂信財及戒財 聞財捨財亦復然
 其中最勝曰慧財 慙愧等財為七種
 了知如是聖財已 七種伏藏用無盡
 其中若或不能知 此即名為非法器
 若是法器眾生者 彼即圓具諸佛法
 無諂善調第十可稱揚 發勤精進十八修行
 勝妙法欲心尊重 捐棄身命不為難
 修佛善提法器成 知己修持常無間
 法界平等無差別 佛調御尊親所宣
 此菩薩藏正法門 能於菩提善安住

如其所說廣大法	即是諸佛真實財
爲一切法無我門	無相亦復無空相
無其壽命無作者	亦無戲論無含藏
於一切法自性中	無生無相本如是
諸法無成亦無壞	諦觀諸法本無相
善調伏者如教行	隨諸教令善修作
若得見佛自然智	隨自境入解脫門
如其信財及戒財	聞捨慙愧慧等七
如是聖財無上寶	七法圓成用無盡
聞其法藏廣施門	善調心意皆隨順

於諸善友常親近	一切善行常修作
頂重無上大菩提	勤行諸法亦如是
發生如是勝心已	如渴思飲而無懈
清水盈滿淨器中	廣大愛樂心獻奉
舍利子此是菩薩第十發心 <small>如十</small> 由發心已即於	
菩薩正法勤求修習親近承事諸阿闍黎 <small>十九</small> 隨	
諸所作總略乃至給奉水餅由此最勝善根	
力故修菩薩行者得四種法何等爲四一者	
如阿闍黎所說速得一切善法二者隨順阿	
闍黎言三者修行速得成辦四者圓滿修行	

法因復次舍利子修菩薩行者生於人間得
 四種法何等為四一者教授多人一切善法
 隨能安住二者居巖窟處得彼多人眾皆歡
 喜三者以廣大心於晝夜中多人咸詣四者
 無所發起趣命終已得生天界復次舍利子
 修菩薩行者生於天中得四種法何等為四
 一者得彼天眾與最上座二者一切所向得
 彼天眾觀其面相三者隨有所說領受解了
 四者時詣帝釋天主之處請決所疑而不詣
 彼餘天眾處天中得彼宮殿受用舍利子修

菩薩行者生彼天中得如是等四種之法若
 生人中亦得無量百千法門爾時世尊欲重
 明斯義說伽陀曰
 天中得彼高勝座 復得天眾常恭信
 一切天眾所觀瞻 如是常聞善說法
 一切所作皆智者 問法帝釋無恇心
 殊妙官殿得彼天 天中沒已來人界
 復得人中勝生處 作轉輪王統四洲
 人中沒已即還生 於彼天中受勝樂
 天界不復經苦受 頂重師尊此為因

如是四種勝妙門
 常得如是廣大
 由起如是無著心
 頂奉師尊善所作
 以清淨心給水瓶
 愛樂尊重常無倦
 又得一切天人龍
 所應供養常尊奉
 於彼所生天界中
 亦復得其四種法
 云何名為四種法
 先所作業悉能知
 積集善行及善因
 現生所作常無減
 又復由其善法故
 而悉了知生滅處
 現生無動亦能知
 是故了知諸法行
 能為諸天廣宣說
 依法顯示及教誨

廣作利喜勝行門 然後還從天界沒
 復次舍利子修菩薩行者得四種法此中文標四法
 其三四梵本元無 何等為四一者天中沒已來於人
 間同禁戒者同分中生二者生人中已於現
 生中得五種悲法何等為五一者現生得於
 善法中生二者現生儀相具足三者現生淨
 戒圓滿四者現生眷屬廣多五者現生於諸
 眾起慈心觀又復當得五種不破壞法何
 等為五一者善友知識常不破壞二者身不
 速壞三者富樂受用常不破壞四者所發善

永樂北藏

大乘菩薩藏正法經

第七一册

也 切
 掠 繫 陟 切
 答 力 絆 也 立 切
 也 仗 也 切
 倨 咎 起 之 切
 傲 居 擊 也 之 切
 也 御 也 切
 駮 噉 食 徒 覽 切
 瘥 語 駮 也 切
 寬 切 翔 正 遠

永樂北藏

大乘菩薩藏正法經

第七一册

佛說大乘菩薩藏正法經卷第二十一
卷同 松一

宋夏藏經光緒癸亥武陽縣知縣徐德元等四家同進書宋 松一

持戒波羅蜜多品第七之四

復次舍利子五者修菩薩行者以此善根於
現生中離諸障難於現生中不墮惡趣惡作
不能擾動其心速得出離如是五種希有之
法修菩薩行者以善根力故皆得圓滿
復次舍利子以此善根力故又復獲得四種
不離等引之法何等為四一者菩薩同其見

者於諸苦惱眾生成起大悲之心二者所有
男女眷屬皆生尊重愛樂之心三者老相逼
來漸加衰邁然其善力勢分還增四者所得
財利百倍漸增一至于三又復獲得三種無
損害法何等為三一者貪無損害二者瞋無
損害三者癡無損害又復獲得四種安樂之
法何等為四一者長時離諸病惱二者身不
枯悴三者受用無諸闕乏四者不為王難及
盜賊難并餘諸難而來逼惱又復獲得四種
尊重之法何等為四一者為轉輪王統四大

永樂北藏

大乘菩薩藏正法經

第七一册

洲正法治化七寶具足七寶所謂輪寶象寶馬寶珠寶女寶主藏臣寶主兵臣寶千子圍繞各各勇健悉具無畏最上色相能伏佗軍而四大洲所行所作皆順王化輔弼大臣及諸小王乃至國城民庶咸悉尊重而皆信奉二者於其五欲樂中不極耽愛五欲所謂眼觀色耳聽聲鼻嗅香舌了味身覺觸於斯五境受而無著發淨信心愛樂出家速疾獲得五種神通得人非人常起尊重三者存在在生一切最勝智勝慧勝五神通勝此由過去

世中修諸善行具大名稱得轉輪王最上之座輔弼臣佐國城民衆於一切處常起尊重四者乃至證成阿耨多羅三藐三菩提果最尊最上於其一切天龍夜叉乾闥婆阿脩羅迦樓羅緊那羅摩睺羅伽人非人等大衆之中而為高勝修習戒定慧解脫註一解脫知見如是法中亦復高勝又能成就戒定慧解脫解脫知見法中高勝如是四種尊重之法謂由尊奉阿闍黎師長隨諸所作給奉水瓶積集此等無量功德以其攝受法故成法利故若

來若去如其所說不生違背

又復以此善根獲得四種緣具之法何等為
四一者得王緣具王緣具者即是仙中緣具
二者棄捨欲樂發生淨信愛樂出家此說即
是法之緣具三者修菩薩行者在在所生若
此生若他生及一切生悉得宿命智通而常
不捨大菩提心此說即是念緣具四者乃至
證成阿耨多羅三藐三菩提果四眾圍繞尊
重恭敬乃至一切天龍夜叉乾闥婆阿脩羅
迦樓羅緊那羅摩睺羅伽人非人等而常圍

繞尊重恭敬

又復修菩薩行者於阿闍黎所乃至受得一
四句偈如阿闍黎指誨言來即來言去即去
此是善根此是不善根此是有罪此是無罪
此所應親近此不應親近此所作時為無義
利生諸苦惱此所作時利益安樂如其所說
不善不作善法當作無諸障礙亦無違背以
此善根得圓具者獲得四種高勝之法何等
為四一者淨戒高勝二者身相高勝三者身
相圓滿四者得大慧根得速疾慧猛利慧極

迅速慧甚深慧善決擇慧身壞命終得生天界又復獲得四種不可觀法何等爲四一者獲得內藏祕密二者以善根力故所有父母及餘知識乃至天龍夜叉乾闥婆阿脩羅迦樓羅緊那羅摩睺羅伽人非人等以清淨心而悉不能觀見修菩薩行者所有頂相三者以善根力故隨諸所作所有父母知識乃至人非人等以清淨心或不清淨心而悉不能觀見修菩薩行者所有面門及二足門何以故彼不能觀者謂以菩薩希有相故具士夫

相故士夫語言故四者修菩薩行者以具善根力故菩薩生時不假扶持即自於地安然竝立徧觀四方得最上智何以故謂以菩薩於先世中歷修無諂多聞聖道得無諂眼根無諂眼境乃至徧觀三千大千世界皆悉親見而無障礙天眼清淨超過人眼菩薩已得速疾大智以其大智得圓具故菩薩於一切衆生所愛樂心悉能了知所以者何以其菩薩先世所作善能攝受一切心故尊重猶如聖妙藥想諸珍寶想極難得想如所說善道

諸衆生想正法出生而善聞持是故菩薩獲得如是善決擇智由其具此決擇智故菩薩與一切衆生淨戒同等乃至聞定慧解脫解脫知見同等戒和合同等乃至聞定慧解脫解脫知見和合同等一切衆生戒無動同等乃至聞定慧解脫解脫知見無動同等以一切衆生戒無動同等故即一切衆生戒無動增長亦復同等乃至聞定慧解脫解脫知見無動增長同等一切衆生威儀道行修行精進同等故即一切衆生互相推求而一切衆

生所有戒聞定慧解脫解脫知見和合所有一切衆生戒等無動一切衆生戒等無動增長一切衆生威儀道行修行精進總攝一切福蘊於一切處誠諦推求平等平等亦無平等可見又復於其一切最極根本之處一切衆生互相推求所有我相平等平等亦無平等可見由是修菩薩行者於剎那間速得一切業報成就智生於彈指頃了知一切衆生種種心行如是一切推求我相而悉平等平等亦無不平等可見住最上處了知我空是故

菩薩如師子如大龍初生履地即行七步發
善提場勝果報故一心清淨肅恭任已作如
是言我於天上人間最勝最上我能為諸眾
生宣說極盡生老病死畢竟邊際逼惱之法
舍利子然後若諸菩薩若諸如來即於三千
大千世界出淨妙音顯示一切爾時大地普
徧震動皆生驚怖身毛喜豎相續自然天鼓
音樂而彼地方菩薩立時菩薩行時皆悉震
動光明出現妙色相身乘光而住巖然不動
而彼一切悉能瞻見乃至成證阿耨多羅三

藐三善提果一切眾生悉不能見此是第四
不可見法如是四種不可見法皆由菩薩昔
於阿闍黎所諦受誨言若往若來隨諸所作
以是善根力故獲得如來四種迅速之法何
等為四一者隨順聽受諸佛世尊無虛假言
宣說正法二者以善根力故佛自宣言善來
苾芻即時鬚髮自落袈裟著身執持應器成
苾芻相三者以善根力故如來於三時中了
知一切眾生心意四者智起善解勝妙方藥
拔除一切眾生痛苦

又復以其善根力故獲得四種無過失法何等為四若言如來有其火風刀毒四種難者無有是處又復獲得四種無過失法何等為四一者若言如來能使無聞衆生而聽正法及癡闇衆生受法句者無有是處二者不住等引心者能令一念發心無有是處三者如來常住等引心中若言不行慈悲喜捨無有是處四者若言如來普能攝受一切衆生身色相者無有是處又復獲得如來五種勝無量法何等為五一者如來戒聞無量二者定

無量三者慧無量四者解脫無量五者解脫知見無量又復獲得四種願智之法何等為四一者過去世中諸佛世尊無著無礙知見隨轉二者未來世中諸佛世尊無著無礙知見隨轉三者現在世中諸佛世尊無著無礙知見隨轉四者如來不思議門之所成辦以不思議門故即具三世平等正等止覺之智而正等覺智者不繫屬他以是不思議智如來悉能了知諸法若具如是不思議智即能了知世間一切風雨等事世間有風名曰順

次其風吹鼓世間衆生是風高起三俱盧舍
盤旋空中又復有風名曰如雲吹鼓世間是
風高起五俱盧舍盤旋空中又復有風名曰
癡冥吹鼓世間是風高起十踰膳那盤旋空
中又復有風名虛空相吹鼓世間是風高起
三十踰膳那盤旋空中又復有風名曰如來
吹鼓世間是風高起四十踰膳那盤旋空中
舍利子如來應供正等正覺慧所攝故能知
六十八千俱胝風輪事相西方有風名曰周
廣吹鼓世間是風高起六十八千踰膳那住

於大地水輪之中從水輪起復高六十八千
踰膳那舍利子如前所說過是等數三千大
千世界大蘊如來應供正等正覺現住說法
教化衆生其佛壽量三十俱胝歲有三十俱
胝那庾多大聲聞衆皆是阿羅漢諸漏已盡
無復煩惱乃至心得自在到於彼岸有百俱
胝大菩薩衆皆是已得住菩薩藏者解決定
義宣說多聞甚深法海者善修空無相無願
勝行之者佛住千歲之後入大涅槃佛涅槃
後正法住世經百千歲其後所得如來舍利

廣大流布如我今時涅槃之後舍利流布亦復如是舍利子如來無礙聖智最上無量如來智風曼拏羅廣大圓滿諸佛刹土亦悉圓滿舍利子上方有世界今無佛出世彼有千緣覺衆現住教化衆生於彼種植善根智所攝故舍利子智所攝故如來不獨了知上方殊伽沙數等如來應供正等正覺現住說法者所有十方無量不可數不思議無等比如來應供正等正覺現住說法者而悉能知爾時尊者舍利子前白佛言世尊修菩薩行

者植何等善根而能圓具如來應供正等正覺如是無障礙智佛言舍利子修菩薩行者若能善調伏心起尊重想從法出生聖妙樂想大珍寶想極難得想勝善根想如所說想極尊重想攝受正法想應當如是動勇修進舍利子如來廣多勝智最上最勝無所斷智無量無數不思議無等比不可說於一彈指頃所有十方殊伽沙數諸佛刹土若來若去若行若住悉得解脫舍利子我所得解脫從聞持故速得解脫極解脫者謂善解脫何所

解脫謂解脫一切苦故舍利子若人聞是所說起尊重心是人於所聞間即能發生清淨信心如聞所住常得不離諸佛正法隨何等相名句文義此等正法即能受持以此善根殊勝力故即得四種勝慧之法何等為四一者獲得大慧二者以勝慧故而得見佛親近攝受三者以勝慧故淨信出家四者以勝慧故成證阿耨多羅三藐三菩提果此是四種勝慧之法又復獲得四種無礙之法何等為四一者得生人中而無障礙二者俱佛出世

親近信奉而無障礙三者淨信出家而無障礙四者成證阿耨多羅三藐三菩提果而無障礙如是四種無礙之法又復獲得四聖分法何等為四一者得轉輪王具勝金輪二者得大梵王統於梵世三者得帝釋天主四者成證阿耨多羅三藐三菩提果而得圓滿了知神通境界天上人間得真實眼

佛說大乘菩薩藏正法經卷第二十一

佛說大乘菩薩藏正法經卷第二十二

查藏經卷第二十二佛說大乘菩薩藏正法經卷第二十二

持戒波羅蜜多品第七之五

爾時世尊說是義已復增教示諸大菩薩摩訶薩眾說伽陀曰

應觀世間能救護

諸無邊智悉了知

往來殊勝獲妙果

徧善調伏生天中

我今速得見諸佛

一切有情最勝因

獲得涅槃無量樂

永斷世間諸苦因

剎那遠離諸惡趣

遠離一切苦難因

世間伏藏無有邊 隨意自在悉獲得

一切資財與珍寶 隨念應現於世間

八功德水亦復然 河沙池沼悉澄湛

免離種種醜陋因 一切不生諸苦惱

龍瞽盲癩病等因緣 善調伏者獲妙果

所有世間諸患者 若完若缺眾生病

背偃癡癡矧陋形 諸染著故悉滅沒

遠離一切異類相 當獲最上殊勝報

面貌具足悉圓美 善調伏者得妙果

色相端嚴大名稱 諸天咸來伸供養

八部皆生恭敬心 一切有情亦如是

復次善調伏者得此果利除滅一切諸惡趣
已然後得生諸天界中速疾成就大菩提果
善調伏者得此果利善解一切諸有情心善
能通達諸有情行行七步已於諸世間發大
音聲於諸識中獲大智慧最勝解脫皆得成
就最上智慧與諸有情皆悉明了於智慧中
善能安立最勝智慧皆悉清淨於諸佛所皆
悉成就於諸體性智慧明了於自他中皆悉
成就若諸有情具智慧力於諸作用皆悉成

就善能如是宣說此義少欲有情悉無願力
多貪有情皆悉迷著罪業因緣皆悉增上積
集惡業無量無邊於諸正法不能信受若有
有情諸少欲者於正法中不生尊重於諸有
情不生恭敬極瞋恚相生染汙心自謂已得
阿羅漢果所有世間衰老病者諸大苦惱悉
集其身彼人獲得如是果報所有一切諸不
善相虛受應供諸飲食等作不善業當墮地
獄不能持彼清淨戒行何況復得阿羅漢果
若生信解造諸塔廟發恭敬心得生善處如

是持戒修行業已舍利子諸菩薩摩訶薩求
趣大乘正法藏者應當親近諸軌範師而常
獲得無量善法如是如是稱讚功德皆悉獲
得諸善果報然後轉增無量無邊不可思不
可量不可數無邊功德如是成已舍利子菩
薩摩訶薩安住菩薩藏者得善調伏清淨戒
行圓滿具足諸菩薩行皆悉成辦云何名爲
戒行清淨悉得圓滿舍利子菩薩摩訶薩有
十種行相何等爲十一者一切有情於菩薩
所不生燒害二者菩薩於諸有情所有財寶

不生貪著三者菩薩遠離一切諸有眷屬四
者菩薩於諸有情不生欺誑五者菩薩於諸
有情及自眷屬不起離間諸惡語言六者菩
薩於無量劫以柔軟語化利有情七者菩薩
於諸有情不發綺語八者菩薩於諸有情資
生之具不生貪愛九者菩薩於諸有情不生
瞋恚所有誹謗皆能忍受十者菩薩遠離邪
見亦不歸依諸天趣故舍利子此十種法皆
是菩薩摩訶薩清淨戒行具足之相復次舍
利子菩薩摩訶薩復有十種清淨戒行何等

爲十一者菩薩於諸戒行堅持不破不被無明之所侵燒二者菩薩堅持戒行絕諸瑕玼於諸險難而不生故三者菩薩堅持禁戒於諸煩惱雜染等事悉皆遠離四者菩薩持戒清淨於潔白法常不遠離五者菩薩持諸禁戒常行平等隨心自在六者菩薩堅持禁戒於諸智者不生毀謗而得安隱七者菩薩堅持禁戒而皆遠離一切過失八者菩薩堅持禁戒密護諸根令不起故九者菩薩堅持禁戒防護諸根初中後時皆悉成就十者菩薩

堅持禁戒於正念中普盡無餘皆悉圓滿舍利子此十種法菩薩摩訶薩皆悉成就復次舍利子菩薩摩訶薩復有十種持戒行相何等爲十一者菩薩堅持禁戒於諸飲食少欲知足二者菩薩堅持禁戒斷貪瞋癡生喜足故三者菩薩堅持禁戒於其身心不生貪愛四者菩薩堅持禁戒遠離一切諸女人故行任坐卧居曠野中五者菩薩堅持禁戒行頭陀行常不忘失諸功德故六者菩薩堅持禁戒自在成辦諸善根故七者菩薩堅持禁戒

於勝種族常生歡喜亦不正視餘諸相好八
者菩薩堅持禁戒言行相應於人天中不生
欺誑九者菩薩堅持禁戒於自身中常行伺
察自心決定不生過失於他過失亦不起見
常行庇護十者菩薩堅持禁戒以四攝法化
利有情常不棄捨舍利子如是十法菩薩摩
訶薩皆能圓滿清淨戒行復次舍利子菩薩
摩訶薩復有十種清淨圓滿戒行之相何等
爲十一者菩薩堅持禁戒於佛信解不生退
屈二者菩薩堅持禁戒於正法中常能擁護

三者菩薩堅持禁戒於大眾中常生尊重四
者菩薩堅持禁戒趣求菩提志意柔和於無
上果心不暫捨五者菩薩堅持禁戒於諸善
友常能親近復能積集諸善功德六者菩薩
堅持禁戒於諸惡友而常遠離於不善法皆
能棄捨七者菩薩堅持禁戒於諸有情常起
慈心而生愍念八者菩薩堅持禁戒於諸有
情常起悲心於險難中而常救護九者菩薩
堅持禁戒愛樂正法如游園觀生大喜樂十
者菩薩堅持禁戒於違順境心當捨離皆悉

平等舍利子此十種戒行之相菩薩摩訶薩皆能如是清淨圓滿復次舍利子菩薩摩訶薩復有十種清淨行相何等爲十一者菩薩堅持禁戒於諸施度善能調伏一切有情二者菩薩堅持禁戒常行忍辱於自己心而常防護三者菩薩堅持禁戒於諸善法精進不退四者菩薩堅持禁戒於諸定聚而常加行不生散亂五者菩薩堅持禁戒於勝慧中常樂多聞而無厭足六者菩薩堅持禁戒於菩薩藏而求正法常修聞慧堅固無懈七者菩

薩堅持禁戒而常伺察諸無常法志求菩提不惜身命八者菩薩堅持禁戒於自壽命而常伺察如夢如幻剎那生滅九者菩薩堅持禁戒於自意願及諸有情一切善行清淨圓滿十者菩薩堅持禁戒以持戒力願於當來生佛會中及諸有情悉同圓滿清淨戒行舍利子菩薩摩訶薩皆能圓滿如是十種清淨戒相舍利子菩薩摩訶薩如是圓滿清淨戒行當獲天上及於人間種種吉祥殊勝妙果菩薩於諸世間種種事業悉皆明了菩薩於

諸世間種種妙欲悉能施與一切有情而不自著菩薩行慈行時與諸有情等行慈行互相憐愍而無損害菩薩行菩薩行時深信正法而無虛妄復於一切有情皆生父母之想復於一切有情親近隨順而生信愛於有為法念念而生無常之想於有為行皆生覺悟於自身命而能棄捨故得圓滿清淨戒行爾時世尊為諸菩薩說伽陀曰

色相光明妙無比 宣說諸佛正法門
清淨禁戒堅護持 法身上妙當獲得

永樂北藏

大乘菩薩藏正法經

第七一冊

遠離愚盲諸苦惱	瘡殘百疾不能侵
清淨禁戒堅護持	當獲諸根悉圓滿
勢力廣大無與等	威德熾盛亦復然
智慧猛利超世間	降伏一切諸魔障
以慈愛力攝群動	能破一切諸疑網
天龍八部咸歸依	國王王屬皆供養
能離一切諸恐怖	安住禁戒無退轉
不墮一切惡趣中	行大法故具名稱
一切有情著睡眠	菩薩而能常警覺
復能游往徧四方	為利有情求善法

最上珍寶及妻妾	離我執故悉能捨
為求無上大菩提	安住圓滿清淨戒
為求無上正法故	於諸佛教生尊重
常作世間人中師	能廣供養於塔廟
能除一切瞋恚心	於諸惡作悉能忍
以忍辱力而自安	一切誹謗皆不動
能於言行悉相應	一切時中無虛妄
當坐菩提大道場	三千世界悉震動
而能盡求諸佛法	亦不歸依諸天趣
棄捨外道邪見心	無上菩提誓成就

一切器仗及毒藥	有情持以互相害
菩薩救護於其中	是故名為大智者
我於俱胝多劫中	愍念一切含生類
若見受其苦惱時	委身代彼無懈倦
一切有情多虛誑	來菩薩所欲侵奪
造諸惡業 <small>十五</small> 閻浮中	惟佛正法 <small>十五</small> 能除斷
能施一切諸珍寶	而常親近諸善友
若諸有情侵害時	終不起於恚惡意
一切有情身邊處	而常棄捨愚夫法
諸佛妙行獲圓成	清淨戒足常不捨

而常善住諸佛法	亦能於法皆隨轉
菩提行願悉能行	得成正覺菩提果
淨證三明甘露法	亦常善住於戒蘊
一切法習悉能成	天上人間獲妙供
為求一切無上法	於諸事業悉明了
善解有情取捨心	堪受人天諸供養
宣說最上甘露法	於戒蘊中常清淨
悟了無上菩提因	一切魔障悉遠離
詣菩提樹安坐已	譬如日月照世間
具大威德熾盛光	於世間中為最上

慧眼最上出世間	於無畏語先成就
示正道已悉圓成	當施有情諸無畏
菩薩不起愛樂心	於身命財能棄捨
世間珍寶無所貪	當證無上菩提果
眾等不捨菩提道	具足持戒常精進
而能安住正法中	遠離一切諸諂誑
菩薩安住戒蘊中	世間或有諂誑者
來菩薩所伸語言	以真實語而教示
或有常持衣鉢者	多行諂誑而不實
欲施菩薩而無施	菩薩正念無所動

永樂北藏

大乘菩薩藏正法經

第七一册

復次舍利子如是菩薩摩訶薩圓滿清淨諸
戒行已於諸世間有爲法中不生愛樂於諸
有情常生毋想於五欲中生無著想了知世
法悉皆無相心行平等無諸險惡現前成辦
菩薩之行何以故菩薩摩訶薩行平等心時
不離涅槃若^{松一}染汙心而生執著令諸險惡轉
生增勝眼著色故菩薩了知從識心生煩惱
虛假離自性故而皆斷滅於諸攀緣而生計
執非真實法而爲善法菩薩知是虛妄自內
心起而生勝解於諸煩惱盡得解脫身亦解

脫於貪瞋癡悉皆盡故何以故此之貪法刹
那盡故若或別有貪法若或別有盡法悉皆
真實如是貪法真實了知真實盡故復次舍
利子然此貪法非於內心真實所起是徧計
故彼人於法若生分別亦非真實若於真實
知非真實於諸苦惱而皆解脫若離苦惱名
真實者彼真實無諸苦惱性本清淨是涅槃
義本非貪法何以故是涅槃中非想念故彼
貪盡處而是涅槃若見貪盡而非貪盡若見
涅槃而非涅槃而乃是名真實涅槃何以故

貪及涅槃自性無異本性和合智者於此知
 彼自性而求涅槃若非真實而皆虛假彼虛
 假中自性空故云何名空為其計執我我所
 故或計執我性常故或計執我性斷故
 而或計執一切諸法悉無變思若無我人及
 無壽者畢竟不生貪瞋癡法七若生此法
 定有是故復生我我所故於我我所而皆復
 起一切行故舍利子起一切行者由其四種
 積集之行何等為四一者身積集行二者語
 積集行為於尋伺發麤惡語所作行業憍惱

永樂北藏

大乘菩薩藏正法經

第七一册

他故三者心積集行四者想積集行為於自
 他計執想念故諸有情悉被纏縛此上文釋
 四行內二
有解二開解文
 本元無不可添足復次舍利子菩薩摩訶薩
 見諸有情如是色相如是計想如是顛倒而
 皆不能與諸菩薩同修勝行而生解了何以
 故菩薩摩訶薩若與有情同修行時恐彼損
 減而我常求無畏法故舍利子菩薩摩訶薩
 如是緣故於一切有情而生信重無有疑惑
 舍利子云何菩薩而生信重菩薩摩訶薩於
 一切有情如父母想舍利子菩薩摩訶薩於

一切有情無有遺餘而於無邊世界無始時
來一切有情皆悉曾為我之父母眷屬時彼
有情以貪愛故而生忘失不記曾為父母眷
屬復起瞋恚心時亦皆忘失曾為父母眷屬
遂生棄捨舍利子菩薩摩訶薩以此緣故而

為譬喻應當了知菩薩摩訶薩於一切有情
常生眷屬之想舍利子於過去無量無數阿
僧祇劫復於不可說不可說無邊廣大不可
思議世時於彼世中有佛名為最上眾如來
應供正徧知明行足善逝世間解無上士調

御丈夫天人師佛世尊出現於世住於世間
九十俱胝歲有九十俱胝那踰多大聲聞眾
諸菩薩摩訶薩悉來集會時彼會中有一菩
薩摩訶薩得正念住而生王宮勝種族中當
初生已其王及后各令八萬四千婁女而為
侍衛於是太子於一色相殊妙身體端直十八潔白圓
滿諸相具足人所樂見由是外族眷屬見是
太子威嚴色相而皆來集親近侍衛舍利子
時彼太子有三善友共營所居殊妙樓閣謂
於熱時雨時寒時於三時中而為娛樂游往

安住各遂其宜復有千萬人衆悉來隨時各
奏音樂而共嬉戲親近承事供給普徧發諸
妙聲皆悉和合時彼太子忽然思念生滅之
法息其音樂尋思樂聲從何而來從何發生
何處是滅云何是生云何是滅晝夜思念曾
無睡眠惟念無常厭離生滅舍利子此菩薩
摩訶薩得正念已於四萬歲心常厭離音樂
之聲慶於四萬歲中不樂世間所有諸欲時
彼菩薩未出家時常勤修習四禪諸定而得
成辦五種神通從自含宅騰空往詣最上衆

如來之所親近瞻仰禮拜供養欲問世尊諸
善法要舍利子是時最上衆如來已般涅槃
時彼菩薩而伸請問諸大比丘及善男子最
上衆如來已涅槃耶善男子我最上衆如來
已般涅槃菩薩聞是語已悲啼號泣悶絕躄
地良久乃蘇時彼菩薩憶念如來說伽陀曰
我佛明照於世間 超一切法登彼岸
諸放逸行已遠離 清淨妙果得成就
我於百千俱胝劫 難值如來出世間
不逢供養深障深 自捨如來誰救護

世間慈母非善友 亦不稱讚於如來
多生正法未曾聞 於佛世尊難值遇
世間慈父非善友 令我耽著於五欲
隨順五欲增染心 使我不見如來相
我佛六十種妙音 未嘗得聞於佛所
故於善惡不能知 令我永沒生死海
復於多劫不遇佛 於諸世間生愍念
發愍念中悉能行 了一切法到彼岸
我於俱胝多劫中 不曾親近供養佛
以放逸故歷多生 由是深障不見佛

我聞如來出於世 到佛所已般涅槃
父母恩愛為所纏 令我不得見調御
若值如來久住世 我必得聆於正法
廣修供養親近時 六十妙音聞具足
六十妙音今清淨 三世如來咸具足
我雖生住於世間 不得親聞梵音響
我生緣業多重障 佛滅度已而來此
諸佛正法藏甚深 無能開示於我等
佛說大乘菩薩藏正法經卷第二十二

永樂北藏

大乘菩薩藏正法經

第七一冊

佛說大乘菩薩藏正法經卷第二十三

第二十四

同卷

松二

密金藏經卷第二十三佛說大乘菩薩藏正法經卷第二十三

持戒波羅蜜多品第七之六

復次舍利子時彼菩薩摩訶薩說是偈已而

格二

更前詣最上眾佛般涅槃所頭面禮竟涕淚
交流遠百千由却住一面復說伽陀曰

如來於諸有情中 善說最上真實法

我今發起真實心 願求無上菩提果

佛具大智真實身 今滅度已我不見

永樂北藏

大乘菩薩藏正法經

第七一册

志發誓願等如來 當獲殊妙諸相好

我昔曾於俗舍中 於如來法不恭敬

現招劣弱深鈍根 致諸魔障來燒惱

今我未得聞正法 無量苦惱常逼迫

願得親覩調御師 發起宿植善根本

我今發是誠實語 對諸八部天龍眾

證明我此真實心 願獲當來真實果

願我當承善根力 得見最上人中尊

聞正法已獲神通 如大龍故注甘雨

願我不墮八難中 遠離一切諸欲染

十俱胝劫不耽五欲之樂復於往昔親近供養七千如來於一一如來所廣大成辦諸供養事為求無上正等正覺於一切時常修梵行以是往昔善根力故得成阿耨多羅三藐三菩提號曰娑羅樹王如來應供正徧知明行足善逝世間解無上士調御丈夫天人師佛世尊十號具足出現於世彼佛會中有諸聲聞皆來集會復有二十俱胝比丘與大阿羅漢四萬人俱諸漏已盡無復煩惱逮得已利盡諸有結心得自在到於彼岸舍利子彼

娑羅樹王如來壽命二十俱胝歲般涅槃後正法住世滿一萬歲像法住世亦復如是全身舍利流布世間普徧供養廣作佛事爾時世尊說伽陀曰

我於二十俱胝劫 不曾墮於諸惡趣
二十俱胝劫數中 亦不耽著於五欲
七千如來當住世 於彼時中般涅槃
修梵行故得成就 常與有情獲法欲
今我得成菩提道 故號娑羅王如來
二十俱胝劫數中 安立有情菩提果

覺悟菩提最上因 饒益一切有情故
二十俱胝歲數中 當為有情常說法
常與四十俱胝眾 同坐道場宣正法
諸漏已盡悉無餘 獲得涅槃殊妙果
三世如來身舍利 我嘗建塔六十千
復立俱胝數寶幢 於萬年中伸供養
正法住世一萬歲 諸有智者獲利益
清淨妙音宣演時 普獲聞者心歡喜
復次舍利子菩薩摩訶薩圓滿清淨戒行於
一切有情而生對治於父母所不生貪愛於

諸有情發起對治於諸欲境不生耽著菩薩
摩訶薩云何是欲法云何對治法欲法者謂
眼觀色欲耳聽聲欲鼻嗅香欲舌了味欲身
著觸欲而生和合於此和合而生耽著是名
欲法既生耽著而被纏縛於諸纏縛生決定
想此纏縛法畢竟虛假由貪迷故深樂纏縛
此纏縛法總有三種謂淺深極深諸有情等
應當遠離此纏縛法又色是纏縛聲香味觸
皆是纏縛云何色是纏縛所謂成就身命色
故生於我想補特伽羅想壽者想常想不壞

想決定不變想塵境物想薩伽羅想五蘊想
此等皆是色法纏縛又色是纏縛成就身命
色法故所謂世間諸有欲法愛著身命妻孥
眷屬是名色法纏縛乃至觸欲皆是纏縛諸
有滌緣而漸成就諸不善業而皆積集耽著
諸欲不能暫捨註二舍利子云何是欲無過失謂
潔白清淨欲無過失然於惡趣不生愛著云
何於惡趣中不生愛著謂欲無過失舍利子
諸有情等於諸欲事而常親近無有少分不
曾暫捨由此業報遍受苦果舍利子於千世

界次第伺察遍觀察已諸惡朋友無有一人
可比於妻何以故舍利子一切有情由愚癡
故諸有智者而常毀棄是故當知顯現正法
諸無智者而常攝受是故當知顯現非法諸
有為法男女妻妾互相耽著而生愛樂邪道
攝受男女妻妾數數愛取障難出離障難持
戒障難修定障難生天障難涅槃障難一切
潔白之法又復攝受奴婢眷屬以要言之又
或攝受惡友為地獄餓鬼畜生之所攝受又
復攝受男女妻妾即彼攝受一切雜染諸不

善根又復攝受男女妻妾乃至飲食盡其邊際而為障礙欲見如來而為障礙欲聞正法而為障礙欲近聖眾而為障礙佛之知見清淨潔白之法一切聖眾由障礙故皆不能見於時分中欲求成就而為障礙求七聖財而為障礙於不正信法如二逐生攝受乃至破戒慳吝惡慧無慚無愧皆悉攝受於非七聖財返生攝受又復攝受男女妻妾即彼攝受疾病瘡疣疼痛猛火毒蛇諸苦又復攝受男女妻妾所住舍宅猶如塚間於其塚間發悲號聲

無諸親友乃生聽受增長癡迷是虛幻法於諸善法而為障礙以要言之舍利子破戒之人諸有惡法如世霜電毀一切物破壞善法亦復如是又復耽著男女妻妾如貪味人舐於利劍食熱鐵團諸不淨物又身垢穢以貪著故用香花燈塗而自供養如地獄中極大苦器而自嚴飾又復於諸奴婢攝受驅使又復攝受黑瘦惡人種種毀棄又復攝受馳驢猪狗種種畜類即是攝受一切苦惱又復攝受男女妻妾者舍利子決定寧入千踰繕那

極大猛焰熱鐵城中不應攝受父母男女妻妾常起如是捺愛之心即便墮落何況領受諸觸境事何以故諸苦所因以貪捺法為諸根本損害善法根本憂悲苦惱根本繫縛善法根本穢惡根本生盲根本而非慧眼潔白

根本如常履踐熱鐵地上悉令人墮落邪道以何因緣說名為妻妾所作為如負重擔而能忍受又甘領納任持重擔長時不捨受諸苦惱逼迫身心為其損害如是因緣說名為妻妾是有情由起愛故返為奴僕由耽著

故不得自在被諸打縛皆悉信伏倍生欽仰隨諸走使如是因緣說名為妻若具足說廣大無量舍利子又重擔者所謂五蘊色受想行識而此五蘊名大重擔不能棄捨男女妻妾宿因緣故而為眷屬舍利子此為破戒緣本二壞正行緣不正見緣樂飲食緣六地獄餓鬼畜生緣作勝慧障閉涅槃門以是因緣集一切苦說此名為宿因眷屬又舍利子母之種族亦多過失說此種族無量無邊幻化等事有人隨順則生過失諸有魔事如在掌中波旬

眷屬及諸魔女種種幻惑多種過失以輕掉
心侮戲心顛狂心猿猴心善能顯現如是幻
惑以是因緣故說名為母之種族舍利子又
此幻惑亦名聚落而建王城四衢道陌人民
世界廣大無量不可思議以是因緣故說名
為幻惑聚落舍利子如是幻惑諸欲過失應
墮惡趣舍利子譬如幻師作幻惑事而於眾
中備諸幻具廣能顯現種種幻事女人幻惑
亦復如是舍利子世間有情見彼女人而被
纏縛或時聞聲或時手觸或時歌舞起心愛

著或時和合起諸幻惑或時啼泣行住坐卧
於一切處悉被纏縛供給走使返為奴僕舍
利子譬如世間成熟苗稼遭大雨雹之所損
壞舍利子母之種族亦復如是而能損壞夫
之種族亦能損壞一切潔白之去舍利子諸
欲過失應墮惡趣一切愚夫不能了知而返
攝受妻妾眷屬舍利子此諸菩薩於諸欲過
失無義利事以方便力而能遠離云何一切
愚夫異生素背正法返生愚癡非丈夫想應
於一切佛菩薩摩訶薩所作文夫想應當棄

捨非丈夫想不應生諸瞋恚之想於諸善趣
作大丈夫起諸正行不於惡趣作非丈夫起
諸邪行不於地獄餓鬼畜生起諸趣向不於
破戒起諸趣向不樂於破戒衆中而暫安住
唯樂於最上最勝一切無上正法無障無礙
佛慧而起趣向而樂對治諸不善法起諸趣
向願我當來作獅子吼不樂隨順諸不善法
作異獸吼願我當來如佛顯現金色之身不
作異生凡夫之身常爲世間導善之首又於
人中無諸險難安然寢饋無所乏少常得清

淨諸妙飲食皆悉豐足亦不厭捨世間麤糲
飲食常願於寂靜處修習禪定速得成就最
上最勝妙三摩地專注一境遠離動亂諸惑
障染常得遊戲諸佛定門亦復遠離聲聞緣
覺諸有定門不樂依止一切愚夫異生諸有
定門亦不樂著色受想行識五蘊而住不樂
依止地水火風空識而住不樂依止欲界色
界無色界而住亦不樂於此界他界而住雖
復於彼見聞覺知妙觸境界及所證得寂靜
思惟亦復不樂依止而住願常依止如實靜

慮之者雖樂修定於自他身常無損害願常
圓滿佛之智慧所有欲界諸有為事悉不願
樂舍利子菩薩摩訶薩智者有四種出離法
何等為四一者出離欲界二者出離一切有
情界三者出離知恩不報而不親近四者出
離一切苦行世二應當發報此之四種出離之法
舍利子菩薩摩訶薩住惡趣中見諸殊妙母
之種族亦不發起貪愛之心應當發起四種
之想何等為四一者損減想二者險難想三
者便利不淨想四者膿血穢汙想舍利子菩

薩摩訶薩住惡趣中又應發起三種之想何
等為三一者如母想二者如姊想三者親女
想應當發起此三種想如是舍利子菩薩摩
訶薩而常善說修習思惟及諸經典悉應信
受我觀世間無有一人於無量劫來非母能
生非父能育至於一切有情循環養育一切
有情亦悉曾為我之父母或於往昔曾名為
母至於今生返名為婦彼諸行人應當修學
與諸愚夫異生我當住於不相違行如是行
相隨順於此貪愛為心內心專注作是思惟

所謂貪愛之心彼云何見生與未生若或貪
 愛眼中諸色彼諸行人內心堅固應當伺察
 於自眼中而生愛著云何眼中而生見見云
 何自性而見自性云何自眼而見自眼如是
 自眼四大所成仗眾緣故而非自性既非自
 性而生愛著愛著之心亦非自性何以故彼
 性非有此心亦無由差別故而生愛著諸愚
 夫異生由不了故住無分別我今樂住有分
 別中而生進求何以故如是色相非功德法
 是欲思惟爾時世尊說伽陀曰

互相和合為一義 此中無有義差別
 亦非內外堅固生 由貪愛故名積聚
 云何真實中真實 而於四大生愛著
 此法猶如於瓦木 是中不生愛樂心
 由我執故生徧計 從不真實為積聚
 不真實中貪愛生 真實貪愛不可得
 設於十方徧尋求 真實貪性不可得
 於不真實計執已 貪愛心生還積聚
 彼若如是生伺察 循環於此徧推窮
 隨諸增勝推窮時 真實貪愛不可得

佛說大乘菩薩藏正法經卷第二十三

佛說大乘菩薩藏正法經卷第二十四

宋夏藏經音義卷之六十五

持戒波羅蜜多品第七之餘

爾時世尊說是偈已告舍利子言我今所說
於諸契經展轉增勝隨順根力應當信解舍

利子又此眼等譬如泡沫不可撮摩於泡沫
中無我無人無眾生無壽者無補特伽羅無
意生無儒童無作者亦無受者如是了知諸
法不生離一切相此中何有貪愛之者又此
眼等譬如陽焰一切煩惱貪愛集生前際後
際無我無人無衆生無壽者無補特伽羅無
意生無儒童無作者亦無受者如是了知諸
行不轉離一切相此中何有貪愛之者又此
眼等譬如芭蕉體不實故於芭蕉中無我無
人乃至離一切相此中何有貪愛之者又此

眼等譬如幻化顛倒集生此幻化中無我無人乃至離一切相此中何有貪愛之者又此眼等猶如夢中見諸色相非真實故於此夢中無我無人乃至離一切相此中何有貪愛之者又此眼等猶如谷響由緣生故於谷響中無我無人乃至離一切相此中何有貪愛之者又此眼等猶如影像隨諸業惑之所顯現此影像中無我無人乃至離一切相此中何有貪愛之者又此眼等譬如浮雲聚散無定體非究竟此浮雲中無我無人乃至離一

切相此中何有貪愛之者又此眼等譬如電光刹那變滅此電光中無我無人乃至離一切相此中何有貪愛之者又此眼等猶如虛空離我我所於空法中無我無人乃至離一切相此中何有貪愛之者又此眼等猶如愚作二聾無所覺知又如草木牆壁瓦礫十一諸非情物無所覺知而此愚聾非情法中無我無人乃至離一切相此中何有貪愛之者又此眼等猶如諸行皆流轉故亦如風鳥假緣和合此諸行中無我無人乃至離一切相此中何有

貪愛之者又此眼等皆是虛假一切不淨之所積聚此虛假法無我無人乃至離一切相此中何有貪愛之者又此眼等如鏡中像隨物顯現旋有旋無是破壞法此鏡像中無我無人乃至離一切相此中何有貪愛之者又此眼等猶如苦井老病死苦四蛇二鼠交相侵迫此苦井中無我無人乃至離一切相此中何有貪愛之者又此眼等無實邊際浮塵之根死法所侵乃見邊際此邊際中無我無人無衆生無壽者無補特伽羅無意生無儒

童無作者亦無受者如是了知離一切相此中何有貪愛之者舍利子蘊處界法亦復如是若菩薩摩訶薩內心堅固真實相應永不墮於貪愛法中若隨貪愛無有是處於貪愛法真實歇離舍利子是名菩薩摩訶薩戒行清淨又菩薩摩訶薩如是圓滿清淨戒行於諸有情不生損害至於微細有情悉能饒益亦復不惜軀命普於一切無所不捨或受化思而能還報自佗受用悉令圓滿又菩薩摩訶薩於一切處寧喪身命遠離種種邪欲之

行寧喪身命不以妄語及以兩舌虛誑有情
於自眷屬常生喜足寧喪身命遠離綺語常
出慈愛柔順之語決定正直之語常自護身
於佗塵境不生貪愛寧喪身命不生瞋恚人
所毀訾終不傾動而能忍受諸惡語言寧喪
身命不生邪見何以故歸依諸佛心不退轉
常持禁戒無所毀犯亦復不樂世智辯聰唯
學佛慧堅持禁戒常無過失遠離險惡諸雜
染法堅持禁戒遠離諸惡煩惱積習常得成
就潔白勝行增長往昔普施飲食堅持禁戒

隨心所欲自在而行安樂吉祥持諸禁戒於
諸智者不生毀謗初中後時正念無失於持
戒中離諸譏謗諸有過失皆悉不生於諸根
門而常密護於持戒中具大名稱諸有善法
而常攝受少欲知足於諸應供而常知分歡
喜持戒斷諸攀緣常行正直持諸禁戒於三
業中而常伺察樂居曠野堅持禁戒於諸女
人常生厭離而常愛樂諸聖種族堅持禁戒
普願不觀世間美境於頭陀行而無缺漏持
諸禁戒於自善根不由佗起言行相應持諸

禁戒於諸人天不生虛誑常生慈心而復增
勝於諸有情無損害意起大悲心常持禁戒
忍受一切諸苦惱事歡喜持戒愛樂諸法而
無執著常修捨行持諸禁戒於逆順境常行
平等於自過失常能伺察隨順佗心而常守
護善能調伏一切有情持諸禁戒而能圓滿
檀波羅蜜持諸禁戒而能圓滿戒波羅蜜堅
持之心無人能勝持諸禁戒而能圓滿忍辱
波羅蜜於諸善法而為究竟持諸禁戒而能
圓滿精進波羅蜜於靜慮中不生懈倦持諸

禁戒而能圓滿禪波羅蜜修習聞慧常無間
斷持諸禁戒而能圓滿勝慧波羅蜜志樂親
近諸善知識持諸禁戒堅固積集菩提分法
遠離惡友持諸禁戒常得遠離諸險苦難於
自身分常生厭離持諸禁戒於無常想而能
伺察於自壽命復能棄捨持諸禁戒而常不
樂久住於世唯常遠離諸相違行持諸禁戒
於自心意常極清淨離諸熱惱持諸禁戒遠
離貪愛不自貢高而能謙下持諸禁戒純直
無諂柔和軟語如實相應持諸禁戒獲大名

稱善徧一切而自調伏持諸禁戒常無瞋恚
好樂寂靜以善語言化利有情持諸禁戒如
實而說悉無違背以四攝法攝受有情持諸
禁戒常護正法於自法財而無匱乏諸有智
者於自戒蘊悉皆具足而能行諸菩薩之行
舍利子菩薩摩訶薩以是持戒波羅蜜多故
而能發起勇猛之心所有魔事及魔眷屬悉
皆隱蔽諸嬖惱事亦復不現
忍辱波羅蜜多品第八
舍利子云何菩薩摩訶薩忍辱波羅蜜多是

菩薩摩訶薩為護禁戒發起勇猛修行具足
忍辱波羅蜜多修是行時世間所有一切嬖
惱不饒益事皆能忍受若寒熱饑渴暴風酷
日若蚊蚋水蛭毒蟲之類共來觸惱悉能安
受若諸眾生以惡語言互來毀謗及欲損害
菩薩身命菩薩爾時心無恐怖不生恚惱亦
無怨結已生現生當生悉能忍耐舍利子是
名菩薩摩訶薩修行具足忍辱波羅蜜多又
舍利子我於往昔長夜之中常修如是忍辱
觀法若一切有情因來毀罵加諸瞋恚而行

捶打以麤惡語種種誹謗我於爾時不生忿
恚不生嫉妬不生惱害亦不以其不饒益事
反相加害舍利子我自成就忍辱觀已常起
悲心愍念有情增長忿怒瞋恚嫉妬隨煩惱
中復以善巧種種方便而覺悟之令得出離
獲妙果報若諸有情棄背菩薩不從善化返
增惡行於一切處常獲醜陋不如意報何以
故瞋恚行業是醜陋因是不善業是雜染業
是下劣業非正士業非善友業此不應作當
知瞋恚諸不善業能令引趣墮三惡道能令

引趣焰魔羅界能令引趣墮地獄道生畜生
中於焰魔羅界以為眷屬如是瞋恚諸惡行
業能令引趣無財下劣夜叉趣中能令引趣
無財下劣餓鬼趣中如是瞋恚諸惡行業能
令引趣貧窮下賤醜陋人中舍利子我自往
昔不曾修作如是行相菩薩摩訶薩亦應不
修如是行相又舍利子此中云何是別異法
云何種種別異修作我等所修善法相應彼
等所修非善法相應是別異法別異修作舍
利子菩薩摩訶薩應當如是隨我修學何以

故菩薩摩訶薩當修學時或有有情來相嫉惱不起忿怒瞋恚之心於諸行相亦不作為常自思惟作忍辱觀成熟有情諸善根本舍利子假使有人以金銀琉璃磈磈碼碼珊瑚琥珀末尼珠等滿四大洲以用布施不如行此忍辱波羅蜜多何以故菩薩摩訶薩以忍辱故能令有情不墮輪迴趣無漏道復次舍利子菩薩摩訶薩應當不起瞋恚之心而常作意念佛念法念僧何以故以是歸命功德之力當得成就無量善根亦令有情皆悉念

佛念法念僧作是念時常得覺悟我與有情何善何惡若不思念佛法僧寶即被忿怒瞋恚惡行常相纏縛菩薩作是思惟若起瞋恚即非正理若能忍辱即是正理菩薩應當遠離一切瞋恚業行當行忍辱波羅蜜多時應先思念佛法僧寶是三寶力能令一切有情同行是行舍利子我已成就如是行相得成阿耨多羅三藐三菩提為諸有情轉妙法輪願諸如來攝受於我善男子當發阿耨多羅三藐三菩提心時為諸有情轉妙法輪當獲

諸佛勝無礙解無量知見菩薩修是忍辱波
羅蜜多如是行相對治忿怒瞋恚惡行亦當
憶念東方有苑伽沙等世界彼有苑伽沙等
如來應供正等正覺現住說法利益有情時
諸菩薩為彼如來之所授記善男子我亦已
發如是阿耨多羅三藐三菩提心十六為諸有情
說法教化如是南西北方四維上下亦有苑
伽沙等世界彼有苑伽沙等如來應供正等
正覺現住說法利益有情時諸菩薩為彼如
來之所授記善男子我亦已發如是阿耨多

羅三藐三菩提心為諸有情說法教化常樂
稱讚忍辱波羅蜜多作師子吼未得遠離忿
怒瞋恚諸惡行法若諸有情或樂修作種種
利益菩薩爾時見諸有情如是修作我亦隨
順作諸義利云何此中種種難作易作復次
舍利子菩薩摩訶薩與一切有情應當如若
修學忍辱波羅蜜多若不隨順如是修學非
我善友若能隨順作義利事是名善友是故
了知無所侵害是義利事我當深樂不捨皆
情作諸義利爾時世尊說伽陀曰

我於俱胝億劫中
 見諸有情受苦時
 有情種性本義利
 設遇諸惡侵媿時
 徧滿一切閻浮提
 一切珍寶悉充盈
 若或有人持利劍
 以忍辱故生慈心
 或有忿怒瞋恚者
 以忍辱力而稱揚

荷負有情不義利
 不暫捨捨而安住
 互相教示為善友
 為義利故常忍受
 於佛刹中亦如是
 為善友故皆能施
 欲來割截我支體
 永無怖畏諸苦惱
 堅持苦毒來侵媿
 安住忍苦曾無惱

有持刀杖及毒藥
 為利有情諸善根
 我今不學諸愚夫
 廣修殊勝饒益因
 復次舍利子菩薩摩訶薩應當如是修學忍
 辱波羅蜜多於百千萬俱胝那由他劫假使
 有人將諸杖木瓦石種種器仗而打擊之於
 少時間悶絕躡地命將欲盡良久乃蘇菩薩
 爾時作是思惟歎未曾有我今於此再得壽
 命然後應當如是修學最上最勝忍辱波羅

蜜多假使有人來於我所須我頭目及其骨
髓身肉手足如瓠伽沙數滿一大劫我當爾
時終無吝惜亦復不起忿怒瞋恚諸惡行法
何以故若起忿怒瞋恚諸惡行法我於百千
劫中所集善根應當散壞我今轉復堅固積
集百千劫中所植善根無令失壞而為修習
難得阿耨多羅三藐三菩提法何以故我等
諸菩薩眾以忍辱力而為甲冑舍利子菩薩
摩訶薩於大乘心不應退轉使魔得便不能
成就難得阿耨多羅三藐三菩提於菩提心

不應退轉使心散亂令其魔事作諸障礙云
何魔事所謂耽著自分飲食是為魔事耽著
三衣是為魔事分別教化是為魔事為利養
故使人讚歎是為魔事樂自利行是為魔事
斷滅多種潔白之法是為魔事乃至斷人靜
住障修福慧障人親近諸軌範師斷人修習
菩提行法是為魔事舍利子菩薩摩訶薩若
於菩提道而生退轉起散亂意一切惡魔即
得其便何以故諸有魔障於長夜中伺求其
便入菩薩心能令增長忿怒瞋恚舍利子我

於往昔堅持禁戒修行忍辱波羅蜜多時通
達善法其名仙人於彼時中有大魔王化五
百丈夫衆皆以勇猛作大瞋怒於五百年中
行住坐卧晝夜相逐作大瞋怒或於道路井
邑聚落及白衣舍或曠野中常以瞋恚虛誑
不實幻惑有情舍利子是彼魔衆於五百年
中常於我邊作大瞋怒生諸過失我於爾時
諦察思念以憐愍故發大慈心為諸魔衆廣
說妙法時彼魔衆得聞法已諸惡行業皆悉
殞滅舍利子我於爾時為彼魔衆說是法已

今諸有情成熟善根當得阿耨多羅三藐三
菩提又復為彼諂曲破戒樂不善法難調有
情及諸多貪多瞋多癡有情作善緣故令得
成熟阿耨多羅三藐三菩提願我當來成等
正覺最初度脫諸有情類令得涅槃舍利子
我於彼時除諸妄念常生正念具足饒益有
情善行而於三際不曾暫捨舍利子若菩薩
摩訶薩進求阿耨多羅三藐三菩提時應當
具足忍辱波羅蜜多若菩薩於自身中已生
未生種種惡病極重苦惱乃至死苦菩薩爾

時具足忍辱波羅蜜多皆能忍受舍利子菩薩摩訶薩應當堅固安住菩薩忍辱波羅蜜多所謂應當了知不忿怒是名菩薩忍辱不損害是名菩薩忍辱無諍語是名菩薩忍辱不殺害是名菩薩忍辱護自身命是名菩薩忍辱護他身命是名菩薩忍辱常護身語意業是名菩薩忍辱內心諦察修忍辱行是名菩薩忍辱遠離貪愛是名菩薩忍辱隨順業報是名菩薩忍辱清淨身語意業是名菩薩忍辱以忍辱力而復獲得人間天上勝妙快

樂是名菩薩忍辱而復獲得菩薩圓滿殊勝相好是名菩薩忍辱而復獲得如來深妙清淨梵音菩薩積集堅固善行是名菩薩忍辱遠離一切世間嫉惱是名菩薩忍辱或有伺求一切過失菩薩於彼不生損害是名菩薩忍辱以要言之乃至獲得如來十力十八不共法大慈大悲大喜大捨一切勝法悉皆圓滿應當了知是菩薩摩訶薩安住忍辱波羅蜜多舍利子菩薩摩訶薩修忍辱行時或有人來瞋怒惱害菩薩爾時了知虛幻如對谷

響而不加報乃至打擊殺害菩薩於彼諦察
皆悉了知如幻如化亦不加報或有人來種
種稱讚不以爲喜何以故菩薩以自分圓滿
真實功德而爲眷屬於世間法亦不耽著於
自過失而能悔謝於他過失不生毀訾爲能
圓滿菩提分法作大佛事而復思念已作罪
業悉皆虛假諸相違行無義利事悉能棄捨
舍利子是名菩薩摩訶薩忍辱波羅蜜多復
次舍利子菩薩摩訶薩忍辱波羅蜜多所謂
自身畢竟忍辱有我等相非究竟忍何以故

若他瞋恚來憍惱時及能忍受於心境中俱
不可得而菩薩作是思惟何者爲瞋何者爲
忍於法數中云何眼等處而有瞋恚又復伺
察於十二處忍辱亦不可得展轉入解有情
等相悉無所得又此忍辱非實究竟至於忍
辱名字如空谷響是名苦空無常無我於忍
辱等作如是解又此忍辱亦非究竟謂於是
法我無顛倒彼是顛倒於忍辱行起高下相
又此忍辱非實究竟謂於是法我能解脫彼
非解脫於忍辱行而非相應又此忍辱亦非

究竟謂於是法我居正道彼非正道於忍辱
行生二種相又此忍辱非實究竟謂於是法
於空能忍於見非忍於無相中而能忍受於
有相中而不能忍若於無願無求而皆能忍
於有願有求而不能忍若於無積集攀緣而
能忍受於有積集攀緣而不能忍若於煩惱
盡處而能忍受於煩惱處而不能忍又於善
處而能忍受於不善處而不能忍若於無過
失處而能忍受於有過失處而不能忍若於
無漏法而能忍受於有漏法而不能忍若於

出世間法而能忍受於世間法而不能忍若
於清淨法而能忍受於雜染法而不能忍若
於涅槃法而能忍受於生死法而不能忍此
等忍辱有對治故非實究竟云何名為究竟
忍辱若能隨順空性於見非見中非有非無
若能隨順空性於有願有求及無願無求非
有非無若能隨順空性於積集攀緣中非有
非無若能隨順空性於清淨法及雜染法非
有非無若能隨順空性於善不善法非有非
無若能隨順空性於諸過失及非過失非有

非無若能隨順空性於諸行中及涅槃法非
 有非無是名究竟忍辱何以故謂過去未來
 現在諸法皆不生故眾緣無盡忍辱無盡若
 於是法非有為非無為亦非和合亦不增減
 亦無成壞亦非作者亦非養者彼不生故是
 名無盡說此是為真實忍辱舍利子如是菩
 薩能行是行者是名諸大菩薩摩訶薩忍辱
 波羅蜜多若彼菩薩摩訶薩能行是菩薩相
 應行時一切魔王及魔眷屬作諸魔事及諍
 訟等皆悉不現是名菩薩摩訶薩成就最上

永樂北藏

大乘菩薩藏正法經

第七一册

忍辱波羅蜜多

佛說大乘菩薩藏正法經卷第二十四

音釋

孛音奴 瘡疾也 塚高也 駝音駝
 侮同角切 羈郎郎切 泡音泡 沫音沫 些音些 匱音匱
 也疥也 礫小石也 烏鳥名 此口也 匱匱也
 也水也 蛭水蟲也 胃直也 匱匱也

卷一

廿三

永樂北藏

大乘菩薩藏正法經

第七一册

佛說大乘菩薩藏正法經卷第二十五第六

卷同

松三

宋契藏經卷第二十五第六經佛說大乘菩薩藏正法經卷第二十五第六經

精進波羅蜜多品第九之一

復次舍利子云何名為菩薩摩訶薩精進波

羅蜜多佛言舍利子菩薩摩訶薩修精進波

羅蜜多相應行時并令魔事隱沒不現次當

發起不退具足勇猛精進不惜身命堅固勇

悍志求修習此菩薩藏正法明文復能書寫

受持聽聞讀誦解其義趣為人解說又菩薩

摩訶薩於諸契經亦復教人聽聞書寫受持

讀誦解其義趣為他人說舍利子譬如有人

行真實行執持種種金剛器仗與百人戰而

無怯懼勇悍敵眾不惜身命菩薩摩訶薩行

精進行亦復如是應當堅固發起最上精進

志求菩薩藏正法曾無棄捨發勝解行不退

精進復次舍利子若菩薩摩訶薩行堅固精

進行時不惜身命所有三千大千世界中卵

生胎生濕生化生有色無色有想無想非有

想非無想乃至墮於有情數者於一剎那一

臘縛一年呼粟多如是展轉滿一劫已往昔
已來未曾受生今始受生獲得人身亦當精
進讀誦受持乃至為人演說令他受持舍利
子我今樂說譬喻以明斯義譬如有人行真
正行執持利劍能禦惡友及斷身命而得全
勝舍利子彼菩薩摩訶薩亦復如是一心發
起勇猛精進無怖畏心於菩薩藏正法悉能
受持舍利子菩薩摩訶薩而能具足不退轉
地精進之行復能速疾具足無量精進之力
所謂淨心勇猛持戒勇猛忍辱勇猛精進勇

猛三摩地勇猛勝慧勇猛勝行勇猛舍利子
菩薩摩訶薩雖能如是起諸勇猛曾無一念
起殺害意非如惡友起勇猛心而能殺害復
次舍利子我說此菩薩摩訶薩猶如梵天如
天帝釋如妙高山而無動搖大慈大悲及善
勝解復能通達不退轉地神通境界善知有
情種種心行心如大地一切平等如水火風
及虛空等心皆平等復能除滅貪瞋癡等一
切過失復次舍利子菩薩摩訶薩譬如琬伽
沙數世界滿中七寶持用布施不如聞是大

乘菩薩藏正法精進思惟而能修行得成阿
耨多羅三藐三菩提果諸菩薩摩訶薩等應
當寂靜思惟如是修學舍利子菩薩摩訶薩
若能如是廣大隨順修學即得圓滿無量廣
大善根由聞如是精進波羅蜜多而能成就
最勝妙果何以故舍利子決定愛樂阿耨多
羅三藐三菩提故舍利子菩薩摩訶薩於菩
薩藏正法中爲由聽聞讀誦書寫受持爲人
演說應當發起勇猛精進如是展轉於諸險
難亦富固往而無勞苦云何難去能去所謂

妙趣涅槃令魔波旬不能得便說是菩薩正
士脩相應行者勇猛精進爲求如是三乘涅
槃之道於三惡趣令諸有情於雜染法而能
斷除於持戒忍辱諸波羅蜜多多聞修習而
求出離若有有情行非善業及諸懈怠應生
憐愍皆悉令發勇猛精進舍利子菩薩摩訶
薩諸智增者於懈怠有情或當遠離於精進
有情或當去住何以故舍利子唯求涅槃最
上第一清淨解脫舍利子又菩薩摩訶薩行
精進波羅蜜多時亦令一切有情而共行之

復能利樂一切有情善說正行普令覺悟為
令引入無上道故爾時世尊說伽陀曰

勇猛精進悉無礙 常得尊高無與等

於菩薩藏正法中 稱為任持大智者

思惟無上正法義 得不思議智慧門

復於正法求出離 當獲如來親授記

勇猛修習大勝慧 坐菩提樹正思惟

令諸魔怖悉退伏 由持智慧精進力

普現一切戒清淨 世間事業盡能習

復能利樂諸有情 具足精進無損減

佛告舍利子我滅度後後五百歲若有有情
行是行時於諸契經愛樂受持當得無量勝
慧福聚富貴尊嚴及得如來十力四無所畏
四正斷法慈悲喜捨佛十八不共法乃至一
切佛法總略而聚各各明了心得清淨除遣
魔事令諸有情盡生死苦向涅槃道復於彼
時諸違順境一切棄捨舍利子若於彼時諸
有情類智慧相應善巧方便求進阿耨多羅
三藐三菩提修持淨戒常樂多聞習諸禪定
修智慧業及勝解脫解脫知見進求佛法及

樂利樂一切有情斷除邪見樂求正見出離
輪迴修行聖道演說正法復於彼時破諸魔
障令貪瞋癡悉皆除滅斷無明暗令生明慧
舍利子如是之法若能聽受即能生長一切
善根積集成就最上精進若能如是聽聞正
法魔不得便而於一切佛法之中不生疑惑
舍利子時彼有情福力具足內心正行當得
阿耨多羅三藐三菩提又此有情於諸契經
而能聽誦愛樂受持極大歡喜於菩薩藏正
法受持讀誦修行成辦甚大歡喜亦復如是

我說是人能於一切如來教中而得成就設
復有人不專讀誦以因緣故暫來聽受作意
愛樂生大歡喜亦復獲得最上第一堅固精
進乃至如是於菩薩藏正法真實微妙行相
能以少分爲他人說舍利子譬如大海水中
有成熟果色香具足漂浮水上有一丈夫見
如是果起大勇猛精進勝行入大海中見水
暴涌不顧沉溺復以二手持取其果或一或
二或取三果而出大海然後詣彼寂靜之處
觀看是果乃嘗其味復自念言我於往昔未

識是果色香美味亦復不知又作是念發大
勇猛復往大海再取其果果乃不現但見海
水波濤暴涌而生苦惱於時退還然念是果
色香美味殊妙可愛我於先時悔不多取舍
利子我滅度後後五百歲法欲滅時若有有
情於布施持戒本三勝慧精進少能信解亦復如
是以是因緣於諸契經聽聞稱讚受持讀誦
爲人演說乃至一四句偈爲魔波旬之所嫉
惱不能建立受持讀誦興顯供養種種稱讚
由如是故悉皆棄捨又復展轉少分聽聞讀

誦稱讚受持於寂靜處思惟修習爲魔得便
於一切處常令退屈時彼行人作如是言苦
哉苦哉我於如來無上法中爲滅沒者於真
實法不令我等聽聞受持乃至於牟呼栗多
時思念如來正等正覺尚不能得復次舍利
子又苾芻衆爲魔所持於諸契經不能聽聞
讀誦時魔波旬現大衆前種種毀訾此諸契
經非佛所說但是世間虛假文飾舍利子彼
大衆中有諸苾芻聞是語已於一切處魔力
所加悉不聽受爾時世尊說伽陀曰

若人聞是正法已	令諸魔衆悉遠離
而於一切佛法中	決定信解除疑惑
若或薄福諸有情	於此正法不能聽
爲彼有情薄福故	聞亦不能生信解
或有具足福力者	聽聞受持生信解
於此正法少聽聞	能遣一切諸魔事
如是薄福諸有情	於此正法不生信
以不信故墮惡趣	猶如生盲無所見
若有具足福力者	於此正法深信解
以深信故生善趣	速疾猶若酥投水

一類少福諸有情 聞法展轉生煩惱
 彼人長夜受苦惱 爲愚癡故不解脫
 於佛菩提悉棄捨 速疾墮落惡趣中
 舍利子如來有清淨潔白智慧之法舍利子
 於四衆中若有一類苾芻苾芻尼優婆塞優
 婆夷於如來滅後法欲滅時於諸契經聽聞
 讀誦愛樂受持者若有一類有情於一切處
 不能愛樂受持讀誦者如來於彼一一了知
 又諸有情於此契經若能聽已發起正行如
 理修行當獲四種具足清淨潔白無障礙法

何等為四一者獲得具足清淨潔白戒波羅
蜜多無障礙法二者獲得常遇如來見諸妙
相具足清淨潔白無障礙法三者得見慈氏
如來獲得具足清淨潔白無障礙法四者獲
得如理相應諸善根力具足清淨潔白無障
礙法舍利子獲得如是四種具足清淨潔白
無障礙法舍利子若我滅後法欲滅時於大
乘行如是行相脩相應行者發起殊勝精進
之行復於契經受持讀誦為人演說展轉聽
受時彼有情復有十種魔事智者應當悉皆

了知於此魔事不應隨順轉復發起勇猛精
進成辦佛事何等名為十種魔事舍利子若
有苾芻於諸契經發起樂欲受持讀誦時魔
波旬而來媿惱此是第一魔事智者應當於
此了知不應隨順舍利子若有苾芻於諸契
經發起樂欲受持讀誦時魔波旬而來媿惱
令諸眼目生諸疾病此是第二魔事智者應
當於此了知不應退屈舍利子若有苾芻於
諸契經發起樂欲受持讀誦時魔波旬而來
媿惱令其身分生諸病苦此是第三魔事智

者應當於此了知不應退屈舍利子若有苾芻於諸契經發起樂欲受持讀誦令心散亂不樂本住此是第四魔事智者應當於此了知不應隨順舍利子若有苾芻於諸契經發起樂欲受持讀誦令其發起極忿怒心互相爭競令諸契經不能安立此是第五魔事智者應當於此了知不應隨順舍利子若有苾芻於諸契經發起樂欲受持讀誦令其互相執持鬪諍俱陷王難起惡語言利如毒箭更相損害如是行相令諸契經不得流通由鬪

諍業速疾退轉此是第六魔事智者應當於此了知不應隨順舍利子若有苾芻於諸契經發起樂欲受持讀誦時魔波旬而來誨誘住白衣舍復令發起種種鬪訟如是行相於諸契經不能受持今生誹謗由鬪訟業速疾破壞此是第七魔事智者應當於此了知不應隨順舍利子於彼時分法欲滅時或有少年諸苾芻衆於此法中出家未久於諸契經愛樂受持堅固信解發阿耨多羅三藐三菩提心時彼苾芻聞是經已得大歡喜彼親教

師乃語少年諸苾芻言此非佛菩提非佛法律不應受持時諸苾芻聞是語已於少時間於佛菩提而不信受又彼苾芻互相謂言我昔修習佛菩提法今令我等不樂修習所有往昔諸善根力使當斷滅返令如是墮染法中乃至命終生諸惡趣受大苦惱舍利子應知此等是魔所說如是積集諸地獄業諸有情等毀謗三寶不順佛言如來於三世中悉能了知又諸有情發起精進修大乘行如來於此亦能了知舍利子我今又令諸菩薩等

起四種想何等爲四一者於自身業而善調伏二者於善修作而妙觀察三者於他所作不樂觀察於諸有情起大悲心四者於空寂處行住坐卧於自他心隨順防護如是名爲起四種想

佛說大乘菩薩藏正法經卷第二十五

佛說大乘菩薩藏正法經卷第二十六

先施大藏經光緒天武光緒御覽傳元天賜紫鈔法苑珠林詔譯

精進波羅蜜多品第九之二

復次舍利子時彼有情多起邪見橫生計執
說法苾芻亦復減少為人輕賤不生尊重亦
不恭敬親近於供養有諸苾芻九非法說法於其
正法不樂親近設見有人於諸契經而生恭
敬尊重供養有大力能種種稱讚者共生侮
慢舍利子時彼苾芻得離欲者愛樂受持未
離欲者於諸契經不樂受持於大眾前隨順

永樂北藏

大乘菩薩藏正法經

第七一册

魔眾此是第八魔事智者於此應當了知不
應隨順舍利子若有苾芻於諸契經雖生愛
樂受持讀誦解說書寫為利養故隨順世間
諸有情等起偷盜業於三種事數數作意何
等為三所謂貪著衣服飲食及諸卧具於此
三事而多追求此是第九魔事智者於此應
當了知不應隨順舍利子若有苾芻於此大
乘諸契經中行相應行而能發起最上精進
書寫受持愛樂讀誦廣為人說時彼苾芻為
魔所持業煩惱障之所覆蔽於雜染法隨順

愛樂戲論語言而常相應耽著睡眠於睡眠
 中亦樂耽著諸雜染法又復耽著術惑女事
 深樂隨順如是行相於諸契經不樂書寫受
 持讀誦廣為人說舍利子時彼苾芻於如來
 教生愛樂者不欲斷滅如來聖教不受樂者
 惡業苾芻為魔所著欲令佛法速疾斷滅此
 是第十魔事舍利子如是十法諸有智者應
 當於此一一了知不應隨順爾時世尊說伽
 陀曰

時彼所有一切處 由彼業故魔障生

於諸白法悉棄捨	不樂思擇諸義利
勝慧減少惡慧增	於正法中不安住
樂聞非法悉能行	墮惡趣中為境界
如是展轉命終時	覆藏瑕玼為救護
尊重親教阿闍黎	一時俱墮於惡趣
我於俱胝千劫中	為利世間修苦行
常於有情思善巧	悉令遠離三毒火
我時證得大菩提	能轉清淨妙法輪
於人天中無與等	世出世間稱第一
我今不應當棄捨	世間有情極難得

令彼魔眾悉退散	皆能離苦獲安樂
又令癡闇道路中	持六度等真善行
於諸佛教悉相應	而能獲得菩提道
於如是法聽受已	復能演說真實空
令彼安住正信中	是故得離諸魔眾
於此最上真實中	若有棄背真實法
非真實相作真實	不能遠離諸魔眾
若有有情於佛所	歡喜堅固生尊重
聽聞如是正法時	獲得吉祥勝義利
正信有情歡喜已	諸有魔眾生苦惱

於一切處作善時	魔眾競來為恐怖
時魔假作苾芻相	巧出語言相誑惑
於眾迅疾生動亂	謂菩提道非真實
自言我法真實因	汝應堅固求安住
發生如是戲論已	然後輕侮復毀謗
時彼苾芻魔所著	信魔語故生放逸
謂言此法非佛乘	因是棄捨涅槃道
復背正覺合諸塵	而於佛法不信受
由執我見麤重已	速疾墮落惡趣中
縱有少分諸苾芻	而復愛樂非真實

各於大乘空法中 互相伺求諸過失
縱遇最上真實法 以雜亂故不聽習
復於義理生恐怖 捨正法故無所歸
彼時無有說法者 不信解人而復眾
如是縱有說法師 悉皆棄捨不聽受
若於世尊末法中 復能利樂諸有情
彼時多有魔障侵 於此勿應生退屈
未來若有苾芻眾 決定於法生信解
寧喪身命堅護持 速獲證悟圓常果
爾時舍利子及諸大苾芻等於大眾中間是

修習大乘行者於諸險難能行正法各各發
起廣大無量堅固勇猛精進之力如是行相
於此大乘菩薩藏正法聽聞讀誦書寫受持
展轉教示廣為人說又復說是善巧譬喻譬
若有人善能守護祖宗庫藏今見財寶漸欲
滅沒而生憂惱如我今見釋迦如來於無量
百千俱胝那由佗阿僧祇劫修行是難得阿
耨多羅三藐三菩提法漸將滅沒我等苾芻
亦復如是共生憂惱宜各發起廣大無量勇
猛精進堅持守護大乘菩薩正法寶藏又苾

芻言譬如有人有一親子端正殊妙父母見時適悅其心觀視子相目不暫捨其子忽然於險難處墮落其中有火飛禽捉持而去又復墮落那落迦邊高險之處時彼父母發勇悍力持取而還如我今者佛滅度後若有正士於無上法寶生大信敬欲求出離而於彼時受持讀誦如說修行我以如來無上法寶共相付囑精進守護亦復如是無令為彼諸惡人輩之所侵壞又芻芻言譬如世間聚集兵衆行列陣勢欲相鬪戰是時衆中少分有

情見彼軍衆心無怯弱安住其前護諸兵衆無令鬪戰又復衆中有多勇悍見是兵衆心無怯弱安住其前如是展轉乃至戰功如我今者佛滅度後法欲滅時若有有情內心堅固護持正法親近善友樂求出離被堅固鎧發起廣大精進之力破魔軍衆如是行相於法寶中若有少分精妙思擇亦復如是乃至一四句偈為人演說令他隨喜信受佛語不生疑謗亦復告示令多有情隨喜稱讚過去未來現在諸佛無上妙法令其安住時諸苾

芻乃至廣說無量譬喻佛告舍利子如實行
 相我說是人所得福聚猶如虛空無有限量
 說不能盡又舍利子佛滅度後是人難得我
 說名為殊勝丈夫是最上丈夫是勇猛丈
 夫是大丈夫得佛法分不樂自利小乘靜住
 唯行堅固大乘正行又復不樂讚歎自他名
 譽唯樂讚歎大乘功德舍利子乃至臨命終
 時於此正法亦復受持讀誦於真實空決定
 勝解復次舍利子於後末世破戒苾芻亦復
 增盛毀謗正法於諸世間外道經典多樂修

習舍利子於此劫濁煩惱濁衆生濁見濁命
 濁惡世之中若有苾芻能以勇銳破諸闍諍
 而得安住常願不離諸佛菩提於三時中應
 作觀想善能安住爾時世尊說伽陀曰

親近如來正法藏 能破一切老死苦
 於自利行非相應 常樂利樂諸有情
 於我所說正法中 恭敬愛樂能建立
 彼堪我為調御師 即是如來真弟子
 若於正法不樂聞 又復不能善安住
 彼人墮落惡趣中 如淪於海速沉沒

於千俱胝劫數中 遇佛出世極難得

彼人爲魔之所著 縱得遇佛生厭怠

復次舍利子過去九十一劫彼時分中有佛出世號毗婆尸如來應供正徧知明行足善逝世間解無上士調御丈夫天人師佛世尊彼佛法中有六羣苾芻一名善見二名妙利三名作喜四名賢吉五名名稱六名利牙而生計執我人衆生壽者斷常等見常行侮慢共相呼集詣曠野中而常議論差別惡行如是各各而自謂言行百種善而復召集一十

二十乃至五十以爲羣類自所行法展轉教示復立誓言若違我教必遭損害說是行已分首而去或入聚落或抵城邑或自佗舍乃至王城時彼一人抵一聚落還集種類復各教示增損佛語舍利子云何作意增損佛語時彼種類堅固執有我人衆生壽者若無我者誰爲往來誰爲坐卧誰爲語默誰爲施者誰爲受者誰爲飲食誰苦誰樂乃至一痒一痛誰爲覺觸等者時彼衆中或有一人作如是言若說無有我人衆生壽者非我善友舍

利子時彼聚落男子女人童男童女聞如是語皆樂於彼執我見者而為善友互相謂曰我於往昔有諸智者如實了知真善友者說無我人衆生壽者我今於彼先所尊者不應親近恭敬供養舍利子時彼六羣苾芻後半月分還集一處中有一苾芻謂言我已展轉教化五百種族以為眷屬復次舍利子時毗婆尸如來應正等覺有一聲聞苾芻諸漏已盡無復煩惱得阿羅漢果既知是已入彼五百聚落為諸男子女人童男童女而說是言

彼所說法是麤惡語不真實語無義利語時阿羅漢於彼衆中說伽陀曰

若於正法不了知 彼人即昧真聖道

汝於邪見堅執著 決定當墮諸惡趣

說是偈已時彼六羣苾芻衆等生大恚怒不

樂信受時阿羅漢^三生大愍念讚歎佛已復說

伽陀曰

我佛所說真實法 一切有為悉無常

於諸法中皆無我 是不堅固非常住

又復諸行皆造作 體不實故空復空

愚夫癡迷堅執著 於幻法中生動亂

說是偈已又語彼苾芻等衆諸佛如來所說法中悉皆無有我人衆生壽者時阿羅漢知彼苾芻等衆不樂信受復說伽陀曰

若於施受生見執 復認覺觸分別有

於無我法不信從 彼皆墮落諸惡趣

舍利子時彼有情於虛妄法男子女人童男童女所有語言而生信受當有六萬八千人以邪見故身壞命終皆墮無間大地獄中身受極苦在地獄中復生多舌舌如廣大千葉

蓮華於其舌上復以鐵犁耕破其舌復有獄卒持百利杵擊刺罪人復於空中雨熱鐵丸其丸猛熾擊罪人身又其鐵丸變成火聚其焰極猛罪人各見猛火燒身畢是罪已從地獄出當復墮於千頭魚中爾時世尊說伽陀

曰

時諸有情墮地獄 無量百千火聚中
空中震電復雨火 罪人身受極苦惱
一身復受一切苦 猛焰器仗從空下
百踰繕那皆充滿 各見身滿地獄中

各各復見於舌上 鋒銳利箭猛來射
利刀分舌段段裂 始覺苦中極重苦
中隨惡友虛妄者 數數親近而愛敬
棄捨持戒清淨眾 是故墮此極苦中
復次舍利子彼六羣^三苾芻眾以虛妄不實故
亦復當墮阿鼻大地獄中其地獄^{十六}量百踰繕
那各各自見身滿獄中彼一一身復有千口
一一口中復生二舌每舌縱廣四踰繕那一
一舌上五百鐵犁耕破其舌復以熱鐵取舌
燒烙罪人痛苦口不能言復於頭上百千俱

胝種種苦具而來捶打如是受罪滿百千俱
胝那由佗歲畢是罪已復入別別諸地獄中
受諸罪苦亦復如是何以故彼人爲於諸佛
教中常生毀謗獲如是罪復次舍利子彼佛
世時復有長者住白衣舍名爲安樂其家富
樂財寶豐盛隨意受用復有祖宗昔所積聚
金銀瑠璃磚磔碼碯真珠珊瑚如是等寶皆
悉具足諸有庫藏亦皆豐盈奴婢僕從城邑
人眾隨所驅使稱意無乏是時長者愛樂承
事離繫外道修習邪法而生邪見時長者妻

名尾毳鉢底色相殊妙端正潔白身相具足人所樂見而生一子端嚴殊特面貌圓滿身體潔白人所愛樂其子往昔曾於無量百千俱胝那由佗佛所種諸善根其子初生三開口笑作如是言我今何故於此邪見種族中生其母聞子作是語已驚怖惶駭十七身毛皆豎棄捨其子周樟悶走時有衆女見是事已悉來集會共相詢問聞說其子有如是言是時衆女復生驚怖而各狂走去已復來觀察議論各相謂曰此初生子爲復是天爲復是龍

爲復是藥叉羅刹阿蘇羅誑嚙拏緊那囉莫呼羅誑鳩盤荼必舍佐人非人等生是疑已時初生子謂衆女曰汝等吉祥具足人相何故捨我驚怖狂走爾時童子對諸女衆說伽陀曰

汝衆女等勝吉祥 何於惡道不生怖
我今令汝悟真實 悉能遠離諸險難
我之父母并眷屬 於我悉皆非善友
我今爲彼除邪見 不生險難諸惡道
舍利子時彼童子父母并諸會衆聞是童子

說伽陀已共詣其所爾時童子於父母前復說伽陀曰

所有庫藏諸財寶	五穀舍宅并供具
速疾捨我將布施	投佛出家作沙門
毗婆尸佛見住世	於三界中無與等
彼佛慧日照世間	我願出家為弟子
於佛正法得開示	利樂一切諸有情
彼佛慧日照世間	我願出家為弟子
我佛具足三十二	大丈夫相悉莊嚴
彼佛慧日照世間	我願出家為弟子

假使千俱胝劫中 未嘗聞是佛名字
 如優曇華難值遇 我願出家為弟子
 舍利子時彼父母語童子言汝能如是發清
 淨心投佛出家我今所有祖宗庫藏二十俱
 胝金銀珍寶悉施於汝今汝展轉自行布施
 時彼父母說伽陀曰

我今所有諸財寶	悉皆付汝將布施
由汝發起清淨心	隨處利樂諸有情
所有金銀諸珍寶	五穀舍宅并資具
由汝發起清淨心	速疾捨施利有情

牀褥卧具諸受用 塗香華鬘末香等
由汝發起清淨心 隨處速疾行布施
佛寶法寶并僧寶 此為最上良福田
於彼廣行布施心 真實利樂於一切
時彼童子復為父母說伽陀曰

我欲往詣於佛所 大毗婆尸世尊前
廣作無量諸供養 利樂一切諸有情
若人若天諸眾等 樂求一切快樂事
我今往詣世尊前 願眾應當同詣彼
時彼童子說此偈已作是思惟徧觀四方白

父母言我今往詣毗婆尸如來應正等覺所
時彼眾等聞是事已各生驚疑共相謂曰云
何童子生於一日能與父母如是議論而復
雙足舉步能行彼時乃有八萬四千俱胝等
眾皆來集會各各思惟互相謂曰今此童子
為復是天為復是龍為復是藥叉羅刹捷闍
縛阿蘇羅緊那羅摩呼囉誑人非人等時彼
童子與諸眾等俱時共詣毗婆尸如來應正
等覺所爾時童子領眾行已於虛空中有十
千蓋而覆其上又於空中高聲唱言無令為

彼寒熱風雨之所損害又復空中現金色網
彌覆其上又於空中雨天妙華種種末香諸
妙香等復有清涼微風飄散此香又於行路
香水灑地雨天寶衣所雨天華積過于膝又
於行路八功德水無量池沼自然出現一一
池沼各有無量優曇鉢羅華俱物頭華奔拏
利迦華等而為供養復有七寶殊妙臺榭自
然出現又於行時種種角貝不鼓自鳴出微
妙音歌詠讚歎於其左右無量珍寶自然莊
嚴時彼童子纔舉步時各現一華而為履蹈

隨履蹈已隱沒不現爾時童子於道路中須
臾之間回顧觀察說伽陀曰

世有正理非正理 我今所行最上道
於非正道而不行 是故往詣正理尊
我於那庾多劫中 或時獲得人中身

復遇如來出世間 具足信解智慧力

舍利子時彼童子說是偈已於虛空中有八
萬四千人咸共讚歎說伽陀曰

善哉善哉大智者 能說最上第一義
於諸非理悉棄捨 是故能行真正道

舍利子時彼童子對諸天衆復說伽陀曰
 諸有能行正道者 廣說獲得和合義
 於非正道堅執著 云何獲得相應理

佛說大乘菩薩藏正法經卷第二十六

音釋

悍侯肝切性 禦牛據切 訾蔣氏切 銜焚切
 鎧可亥切 銳俞芮切 鎡謨郎切 烙歷各切
 憶止長切 懼也

永樂北藏

大乘菩薩藏正法經

第七一冊

亦如優曇花出現 堅固安住妙色相
世間有情多重障 於佛聖道不能知
猶若生盲愚癡人 不覺墮於險惡道
願我當來成正覺 猶如毗婆尸世尊
令諸有情離衆苦 滅三毒火得清涼
又令無量諸有情 隨我廣發如是願
聞佛演說最上乘 悉得開示菩提道
爾時童子說是偈已又作是言南無毗婆尸
如來應正等覺善說法要時八萬四千俱胝
人衆亦作是言南無毗婆尸如來應正等覺

善說法要如是三歎終而復始願我當來皆
得成就正等正覺如毗婆尸如來善說法要
爾時毗婆尸如來知彼童子及八萬四千俱
胝人衆堪任授記即現神變於其面門放大
光明名決定勝其光復有無量種種色相所
謂赤白紅頰^h₁₉迦金色等如是色相普徧無
量世界洞然照耀上徹梵世至色邊際日月
光明悉皆映蔽其光復來至佛頂上右旋宛
轉繞百千匝忽然不現舍利子時毗婆尸如
來有一親侍苾芻見佛神變光明事已即從

坐起整衣服偏袒右肩右膝著地合掌向佛
瞻仰尊顏以偈問曰

毗婆尸佛大希有 於諸聖中量尊聖

我今啓問善逝尊 何因緣故現光明

爾時苾芻復白佛言世尊以何因緣現大神

變放是光明唯願如來大慈哀愍爲我除疑

敷演斯事復有無量百千人衆現住佛前願

樂欲聞我等志心懇懃諦聽爲諸有情慈悲

開示如來大悲爲世尊眼救護一切如諸舍

宅覆蔭一切唯願如來大慈憐愍斷除疑網

永樂北藏

大乘菩薩藏正法經

第七一冊

而諸有情過去未來現在所行想念一切行
業及諸疑惑如來於彼無不了知又諸佛刹
所有有情於三世中一切智慧言語差別如
來於彼無不通達如來爲諸法王具足八種
言音於說法中皆得自在以何因緣現大神
通放是光明唯願如來斷除我等一切疑網
及一切憂悲苦惱悉皆斷滅我等今者如是
三請一心專注合掌恭敬願樂欲聞舍利子
時毗婆尸如來語彼親侍苾芻言汝見此童
子於我前住合掌立不唯然善逝我今已見

佛言苾芻今此童子於往昔時已曾親近稱讚恭敬禮拜復以衣服卧具種種湯藥供養八萬四千俱胝那由佗佛種諸善根為求成就正等菩提常修梵行佛言苾芻汝又見是八萬四千俱胝人眾於我前住合掌立不隹然善逝我今已見佛言彼諸人眾於過去世皆悉曾為童子父母生生無不從之教化發心於後後世願皆不受女子之身皆能隨順修習同發阿耨多羅三藐三菩提心我今為彼授作佛記以是因緣現大神通放是光明

爾時毗婆尸如來為彼親侍苾芻及諸人等說伽陀曰

汝見現前諸大眾 隨於童子悉來集
八萬四千俱胝數 一心專注聽我說
佛說法中得自在 我今親語汝苾芻

我知童子多劫中 親近供養於諸佛
復於無量諸佛所 志心堅固求出家
修持最上清淨行 復能利樂天人眾
又此現前諸大眾 八萬四千俱胝數
生生昔曾為父母 教化歡喜常無間

復於往昔無數劫 廣發無邊諸大願
世世悉皆為父母 同求無上大菩提
如是安住離生死 應當隨我共修學
志求無上妙菩提 我今為彼親授記
彼等決定成正覺 是故我現大神通
我能盡令汝心中 行住坐卧無疑惑
汝等天龍及人眾 那由佗數在我前
同聞為彼親授記 不久當成二足尊
舍利子時彼童子聞佛授記歡喜踊躍速疾
往詣到父母前發誠實語說伽陀曰

如是八萬四千眾 往昔皆為我父母
俱時同發菩提心 今日父母復如何
舍利子時彼父母而為童子說伽陀曰
如汝所說諸人眾 各各已發菩提心
我今歸依一切智 與汝發願無有異
如是進求究竟道 汝今身是我所生
與汝同發真實心 願得菩提果成就
舍利子時彼童子為自父母復說伽陀曰
我若最先得成佛 誓與一切悉開示
願我父母諸人眾 共成無上大菩提

復次舍利子時毘婆尸如來為彼童子及諸人衆發如是言我今為汝授作佛記勿生疑惑善自安慰勿復異見所以者何汝於往昔為大自在天子我於彼時已曾為汝授作佛記過是已後經俱胝那由他劫不墮惡趣又過俱胝那由他^五劫於彼轉輪聖王^五族姓中生得成為佛名曰大悲如來阿羅訶三藐三佛陀具大名稱父名淨飯離諸暗鈍母名摩耶離諸憂惱其子爾時亦如我子字羅睺羅出現世已求成阿耨多羅三藐三菩提於菩提

道既成就已其佛壽命滿十萬歲彼佛光明普能照耀十萬踰繕那國土彼世界中一切有情有緣無緣悉皆承佛光明照觸時佛光中有百俱胝那由他俱胝百千那由他俱胝大聲聞衆皆來集會復有一俱胝衆皆是大阿羅漢具足白法諸漏已盡無復煩惱心得自在具八解脫得六神通舍利子如是大阿羅漢皆來集會復有無量大菩薩衆皆來集會復有彼佛往昔一切父母亦來集會時大悲如來說法教化無量阿僧祇有情皆住不

退轉地於諸有情作善利已即於是時入般
涅槃正法住世一俱胝歲彼佛舍利於諸世
間廣大流布如我滅後流布舍利等無有異
舍利子說是語時諸有正士發起勇猛廣大
精進而起尋伺觀察世間利樂有情心無退
轉復有菩薩摩訶薩發起正念轉復增勝心
無間斷志求阿耨多羅三藐三菩提如是經
於無量阿僧祇劫願於生死流轉之中化利
有情求佛菩提舍利子我於彼時亦發是願
盡生死際被精進鎧化利有情圓滿一劫精

進行願勇猛精進心無退轉願成菩提復次
舍利子云何菩薩摩訶薩不退勇猛精進若
菩薩摩訶薩行不退勇猛精進時設見三
千大千世界滿中火聚為求如來正等菩提
應當發起勇猛精進入是火中而能安忍不
生懈倦彼諸菩薩聞是法時即得超越圓滿
一劫精進行願又諸菩薩聞是法時於不退
轉勇猛精進即得增長無量善根復次舍利
子若菩薩摩訶薩行不退轉勇猛精進時而
為利益一切有情求證涅槃純一無雜常住

堅固於善不善起大悲愍於諸有情行相應
行復次舍利子菩薩摩訶薩當行勇猛精進
悉無懈怠於一切處舉足下足常不離於菩
提之心觀諸三寶常在目前亦不棄捨一切
有情亦不隨順一切煩惱復次舍利子菩薩
摩訶薩當行勇猛精進悉無懈怠於已生未
生諸善根力悉令回向菩提正道復令善根
增長無盡舍利子譬如百川流注大海其水
無盡今此善根回向菩提亦復如是無有窮
盡是故說名不退勇猛精進復次舍利子菩

薩摩訶薩當行不退勇猛精進之時悉無懈
怠於諸正行一切智智積集善根復能利樂
一切有情是故說名不退勇猛精進復次舍
利子我今略說菩薩摩訶薩乃至一切有情
所獲福蘊乃至有學無學聲聞緣覺所獲福
蘊不及如來一毛端量所獲福蘊七何況如來
徧身毛孔所有福蘊爲由如來於無量劫積
集修行廣大福蘊設有廣大積集福蘊如實
行相百分千分不及如來一大人相何況如
來一切相好又諸福蘊不及如來眉間白毫

一珂月相何況百千市中所有功德又諸福
蘊不及如來一無見頂相何況如來大丈夫
相乃至烏瑟膩沙諸根相好出生百千俱胝
所有功德又諸福蘊不及如來大法螺音一
說法相何況如來廣大法音普能徧滿無量
世界今諸有情諸根調適皆生歡喜隨其勝
解得善調伏於如是難得阿耨多羅三藐三
菩提應生知解如是菩薩於無量世界隨學
如來發大音聲普令有情悉皆得聞被精進
鎧發堅固意樂習菩薩不退勇猛精進之行

復次舍利子菩薩摩訶薩修精進行時而無
退屈假使普令三千大千世界一切有情具
足成就勝解智力若諸有情於此菩薩藏正
法隨順成就具足智力比前功德百分千分
百千萬億分乃至烏波尼殺曇分不及其一
以要言之如是三千大千世界一切有情悉
令獲得須陀洹智力斯陀含智力阿那含智
力阿羅漢智力又令獲得十信十住十行十
回向不退轉地智力一生補處菩薩之位乃
至廣說無量世界一切有情普令獲得一生

補處菩薩智力若諸有情於如來無分別及有分別智力等如是聽已不驚不怖當於彼時次第樂欲甚深智力比前功德百分千分百千萬億分阿僧祇分乃至烏波尼殺曇分不及其一而菩薩樂欲發起勇猛精進寧棄身命頭目髓腦一切支分於如來智力不樂暫時間斷修習如是棄捨勇猛精進我說是名菩薩不退精進之行復次舍利子菩薩摩訶薩應當如是修學不退轉地乃至發起一心徧入過去未來現在一切有情無量無邊

心行差別若諸有情具足充滿貪瞋癡等一切煩惱而復回入菩薩之心是時菩薩以智慧力譬喻言辭種種推求如是發起勇猛精進見是色相一切有情貪瞋癡等之所燒煮是時菩薩以諸方便普令止息一切苦惱如彼灰燼散滅無餘復令修習趣涅槃道我說是名菩薩不退精進之行復次舍利子菩薩摩訶薩修不退精進行時所謂身作業善語作業善意作業善乃至所有一切精進波羅蜜多皆悉不離身語意業之所修習然於三

業發生精進意為最勝云何意業精進最勝
謂無分別及有分別云何無分別謂菩提心
云何有分別謂於一切有情起大悲心云何
無分別謂於忍智悟無我理云何有分別謂
能攝受一切有情云何無分別謂雖能攝受
一切有情而無取相云何有分別謂厭離輪
迴無分別者謂於三界都無所得有分別者
謂諸有財寶隨樂捨施無分別者謂於布施
無取於相有分別者謂於持戒有所積集無
分別者謂於持戒不取於相有分別者謂安

受苦忍無分別者謂於剎那心無所住有分
別者謂能發起諸善根法無分別者謂常靜
慮有分別者謂於禪定有所積集無分別者
謂心常決定安住不動有分別者謂修聞慧
而無厭足無分別者謂於內心專注善巧有
分別者謂於聞慧廣說諸法無分別者謂於
法性都無記念有分別者謂於智慧有所修
作無分別者謂於諸法離諸戲論有分別者
謂於諸梵行積集修作無分別者謂於諸慧
性悉能棄捨有分別者謂於五神通而能圓

滿無分別者謂盡諸有漏有分別者謂於觀想而常思惟無分別者謂於內心而常正念有分別者謂於四正斷悉能巧妙無分別者謂能超越一切善根有分別者謂著文字相欲求出離無分別者謂於廣大福報普徧無相有分別者謂於諸有情善達根宜無分別者謂善能觀察諸善根法而無所得有分別者謂於諸力有所修習無分別者謂於是處無所損壞有分別者謂能出生菩提分法無分別者謂於諸法離分別智有分別者謂於

正道而能求進無分別者觀諸神變猶如虛空有分別者謂於定門而能積集無分別者謂住奢摩佗而唯一境有分別者謂於毗鉢舍那而有積集無分別者謂善人法性有分別者善能入解諸因緣法無分別者謂善能了知非因緣法有分別者謂著勝義聲故無分別者謂行正法行故有分別者謂莊嚴法身無分別者謂於法身離諸莊嚴有分別者謂莊嚴語言無分別者謂依諸聖能常寂默有分別者謂依三解脫門而生樂欲無分別

者謂無增上我故有分別者謂能遠離四種
魔事無分別者謂能棄捨煩惱習氣種故有
分別者謂能善解巧方便故無分別者謂於
智慧如實知見有分別者謂離攀緣有所見
故無分別者謂離超越見故有分別者謂有
想念見無分別者謂意業見此說名為意業
精進於精進中最高殊勝我說是名菩薩摩
訶薩修不退轉精進之行復次舍利子如是
菩薩摩訶薩行不退轉精進行時行是五種
最上極妙之法速疾證得無上正等菩提云

何五種最上極妙之法一者而常思念佛出
於世二者而能親近諸善知識三者而常值
遇好時四者而常積集諸善根法常令堅固
五者隨學菩薩摩訶薩具足戒品而得圓滿
是名五種最上極妙之法由是菩薩速疾獲
得阿耨多羅三藐三菩提十一爾時尊者舍利子
重白佛言世尊若諸菩薩離此五種最上極
妙之法得成阿耨多羅三藐三菩提不佛言
舍利子若諸菩薩不常思念佛出於世不能
親近諸善知識若不值遇好時不能積集諸

善根法不令堅固不能隨學諸菩薩摩訶薩具足戒品而不圓滿如是遠離五種最上極妙之法不能速疾獲得阿耨多羅三藐三菩提遠而得者無有是處舍利子云何在家菩薩遠離五種之法所謂如王家臣住大衆中恃其威勢恐怖多人又語衆言我能爲汝作種種事但以欺誑而實不作乃至如是安住虛誑語言等事舍利子由是虛誑不能得生諸天善趣如是行相亦不能得值遇好時舍利子又此行相在家菩薩唯自具足資養等

事不能利佗亦復不能值佛出世乃至不能速疾得成阿耨多羅三藐三菩提復次舍利子又在家菩薩住城邑中有諸障難而常憍惱云何城邑有諸障難舍利子有諸如來出世成等正覺爲諸天人阿脩羅等說法教化初中後善其義深遠其語巧妙具足清白梵行之相及四部衆圍繞恭敬雖復親近供養禮拜苾芻苾芻尼優婆塞優婆夷然彼聚落城邑巷陌舍宅人民國王大臣長者居士悉住其中由是因緣不能具足清淨戒蘊我說

處諸佛菩薩皆悉遠離不樂生彼乃至不能
 疾得阿耨多羅三藐三菩提復次舍利子在
 家菩薩於有大勢力堅樂依止所謂國王大
 臣及諸人民大富豪傑增諸瞋恚所出言辭
 多生諂偽積集惡事誑惑於人復生侮慢是
 人以不善語故墮惡趣十四中身體羸瘦具諸惡
 相舍利子此名在家菩薩五種之法以是因
 緣不能值遇諸佛出世亦復不能親近善友
 不能值遇好時所集善根悉皆毀壞於持戒
 菩薩摩訶薩等不能隨學乃至不能疾得阿

耨多羅三藐三菩提爾時世尊欲重明斯義
 說伽陀曰

若人行是五種法 於此勝慧不增長
 而復遠離調御尊 不能速疾成正覺
 虛誑一切有情故 如王家臣諸僕使
 悉斷一切善根力 不能值遇佛出世
 又或驚怖諸有情 語令捉縛并捶打
 如是作諸惡業已 於無上尊常遠離
 復於苾芻苾芻尼 破佗淨戒生病苦
 剎那不得值好時 於諸佛所常遠離

父母妻孥諸眷屬	於非法行無常間
而於正法不樂聞	墮癡迷中難出離
設逢佛世求親近	於剎那間不能得
或復愛樂出家時	彼等競來為障難
或時聽是正法已	隨處演說真實空
彼等競生瞋恚心	乃說此為非正法
如是種種諸障難	十六分中未及一
由是毀謗正法因	世世生育無所見
彼不能見正覺尊	縱見不生清淨信
當獲人身不具足	後墮一切傍生中

若人歸向佛菩提 及於菩薩生愛樂
 一切障難悉蠲除 善能修習真正行
 所有父母并眷屬 及餘一切有情類
 數數引導令出家 速能攝受歸正道
 唯母最初引導已 復能讚歎令出家
 即當往詣善逝尊 發心開悟大菩提
 復次舍利子出家菩薩復有如是五種之法
 於諸善友亦復遠離諸佛出世於剎那時不
 能值遇如是積集諸善根力亦皆破壞而於
 持戒菩薩摩訶薩不能隨學乃至不能疾得

阿耨多羅三藐三菩提云何五法一者以邪
思故破諸淨戒二者以不信故毀謗正法三
者耽著利養及樂名聞四者執著我見入諸
險難五者於他善行而生嫉妬舍利子而出
家菩薩具足如是五種之法於諸善友亦復
遠離不能值遇諸佛出世以要言之乃至不
能速疾得成阿耨多羅三藐三菩提舍利子
以是義故譬如餓犬羸瘦顛顛皮骨連立忽
見枯骨而生食想復於靜處以力舐齧自傷
其口血塗骨上不自覺知妄生貪愛於其飽

滿終無所得時有利帝利婆羅門長者居士
自遠而來見是餓犬齧彼枯骨極生嗟念是
時餓犬復自思惟彼所來者奪我美味時犬
乃作惡聲惡眼齷齪嗥吠舍利子於意云何
彼諸人衆見是枯骨悉無血肉爲侵奪不舍
舍利子言不也世尊不也善逝佛告舍利子云
何彼犬作如是相舍利子白佛言世尊由犬
餓故齧彼枯骨如甘露味妄生貪愛故現如
是惡聲惡眼齷齪嗥吠恐彼人衆之所侵奪
佛告舍利子如我滅後有諸苾芻於種族中

乃至便利不淨深生愛著之所纏縛如是行相於剎那時成就佛事亦不能得彼苾芻我今所說於佛法中如彼餓犬匪惟如來作是訶毀若諸有情見彼苾芻如是行相亦復誹謗如彼餓犬舍利子復有菩薩摩訶薩廣為利樂一切有情求佛智慧於自身命亦復棄捨何況於他善業而生憎嫉復次舍利子復有世間愚癡之人以自活命愛樂世間財寶飲食身為奴僕為彼繫縛責役驅使於他族中親近誑妄以貪求故復於他人而生嫉

如舍利子如彼苾芻為貪利養先在彼族見後來者而復發起憎嫉之心謂後來者而作是言我先住此汝等諸人從何所來今此族中諸長者等先發願言所有衣服飲食卧具醫藥決定施我作如是言彼後來者云何當得因是發生三種過失何等為三一者樂著住處二者不樂本住三者於世間法而能解了出世間法不能解了又彼苾芻於此長者族中不樂安住而彼苾芻又發是言住處有三一者愛樂處住二者和合處住三者如實

處住汝諸長者多行過失應當於我深生恭敬於我法中稱揚讚歎舍利子由是種族生憎嫉過於潔白法悉皆滅沒復次舍利子復有種族多諸嫉妬虛妄不實或有持戒不持戒者於菩薩摩訶薩所悉皆遠離而不隨學如是譬喻應當了知復次舍利子於過去無量無邊廣大不可思議阿僧祇劫彼時彼分有佛出世號勝高如來應供正徧知明行足善逝世間解無上士調御丈夫天人師佛世尊彼佛住世九十俱胝歲彼佛會中復有九

十那踰多大聲聞衆皆阿羅漢諸漏已盡無復煩惱逮得已利心得自在到於彼岸彼時復有長者名曰善集其家巨富眷屬廣大諸財寶金銀琉璃磗碼碼珊瑚琥珀真珠等寶皆悉具足受用廣大復有奴婢僕從象馬車乘及諸倉庫悉皆盈溢時彼長者生其二子一名淨住二名淨持面貌端正身相具足人所樂見忽於一時登大樓閣經行遊戲爾時佛告舍利子彼勝高如來應供正等正覺於晨朝時著衣持鉢與大苾芻衆前後圍

繞入彼大城次第乞食其佛相好猶若金山
又如廣大妙好金幢最上第一住奢摩佗諸
根隱密行如龍象極妙清淨如大池沼離諸
塵穢又如大海珍寶充滿如帝釋天主諸天
圍繞如大梵天王寂靜嚴飾具足圓滿清淨
潔白心意調暢諸根寂靜彼二童子即於是
時見彼勝高如來多陀阿伽度阿羅訶三藐
三佛陀是二童子乃讚如來自遠而至佛身
相好無量無邊圓滿具足瞻仰世尊心無厭
足舍利子時淨住童子往昔已曾得見勝高

如來應供正等正覺乃語淨持童子言汝曾
往昔得見勝高如來不此佛功德無有邊際
於一切有情中為大慈父時淨持童子言我
於往昔未曾得見此佛世尊相好具足威德
特尊時淨住童子言我於昔時已曾見此勝
高如來願我當來一如此佛等無有異舍利
子時彼淨住童子說伽陀曰
願我當來如世尊 有諸苾芻眾圍繞
我若得似如來相 復名如是最上尊
今將飲食諸供養 為求無上菩提故

所有舍宅悉棄捨 願我當來成正覺
 譬如眾星月為勝 此誰見已不清涼
 於有情中佛最尊 誰不捨家求出離
 舍利子時彼淨持童子聞是語已復說伽

曰

汝今莫作如是語 亦勿高聲報四方

汝今聽我誠實言 云何速得菩提道

舍利子時彼淨住童子聞是語已復說伽陀

曰

汝於此道不愛樂 亦復莫起憎嫉心

我今所出善語言 是故當得菩提道
 汝於世間諸財寶 亦莫輒生慳怯心
 我於身命尚能捨 是故語汝悉知解
 與汝如是諸舍宅 及有一切財寶等
 我今往詣於佛所 出家求授菩提記
 三十二種殊勝相林四 誰人見已十八不愛樂
 無上菩提誰不行 於此莫生劣弱見
 我於舍宅諸財寶 父母眷屬諸親友
 於此一切皆能捨 為求往詣於佛所
 假使俱胝千劫中 聞佛出世甚難得

佛為世間大光明	遇佛光者亦復難
佛來王城行化行	大苾芻眾皆圍繞
猶若晴空清淨月	普徧照耀於世間
又如出現千日光	四衢道陌皆晃耀
佛於城中行化行	普放光明亦如是
譬如須彌山中王	亦如出現殊妙寶
佛於苾芻大眾中	清淨尊嚴亦如是
熾盛光明大威德	普能照耀諸有情
如來殊勝二足尊	圓滿如是諸色相
佛入王城行化行	顯現無量大神變

諸天龍神及有情 見者愛樂咸恭敬
 三十二種殊勝相 見已誰不求正法
 若於小乘樂修習 是名愚夫劣弱見
 我見無上人中尊 相好端嚴世希有
 我今往詣善逝尊 為求無上菩提道
 舍利子時彼淨持童子聞是語已復說伽陀

曰

我於小乘非愛樂	亦能往詣於佛所
今於此大樓閣中	誓欲棄擲於身命
又我想身皆虛幻	於其身命即能捨

為求無上大智慧 亦當往詣於佛所
 父母恩愛極最重 舍宅財物諸欲境
 我今悉能皆棄捨 誓當往詣於佛所
 若我願得如世尊 蒙佛稱讚為攝受
 一切所有棄捨已 投佛出家為弟子

舍利子時淨住童子從大樓閣安詳而下即
 時往詣勝高如來應供正等正覺所時淨持
 童子復於大樓閣中發勇猛心不顧身命迅
 速而下以精進故先詣勝高如來應供正等
 正覺所舍利子時淨住童子到佛所已持以

上妙法服價直閻浮檀金一俱胝數奉獻如
 來說伽陀曰

我今所獻上妙服 不求端嚴諸色相
 願我當來如世尊 最上最尊稱第一
 具足清淨大智慧 於精進力善安住

三十二相妙莊嚴 願得果如二足尊
 又復成就十智力 四無所畏善安住
 願我當來如世尊 最上最尊稱第一
 願我於佛正法中 如佛安住光明聚
 演說諸法施有情 普令一切皆覺悟

我今所獻上妙服	不求端嚴諸色相
願成清淨大菩提	廣度無邊人天衆
又我所獻上妙服	為求如來無上慧
安住不二正法門	降伏一切諸外道
又願利樂諸有情	令貪瞋癡悉遠離
無明愛有等皆除	獲得無為甘露法
又說如來清淨法	普皆利樂諸有情
令離生老病死等	及滅憂悲諸苦惱
又願說法利一切	天龍人等及非人
有想無想諸有情	自覺覺他咸恭敬

願我如住諸佛刹	普放光明照十方
於大黑闇熱惱中	作彼清涼甘露味
欲界色界無色界	皆令一切無所著
於憎愛境悉遠離	常說如來清淨法
舍利子時彼淨持童子既到佛已復以上妙	
華屣持以奉佛慇懃施已說伽陀曰	
願我如佛衆中尊	如大舍宅為救護
令諸有情離惡趣	復能演說真正道
世間所有諸愛欲	此名愚夫麤境界
一切有為悉遠離	願佛出世常值遇

見佛光明照世間	於二足尊應供養
為利一切諸有情	誓求無上菩提果
復以最勝香花等	種種幢幡及寶蓋
為利一切諸有情	將持供養大覺尊
上妙衣服及飲食	牀褥卧具諸湯藥
為利一切諸有情	持此供養於如來
又持鼓貝諸樂器	歌詠讚歎妙音聲
為利一切諸有情	供養出世尤明尊
又持珍妙諸飲饌	世間所有最上味
為利一切諸有情	願將供養佛世尊

作是廣大供養已	於佛如來求出家
為利一切諸有情	誓行一切清淨行
又願一切有情等	不生邪道幻惑中
悉令俱胝數有情	安隱皆住八正道
願我不生此欲界	極劣邊地訶獸處
遠離一切放逸已	常得親近不放逸
又願不生諸惡趣	常願生於信族中
生已當發最上心	願見如來常親近
見已發此清淨心	及以花鬘塗香等
眾鼓伎樂諸供養	當求勝解利一切

願於俱胝多劫中 常作廣大供養事
 出家遠離諸欲境 當行一切清淨行
 舍利子彼二童子於勝高如來應正等覺所
 以種種伎樂伽陀歌詠讚歎供養佛已即於
 地方所發清淨心以赤梅檀造立精舍縱廣
 四踰繕那高半踰繕那如是造已奉獻世尊
 復作是言唯願如來哀愍納受彼二童子於
 勝高如來應正等覺所勸請世尊說伽陀曰
 願佛安住我精舍 過去諸佛所稱讚
 我今發此淨施心 願佛哀愍納受

若佛常住我精舍 了知俱胝有情數
 過現未來三世心 願我當來亦如是
 佛依精舍到彼岸 獲得正斷及神足
 四種勝行各了知 我施精舍亦如是
 唯願勝高如來佛 及與一切苾芻眾
 受此精舍半月中 供養尊重常恭敬
 我今於是如來所 親近恭敬供養已
 發是信心求出家 剃除頂髮被法服
 如是捨家出家已 於諸利樂徧希求
 常當修作善相應 愛樂如是真實法

時二童子說是伽陀已彼淨住童子白佛言
 世尊願我當來速成正覺放大光明如佛世
 尊等無有異時淨持童子又白佛言世尊願
 我當於險難惡道常為導師舍利子時彼淨
 持童子於勝高如來前住立一面恭敬合掌
 又發誓言願我於佛法中無復坐卧常離睡
 眠為利有情求無上道而常遠離一切懈怠
 寧以身命一切棄捨乃至筋皮血肉皆悉枯
 悴亦復遠離一切懈怠當發廣大勇猛精進
 求菩提道舍利子爾時淨住菩薩摩訶薩為

彼淨持菩薩摩訶薩說伽陀曰

我共汝發平等心 修行無上菩薩行
 我今亦發精進力 為利一切諸有情
 遠離諸欲及身命 血肉枯乾無所辭
 願於千劫盡修習 精進志樂菩提道
 常思安住曠野中 及樂山間寂靜處
 為求無上大智慧 於法清淨得自在
 舍利子時彼淨持菩薩於千歲中一彈指頃
 曾無睡眠及諸懈怠況復夢想又於千歲不
 求安坐除諸便利乃至一彈指頃亦不胡跪

何況生卧時彼菩薩又千歲中食時持鉢游行乞食於彼施者亦不觀視是男是女童子童女化利有情心行平等却詣本住三觀世間然後乃食如是食已於非食時不生一念饑渴之想乃至不生甜酸鹹淡苦粹之想又千歲中於非食時亦不乞食時彼菩薩又千歲中住於樹下一心精進求菩提道亦不觀視是何等樹又於千歲所被法服未嘗暫時而有更換時彼菩薩又於千歲而於諸欲不起尋伺於諸損害亦復如是又於千歲於自

父母兄弟姊妹及諸眷屬於日月等數不曾發起一念尋伺又於千歲於其舍宅曾無一念愛樂依止又千歲中於日月星宿等曾無一念起瞻視意又千歲中未嘗依止墻堵樹木而於中住又於千歲未曾以諸酥油塗身又千歲中於其自身乃至一念曾無懈怠又於千歲於其一念曾無疲倦又千歲中乃至酥油亦復不受唯樂一心精進求證阿耨多羅三藐三菩提故時彼菩薩又千歲中於其身心亦不懈倦又於千歲修精進行不起一

念剃除鬚髮時四大天王來於頂上以手摩
觸頂髮自落時四天王又持此髮於清淨地
起窰堵波又千歲中四大天王知彼菩薩於
善所作悉來成辦時彼菩薩又於千歲若值
熱時亦復不樂於樹蔭中又於千歲若值寒
時亦復不樂以衣覆身又於千歲亦復不共
世間有情語言戲論復次舍利子時有魔王
忽然出現名曰癡念時癡念魔王勅諸波旬
為彼淨住淨持二菩薩造作劔林及劔橋道
已時彼魔王及魔波旬狂亂往來高聲唱言

我今造作此名劔林時彼魔王發是語時三
千大千世界中上至魔宮下徹地界有百千
俱胝魔王波旬諸天眷屬皆得聞知悉來集
會共生恐怖欲相謀害舍利子時彼菩薩一
心精進安住不動

佛說大乘菩薩藏正法經卷第二十八

音釋

頗

胝

迦

玉

胝

張

尼

沙

廢

廢

廢

珂

珂

珂

珂

磻

潔

白

烏

瑟

膩

沙

廢

廢

廢

珂

珂

珂

珂

珂

如

雪

者

烏

瑟

膩

沙

廢

廢

廢

珂

珂

珂

珂

珂

也

切

也

也

也

也

也

也

也

也

也

也

也

也

也

甜

徒

庚

切

辛

郎

遠

切

一

一

一

一

一

一

一

永樂北藏

大乘菩薩藏正法經

第七一册

永樂北藏

大乘菩薩藏正法經

第七一册

佛說大乘菩薩藏正法經卷第二十九 第三十同

卷

松五

卷第二十九經末云此經如來覺傳梵師賜紫沙門法護等奉詔譯

精進波羅蜜多品第九之五

復次舍利子爾時淨持菩薩摩訶薩於彼劍

林五

林橋道亦不經行心不隨順彼諸天魔作大惡聲於菩薩所恐怖憊惱時淨持淨住二菩薩摩訶薩皆悉不聽又諸天子於虛空中讚如是言彼二菩薩具足能行如是正行如是大悲如是勇猛彼二菩薩於千歲中唯專想

佛是時勝高如來化行已畢入般涅槃空中諸天見彼如來般涅槃後告言善男子彼勝高如來已般涅槃時二菩薩聞是語已即時往詣勝高如來般涅槃所安置牀座到已合掌恭敬住立一面以悲戀故憶念如來於七日中目不暫捨尊重讚歎時二菩薩勇猛精進行菩薩行利樂有情如負重擔亦於是時佛前住立如般涅槃上生梵世生梵天已復來詣彼勝高如來應等正覺窣堵波所於四萬歲中旋繞禮拜作諸供養又於七萬歲中

持諸幡蓋供養恭敬復以上妙香花飲食供
 養塔廟彼二菩薩於梵天中盡其壽命而復
 下生閻浮提中於轉輪王勝族家生得宿命
 智既誕生已互相謂言應當修習不放逸行
 是時菩薩說伽陀曰

我等生王勝族中	獲大神通免諸難
當願常行不放逸	親近無上菩提道
尊貴富饒諸欲樂	是法速朽不可信
智者應當悉了知	希求最上大菩提
若人求是菩提道	應捨富饒諸欲樂

為利有情求出家	修持最上清淨行
我於往昔無量劫	與諸有情多貪求
於五欲樂猛熾然	謂言受用常無足
我今覺悟諸欲樂	尊貴富饒及眷屬
悉能棄捨誓出家	精進為求菩提道
我昔俱時十六歲	捨家出家求出離
剃除鬚髮被法服	於千歲中行梵行
又於是時俱入滅	而復往生梵世天
於其梵世復捨壽	生此閻浮勝族中
復次舍利子彼時復有佛出名號最上勇猛	

如來應供正徧知明行足善逝世間解無上
士誦御丈夫天人師佛世尊彼二菩薩詣彼
佛所親近供養尊重讚歎發淨信心捨家出
家剃除頂髮而被法服於俱胝劫修行梵行
舍利子彼二菩薩於無量世時已曾值遇百
千諸佛親近供養於一一佛所具修梵行尊
重讚歎恭敬供養舍利子時淨持菩薩過是
已後先成阿耨多羅三藐三菩提號曰勇猛
精進如來應供正徧知明行足善逝世間解
無上士誦御丈夫天人師佛世尊其佛住世

九十俱胝歲彼佛有九十俱胝那踰多大聲
聞眾悉來集會舍利子彼時淨住菩薩於彼
勇猛精進如來世時作轉輪聖王於彼佛所
尊重讚歎復以上妙衣服飲食卧具醫藥種
種供養於三月中供養彼佛及苾芻眾舍利
子時彼轉輪聖王作五作供養已彼勇猛精進如
來應正等覺欲令轉輪聖王生大覺悟說伽
陀曰

若行最上精進行 一切佛法樂希求
若諸有情耽欲樂 一切義利極難得

若於欲樂不遠離	損自利故及損他
於此應當悉棄捨	而求最上諸佛法
我今令汝亦復然	往昔眷屬皆棄捨
及發無邊大誓願	速求成就菩提果
汝見我已成佛道	鹿野苑中轉法輪
若於諸欲生愛著	不能速成大菩提
諸佛皆說離諸欲	於放逸法不復生
智者於此善信隨	即能遠離諸業障
汝於惡慧持重擔	無義利法何安住
若於諸欲不覺悟	佛說皆為諸苦因

爾時世尊說是伽陀已時轉輪聖王生大覺
 悟於諸世間國城妻子父母眷屬臣佐僕從
 諸小國邑一切吏民財寶庫藏悉皆棄捨住
 立佛前說伽陀曰

假使身肉皆枯竭	至於殞滅曠野中
誓捨國邑諸宮殿	希求最上佛菩提
又復發起大精進	利樂一切諸有情
於大曠野遼迥處	捨家出家樂修行
未願棄捨諸欲樂	遠離罪業及癡迷
若於諸染及執著	應當棄背菩提道

所有諸欲及王位 一切誓將皆棄捨
 我於世尊教法中 願樂出家行正行
 智者遠離諸欲境 於菩提道志修行
 應發精進勇猛心 若耽雜染背佛道
 我今於彼諸欲境 王位欲樂已棄捐
 勤於佛法求出離 五 精進願速成菩提
 時轉輪聖王說是伽陀已即於彼佛親近供
 養發大信敬捨家出家剃除鬚髮而被法服
 王出家已彼時復有六十百千俱胝那踰多
 人亦復發大信敬捨家出家彼勇猛精進如

來化行已畢復於是時入般涅槃時轉輪聖
 王見佛滅度悲感懊惱收取舍利作供養已
 亦復命終上生兜率陀天彼天沒已而復下
 生閻浮提中於彼時分乃得成佛號曰善行
 如來應供正徧知明行足善逝世間解無上
 士調御丈夫天人師佛世尊彼佛住世一俱
 祇歲復有俱胝那踰多大聲聞衆皆來集會
 皆是大阿羅漢諸漏已盡無復煩惱逮得已
 利心得自在到於彼岸復有十萬菩薩摩訶
 薩眾得不退轉住不退地誓求阿耨多羅三

貌三菩提乃至彼佛說法教化無量阿僧祇
有情作善利已而般涅槃彼佛滅度正法住
世滿一劫已然後分布其佛舍利供養恭敬
如我滅後分布舍利等無有異舍利子彼淨
住菩薩摩訶薩於菩薩精進波羅蜜多之行
而常隨學然無懈倦由於往昔依止一類造
作寶鏤有情而住起嫉妬故舍利子若菩薩
摩訶薩求菩提道時於他種族發起嫉妬應
知彼時有三種怖何等為三一者於非理處
而行乞食二者不應語言而共語言三者見

餘苾芻而生嫉妬如是等處一向增長嫉妬
過失以是因緣於地獄道如已舍宅如是於
彼行精進者猶若盲人於諸險難邊地邪見
之所受生為彼攝受舍利子又見餘苾芻心
生忿怒亦不顧視起嫉妬心令他忿諍作極
惡相出羸癯言以是因緣墮地獄道如已舍
宅於彼受生建立種子縱得人身生諸險難
邊地邪見為彼攝受心無慈愍樂多損害於
他諂曲樂多隨順舍利子時彼菩薩摩訶薩
於他種族生嫉妬時應當思念如是三種怖

畏如是言已尊者舍利子白佛言希有世尊
菩薩摩訶薩乃能聽聞如來如是行相於彼
種族不生嫉妬得大善利而得出離又舍利
子言善哉世尊我等諸聲聞衆亦願聞是法
要云何於彼種族不生嫉妬而得出離於地
獄道及諸生盲險難惡道皆得解脫佛告舍
利子無因緣故且止是事舍利子言我等云
何離諸誹謗不生邪見常生中國見聞佛法
修聲聞行如是語已佛告舍利子善哉善哉
汝能問於如來如是法義舍利子若諸有情

樂習世間外道典籍不應爲說若於佛法恭
敬信解志樂修學即當爲說何以故舍利子
若於世俗外道典籍而不遠離我則說爲闢
諍根本是佛法難舍利子若菩薩摩訶薩堅
固信解不生放逸於長夜中尋伺觀察於諸
有情心生救護如五乃能往詣如來六諮問法義聞
是法已歡喜愛樂如說修行復次舍利子若
諸有情劣弱精進而求涅槃者不惟難得亦
復轉增三種過失所謂利養尊重名稱而復
樂於朋友種族及諸眷屬爲自資養而常貪

求作不義利由此三事而追求故於三惡道不能解脫以是劣弱精進故墮於地獄餓鬼畜生焰魔羅界障生天道又復於餓鬼趣中常生鬪諍舍利子彼諸有情於諸善法不肯信受而常親近諸惡朋友於寂靜處不樂本住而復樂住諸白衣舍聞諸長者發如是言若此安住我願供給飲食衣服卧具醫藥親近供養是時苾芻與彼長者互相謂言若住曠野誰復親近我今於彼愛樂恭敬苾芻因是深生貪著住白衣舍既久住已與諸種族

及彼眷屬互生貪愛忽有苾芻遠方而來詣彼族中時舊住苾芻以貪著故而生嫉妬謂彼言曰我本清淨亦復多聞自謂我是須陀洹斯陀舍阿那含阿羅漢果發生如是虛妄諂曲諸惡語言復次舍利子時餘苾芻亦作是言我今於此白衣舍中不求久住彼舊住苾芻互相憎嫉作不義利舍利子復有一類於大乘法出惡語言互相諍競於諸契經如實行相互相毀謗復次舍利子於佛如來所說契經聲名句文如是正法暫時聽已得勝

解者於彼有情復生毀謗如是行相決定墮於惡趣之中舍利子又復於彼不退轉精進菩薩摩訶薩而生憎嫉如是行相亦墮惡趣爾時舍利子及諸有情聞此說已於諸善作不生嫉妬舍利子如是菩薩摩訶薩於精進波羅蜜多行不退轉精進行時於諸有情生救度想一切有情為三種病常所燒煮何等為三謂貪瞋癡我當於彼有情以佛正法積集和合為大良藥治諸有情此貪瞋癡諸熱惱病我說是名菩薩摩訶薩行不退轉精進

波羅蜜多之行又舍利子一切有情常生熱惱何以故謂三毒病無時增長若生天上及在人中乃至地獄餓鬼畜生焰魔羅界咸悉為其貪瞋癡毒之所燒煮菩薩摩訶薩見彼有情熱惱所苦發救度想又復思惟彼三種病世間藥餌無能醫療云何除滅是三種病唯佛如來獲大法身為大醫王救療一切有情三毒熱惱重病諸菩薩摩訶薩亦復如是身為法藥為大醫王悉能救療一切有情三毒熱惱皆令除滅舍利子若彼世間種種醫

藥於三毒病終不能療唯是如來及大菩薩
爲大醫王施大法藥於諸有情三毒熱惱皆
能息除舍利子白佛言世尊如我善解如來
所說諸有情界於意云何非如地水火風空
界唯有情界無量無邊佛告舍利子如是如
是如汝所說舍利子被諸有情衆同分界亦
非聲聞緣覺之所能見唯佛天眼悉能徧照
舍利子所有三千大千世界天人阿脩羅乃
至無量無邊卵胎濕化有色無色有想無想
非有想非無想如是建立諸有情界盡佛天

眼所能照處或一剎那一臘縛一牟呼粟多
於此時分不獲人身今乃方得舍利子如是
人等設使皆如活命醫王善治衆病欲療一
人貪瞋癡毒諸熱惱病終不能得又復而能
和合種種最大良藥量高須彌欲差一人貪
瞋癡病亦不能得正使皆如活命醫王各住
世間壽命一劫擣篩和合諸大良藥量過須
彌皆悉疲極於其一人貪瞋癡病欲差少分
尚不能得舍利子唯是如來具足方便清淨
法藥與三毒病隨所相應若諸有情貪熱惱

病如來為說不淨觀法和合為藥能療如是無量百千俱胝那踰多阿僧祇乃至不可說不可記數有情所有貪熱惱病皆悉除愈又諸有情瞋熱惱病如來為說大慈之法和合為藥能療如是無量乃至不可說不可記數有情瞋熱惱病皆悉除愈又諸有情癡熱惱病如來又說諸緣生法和合為藥能療如是無量乃至不可說不可記數有情癡熱惱病皆悉除愈以此言喻應當了知菩薩摩訶薩能以如來如是法藥救療無量無邊乃至不

可說不可記數有情三毒熱惱皆悉除滅即是成就如來法身舍利子如是住法身菩薩摩訶薩復以法身加持力故今無量無邊乃至不可說不可記數有情三毒熱惱皆悉除滅不復更生皆悉除滅不復更生佛言舍利子我於往昔無量無邊阿僧祇劫於如是法皆悉了知復於彼時有佛出世號曰燃燈如來應供正等正覺彼佛如來與我授記汝過無量阿僧祇劫得成為佛號曰釋迦牟尼如來應供正等正覺

佛說大乘菩薩藏正法經卷第二十九

佛說大乘菩薩藏正法經卷第三十

佛說大乘菩薩藏正法經卷第三十 佛說

精進波羅蜜多品第九之六

復次舍利子我於燃燈如來應供正等正覺
所獲得具足法身生三十三天號光明天子

為爍迦羅主有大威德具大神通名稱普聞
自在無礙復於彼時閻浮提洲有八萬四千
大城復有衆多城邑聚落彼諸聚落有百千
俱胝那庾多諸有情類充滿其中又於彼時
疾疫劫起惡業有情病緣成熟疥癩癰疽體
生瘡癬風黃痰癢積集其身彼時復有百千
醫王和合良藥治諸有情疾病除愈復次舍
利子時彼有情無歸無救未得愈者高聲唱
言若天龍夜叉乾闥婆羅刹婆人非人等耶
能令我病一切苦惱得解脫耶一切財物悉

能捨施願為奴僕隨意所作供給走使舍利子彼無見者我以天眼清淨出過於人諸有疾病疥癩癰疽體生瘡癬風黃痿癰寒熱等病積集成熟充滿其身乃能見故無有聞者彼諸有情高聲唱言我以彼天耳界清淨出過於人乃能聞故於彼有情起大悲心極生憐愍我發是念於無歸者為作歸依於無救者為作救護於未愈者為令除愈當獲安樂舍利子我於彼時隱爍迦羅形去俱盧大城不遠忽然化生成有情相名曰蘇牟復住空

中為閻浮提諸疾病者說伽陀曰

於彼俱盧城不遠 化有情相名蘇牟

彼若來食肢分者 一切疾病皆除愈

汝諸有情勿驚怖 如是食者生歡喜

彼無嫌恨瞋已除 此閻浮洲大良藥

舍利子此八萬四千大城郡邑聚落於其中

間一切有情聞是聲已即時奔詣俱盧大城

到蘇牟所取彼身肢少分而食然其身肢都

無損減是時蘇牟說伽陀曰

由菩提道實不虛 獲得無盡智慧蘊

彼言真實不欺誑 令我身肢亦無盡

舍利子時閻浮提洲諸有病者集蘇牟所取
以身肢少分而食由無盡智如是斷已斷已
復生然於肢體旋復生已無損減故復次舍
利子諸有病者於蘇牟所食肢分時諸病除
愈安隱快樂得無疾報如是滿閻浮提洲諸
有病者皆悉除愈安隱快樂得無疾報爾時
閻浮提洲諸有情類若男若女童子童女咸
發是言如我惟忖今食蘇牟疾病除愈安隱
快樂我等應當親近供養一時集會詣蘇牟

所衆共圍繞說伽陀曰

能於我等作歸救 汝是醫王及良藥
我等今時何所爲 願施供養無有怯
舍利子我於是時知此有情得安隱已現大
樂迦羅形住衆人前而作是言我今不用王
城國土郡邑聚落舍宅財物金銀瓊瑤瑋
瑪瑙珊瑚琥珀諸妙珍寶象馬牛羊輦輿車
乘男子女人童子童女奴婢僕從飲食衣服
牀敷卧具湯藥資緣園林池沼如是翫好悉
不復用我唯教汝當斷殺生永不復作當斷

偷盜永不復作當斷邪欲永不復作當斷妄
 語永不復作當斷兩舌永不復作當斷綺語
 永不復作以要言之當斷惡口貪瞋邪見永
 不復作時彼大爍迦羅為諸人等說伽陀曰
 多俱胝數諸財寶 分量猶如須彌山
 飲食衣服妙天女 十五 如是等施皆不用
 汝若作是諸供養 不如修習十善道
 各各共起慈悲心 於一切時常守護
 菩薩不樂於財利 唯能護持十善業
 汝等若能共修行 我說此名真供養

飲食衣服及卧具 象馬車乘諸珍寶
 如是乃至妙天女 一切我今皆不受
 汝今聽我誠實語 應修清淨十善道
 互相發起慈悲心 於一切處常守護
 若能攝受如是法 十善業道常清淨
 說是伽陀已告舍利子言我於彼時於大眾
 中宣說法要清淨無雜示教利喜說是法已
 隱身不現時闍浮提洲男子女人童男童女
 食蘇牟者乃至命終無有一人墮於惡趣一
 時皆得生於三十三天於妙眾中受諸快樂

舍利子彼諸人衆生彼天中聞是法已示教
利喜於彼三乘得決定解所謂聲聞乘緣覺
乘無上一切智乘於彼天中或復當入涅槃
未入涅槃現入涅槃佛言舍利子汝觀菩薩
摩訶薩安住法身云何名爲得大神通具大
威德名稱普聞我於彼時唯我一人能捨身
命成熟一切有情三乘涅槃如是言已尊者
舍利子白佛言世尊云何名爲菩薩摩訶薩
具足法身佛言舍利子菩薩摩訶薩法身堅
固猶如金剛無破壞相殊妙真實不生不滅

又復法身爲度有情不惜軀命以是緣故火
不能燒物不能壞又復堅固猶如金剛無破
壞相舍利子菩薩摩訶薩行不退轉精進波
羅蜜多行時如是安住具足法身成熟有情
不惜軀命亦無言說分別徧計又知此身猶
如虛空離種種相身離相故隨能入解一切
諸法離種種相由離相故亦不分別是身是
法若於相中身既離相於一切法亦復如是
若能自身離一種相即能入解一切有情身
離相故一切有情身離相故即能入解法界

真如此行真如一切行真如亦復如是復次
舍利子如所說故無別異故非遠離故非影
像故乃至真如無少分相何以故真如無相
彼說即如來相如是攝受因果真如彼說亦
如來相彼菩薩見如是諸相無所造作即如
來相見非違諍一切色相彼無所動即如來
相非真如智於如來身何可觀察於如來身
平等觀察即自身平等由自身平等觀察即
一切身非身平等由一切身非身平等觀察
即於是身而能觀察是故了知一切身相皆

緣生故於此知已法身決定不可破壞於諸
法身亦復如是彼得如是法身而能了別非
蘊處界於諸有情見聞覺知乃可化度作諸
義利舍利子譬如活命醫王積集和合諸大
良樂施衆病者造作童女色相殊妙猶如最
上青淨池沼具足莊嚴極妙安住時非時分
行住坐卧復能作彼勝妙事業復於是時最
上最勝大種豪族長者居士皆來見彼造藥
童女時活命醫王普能施與如是觸已諸有
病者快樂輕安得無病惱舍利子應知唯一

活命醫王能令有情疾病除愈餘諸醫師不能
能有故舍利子了知法身菩薩摩訶薩亦復
如是乃至有情男子女人童男童女爲貪瞋
癡之所燒煮於彼有情身徧觸已是諸疾病
皆悉除愈而得遠離一切熱惱如是菩薩往
昔願力得清淨故復次舍利子菩薩摩訶薩
不爲資身財物飲食等事然於法身一切取
捨無不通達而或憐愍有情攝受飲食於其
身命亦不棄捨於法身力亦不取捨亦不損
減復次舍利子菩薩摩訶薩然於法身無生

無滅由能示現有生滅故又能成熟有情於
諸行法了知生滅又知諸法亦無合集生處
滅處悉皆了知於彼法身法食法力常依止
法心無所表是名往昔願力成熟有情不退
轉精進波羅蜜多爾時世尊重明此義說伽

陀曰

今乃得成金剛身 不壞不散佛知故
刀不能傷火不焚 度有情時豈超越
度脫有情猛火害 若獲最上清涼藥
如是有情知見已 復如得食諸飲饌

乃至法界無分別	無人無我無儒童	觀察如能行苦行	色蘊非堅水上泡	想如渴愛炎時現	復如幻化諸伎藝	諸有智者所施願	所生資具如電光	財欲又復同影像	了知變易若浮雲
唯一法身無餘身	了達諸法緣生故	息滅緣故斷苦緣	受蘊如同於聚沫	觀行芭蕉中不實	種種刹那俱離相	了識造作不堅實	亦如高山流瀑水	迅速猛於弓箭勢	諸有智者無所樂

不於三界天人所 受用飲食諸妙樂
 後墮地獄極苦中 見已不樂於天趣
 彼無依止如傍類 是人依止離生死
 菩薩當獲大法身 設復成壞無生滅
 復次舍利子菩薩摩訶薩行不退轉精進彼
 羅蜜多行時當如是學世間諸不善法皆悉
 充滿彼對治法亦復如是而不了知如世有
 情具三大病謂貪大病瞋大病癡大病皆不
 了知彼諸有情三種大病三大良藥亦復不
 知何等為三貪大病者以不淨觀為大良藥

瞋大病者以慈悲觀為大良藥癡大病者以緣起觀為大良藥皆不了知設有醫王醫餘疾病雖暫除愈而非究竟於一切病不能除愈諸有智者不應如是隨順修學於佛世尊所對治法應當修學為大醫王通達無上一切善法令諸疾病淨盡除愈是為究竟於餘世間所習醫王乃至少分不應隨學應當積集持節和合最上法藥若聞聲已彼貪大病彼瞋大病彼癡大病皆悉除愈舍利子是名菩薩摩訶薩行不退轉精進波羅蜜多行時

如是積集持節和合大法良藥彼諸聲聞緣覺悉不能有唯如來無上應供正等正覺為大醫王集諸善根持節和合為大法藥吹大法螺出深妙聲普徧三千大千世界使得聞知能令無量無邊百千俱胝那庾多矜羯羅以要言之乃至不可說不可說諸有情類此貪瞋癡三種大病皆悉除愈舍利子譬如雪山林中有大藥樹王名離諸毒能令百庾繕那所住有情聞彼香者悉除諸毒舍利子以離諸毒大藥樹王塗之螺鼓吹擊其聲若諸

有情設有蟲毒藥毒氣毒及一切毒聞是聲已悉除諸毒舍利子此離諸毒大藥樹王一切醫師悉不能知唯活命醫王獨能知解舍利子於菩薩摩訶薩大正法藥而能積集擣篩和合聲聞緣覺亦不能有唯如來能有是故通達一切善法為大醫王能令一切有情諸病除愈於此法藥而能積集擣篩和合吹大法螺出深妙聲普徧三千大千世界使得聞知能令無量無邊百千俱胝那庾多矜羯羅以要言之乃至不可說不可說諸有情類

聞是聲已彼貪瞋癡皆悉除滅云何菩薩摩訶薩積集法財於何等處而為施用若菩薩摩訶薩施用法財唯於菩薩藏正法而為積集舍利子菩薩摩訶薩行不退轉精進波羅蜜多行時於菩薩藏正法受持讀誦解說其義若自書若使人書乃至廣為人說應如是學復次舍利子乃往過去如是展轉廣大不可思議阿僧祇劫於彼時分者佛名蓮華超勝如來多陀阿伽度阿羅訶三藐三佛陀彼佛有八十俱胝大聲聞眾俱來集會皆阿羅

漢諸漏已盡無復煩惱心得自在到於彼岸
 彼佛壽量具八萬歲正法住世具五百歲像
 法亦爾彼蓮華超勝如來般涅槃後所有舍
 利如我滅後等無有異舍利子時蓮華超勝
 如來般涅槃已於百歲後有一菩薩從他方
 沒來生王家爾時為母發如是言我今何緣
 於此非法種族中生我今亦依彼正法行而
 修行之由是緣故名正法行

佛說大乘菩薩藏正法經卷第三十

永樂北藏

大乘菩薩藏正法經

第七一册

音釋

窳覩波

梵語也此云高
顯窳蘇骨切
窳蘇骨切

齎

古猛切
齎蘇骨切
齎蘇骨切

瘵

徒也
瘵徒也
瘵徒也

瘵

徒也
瘵徒也
瘵徒也

瘵

徒也
瘵徒也
瘵徒也

瘵

徒也
瘵徒也
瘵徒也

瘵

徒也
瘵徒也
瘵徒也

永樂北藏

大乘菩薩藏正法經

第七一冊

佛說大乘菩薩藏正法經卷第三十一第三

同卷

松六

舊本藏經卷第三十一第三經名佛說大乘菩薩藏正法經卷第三十一第三

精進波羅密多品第九之七

爾時舍利子彼正法行童子為成熟善根故

於六

於二十歲發生淨信捨家出家成苾芻相受具足戒住阿蘭若大樹林中而為宴坐於虛空中有諸賢聖潛來教示如是義利語苾芻言汝於菩薩藏正法得不退轉精進之行有大名稱當得作佛時彼苾芻於賢聖所聞是

語已生大歡喜得未曾有乃於城邑聚落國土王宮在在處處一切人民如是尋求菩薩藏正法又復往詣僧伽藍中恭敬禮問苾芻苾芻尼眾云何名為菩薩藏正法菩薩於阿闍黎及佛法中復何承事親近修學我今欲於諸尊者所尋求菩薩藏正法若名若字而來聽受彼苾芻等答如是言非我所知又竊作是念彼賢聖言應無虛妄我於菩薩藏正法未曾聽受於不退精進復何修行轉復問言具壽尊者彼蓮華超勝如來住何方所願

賜開示答言苾芻蓮華超勝如來住是方所
即時往詣所示方所到已右繞三匝頭面禮
足住立佛前發如是言我今於此結加趺坐
於蓮華超勝如來不得聞是菩薩藏正法於
是方所誓不起立舍利子此苾芻七晝夜中
於地方所不退精進如是堅固過七晝夜以
佛神力乃見東方世界寶藏如來應供正等
正覺聞彼開演八種法門此八種法門能於
菩薩藏正法隨順修學時彼苾芻具足聞是
不可思議八種法門無有過上即於方所從

坐而起亦能於菩薩藏正法開演不退轉精
進之行復於城邑聚落國土王宮滿六十年
教化無量俱胝天人令住三乘時彼苾芻臨
命終時作是願言生諸佛刹人同分中於彼
没已生闍浮提洲長者族中如是生已乃發
是言行正法行以是因緣同彼往昔名正法
行發生淨信捨家出家成苾芻相受具足戒
出家未久復於菩薩藏正法現前安住於六
萬歲城邑聚落國土王宮及能開演菩薩藏
正法之行教化無量俱胝天人成熟三乘所

謂聲聞乘緣覺乘無上大乘臨命終時復發誓言由彼願力於閻浮提洲得獲人身王族中生剎那生已於虛空中賢聖告言汝有情界超越諸法以是緣故立彼名字為超越諸法成熟有情於二十年中發生正信捨家出家為苾芻相受具足戒超越諸法正念緣力於菩薩藏正法現前安住舍利子此超越諸法苾芻於菩薩藏正法斷諸疑惑於城邑聚落國土王宮復能開演滿六萬歲過是數已令無量俱胝天人阿脩羅等發阿耨多羅三

藐三菩提心臨命終時復發願言得獲人身於閻浮提洲大娑羅長者種族中生剎那生已空中有聲賢聖告言汝有情界得獲正念以是緣故立彼名字為得正念成熟有情於二十年中發生正信捨家出家成苾芻相受具足戒由彼往昔如實思念最上最勝成就三多聞六十年中說法教化於城邑聚落國土王宮令諸有情於菩薩藏正法復能開演斷諸疑惑又過是數教化四俱胝天人阿脩羅等成熟三乘所謂聲聞乘緣覺乘無上智佛

乘舍利子此正法行必芻發是願已即時命
終生於往昔彼地方所寶藏如來佛刹之中
舍利子彼菩薩摩訶薩令六十俱胝天人阿
脩羅等成熟三乘悉得圓滿舍利子彼菩薩
摩訶薩中無間隔於寶藏如來佛刹之中得
不思議最上最勝多聞具足於彼命終即時
得生蓮華超勝如來世界王族之中往昔教
化六十俱胝天人阿脩羅等悉同生彼而為
眷屬復於彼時有佛出世號最上行如來應
供正等正覺彼佛具足壽量八十俱胝歲彼

國人民壽命亦等彼佛有八十俱胝大聲聞
眾俱來集會皆阿羅漢一一聲聞各有八十
俱胝大聲聞眾皆是清淨大阿羅漢復於彼
時名勇猛受王童子多聞成就智慧明達舍
利子時彼童子與自眷屬八十俱胝同時往
詣最上行如來應供正等正覺所到已頭面
禮足圍繞世尊却住一面時最上行如來知
彼童子往昔因緣心之所念而為說法爾時
世尊告舍利子言彼勇猛受王童子得聞如
是往昔相應所修之行生大歡喜與自眷屬

八十俱胝同發淨信捨家出家成苾芻相受
具足戒盡其形壽常修梵行求菩提道時最
上行如來告諸大衆此勇猛受王菩薩摩訶
薩我滅度後次當作佛出現世間號大精進
如來應供正等正覺彼最上行如來般涅槃
後所有舍利作供養已受持正法然後得成
阿耨多羅三藐三菩提果舍利子彼大精進
如來壽量半劫有無量大聲聞衆一一復有
二十那踰多皆是清淨大阿羅漢俱來集會
舍利子此不退轉精進菩薩摩訶薩行精進

波羅蜜多行時於菩薩藏正法聞已次第受
持讀誦爲他人說乃至生彼大精進如來世
界之中舍利子若善男子善女人安住大乘
速疾得成阿耨多羅三藐三菩提不退精進
行時於菩薩藏正法決定聽聞受持讀誦乃
至廣爲人說何以故舍利子此諸菩薩摩訶
薩唯能於菩薩藏正法如是進求不退轉精
進之行舍利子是名菩薩摩訶薩精進波羅
蜜多
禪定波羅蜜多品第十一

復次舍利子云何菩薩摩訶薩修行進趣菩薩禪定波羅蜜多之行舍利子菩薩摩訶薩應先遠離染欲過失諸不善法於彼尋伺發生喜樂是名入解初禪定行舍利子菩薩摩訶薩次當遠離尋伺於內引生清淨潔白心一境性於彼等持發生喜樂是名入解二禪定行舍利子菩薩摩訶薩次當捨離貪愛行念正知唯妙樂受身雖正知如彼聖人觀察捨念離喜妙樂行故是名入解三禪定行舍利子菩薩摩訶薩次當如是先斷苦樂通悅

煩惱無苦無樂捨念清淨是名入解四禪定行彼如實得圓滿清淨純一無雜正等引心無餘支分及隨煩惱不離等持而能作彼禪定事業而復圓滿五種神通及彼智業云何名為五種神通一者天眼二者天耳三者他心四者宿住五者神境此說名為五種神通又復云何菩薩於彼天眼乃至神境而能圓滿最上正行神通智業舍利子此菩薩如實定住正等引心圓滿清淨純一無雜及隨煩惱於諸有情心無所欲而能發起神境等通

此說名為神通智業又天眼清淨出過於人而能觀察諸有情等初生退沒好醜等相善趣惡趣勝妙下劣乃至知諸有情業行差別身語意中具足惡行起彼邪見誹謗聖賢而復積集邪見業因身謝命終墮於惡趣那落迦中又復知彼諸有情等身語意中具足善行起彼正見稱讚聖賢而復積集正見業因身謝命終生於善趣或生天界舍利子以清淨天眼出過於人於諸有情積集惡業悉能了知舍利子此菩薩摩訶薩清淨天眼於諸

有情而為最勝色相明了悉無障礙一切天龍夜叉乾闥婆阿脩羅有學無學大阿羅漢辟支佛眾悉勝於彼最上最勝最極明了無有過上又此天眼於彼一切出離道中最勝出離而諸菩薩有是天眼於十方世界無量有情若麤若細若勝若劣若遠若近而此天眼諸有色相於彼了知悉無對礙又此天眼見色究竟除無色界所有十方世界無量有情若生若滅及彼業因一切根因若增若減若勝若劣悉能了知又彼所有十方世界諸

佛刹土功德莊嚴一切悉見清淨戒蘊安住
成就勝妙果報亦皆了知又彼清淨天眼出
過於人諸佛世尊及菩薩眾一切悉見及彼
正士正念正知通達境界威儀道行及解脫
法得總持門安住智慧善巧方便而能入解
一切圓滿彼眼無礙諸色無見彼眼無著諸
色無染彼眼解脫謂離諸見彼眼清淨自體
光潔眼無依止離諸境界眼無所取離諸煩
惱眼無翳障離諸疑惑眼不起念離對礙法
眼得光明照燭諸法眼隨智慧離識境界彼

眼無著離難調伏及彼癡冥一切煩惱眼能
決擇諸根幻化又復眼相彼無能勝於諸有
情平等觀矚彼眼清淨離雜思惟彼眼無垢
體性光瑩又彼天眼隨其心意而能現前成
熟佛眼眼無貪瞋離諸違順又彼天眼於義
境界修行法式如實相應又於有情安住大
悲又彼天眼來求功者而無不與見破戒者
亦無瞋怒於墮落者而常守護於懈怠者而
常勤策為散亂者現禪定分為惡慧者示正
慧眼為邪道者開悟正道劣勝解者導以最

上佛之知見又彼天眼於一切智智最上神通於菩提道專注一境決定現前舍利子此名菩薩摩訶薩而能圓滿彼天眼通及智事業復次舍利子云何名菩薩摩訶薩得天耳通及能圓滿最上正行神通智業舍利子此菩薩摩訶薩天耳清淨出過於人能聞十方無量世界人非人聲所謂天聲龍聲夜叉聲乾闥婆聲阿脩羅聲鵝嚕拏聲緊那羅聲摩睺羅伽聲人非人聲聖人聲聲聞聲緣覺聲菩薩聲佛聲是名諸菩薩摩訶薩天耳清淨

又復得聞諸罪業聲地獄聲傍生聲餓魔羅界聲乃至微細邊際蝴蝶蜂蠆蚊蚋等聲及諸有情所發語業或攀緣心善不善等一切了知所發語業善不善根彼因及果悉皆了知若語業貪隨染愛所表若語業瞋隨惡罵所表又語業癡亦隨貪瞋所表皆能了知即語業癡亦隨惡罵所表若語業唯惡罵所表即瞋隨惡罵所表彼語業癡亦即隨癡冥所表悉能了知又天耳通智如實了知發生善巧破彼語業隨順清淨由能對破語業清淨

即能對破一切貪瞋癡等悉令清淨又彼天
 耳於聖人非聖人聲悉聽聞如是聽已於聖
 人聲不生住著於非聖人聲不著對破又於
 聖人聲獲得大慈於非聖人聲發起大悲於
 一切聲無前後際以決定智如實了知又彼
 天耳於十方無餘一切世界得聞如是諸佛
 世尊所說妙法聞已念彼所度根器不生癡
 冥一切攝受亦無失念如彼有情根器入解
 了知諸法平等一味又復不於一佛二佛所
 說之法得聽聞已不作互相障礙差別事相

佛說大乘菩薩藏正法經卷第三十一

佛說大乘菩薩藏正法經卷第三十二

宋夏藏經元奘譯 梁魏都僧正慧覺撰 梁魏都沙門法惠等奉詔譯

禪定波羅蜜多品第十之二

復次舍利子諸佛世尊說彼往昔任持之行
 由今善根聽聞聲故於時非時分中獲彼所

說若衆會時或說法時及非時說而別解行
聽已能說又說法時或衆會時或一苾芻爲
彼說法如實記別於佗損害而不爲說又不
如實記別擇彼相應義理善巧方便攝受於
佗以自心清淨潔白而爲彼說若於色相等
聲決定聽聞而生歡喜彼如色相九等聲爲令
聽聞決定歡喜又若處衆說法以天耳識加
持彼聲令諸有情而能解了然彼有情聽聞
是法或能解了又若有情聽聞是法或未解
了彼於是處得法界清淨即耳界智界亦得

清淨我以耳界既獲清淨而此有情亦獲清
淨於彼耳界得善出離如其所說文字義理
及諸有情巧妙言辭令五趣有情聞說法聲
悉令悟入又能於此天耳界中而得成就如
來天耳復於此中無雜亂意此說名爲菩薩
摩訶薩得天耳通智業圓滿復次舍利子云
何菩薩摩訶薩佗心智通及彼正行智業圓
滿舍利子此菩薩摩訶薩於十方無餘一切
世界諸有情類往昔邊際心能了知及彼現
在心亦了知又復過去有情心智羸因細因

種種心智皆能了知或此有情最上心因或此有情中分心因或此有情最下心因又此有情根性以布施相應此有情根性以淨戒相應此有情根性以忍辱相應此有情根性以精進相應此有情根性以禪定相應此有情根性以勝慧相應又此有情根性以大慈爲因此有情根性以大悲爲因此有情根性以大喜爲因此有情根性以大捨爲因又此有情根性以大乘爲因此有情根性以緣覺乘爲因此有情根性以聲聞乘爲因又此有

情諸善因力具足成就又此有情諸善緣力具足成就若復有情不善因緣力成就故即此有情以彼因緣力相應生下劣種族若復有情善因緣力成就具足即此有情以彼因緣力相應生高貴種族或復有情意中清淨非工巧清淨若或有情工巧清淨非意中清淨若或有情工巧清淨亦意中清淨若或有情非意中清淨亦非工巧清淨舍利子此諸有情往昔根因心所行智如我相應說法之智此說名爲菩薩摩訶薩佗智力又復入

解佗心智力而此有情行布施因於未來世
得布施果又此有情行淨戒因於未來世得
淨戒果又此有情行忍辱因於未來世得忍
辱果又此有情行精進因於未來世得精進
果又此有情行禪定因於未來世得禪定果
又此有情行勝慧因於未來世得勝慧果又
此有情行大乘因於未來世得大乘果又此
有情行緣覺因於未來世得緣覺果又此有
情行聲聞因於未來世得聲聞果又此有情
行世間因於未來世得世間果舍利子若此

因緣若彼因緣於未來世此諸有情得是根
性如實了知於彼有情而能成熟不生厭倦
乃至以智了解是心根本若正法器說此正
法又於說法復何所得為今不作餘法餘業
若諸有情現在世中於諸法行廣大尋伺然
彼一切皆如實知十六又彼著貪心十一即如實了知
彼著貪心彼離貪心亦如實知彼離貪心彼
著瞋心如實了知彼著瞋心彼離瞋心亦如
實知彼離瞋心彼著癡心如實了知彼著癡
心彼離癡心亦如實知彼離癡心若此若彼

有情雜染及障礙心一切皆能如實了知如實知已而爲說法欲令彼出離煩惱若復往詣衆中如是觀察一切衆會若彼若此於諸有情遍觀察已而爲說法舍利子此諸有情前際後際彼根性智一切了知而菩薩摩訶薩自心無所住著及彼作心亦無所住何以故此菩薩摩訶薩由智了故心無所住由念了故心無所住由慧了故心無所住由趣向了故心無所住由勝慧了故心無所住由覺了故心無所住由斷習氣及諸隨眠生澀

煩惱離垢光潔無諸過失於一切法分明了解於一切有情心行差別極能入解心無所住舍利子於如是行相入解有情心智此說是名菩薩摩訶薩得住心迴智業圓滿復次舍利子云何名爲菩薩摩訶薩宿住念通及彼正行智業圓滿舍利子如是菩薩摩訶薩於十方無餘一切世界一切有情具無量種宿住念通若一日二日三四五日若二十乃至五十日百生千生百千生無量百千生乃至百成壞劫千成壞劫百千成壞劫無量

百千成壞劫諸有情類於彼往昔如是名字
如是種族如是姓氏如是色相如是形狀如
是住處如是飲食如是久住如是苦樂彼彼
生滅及於壽量彼彼此生皆悉了知又知自
身及諸有情此宿住念非唯一種十二自身前際
及他補特伽羅前際此宿住念非唯一種又
自宿因善根念力及他宿因善根念力又自
善根成熟菩提令他有情念彼善根發菩提
心又若往昔苦及樂因皆是隨順無常苦無
我等彼既隨順無常苦無我等即不樂色相

不樂受用不樂眷屬不樂富饒不樂為轉輪
聖王不樂為帝釋天主不樂為大梵天王不
樂為護世天王一切生處自在王位及諸欲
樂皆不愛樂彼正思惟是處不為成熟有情
而受輪回彼唯隨順無常苦無我等往昔諸
煩惱行之所招集極生追悔起大厭離及現
在事諸不善業乃至命根不復作往昔善
根令於阿耨多羅三藐三菩提廣大成熟又
能積集現在善根除滅一切險難境界成熟
佛法僧種子相續不斷成熟一切智智正念

緣力又此正念以自加持法界加持不傾動
故而無所燒成熟定業亦無燒惱於奢摩佗
以自加持心無迷亂於毗鉢舍那而為攝受
以現量智無怯弱故以正憶念無忘失故受
大快樂積集諸行不由他悟積集行故趣於
彼岸一切能到積集行故以正念緣力過去
現在無忘失法此說是名菩薩摩訶薩宿住
念通智業圓滿復次舍利子云何菩薩摩訶
薩於神境通及彼正行智業圓滿舍利子此
菩薩摩訶薩斷除諸行而能具足修習欲神

足定斷除諸行具足修習勤勇神足定斷除
諸行具足修習心神足定斷除諸行具足修
習觀神足定彼欲勤心觀攝受諸法而能修
習成出離故又此四神足數數修習即於現
前獲神境通而得受用彼無量種神通變化
又此神變而常觀矚一切有情一一神變皆
能調伏一切有情又此神變普能顯現若身
若力或復加持又彼如是一一身相能往調
伏諸有情類又彼如是一一身相復能顯現
或佛身相或緣覺身相或聲聞身相或帝釋

天身相或大梵王身相或護世天身相或轉輪王身相又彼所現一一身相而復顯現如是身相能往調伏一切有情及能懽快諸旁生類又彼所現如是身相為諸有情演說正法又復能現如是勢力普為摧伏一切有情極重瞋慢謂大壯士力乃至四分那羅延力乃至半那羅延力乃至那羅延力乃至如是諸力以手二指舉須彌山高六十百千踰繕那又擲彼山遠八萬四下踰繕那譬如舉一耆摩羅果從此擲置於方世界而神境通普

薩摩訶薩力都無動作又能以三千大千世界如是廣大下從水際至色究竟天其間有情置於掌中住經劫數一切道行普能顯現而菩薩摩訶薩為彼愍過慢極重忿怒諸有情類成就力能荷伏慢過慢忿怒等而為說法又依彼神足得加持智於加持智即得如是諸加持法或以加持大海為牛跡量復以牛跡為大海量又或時加持火聚為彼水聚復以加持水聚而為火聚以要言之於上中下法一切互相加持亦復獲得如是成就世

間所有天人魔梵沙門婆羅門諸有來者皆無有能震動變易及能出沒又復世間此加持法無有共者唯佛世尊能有是故又以工巧加持緣力為彼慢過慢極重忿怒諸有情類廣說妙法極令歡喜。彼修神足者於魔境界天魔眷屬及諸煩惱而無墮滅超越自在於佛境界而能入解於諸有情乃至少分無有損害一切善根相應隨順此說名善菩薩摩訶薩於神境通智業圓滿舍利子又云何名為菩薩摩訶薩神通復何名智以彼天

眼正觀色相此說名為神通彼幻法智不作正行此說名智又舍利子若於一切有情實有所聞此說名為神通而於前際過失俱不可得此說名智又舍利子若彼了知一切心行此說名為神通於心滅智不滅正行此說名智又舍利子而於前際念彼無礙十三此說名為神通若於三世智都無礙此說名智又舍利子於一切刹土隨意往來此說名為神通於虛空刹土智都無礙此說名智又舍利子立法分位此說名為神通於法觀察此說名

智又舍利子於諸世間善巧化導此說名為神通於諸世間都無繫著此說名智又舍利子出過一切釋梵護世此說名為神通出過一切聲聞緣覺此說名智復次舍利子如是所說是名神通智業圓滿又舍利子所有煩惱散亂菩薩摩訶薩定分行心及加持智乃至一切有情滌心散亂及菩薩摩訶薩定分行等應知積集舍利子此菩薩摩訶薩普遍積集而得安住此說名為三摩呬多又此一切有情是名三摩呬多心常平等是名三摩

呬多意常平等是名三摩呬多善巧平等是名三摩呬多意中極深平等是名三摩呬多布施平等是名三摩呬多持戒平等是名三摩呬多忍辱平等是名三摩呬多精進平等是名三摩呬多禪定平等是名三摩呬多勝慧平等是名三摩呬多彼一切法平等是名三摩呬多若於一切法平等即一切有情平等及一切菩提平等如是普遍入解此說名為三摩鉢那又若普遍入解諸法如虛空等此說名為三摩鉢那又若普遍平等入解無

相無願無積集行此說名為三摩鉢那又若
普遍入解諸法音聲此說名為三摩鉢那又
於一切饒益不饒益等處心平等如地心平
等如水心平等如火心平等如風心平等如
空高離掉舉下無昏沉而善安住一切道行
而得不動名三摩^{十六}四多於道行自體而無分
別名三摩鉢那雖言辭充滿無口過失無高
無下亦無動亂相應順成一切世間法義時
分然於世間八法而能超越一切煩惱悉無
所著遠離憤鬧尋伺境界如是法行名三摩

四多又於一切世間工巧造作悉能顯現於
彼事相亦不棄捨而菩薩摩訶薩於禪定波
羅蜜多平等入解而復出生智慧方便不為
大悲心緣之所隨縛觀察有情平等入解方
便寂靜極寂靜等是名智慧令佛智慧不現
在前是名方便又若平等入解諸法不為隨
縛是名智慧又一切法都無取捨是名方便
於彼法界無計度念是名智慧若於佛身平
等入解不生現前作證是名方便於彼法身
念無所住是名智慧若於佛聲相平等入解

於妙梵音具足領悟是為方便又復思念法
無可說是為智慧又於金剛心時平等入解
而能極勝安住是為方便於彼正念念無散
亂是為智慧又於往昔願是平等入解而能
成熟有情極勝安住是為方便於一切有情
念無實我是為智慧念彼善根證無行證是
為方便又念彼無根及無住著是為智慧又
於佛刹平等入解而使現前清淨是為方便
念彼刹土如虛空等是為智慧又念於菩提
道場平等入解而使現前莊嚴是為方便又

念彼止息或諸染法是為智慧若於轉法輪
中平等入解而能普應機緣是為方便又念
彼轉無所轉是為智慧乃至菩提分行平等
入解而能現前捨離是為方便乃至念彼於
一切法而非相應及諸隨惑以如來智慧禪
定妙樂無諸熱惱於相無相一切攀緣降伏
悉皆了知彼一切菩薩摩訶薩定非定位以
善出離如是相應是為智慧而諸菩薩摩訶
薩獲得無盡禪定波羅蜜多諸有魔爭皆不
得便得善安住諸佛法器舍利子如是所說

智慧方便彼菩薩摩訶薩於禪定波羅蜜多
而能出離

佛說大乘菩薩藏正法經卷第三十二

音釋

矚朱欲切 矚視也 矚魚列切 蠶丑邁切 澀色入切 慵
 候隴力董切 候隴力董切 候隴力董切 候隴力董切 候隴力董切 候隴力董切
 閑奴教切 閑奴教切 閑奴教切 閑奴教切 閑奴教切 閑奴教切
 不靜也 不靜也 不靜也 不靜也 不靜也 不靜也

佛說大乘菩薩藏正法經卷第三十三

第三十四

同卷

松七

宋契藏經九種大藏經聖德錄卷之六師賜沙門法護等奉詔譯

禪定波羅蜜多品第十之三

復次舍利子菩薩摩訶薩得不退轉神通或以意想或以事業皆^{於七}是所作遊戲神通復於處處廣大安住現諸所作彼有所作神通智力世間最上於所作事唯具諸相善能決擇而復現證世出世間第一之法菩薩神通示無盡相猶若虛空遍一切處菩薩神通現一

切相色無色等復能隨順入一切聲然於前際音聲平等菩薩神通觀察一切有情心行於其體性隨緣顯現於諸劫中隨其思念前際後際無有間斷一切唯現神境變化決定現前無別行相菩薩神通達漏盡智觀時分已而無超越勝出世間決擇諸法所有一切聲聞緣覺之所難測菩薩神通其義甚深懾壞群魔制伏外道於菩提場而能總持一切佛法志求正覺隨其種類轉正法輪而善調伏一切有情至灌頂位得法自在舍利子此

不退轉神通菩薩摩訶薩所作事業悉無我慢其心清淨正善調伏光潔自在離諸染欲及隨煩惱微妙寂靜所有善業而悉成就於禪定解脫三摩地三摩鉢底起正思惟於生死中都無繫縛所以者何謂彼生業諸煩惱縛顛倒執著皆悉解脫是故於生死中都無繫縛而復不壞大乘成證一切佛法然彼佛法十方諦求了不可得又一切法皆順佛法是故佛法即一切法若一切法如實尋求亦不可得於算數道及非算數平等超越無有

少分此說無法亦無非法若能於法非法徧能了知是故於此都無住著又諸法義亦非住著若著於義非大義利若復於義非義悉無所住設見於義而智無礙若智無礙則無徧計若無徧計則無有對若無有對則無所住若無所住則無間斷若無間斷則無虛作於七若無虛作則無迷亂若無迷亂則無我我所若無我我所則無諍論若無諍論是沙門法若無諍論是沙門法則喻彼虛空亦如平掌若喻虛空亦如平掌彼則不墮欲界色界及

無色界若一切處而無所墮則無形色及無顯色亦無分位若無形色無顯色及無分位彼則如是隨順覺悟若能如是隨順覺悟彼則如是隨所覺悟云何說此隨順覺悟及所覺悟謂若了知彼極微法皆不可得說此是為隨順覺悟及所覺悟應當於此平等入解即能成就菩薩摩訶薩希有之法云何菩薩摩訶薩希有之法所謂於慈無我悲無衆生喜無壽者捨無補特伽羅布施無彼悔與心持戒生彼寂靜心忍辱發彼無恚心精進發

彼最上心禪定離彼散亂心勝慧無彼戲論心念處無念處作意心正斷隨彼生滅心神足離彼嬉戲心於信進念定慧起彼無礙自然平等入解心如是五根五力起彼無能損壞屈伏心於七覺支起彼分別菩提心於八聖道起彼觀察正解心於奢摩^{杜七}他起彼平等心於毗鉢舍那發起觀察聖諦希有徧知心成熟有情發彼本清淨心於彼法界攝受正法無雜亂心於無生法忍起不可得心於不退轉地起轉無轉心於相所獲起無相心莊

嚴菩提道場起彼順三界心制伏群魔起彼攝受有情心於諸法自性菩提起彼順覺悟心於轉法輪起彼無所轉心於大涅槃起彼隨現輪迴自性平等心舍利子如是所說是爲菩薩摩訶薩於隨順覺悟及所覺悟而能成就希有之法復次舍利子云何禪定謂諸菩薩於彼禪定無所耽著能於如來三摩地而得圓滿又復不樂禪悅之味諸菩薩雖復於身適悅而無取著復於禪定常樂大悲以是緣故留諸惑染又於禪定不退等持以是

緣故厭離欲界復於禪定脩神通業以是緣故了知一切有情心行又於禪定通達實際以是緣故得心智自在復於禪定得等至智以是緣故普徧一切色無色界又於禪定至極寂靜以是緣故於聲聞緣覺三摩鉢底而求增長復於禪定而無動亂以是緣故住極究竟又於禪定常行對治以是緣故而不住彼相續習氣復於禪定得最勝慧以是緣故於諸世間而爲第一又於禪定而先通解有情心意以是緣故諸有情中而爲最上復於

禪定而常自在隨樂三寶以是緣故獲得如
來無盡功德又於禪定得極高勝以是緣故
常住三摩呬多復於禪定得自在轉以是緣
故而能圓滿一切事業又於禪定悉無所受
以是緣故得大智慧舍利子是為菩薩摩訶
薩禪定復次舍利子禪定波羅蜜多以何為
先所謂決定心為先一境心為先不散亂心
為先安住心為先奢摩佗心為先三摩地心
為先根等持為先力等持為先正等等持為
先定解脫為先九次第定為先不相違為先

義法為先降伏煩惱怨賊為先圓滿三摩地
蘊為先菩薩三摩地為先佛三摩地為先舍
利子如是寂靜之法是名菩薩摩訶薩所行
之行於禪定波羅蜜多為先爾時世尊欲重
宣此義說伽陀曰

禪定解脫波羅蜜 常於多劫行是行
彼世間法意無著 是名寂照三摩地
若諸通達波羅蜜 如電莊嚴勝高顯
以能勇猛離諸垢 是名月光三摩地
成就無憂戒德光 於諸法中自在轉

斯法高勇若須彌	是名法光三摩地
於彼法寶莊嚴地	正法總持妙清淨
是心能伺於佗心	名正法智自在轉
定能摧斷諸煩惱	如幢珠網無障礙
於十力中勝解脫	名破魔力三摩地
勝無能勝須彌燈	彼號智光清淨眼
謂能合掌讚善言	妙住持地三摩地
以能入解空無相	無願寂靜地亦然
法念功德智自在	諸佛無邊三摩地
蘇難陀龍獅子王	若來若去常安靜

清淨眼力無瞬動	定名遠離種種想
金剛定如金剛地	高顯不動量須彌
清淨音聲普徧轉	遠離煩惱三摩地
廣大一切功德相	猶若虛空無邊際
具足增長智慧念	辯才宣說悉無盡
觀察有情令善作	無邊無盡無損壞
慈能調柔悲善根	喜入極喜捨二障
解脫堅固生歡喜	如勝蓮華金剛幢
智海智光俱不動	是名法義三摩地
無邊解脫光明海	如來定慧願莊嚴

無上正覺妙寂靜	定名不動調伏法
光明願得莊嚴刹	令有情意悉歡喜
於正覺道常隨順	莊嚴寶髻波羅蜜
迅速如風無分限	亦如海藏持衆寶
施真甘露解脫門	雨七覺華三摩地
大神通義妙攝受	通達無邊悉圓滿
普現如是佛境界	是名積石山王定
若修禪定波羅蜜	安住等引定境界
菩薩無量功德門	是名寂靜三摩地
於等引中隨作意	所發言音皆軌範

永樂北藏

大乘菩薩藏正法經

第七一册

乃至行坐威儀中 如是悉常無放逸
 又此諸法最寂靜 無我無人無壽者
 亦無分別非分別 唯此無餘登彼岸
 若修禪定波羅蜜 所獲無邊功德海
 諸有智者菩薩衆 應當憐愍諸有情

勝慧波羅蜜多品第十一之一 六

爾時佛告舍利子云何諸菩薩摩訶薩勝慧
 波羅蜜多舍利子若諸菩薩行不退轉菩薩
 行時於此菩薩藏正法殊勝義利畢竟受持
 讀誦聽聞廣大開示為他人說得勝慧相又

彼勝慧云何是相云何入解謂於勝慧所聞之相隨意入解又復云何是所聞相所謂樂欲相意願相善和合相善知識相變化相迴向相高貴相尊重相右旋相極自在相親近相不聽外境相承事相作意相不散亂相如求寶相如求醫相滅一切痛苦相念器相通達菩提相對治覺悟相入佛智相聽無厭相集法施相施已無悔相樂近多聞相善作歡喜領納相大喜徧身相心大適悅相聽無疲倦相樂聞正法相樂聞正行相樂聞不觸無

智相樂聞波羅蜜多相樂聞菩薩藏正法相樂聞攝事相樂聞方便善巧相樂聞梵行相樂聞神通相樂聞四念處相樂聞四正斷相樂聞四神足相樂聞十二緣生相樂聞無常苦無我寂靜相樂聞空無相無願解脫相樂聞不積集不善根行相樂聞積集善根行相樂聞單已相樂聞轉法輪相於雜染中無散亂想相調伏一切煩惱想相歸向智者相親近賢聖相遠離不律儀相樂聞聖人相樂聞五根相樂聞隨念觀察相樂聞七覺支相樂

聞八聖道相樂聞如來十力四無所畏四無量十八不共佛法相舍利子而於是中即聞脩慧所以者何謂於菩薩藏正法而生樂欲彼聽聞已而能了知知已能脩若於菩薩藏正法中意願聽聞起善和合近善知識若變化若攝受右旋若極自在若親近多聞不聽外境安住多聞勤勇作意如求寶想如求醫想滅貪瞋癡想受持想若於諸法通達旨趣及於意樂令智增長聽受無厭聞布施已能勇悍施聞說戒已能護淨戒聞說忍已而能

忍辱聞說精進而無懈怠聞說禪定而不散亂聞說勝慧心起盡漏樂勝多聞及聞法已身心適悅聞大乘已而生勝欲聞攝受事心行攝受聞四念處而身受心法念住聞四正斷則已生不善而今除滅未生不善而能棄捨已生善根而今增長未生善法而能發起聞說離諍而身心欲俱獲輕安聞說禪定而心行決定聞四無量已於一切有情而起大慈於彼樂著而起大悲於諸正法而起大喜於不善處而起大捨聞五根已於信進念定

慧而心能行聞七覺支於一切法心生覺了
聞八聖道而能起心趣向涅槃若於如來十
力四無所畏四無量十八不共法乃至無量
佛法如是當學發阿耨多羅三藐三菩提心
彼聽聞已而能了知知已能修舍利子如是
所說種種所聞之相隨意入解是為菩薩摩
訶薩勝慧波羅蜜多之行復次舍利子菩薩
行勝慧波羅蜜多行時而能於此菩薩藏正
法殊勝義利受持讀誦聽聞廣大開示為佗
人說得諸法正行云何是為諸法正行謂於

是法如其所說安立正行舍利子法正行者
謂若隨順攝受諸法所以者何謂法無執著
是即正行若住執著無有是處於補特伽羅
法中而求出離亦無是處若於補特伽羅法
無所執著是名正行得無疑惑斯有是處是
故諸修行者於此正法隨順攝受而無障礙
即為正行復次舍利子若於諸法及尊重法
無執無取無生無滅及於諸法設順正理亦
應無取如是所說即為正行如我今說無有
少分亦無所見如是無見無取是諸法相云

何為相所謂有相無相所以者何此相無相
說名無相又此相者於一切法都無覺了此
無相者無見無取如是所說即為正行是故
於此正行應當修習現證諸法得無障礙爾
時世尊欲重宣此義說伽陀曰

若於菩薩藏按七不應生決定九如是諸智者
得安住正行 又若於是法 而或行執取
及起邊執故 此非為正行 法雖不可得
勿作於空解 況此正妙法 不同於虛空
若法同虛空 世間無領解 由無領解故

此非為正行 又此正妙法 無取無不取
是故法非法 不應生執取 由無執取故
此即為法相 如是行相中 說名為正行
又此正妙法 曾無有住著 隨順而了知
無能得損害 由無所害故 智都無所解
如是行相中 說名為正行 又復諸智者
住少欲功德 於此正法中 相應善脩作
若諸善安住 行威儀正行 而於所向方
隨應得清淨 以所向清淨 知如是正法
則能於處處 了有情心意 又復諸智者

了彼心意已 如是行相中 而能宣正法
 又此甚深法 通達勝義諦 於如是義中
 而常獲決定 又復諸智者 多聞如大海
 以是最深廣 行無量功德 不假文與義
 能通達正理 於無量文義 獲堅固不動
 復次舍利子菩薩摩訶薩行勝慧波羅蜜多
 行時於此菩薩藏正法殊勝義利聞已乃至
 廣為人說而能獲得勝慧光明於諸法中無
 明黑暗盲瞶翳障悉能除滅於勝慧光速獲
 成就善不善法如實了知乃至命終諸不善

法畢竟斷除聞諸善法如所覺悟於善寂默
 而能宣說爾時世尊欲重宣此義說伽陀曰
 譬如入暗處 現前諸色相 彼眼不可見
 以火能破瞋 如是現在劫 彼有生死人
 於善不善法 不聽而不知 由聽是法故
 於罪不應作 及除非義利 速能趣涅槃
 樂親近師友 增長於聞慧 彼慧清淨故
 獲得妙樂義 彼聞義智者 見非法出離
 於淨法勇猛 得殊勝妙樂 若於菩薩藏
 聞已住法性 光明照世間 真行菩提行

佛說大乘菩薩藏正法經卷第三十三

佛說大乘菩薩藏正法經卷第三十四

密不藏經九種大試禪觀覺佛授師紫沙門護筆奉詔譯

勝慧波羅蜜多品第十一之二

復次舍利子若菩薩摩訶薩行勝慧波羅蜜
多行時於菩薩藏正法殊勝義利清淨樂欲

而於受持讀誦正法者應當發起善知識想
勇猛精進正攝受心為欲發彼正願及四正
斷於一切法相應得無障礙爾時世尊欲重
宣此義說伽陀曰

尊重善知識 得為說法師 作彼聽法眾

常住於正行 不惜其生命 精勤而最上

安住實智中 得勝慧清淨 自了知正法

淨信無不達 由覺出離故 如佛廣開示

亦如諸智者 善達文句義 常修清淨行

得預諸學位 所有染淨分 皆悉無所著

以無所著故 於法而無減 由精進樂欲
身速獲輕安 聽聞是法已 智增無失念
常住於智念 了善不善法 由學最上乘
通達念慧力 知彼有情意 如我於長夜
以學是法故 得勝慧清淨 了有情意已

為開示正法

復次舍利子菩薩摩訶薩於勝慧波羅蜜多
微妙清淨光明法門及諸聖者發起正見如
佛所說而修行之以二因緣當如是學何等
為二一者獲佗言音二者謂自作意若諸菩

薩於相應行菩薩藏正法不能聽聞聽已於
深法律三摩地門而得少分歡喜知足者應
知彼是懷增上慢墮魔網中於生老病死憂
悲苦惱及隨煩惱著五欲樂輪回相續如來
以是說彼有情隨順有漏無能解脫舍利子
若有親近法師於此正法聽已了知而不作
罪遠非義利增長聞慧見妙涅槃清淨勇猛
得勝妙樂如是菩薩摩訶薩當知是為於此
菩薩藏正法希有法律殊勝義利受持讀誦
乃至聽聞廣大開示為佗人說得相應行復

次舍利子若菩薩摩訶薩於此菩薩藏正法若不聽聞無能獲得彼相應意而與聖道極相違故如來以是說彼有情於老死解脫而常作意云何是相應意謂此菩薩摩訶薩遠離相應及不相應是相應意於相應意得無增語又菩薩相應意謂於音響無能發起諸阿羅漢亦無能發然彼所出音響了不可得於前際後際隨所伺察當云何生至何所滅若通達過去所說音響則過去已滅若通達未來所說音響則未來未至若通達現在所

說音響則現在不住如是已說未說當說徧一切處尋求俱不可得於相應意當如是學舍利子若菩薩相應意如是學者云何觀察謂此菩薩觀一切法自性本滅觀一切法自體本寂觀一切法自性平等觀一切法畢竟不生觀一切法畢竟不起觀一切法畢竟不集觀一切法畢竟無滅於此時分說如實觀亦非所觀如是非所觀非不所觀說此是名爲觀察意當如是學若有菩薩於此正法疑惑癡瞋無能入解謂言是法非解脫門斷諸

勤勇不起通達而於彼意悉不相應又復於此諸法正見即如如見云何諸法即如如見所謂無見如是無見即不生增語不生增語則不積集云何不積集謂於增語而無有對如來以是所說觀察諸行無生無作於正見中由是獲得正出離行又復正出離行以何十七爲因謂一切法即爲佛法是故欲求正出離行應當於此菩薩藏正法殊勝義利受持讀誦聽聞爲佗人說乃至於此正法得相應意是名正出離行復次舍利子若菩薩行勝慧

波羅蜜多行時於此微妙清淨光明法門正善覺悟於意處觀察生入解意何等意處云何入解謂此菩薩於三摩地加持處毗鉢舍那尋伺處最上希望處心樂欲處相續不斷處無常處因緣處緣生處無我無人無壽者處無住無不住無去無不去處不集不壞因果處空無相無願慣習處非空無相無願所取處三摩地三摩鉢底所取處非依三摩地三摩鉢底發生處神通智所取處非漏盡處觀察無生處非出離行處觀察一切有情無

我處不捨大悲處見一切生恐怖處有執心
處出離貪處不離現行貪法處捨五欲樂處
不捨法樂處離一切戲論處不捨善巧方便
處如是諸法皆生入解舍利子說此是爲意
處入解復次舍利子於彼意處云何說爲正
理道所謂以意是道以門是道以面門是道
以因是道以合集是道以不相違是道以無
諍論是道以捨是道無入無不入是道無戲
論是道無毀訾是道不增是道不減是道不
生是道無所轉易是道無所對治是道真如

是道實際是道如來是道無別異是道如如
是道三世平等是道分別不住色受想行識
是道不住眼界色界眼識界是道不住耳界
聲界耳識界是道不住鼻界香界鼻識界是
道不住舌界味界舌識界是道不住身界觸
界身識界是道不住六七意界法界十四意識界是道
隨順勝義是道隨順正智是道隨順了義契
經是道隨順正法是道舍利子說此是名爲
正理道又菩薩摩訶薩以入解意於正理道
由是觀察即無所觀如是非觀察非不觀察

永樂北藏

大乘菩薩藏正法經

第七一冊

說此是名為觀察意舍利子若菩薩摩訶薩以相應意於此正法而有癡瞋謂言是法非解脫門斷諸勤勇不起增勝無所通達而於彼意悉不相應又諸有情如是正見即如如見又復云何為如如見所謂無見無見則不生增語乃至無所對名如前廣說於此菩薩藏勝慧波羅蜜多之行當如是學又復於意無我於一切法無我亦然若一切法無我則於諸有情無我亦然如是觀察是觀察意又輪回界與涅槃界平等相應如是煩惱體性

與一切法體性相應彼相應與不相應都無所著於觀察意而得勝解乃至菩薩所有相應無餘加持一切有情而不棄捨加持正法而無相違舍利子說此是為菩薩摩訶薩獲相應意所聞之相於意入解如是觀察彼如十五如見勝慧不動復次舍利子菩薩摩訶薩行勝慧波羅蜜多行時得勝慧住於一切有為法而不共故所謂無明乃至老死悉不共住又於薩迦耶見乃至本末六十二見悉不共住世間八法若毀若譽悉不共住五蘊十二

處十八界乃至一切攀緣悉不共住又於慢
增上慢邪慢乃至二十隨煩惱悉不共住又
於上中下品若麤若細乃至一切煩惱悉不
共住又於癡闇盲瞋翳障繫執等處乃至一
切下劣分法悉不共住又於煩惱魔蘊魔天
魔死魔乃至一切魔業悉不共住又於我人
衆生壽者養者士夫補特伽羅意生儒童乃
至一切我見悉不共住又於業障煩惱障法
障見障報障智障乃至一切相續習氣悉不
共住又於相障思惟分別見聞覺知諸所纏

縛悉不共住又於慳貪布施毀戒持戒瞋恚
忍辱懈怠精進散亂禪定惡慧勝慧乃至一
切波羅蜜多有無對治是智非智悉不共住
又於一切僻報常與無常善與不善有罪無
罪輪回涅槃乃至一切邪對治法悉不共住
又於種種佛法種種刹土種種有情悉不共
住又於世俗勝義有智無智乃至一切有情
作意相等悉不共住又於勝慧勝行有爲體
相乃至一切住心意識所造作者悉不共住
舍利子是為菩薩摩訶薩勝慧波羅蜜多之

行於如是無量有為行法悉不共住復次舍利子菩薩摩訶薩行勝慧波羅蜜多行時於菩薩藏而能安住於一切法以勝慧決擇而能獲得十種善巧何等為十一者蘊善巧二者界善巧三者處善巧四者諦善巧五者正知善巧六者隨順善巧七者智識善巧八者善提分善巧九者聖道善巧十者緣生善巧云何名蘊善巧謂此五蘊如聚沫如水上泡如陽燄如芭蕉如幻如夢如空谷響如影如浮雲如鏡中像謂色蘊者猶如聚沫彼聚沫

中無我無人無衆生無壽者無士夫無意生無儒童若世間體性如是則色蘊體性亦復如是說此是為色蘊善巧謂受蘊者如水上泡彼水泡中無有我人衆生壽者士夫意生儒童若世間體性如是則受蘊體性亦復如是說此是為受蘊善巧謂想蘊者猶如陽燄彼陽燄中無有我人衆生壽者乃至說此是為想蘊善巧謂行蘊者猶如芭蕉彼芭蕉中無有我人衆生壽者乃至說此是為行蘊善巧謂識蘊者如幻於彼幻中無有我人衆生

壽者乃至說此是為識蘊善巧又復說此五
蘊是彼世間刹那變異壞滅之相若此世間
體性如是則彼世間體性亦然云何體性所
謂苦無常性彼蘊體性亦復如是舍利子說
此是為菩薩摩訶薩於勝慧波羅蜜多之行
而能獲得諸蘊善巧十七又復云何名界善巧所
謂地界即法界法界無麤澀相水界即法界
法界無柔軟相火界即法界法界無溫熱相
風界即法界法界無動轉相眼識界即法界
法界無瞻視相耳識界即法界法界無對表

聲相鼻識界即法界法界無能嗅香相舌識
界即法界法界無能了味相身識界即法界
法界無能覺觸相意識界即法界法界無能
觀察相如是自體界與法界無二無別又復
欲界色界無色界無二無別輪回界涅槃界
無二無別此空界一切法界無二無別由性
空故離分別故無二無別以入解有為界則
入解無為界乃至說無量界如是決擇入解
舍利子說此是為菩薩摩訶薩於勝慧波羅
蜜多之行而能獲得諸界善巧又復云何名

處善巧謂此眼處本空及耳鼻舌身意處本
 空彼無有我亦無我所彼菩薩如是於眼體
 性乃至於意體性如實了知則無處決擇無
 種種決擇無善決擇於善不善法無二相轉
 說此是名為處善巧又此處善巧謂眼處色
 處如是眼見於色而生厭離如是厭離則非
 正行又彼耳處聲處鼻處香處舌處味處身
 處觸處意處法處如是乃至意識而生厭離
 如是厭離則非正行又復菩薩於聖道處非
 聖道處皆應積集成證大悲於諸險難非聖

道處諸有情類今住正道於其道處亦不棄
 捨舍利子說此是為菩薩摩訶薩勝慧波羅
 蜜多之行而能獲得諸處善巧又復云何名
 入解諦善巧此諦善巧復有四種所謂苦智
 集智滅智道智云何苦智謂不起蘊故是為
 苦智云何集智杜七謂離愛集故是為集智云何
 滅智謂滅已不生故是為滅智云何道智謂
 於平等法無平等可得故是名道智若菩薩
 於此四諦如是智慧而不作證成熟有情說
 此是為諦善巧又諦善巧復有三種所謂世

俗諦勝義諦相諦云何世俗諦謂諸想像音聲語言文字乃至世間所行是為世俗諦云何勝義諦謂心無所緣況復文字是為勝義諦云何相諦謂諸相一相一相無相是為相諦彼菩薩於世俗諦說無疲倦於勝義諦不失正行於相諦中隨順無相是真實相說此是為菩薩於諦善巧又復一諦此無二種所謂寂諦此實一諦於諸平等及不平等而能隨轉真妙作用而能獲得於諦善巧佛說大乘菩薩藏正法經卷第三十四

音釋

懾質涉切 瞬舒閏切 慣古患切 輒乳克切
怖也 目動也 習也 柔也

永樂北藏

大乘菩薩藏正法經

第七一冊

佛說大乘菩薩藏正法經卷第三十五第三十六

卷同

松八

密天慈後等北魏大元祐佛世尊傳梵天師賜紫阿法護等奉 詔譯

勝慧波羅蜜多品第十一之三

復次舍利子菩薩摩訶薩獲得如是於諦善

松八

巧由此了知五蘊是苦若令五蘊苦相止息
猶如虛空是苦聖諦又此五蘊隨感受見若
令執取愛見等因不起合集為集聖諦又此
五蘊畢竟滅盡若令前際不生後際不起現
在不住為滅聖諦若於苦智集智滅智而能

證達以智相續能善調伏引趣正行為道聖
諦又復於此諸諦現觀而能尋伺徧盡觀察
是為菩薩摩訶薩於諦善巧又復了知諸受
是苦乃至受所引攝諸法擇智是為苦聖諦
若因於受引生於合集如實了知是為集聖
諦又若於受而得輕安則於受非受而復觀
察非受是滅獲證於滅是為滅聖諦又若受
所引道如彼世間積集進求非受非道令彼
苦滅引趣正行是為道聖諦若見如是四諦
平等畢竟無見是為清淨是名菩薩摩訶薩

於諦善巧又復於滅而起現證復能於苦不生觀察是為苦智若有緣生於有離有是為集智了知一切生本不生滅無所滅是為滅智於如是道隨其種類尋求伺察令入其智是為道智若能安住如是諦智說此是為菩薩摩訶薩於勝慧波羅蜜多之行獲諦善巧舍利子又復菩薩摩訶薩獲得四種正知善巧何等為四一者義正知二者法正知三者世間典籍正知四者辯才正知云何義正知謂若於法諸勝義句相續因智緣智集智通

達無邊智入解緣起智分別法界智隨順入解真如智不住實際智如實法空智伺察無相智於願無願智於行無行智入一正理智入解無我智解無衆生智了無壽者智無補特伽羅勝義智於過去世無障礙智於未來世無限量智於於現在世徧一切處智於於蘊幻化智於於處決定空智於於界度量智於於身寂靜智於於外無徧行智於於離塵境智於於念無所住智於於達無所入智於於勝慧觀察智於於通達四諦智於於諸苦為有智於於諸集為行智於於諸滅無相智於於諸道出離智

分別一切法句智善解諸根智諸力無能屈
伏智奢摩他加持智毗鉢舍那光明智於諸
幻化起變滅智於諸陽焰無迷亂智於諸夢
境無實見智於諸谷響了緣生智於諸影像
無合集智於種種相唯一相智於正和合無
所合智於諸輕安無所得智於聲聞乘達言
音智於緣覺乘解緣生智於最上乘積集一
切善根智如是所說是為菩薩於義正知又
復義正知者若於義隨順則諸法隨順彼所
隨義即諸法性所以者何以諸法義畢竟如

空若義如空則諸法義畢竟無相若義無相
則諸法義畢竟無願若義無願則彼法義無
所趣證若義無所證則一切法義畢竟無壽
者無補特伽羅若義無補特伽羅則於是義
通達法相若說於義無住無盡於所說義而
獲證知諸佛世尊レハ隨喜印可於彼勝慧如實三
正知若於勝慧如實正知則一切處無有過
失說此是為菩薩於義正知云何名法正知
謂於正法入解之智若善不善有過無過有
漏無漏世間出世間有為無為染分淨分輪

回涅槃法界智界本自平等無所覺悟說此是為菩薩於法正知又復法正知者於彼貪行心能正知所謂虛假貪行堅固貪行微細貪行廣大貪行過去貪行無邊觀察現在貪行隨緣入解或復有情內貪而非外貪或復外貪而非內貪或復內貪亦外貪或非內貪亦非外貪或復色貪非聲貪聲貪非色貪色貪亦聲貪色聲俱非色貪非香貪聲貪非香貪香貪非味貪味貪非觸貪乃至絢互於色聲香味觸貪行等如是非義利門入解二

萬一千貪行二萬一千瞋行二萬一千癡行如是貪瞋癡二萬一千衆等分行如是所說入解八萬四千心行之智如其所說相應行相智不增不減智越百欲界智殊勝法器智真實言說智說此是為菩薩於法正知云何世間典籍正知謂若入解一切聲智天聲龍聲夜叉聲乾闥婆聲阿脩羅聲迦樓羅聲緊那羅聲摩睺羅伽聲人聲非人聲而能入解五趣有情羸細高下說法連環相續不斷音聲文字彼或說一說二說多男聲女聲非男

非女聲廣說略說詭說巧說過去說未來說現在說一字相應多字相應皆悉了知說此是為世間典籍和正知又復世間典籍正知者成熟於文明了於義離諸恐懼復無過失於世俗勝義以白心知見甚深巧妙種種莊嚴令諸有情咸止歡喜說此是為菩薩於世間典籍正知云何菩薩辯才正知所謂言說無住無斷真實記別迅速辯才決定獲果辯才如其所問辯才無減失辯才無斷滅辯才無諍論辯才樂善法辯才住忍辯才甚深

辯才善巧辯才世俗勝義辯才建立一切布施持戒忍辱精進禪定勝慧辯才建立念處正斷神足根力覺支聖道奢摩他毗鉢舍那辯才入解一切諦智定解脫三摩地三摩鉢底辯才悟一切乘辯才解一切有情心行辯才無謬吃語言辯才無生澀語言辯才無雜亂語言辯才潤澤語言辯才清淨語言辯才解脫語言辯才無障語言辯才尊重語言辯才慈愛語言辯才相應語言辯才無缺漏語言辯才甘美語言辯才細滑語言辯才無毀

皆語言辯才稱讚諸聖語言辯才通達無邊
刹土有情能以妙梵音聲隨一詮表如是辯
才於佗有情補特伽羅能善說法佛乃印可
彼若說法無出離者云何能得盡諸苦際成
就正行舍利子說此是為菩薩摩訶薩於勝
慧波羅蜜多之行而能獲得辯才善巧云何
菩薩隨順善巧復有四種何等為四一者隨
義不隨於文二者隨智不隨於識三者隨了
義經不隨不了義經四者隨法不隨於人何
等為義云何為文謂若入解出世法行此說

為義達世間法此說為文若於整肅施以妙
樂此說為義於無戲論調伏制止此說為文
若於輪回徧能稱說此說為義於無所得廣
大開示此說為文若能普徧讚涅槃德此說
為義於涅槃法體無分別此說為文若於三
乘分位如其開演此說為義智唯通達一種
教理此說為文於諸有情開演布施此說為
義三輪清淨此說為文若能宣演三業威儀
積集一切頭陀功德此說為義於身語意清
淨勝行皆不可得此說為文若能宣說堅固

忍受忿恨惱嫉倨傲憍慢此說為義得無生
忍此說為文若能開演於諸善根踊躍精進
此說為義於彼精進不入不住此說為文若
能開演靜慮解脫等持等至此說為義滅等
至智此說為文於諸慧根多聞總持此說為
義義不可說此說為文若能開示三十七品
菩提分法此說為義若菩提分現證行果此
說為文若能開示苦集道諦此說為義現證
滅諦此說為文若正開示無明為先乃至老
死此說為義若無明滅乃至老死滅此說為

文若說積集止觀此說為義明解脫智此說
為文若能分別貪瞋癡等分類行法此說為
義若於解脫心無所動此說為文若能開示
諸障礙法此說為義若證解脫無障礙智此
說為文若正開示善能稱讚無量三寶此說
為義若離貪法性六及無為功德此說為文若
說菩薩最初發心習學功德乃至菩提道場
此說為義說一心相與一切智智無上正覺
乃至總略八萬四千法蘊相應此說為文又
若一切音聲語言文字乃至不可說義俱說

為義云何不了義經謂所說文如其所說廣
大了知此說是為不了義經云何了義經謂
所說義如其所說廣大通達此說是為了義
經又說隨順補特伽羅無能出離是不了義
如所說法即能出離是為了義如是菩薩摩
訶薩於勝慧波羅蜜多之行得隨順善巧云
何菩薩文句善巧謂諸菩薩於此二法善能
修行勝慧波羅蜜多云何二法一者善識二
者善智何者為識依四種住何等為四一者
識依色住二者識依受住三者識依想住四

者識依行住此說為識何者為智謂若了知
所取五蘊此說為智又若了知地界水界火
界風界此說為識若復安住四種法界於其
法界善能分別此說為智舍利子復說於識
謂眼觀色為表耳聞聲為表鼻嗅香為表舌
了味為表身覺觸為表意知法為表此說為
識若復內身寂靜外無徧行智能隨順法無
所取此說為智又若發起徧計執取此說為
識無執無取及表無瞋此說為智又復了知
識住生滅有為行法此說為識無為無有識

徧行故又智無為不住生滅此說為智云何
了義不了義經謂若所說引趣於道是不了
義引趣於果是為了義說世俗行是不了義
宣說勝義是為了義引趣業行是不了義盡
業煩惱是為了義又復染分是不了義若說
淨分是為了義於彼輪回而作猷離是不了
義於輪回涅槃悟不二法是為了義善巧文
句是不了義甚深難解是為了義於諸文句
心喜樂欲是不了義於少文句而生決定是
為了義又復我人士夫命者意生儒童作者

受者種種語言或有主宰及無主宰是不了
義於空無相無願三解脫門不起我人士夫
乃至補特伽羅是為了義云何補特伽羅及
法謂若於所有法安住補特伽羅見由起彼
見而復安住法智法界此說是為補特伽羅
及法又復補特伽羅者謂異生補特伽羅善
異生補特伽羅順信補特伽羅順法補特伽
羅八輩補特伽羅入流補特伽羅一來補特
伽羅不還補特伽羅應供補特伽羅緣覺補
特伽羅菩薩補特伽羅若一補特伽羅出現

永樂北藏

大乘菩薩藏正法經

第七一册

世間猶能引生多種妙樂於彼世間天人衆會極深憐愍作諸善利何況如來應供正等正覺安住世俗爲一切補特伽羅今諸有情依如來所說音聲入解義利佛言此說是爲於法各各隨順樂欲引趣有情於義安住云何名法所謂無作無不作無住無不住於一切處本自平等悉同依止又諸法相自性本空無有平等及不平等離諸分別無所攀緣而皆出離此說於其法性能隨順行得無退轉是故於此正理法門而得入解一切法性

此說是爲菩薩摩訶薩於勝慧波羅蜜多而得成就四種隨順善巧云何菩薩福智善巧菩薩行門有其二種何等爲二一者福行者智行云何福行所謂布施福行持戒福行修觀福行住等慈心大悲相應今諸有情悔諸過咎普令發起一切善根

佛說大乘菩薩藏正法經卷第三十五

佛說大乘菩薩藏正法經卷第三十六

善美羅能育孫太子於此處受得其命賜紫沙門法華等奉詔譯

勝慧波羅蜜多品第十一之四

復次舍利子一切有學阿那舍辟支佛於此
福行應先發起如是勝心得不退轉一生補
處九次當作佛菩薩摩訶薩亦應於此發隨喜
心過去未來現在諸佛世尊此福行中一切
善根亦皆隨喜勸請諸佛轉妙法輪此福行
中以一切菩提善根悉共回向未發菩提心
者語令發起已發菩提心者諸菩薩為說回

向以利養攝諸貧窮以醫藥施諸疾病於諸
怯弱亦當親近為作憐愍於諸毀戒以法覆
護出離罪報令住涅槃於和尚阿闍黎尊重
供養如佛世尊於講法處精進勇猛求諸法
師設百由旬亦應故往樂聞正法而無厭足
於說法者無所希望常當親近恭敬供養如
已父母不生疲厭又福行中於身口意不生
動亂離諸過失住佛塔廟攝受梵福集諸善
本圓滿相好莊嚴化身離諸口過莊嚴語業
決定勝解莊嚴一心遊戲神通莊嚴佛刹以

永樂北藏

大乘菩薩藏正法經

第七一册

清淨智莊嚴法相聞彼正法離諸障礙得無
障礙於說法者歡喜稱讚於所說法不生執
著亦無損壞如是莊嚴解脫法門以諸園林
施佛及僧如是莊嚴佛菩提樹植諸善本憐
愍一切業惑清淨得無生滅如是莊嚴菩提
道場發無盡願施諸玩好獲得圓滿無盡寶
手遠離鬻覺平等如掌樂施一切而先獲得
面目端嚴後諸有情共喜樂見光淨嚴飾施
諸有情而獲光明普照一切讚美言辭非由
積習戒福德藏悉皆清淨生人天中十善道

業亦復清淨神通變化亦不唐捐順諸佛教
不起分別深心清淨平等開化爲諸有情之
所愛敬於最上法及勝解行隨力爲說而能
攝受一切福行又當發起一切智心具七聖
財信爲先行一切世間之所愛敬是故決定
最先開導而能圓滿一切佛法及諸善法此
說是爲菩薩摩訶薩福行善巧云何諸菩薩
智行善巧謂於因緣發生智解云何因緣謂
深心樂欲隨知法會勤求善友住於佛智不
依聲聞辟支佛智於論議師極生信樂其說

法者知彼器已內心具足於其智慧無有慳惜相續爲說甚深妙法彼聞法者爲作如是求法相應則能於此智行相應云何求法相應謂於法師得是少義而於初夜後夜思擇稱量此等云何是理非理展轉研究乃至心無所得離諸障礙及無垢染得出離智發眞實行於此甚深法廣大法無邊法勝外道法智解通徹常放光明最極高顯踰於山峯勇猛精進不捨重擔行殊勝行心唯一境富樂作意不捨杜多常樂法樂不持世行求出世

法憶念不忘隨爲宣說聖族弟子咸皆歡喜開道勝緣奉持禁戒慙愧莊嚴趣向佛道無明暗蔽諸無智者悉自遠離而得慧眼清淨廣大覺悟深妙覺悟極妙覺悟以觀察智復能分別自他功德而使純熟圓滿清淨業報十一是爲菩薩摩訶薩八智行善巧復次求智菩薩於法師所行四種施何等爲四謂樺皮紙筆墨等及妙法座一切利養法集偈讚是爲四種於智行中而得成辦又智行中於法師所應當成就四種守護何等爲四一者守護身

二者守護善三者守護處所四者守護所化
徒衆是名爲四又智行中而復成就四種重
擔何等爲四所謂法智財物及與菩提是爲
四種又智行中成就五力一者信力於法勝
解二者精進力勤求多聞三者念力於菩提
心而無忘失四者定力於一切法決定平等
五者勝慧力復樂多聞是爲五種於智行中
而得圓滿又智行中成就四戒何等爲四謂
眞實法戒勤求法戒決定法戒向善菩提戒是
名爲四又諸勤求法者於智行中成就四忍

何等爲四一者弊惡人來憎毀罵辱不應加
報善言悔謝二者風日寒熱及飢渴等悉能
忍受三者於和尚阿闍梨隨轉給侍四者於
空無相無願三解脫門住大法忍是爲四種
又復成就四種精進何等爲四所謂多聞精
進總持精進辯說精進正行精進是爲四種
又智行中而復成就四種勝定何等爲四所
謂離相寂靜心一境性入神通定悟佛知見
是名爲四又智行中成就四法云何爲四謂
諸有不住非自然性四緣生滅是無主宰唯

一信解是名四法又復成就四種方便何等
爲四一者隨轉世間二者隨轉契經三者隨
轉於法四者隨轉於智是爲四種於智行中
而得具足又復成就四無礙道何等爲四所
謂波羅蜜多七菩提分八聖道支及一切智
智是爲四種無障礙道又復成就四種無礙
何等爲四謂多聞無礙辯說無礙尋伺無礙
智慧無礙是名四種又智行中如是知見而
復隨順一切有情一切刹土即布施持戒忍
辱精進禪定勝慧慈悲喜捨所以者何舍利

子乃至諸菩薩決定於諸智中以是知見而
爲先行彼若安住是智而得通達一切智行
諸佛威神之所護念諸有魔等皆不得便普
爲集會一切智智舍利子是爲菩薩摩訶薩
於勝慧波羅蜜多得智行善巧云何諸菩薩
念處善巧菩薩念處此有四種何等爲四一
者以身觀身念處二者以受觀受念處三者
以心觀心念處四者以法觀法念處云何以
身觀身念處舍利子此諸菩薩修身觀時觀
身前際觀身後際觀身現在而此身者從願

倒生隨因緣滅無動無作無自性無執取譬
 如諸外山林藥草種等從因緣生亦無自性
 及無執取又此身者如牆壁瓦礫草木影像
 謂蘊處界是無執是空是無我我所是無常
 是速朽滅是不精實是顛倒法是可厭離是
 不堅固諸菩薩摩訶薩應如是觀當樂勤求
 堅固之身所以者何謂如來身如來身者即
 法界身金剛身不可壞身堅固身於三界一
 切最勝妙身修是觀時當知凡夫羸重穢惡
 具諸過患彼復能離一切過患得獲如來最

妙身相又當觀念諸有情身由何所造相續
 不斷謂四大種及阿賴耶識造作執持薰習
 功能有無量力譬如地界水界火界風界外
 四大種有種種門種種處種種名種種相種
 種物由是一切有情任持命根身四大種集
 起亦復如是有種種門種種處種種名種種
 相種種物由是一切有情於其命根亦復任
 持以別相觀身無常而不厭離生死以別相
 觀身是苦而不樂住涅槃以別相觀身無我
 而不遠離化度有情以別相觀身空寂而無

畢竟寂滅以別相觀身遠離而不捨善法彼能如是以身觀身者應當了知是不堅固是不可愛觀內身者而知煩惱不能容受觀外身者了諸煩惱不共合集而得成就清淨身業及諸清淨莊嚴身相為諸天人之所讚仰舍利子是為菩薩摩訶薩得以身觀身念處云何諸菩薩以受觀受念處謂諸菩薩於彼一切苦樂等受應以智慧方便善可了知於諸樂受無貪惜意若見諸惡道受苦觸時起大悲心無緣息意於苦樂受觸無無明意隨

念了知如是苦樂非苦非樂得出離見而諸菩薩以智慧方便於諸有情或為成就或為遠離然此有情於受出離無所知解於此樂受隨樂施與於彼苦受隨為除滅於非苦樂受隨順一切智智得獲輕安以^{六八}大方便善巧而攝受之為說妙法令諸有情亦獲輕安何等因緣說如是受謂於善成就而有樂受於不善成就乃有苦受復於是處我人衆生壽者起種種受所謂執受取受顛倒受遍計受惡見受眼想受乃至意想受色想受乃至法

想受乃至眼觸為緣所生諸受以要言之乃至於內外法意觸為緣所生諸受是中或苦或樂非苦非樂說名為受復次於總聚中或有一受謂一心所表二受謂內外所表三受謂過去未來現在所表四受謂四大所表五受謂五蘊作意六受謂六處遍計七受謂七識住處八受謂八邪相應九受謂九有情居十受謂十善業道乃至總略諸受種種作意是故應知有情無量受亦無量又諸菩薩觀樂受時見諸有情住生死際合發智慧為彼

開示善不善受舍利子是為菩薩摩訶薩以受觀受念處云何諸菩薩以心觀心念處謂諸菩薩祕密守護正念不動觀察此心速疾生滅無有狀貌及無住處亦不在內亦不在外不在中間知初發心最極微量遠離心相於其方分了不能得是心所集一切善根最極微量亦皆遠離及無方分又於是心回向菩提於自體相無心所了無心所觀無心所入佛言是故得成阿耨多羅三藐三菩提何以故謂菩提心與彼善心於其作用而不共

行又善根心與菩提心亦不共行又善根心與回向心亦不共行又回向心與菩提心及善根心悉不共行應當如是觀察不生驚怖次復獲得甚深緣起不壞因果然法性心即有情自性如是還屬諸法因緣無動無作及無主宰彼如覆障不共相應是故應知此法性心亦不共行云何法性及覆障心法性心者謂於是處悉無所施若復以一切所有回向遍覆莊嚴佛刹是心覆障如彼幻化於刹那頃最極寂靜名法性心若復集諸禁戒回

向一切迅疾神通是心覆障猶如夢想畢竟淨盡無餘名法性心若復樂忍辱力乃至回向遍覆莊嚴是心覆障猶如陽焰畢竟離身心相名法性心若復發起一切精進回向圓滿一切佛法是心覆障如水中月無執無見名法性心若復以一切禪定解脫三摩地三摩鉢底回向諸佛三昧是為覆障無色無見無對無表名法性心若復以智分別宣說一切清淨句義回向圓滿諸佛智慧是為覆障種種施設名法性心若復於諸善根有所聞

斷是為覆障心無因生名法性心若復因菩提分法所起是為覆障解脫六境名法性心若復於佛境界有所斷滅是為覆障舍利子菩薩摩訶薩如是行以觀心行時安住神通得彼神通於一心中而能了知一切有情心之所趣十六知已隨其本性而為說法又復安住大悲得彼大悲而能化度一切有情無有疲倦於此觀行加持是心無盡無滅設復入生死際斷諸繫縛而於此心念智不起超諸行法一切聲聞辟支佛所不能及而得安住是

心乃至圓滿一切佛法是心於刹那頃能與勝慧平等相應決定成就阿耨多羅三藐三菩提果舍利子是名菩薩摩訶薩以心觀心念處

佛說大乘菩薩藏正法經卷第三十六

音釋

饕吃寒經偃切吃居乞倨傲倨居御切傲也
 僞慢切寒吃言語難也
 樺胡化切木名

佛說大乘菩薩藏正法經卷第三十七

第三十八

同卷

松九

大寶藏經首楞嚴經卷第九

勝慧波羅蜜多品第十一之五

佛告舍利子云何諸菩薩以法觀法念處謂

諸菩薩以聖慧眼得見諸法於中入解乃至

菩提道場觀諸法性如微塵許悉無所見若

空解脫即無相解脫無願解脫不起解脫無

生解脫無作解脫無性解脫緣生解脫而諸

菩薩於一切法應如是觀云何名法謂無我

義無眾生義無壽者義是名為法云何非法
謂我見人見眾生見壽者見常見斷見有見
無見是名非法又舍利子此法非法即攝一
切法及非法所以者何謂空無相無願三解
脫門遍能了知即是諸法於我見等深心繫
著即諸非法是故菩薩修法觀時最極微量
悉無所見於解脫法及菩提道悉皆出離得
無障礙於諸有情不起愛見大悲之想彼無
煩惱及隨煩惱所以者何如其了義平等入
解人法俱空無有煩惱之所積集而能覺悟

彼煩惱自性即菩提性此菩提自性即煩惱性如是念處諸法平等猶如虛空又諸菩薩修法觀時於諸佛法而能對治觀諸有情盡彼生智證彼無為離無生智於無生際無所棄捨如是通達法觀念處即得安住一切法念於一切聲聞辟支佛法不起愛樂決定安住諸佛念處常不忘失及無癡迷乃至最後邊際法觀念處能說無量不共境界平等入解一切佛法令諸有情心生歡喜一切魔法自然知解此說是名以法觀念處舍利子諸

菩薩摩訶薩於勝慧波羅密多獲得如是四種念處善巧云何諸菩薩菩提分善巧菩提分法此有七種何等為七一者念菩提分二者擇法菩提分三者精進菩提分四者樂菩提分五者適悅菩提分六者三摩地菩提分七者捨菩提分是名為七云何念菩提分謂念所悟法觀察分別條析揀擇及與開解又應念彼法自體相隨順覺悟如諸法空隨念了知此說是名念菩提分云何擇法菩提分謂於八萬四千法總聚中以智思擇如法擇

已彼是了義即是了義彼非了義即非了義
彼是世俗即是世俗彼是勝義即是勝義彼
是秘密即是秘密彼是決定即是決定如其
思擇此說是名擇法菩提分云何精進菩提
分謂於法思擇捨離知解樂修禪定寂靜輕
安應當以勲勇力摧伏彼執於菩提道樂欲
不退不捨重擔此說是名精進菩提分云何
樂菩提分謂樂聞法音其心清淨不生疲厭
離諸攀緣及煩惱縛志誠渴仰乃至身毛喜
豎得大法樂此說是名樂菩提分云何適悅

菩提分謂於三摩地離諸障礙惛掉等性令
彼身心俱獲輕安此說是名適悅菩提分云
何三摩地菩提分謂於等持心了諸法智安
住甚深觀諸法性悉皆平等此說是名三摩
地菩提分云何捨菩提分謂於憂喜分法心
無所動於世間法亦不增減隨順聖道於自
他共無動無住及無損惱此說是名捨菩提
分舍利子諸菩薩摩訶薩於勝慧波羅蜜多
獲得如是七種菩提分善巧云何諸菩薩聖
道善巧此有八種何等爲八一者正見二者

正分別三者正語四者正業五者正命六者
正勤七者正念八者正定是名為八云何正
見謂於是見超諸世間不從我見人見衆生
見壽者見之所發生亦不從常見斷見有見
無見善不善見乃至涅槃見之所發生是名
正見云何正分別謂分別貪瞋等及諸煩惱
令不發起分別戒定慧解脫解脫知見令得
安住是名正分別云何正語謂於自他善友
言無彼此具足相應入平等道是名正語云
何正業謂於惡業報使無造作令彼盡盡於

白業報自類和合令善純熟是名正業云何
正命謂聖族弟子荷負重擔為聖道故增長
圓滿資養身命不能雜亂欺誑惡求多求他
所得利不生悔惱於自利養隨其所得不生
喜樂是名正命云何正勤謂於邪行貪瞋癡
等及隨煩惱不起勤勇入聖諦道趣涅槃果
而能隨順起大勤勇是名正勤云何正念謂
於是念安住正道離諸諂曲輪回過失乃至
見涅槃道於如是念亦當遠離而於聖道無
有迷亂是名正念云何正定謂正達平等即

諸法平等安住等持於彼正達而能超越又復菩薩安住等持於彼正達而能超越又復菩薩安住等持能令解脫一切有情於前正達亦能超越是名正定又過現未來諸佛世尊為諸菩薩於八聖道平等開示無盡聖道舍利子菩薩摩訶薩於聖道善巧應當修習助道之法云何助道謂奢摩他毘鉢舍那是名助道云何奢摩他謂令心憺怕寂靜極靜至極寂靜攝護諸根不動不搖無有高下口唯慎密亦無誑詐心一境性遠離憤鬧及諸

險難樂處空閑於其身命清淨調適威儀道行而常謹密乃至具足資養知時知分及知數量設聞誹謗亦應安忍轉復深心常樂宴坐是故定分作意於慈悲喜捨以方便無礙安住修觀從初禪定乃至第八禪定於奢摩他應先修習我說於此復有無量奢摩他行於是行中亦當隨順是名奢摩他云何毗鉢舍那謂於智慧分觀諸法空無有我人眾生壽者觀彼五蘊猶如幻化觀十八界即法界性觀十二處如空聚落觀眼等根隨境別轉

觀計緣起不相違背觀衆生見畢竟遠離又復觀因必招果報觀果如現前證得觀諸正達轉復超越又毗鉢舍那者謂於諸法如空所見無相無願而無別異觀無有因無起滅處見無所得無所觀於無所觀更無諦察觀無所觀知能觀者亦復如是如是觀者即如實觀於如實觀而能獲得真實善巧毗鉢舍那是諸菩薩於此行中而無墮落於諸善根亦無住著舍利子是爲菩薩摩訶薩於勝慧波羅蜜多獲得如是助道之法又諸菩薩

於正道善巧有四種相何等爲四一者未生罪業諸不善法欲令不起二者已生罪業諸不善法欲令除斷三者未生善法欲令發起四者已生善法欲令久住無所損壞修諸觀行使無忘失發精進心攝受正願向來所說諸不善法欲令不起深心作意悉是增語發精進心攝受正願深心觀察亦復增語所以者何謂法無合集深心解脫是名善法云何名不善法謂於戒定慧有所對治云何於戒對治謂於戒名字及所作法毀犯墮落云何

於定對治謂於三摩地蘊起散亂心破壞聖
行云何於慧對治謂於所有法數數起見作
諸礙解於勝慧蘊有所趨向損壞無見是名
於戒定慧有所對治向來所說已生罪業諸
不善法如是行相深心作意欲令除斷發精
進心攝受正願此不善法以心覆護不應開
示一切善法心常集行於所對治貪瞋癡等
悉應了知因攀緣生以不得觀對除貪欲以
慈悲觀對除瞋恚以緣生觀對除疑暗淨諸
煩惱斯為解脫又復所有法不應普斷於一

切法而生觀察此說是名初二正斷又如
說未生善法欲令發起發精進心攝受正願
此有無量所以者何謂諸菩薩植諸善本精
進樂欲攝受勝行如是積集無量善法此說
是名第三正斷又正斷者已生善法欲令久
住無所損壞使無忘失發精進心攝受正願
若以此善根迴向善提則是增語所以者何
無有善提可迴向故於此善根則無破壞何
以故如其發心不出三界故若出三界於此
善根即應盡盡所以者何如其發心出三界

故若不出三界而能迴向一切智智於此善根則無有盡此說是名第四正斷舍利子是為菩薩摩訶薩於勝慧波羅蜜多之行獲得四種正道善巧復次諸菩薩於正道善巧有五種相何等為五一者信根二者精進根三者念根四者三摩地根五者勝慧根云何信根信有四法何等為四謂起正見信有世間及輪迴行獲彼業報而為對治由彼命根不造罪業信菩提行如彼修行資身之具不生樂著於甚深勝義及諸了義發生正解於有

情行信一切法空無相相於諸見造作不樂信解於諸佛法力無畏等聞已離諸愛著及餘言說彼諸佛法悉皆積集此說是名信根云何精進根謂信是法發起精進此說是名精進根由此精進積集諸法於其念根無所破壞是名念根此九由此念根無所破壞而於諸法三摩地根唯一境性是名三摩地根由此三摩地根唯一境性以彼慧根觀察諸法而能了知是名慧根如是於此五根積集繫屬即得圓滿一切佛法至授記地譬如外五神

通不受胎藏乃至獲得出離男女等根如諸佛世尊及諸菩薩於此五根而得成就此說是名菩薩摩訶薩於勝慧波羅蜜多獲得五種正道善巧舍利子又菩薩正道有五種相何等為五一者信力二者精進力三者念力四者三摩地力五者勝慧力云何信力謂於法信解設魔波旬化作佛身而來親近為說別法以信力故於此正法一塵沙數莫能破壞以智伺察悉為除斷又魔所說此非佛法於四大種及諸業報顛倒積集而諸菩薩以

信解力深心伺察皆不信受此說是名菩薩信力云何菩薩精進力謂能發起勇猛精進入解善法在在處處得堅固力若天若人彼所有力乃至菩薩所住之處無能傾動是名菩薩精進力云何菩薩念力謂於法念處其心安住彼彼煩惱不能擾亂以念力故破諸煩惱而復得此清淨正念是名菩薩念力云何菩薩三摩地力謂獨處閑靜離諸慣鬧一切語言音聲悉皆遠離無有攀緣對治名最初禪定於善尋伺得無障礙名第二禪定於

喜樂行得無障礙名第三禪定於攝受正法
 化度有情得無棄捨無有障礙名第四禪定
 於四禪行彼對治法不能破壞於彼定處亦
 不遠離於三摩地不生愛著是名菩薩三摩
 地方云何菩薩勝慧力謂於剎那而能了知
 世出世法於如是智無能破壞一切工巧乃
 至世間種種技藝若近若遠難作能作而諸
 菩薩現前獲得出世間法謂智慧高顯勝諸
 世間一切天人阿修羅等無能破壞是名菩
 薩勝慧力舍利子菩薩摩訶薩於勝慧波羅

蜜多獲得如是五種正道善巧

佛說大乘菩薩藏正法經卷第三十七

佛說大乘菩薩藏正法經卷第三十八

蜜多藏銀骨七種委梵語勝慧波羅蜜多品第十一之六

勝慧波羅蜜多品第十一之六

復次舍利子略說菩薩一種聖道謂是菩薩
 於阿耨多羅三藐三菩提單已無二以自

猛大精進力深心攝受不藉佗緣及佗開示而自成辦極大力用能被如是堅固甲冑而諸有情難得能得諸新發意住菩提乘未得令得又復一切難施能施持戒忍辱精進禪定勝慧亦復如是又於波羅蜜多無能建立者而是菩薩於諸波羅蜜多悉能建立以要言之乃至廣大覺悟種諸善根無能及者於是法行單已無二詣菩提場坐金剛座摧伏魔力一刹那頃勝慧相應於阿耨多羅三藐三菩提果決定平等無復退轉舍利子是名

菩薩摩訶薩於勝慧波羅蜜多獲得菩薩聖道善巧云何菩薩緣生善巧謂此菩薩於晝夜中獨處宴坐發善尋伺蘊由何起當由何力謂由如是不如理作意發生無明無明緣行行緣識識緣名色名色緣六入六入緣觸觸緣受受緣愛愛緣取取緣有有緣生生緣老死憂悲苦惱及隨煩惱方便集起又復由如是法無體無作及無主宰謂善因惡因無記因一切緣生又諸有情各有分量謂根因增上根因業因果因有無邊際究竟等因一

切集生而皆了知此說是名緣生善巧又復
蘊滅當云何滅謂不如理作意滅則無明滅
無明滅則行滅行滅則識滅識滅則名色滅
名色滅則六入滅六入滅則觸滅觸滅則受
滅受滅則愛滅愛滅則取滅取滅則有滅有
滅則生滅生滅則老死憂悲苦惱滅而於此
中得如是智又緣生善巧者謂一切法繫屬
因緣之所和合即能加持無我無人無眾生
無壽者於如是等得無計度而諸菩薩於此
緣生復能建立一切佛法及菩提相於有盡

滅應妙觀察於無盡滅攝化有情舍利子菩
薩摩訶薩於勝慧波羅蜜多獲得如是緣生
善巧云何菩薩一切法善巧一切法者謂有
為無為而諸菩薩於有為無為善巧應如是
知有為善巧者謂身語意所有善行觀察有
為善於九提向一切智是名有為善巧又有為善
巧者謂積集布施持戒忍辱精進禪定五種
波羅蜜多若復於勝慧波羅蜜多十得無為智
於五波羅蜜多亦無棄捨善求一切波羅蜜
多信解無漏善提向一切智是名無為善巧

又有爲善巧者謂於有情行四攝事無所對遣雖復攝受有情而實攝受無我無人於攝事善巧亦無所取信解無爲菩提向一切智是名無爲善巧又復有爲善巧者謂斷諸行相續繫縛即斷輪迴及煩惱縛於菩提相有所任持相續繫縛微細方分而不集行此說是名有爲善巧若復於空無相無願以智伺察善解諸法因緣修菩提行而不取證無爲是名無爲善巧又復雖行三界而不爲三界煩惱之所繫著是名有爲善巧若以智了知

出離三界而不離三界亦無墮落是名無爲善巧若說一切法善巧即一切智悉是增語若於一切智通達圓滿無所損減說此勝慧善巧是即名爲一切法善巧舍利子諸菩薩摩訶薩安住勝慧波羅蜜多行時於勝慧分九獲得如是十種善巧佛告舍利子云何勝慧云何波羅蜜多勝慧者謂觀察了知善不善法是名勝慧分別無量如實法門是名勝慧通達諸見得無礙法是名勝慧安住一切正願而實捨諸願求是名勝慧離諸熱惱而得

輕安是名勝慧斷諸攀緣得大法樂是名勝
慧隨義觀察是名勝慧得住一切菩提分法
是名勝慧於相無相如實了知是名勝慧以
智照解諸法體性是名勝慧超諸險難獲無
障礙是名勝慧攝受正達是名勝慧於諸善
法使得清淨是名勝慧斷煩惱習是名勝慧
由先修證一切善法是名勝慧於自然生等
而起覺悟引導遠離是名勝慧不著三界是
名勝慧於諸聖願相續不斷是名勝慧以諸
無相伏除遍計對治清淨是名勝慧離諸暗

鈍成就一切相應行地是名勝慧於一切智
智住光明道是名勝慧於無明闇蔽作諸明
眼是名勝慧如是信解得無漏眼根是名勝
慧於眼境道超諸勝義是名勝慧真實出離
不動調伏是名勝慧照智慧門無有窮盡是
名勝慧遍一切處無有相違是名勝慧於解
脫道而常高顯是名勝慧離諸煩惱及障礙
法悉不共住是名勝慧舍利子諸菩薩摩訶
薩以如是勝慧而能入解一切有之心之所
趣業行差別諸塵勞門乃至以如是慧於執

持門而能遍知一切聲聞辟支佛三藐三佛陀此說是名勝慧而諸菩薩於是句義一切當學又舍利子波羅蜜多者謂是勝慧了知一切善不善法名波羅蜜多以要言之乃至於是句義一切當學名波羅蜜多又復於菩薩行殊勝圓滿名波羅蜜多一切智智圓滿名波羅蜜多於有為無為法悉無所著名波羅蜜多為令覺悟輪回過失名波羅蜜多普能顯示無盡法藏名波羅蜜多離諸攀緣解脫圓滿名波羅蜜多於布施持戒忍辱精進

禪定勝慧普令覺悟名波羅蜜多究竟善巧於有情界引導一切為令圓滿無生法忍至不退地名波羅蜜多圓滿佛刹化度有情至菩提場降諸魔怨獲得圓滿一切佛法名波羅蜜多又能如是建立大乘菩薩藏正法名波羅蜜多舍利子而諸菩薩於正法藏如是學已得至彼岸是故於此大乘一切波羅蜜多當如是學又舍利子若善男子善女人於此菩薩藏正法受持讀誦廣大開示為他人說而能獲得十種稱讚功德何等為十一者

過是生已而得通達一切事業二者得生聖
族三者具大名稱四者所說言辭人喜信入
五者得大富饒六者人天愛敬七者獲轉輪
王八者得生梵世九者梵本元問十者遍一切處
得菩提心無有退失又復獲得十種稱讚功
德何等為十一者與尼軋陀等得不共住二
者不起我見三者不起人見四者不起衆生
見五者不起壽者見六者不起常見七者不
起斷見八者捨諸玩好九者發淨信心常樂
出家十者於名句文速得悟入又復獲得十

種稱讚功德何等為十一者正念二者聰利
三者總持四者勝慧五者剎那具足六者得
宿住念七者性少貪欲八者性少瞋恚九者
性少愚癡十者不為熾然三毒之所燒煮又
復獲得十種稱讚功德何等為十一者希有
勝慧二者輕捷勝慧三者猛利勝慧四者極
迅速勝慧五者廣大勝慧六者甚深勝慧七
者決擇勝慧八者無礙勝慧九者現前得見
如來能以伽陀歌詠讚歎十者復與如來深
心問答又復獲得十種稱讚功德何等為十

一者謂能將護諸惡知識二者解諸魔縛三者破諸魔軍四者斷諸惑染五者於諸行中除伏憍慢六者趣諸善道七者向涅槃門八者布施受施超諸輪轉九者於菩薩道一切隨學十者隨順諸佛一切教勅舍利子於菩薩藏正法應當受持讀誦廣大開示為他人說悉獲如是稱讚功德爾時世尊欲重明斯義說伽陀曰

諸有大智者 善了文句義 持此經中王 獲無量勝慧 彼比丘法師 常行是法施

永樂北藏

大乘菩薩藏正法經

第七一册

持此經中王	最勝生歡喜	為諸聽法者
宣說如是法	持此經中王	獲歎美功德
得是勝慧已	於法無損減	復於勝念力
能演無上句	善說法要者	常讚佛教勅
持此經中王	多聞常具足	聞已受持者
不著於文字	隨義常觀察	增長佛智慧
由智慧無邊	深達勝義諦	宣布諸十方
聞是獲稱讚	又今貪恚癡	由斯皆漸少
最上清淨心	聞是獲稱讚	受用資具中
稱量如實義	曉了非真實	捨家求解脫

樂住空閑處 聞法常無厭 諮問世尊所
 法施無有恪 今智慧增長 清白無減失
 爾時世尊說是偈已告舍利子此諸菩薩於
 勝慧波羅蜜多之行應當勇猛以四攝事於
 長夜中攝受有情何等為四所謂布施愛語
 利行同事是名四種云何布施謂財施法施
 及無畏施云何愛語謂於聞法者出柔順語
 云何利行謂於自他意樂圓滿云何同事謂
 於是智起功德想攝受有情安住是法又布
 施者謂於一切來求丐者意極清淨愛語者

斷諸合集利行者使無退屈同事者迴向大
 乘又布施者隨轉大慈心無遺惜愛語者隨
 心喜捨利行者為諸有情身心勇悍被大甲
 冑同事者心捨高下向一切智又布施者如
 法追求捨諸資具愛語者導以正法利行者
 自利利他悉起平等同事者利諸有情咸共
 發起一切智心又布施者自捨一切若內外
 法愛語者於諸法行功德智慧善權稱讚利
 行者棄自所利隨轉利他同事者成熟善提
 譬彼掌中菴摩勒果普施一切得無怯弱

次舍利子法施者謂如其所聞爲他人說愛語者謂正開示無所希望利行者爲他演說不生疲厭同事者於一切智樂甚深法心無棄捨又法施者於來聽法者說無散亂愛語者遠至他方演說諸法利行者爲法義故於諸法師以飲食卧具衣服醫藥乃至以身覆護一切給侍同事者爲令薰習安住種性又法施者於諸施中無有過上愛語者分別義利利行者謂隨於義不隨文句同事者爲令圓滿一切佛法又布施者是即布施波羅蜜

多愛語者是即持戒忍辱波羅蜜多利行者是即精進波羅蜜多同事者是即禪定勝慧波羅蜜多又布施者是即最初發心菩薩愛語者是即行勝解行菩薩利行者是即不退轉地菩薩同事者是即一生補處菩薩又布施者是即住菩提根愛語者是即長菩提芽利行者是即開菩提華同事者是即結菩提果舍利子是故諸菩薩摩訶薩於長夜中以四攝事攝受有情於菩提行諸波羅蜜多而能隨轉於此復有無量無邊諸攝事等爾時

佛告舍利子彼大蘊如來應供正等正覺為
 精進行太子於菩提道悉正開示及過去未
 來現在諸佛世尊之所稱讚時精進行太子
 於彼佛所得聞如是菩提正道及聞三世諸
 佛世尊之所稱讚快得善利發大歡喜復於
 彼佛及諸大聲聞眾於九十九俱胝歲以飲
 食衣服卧具醫藥供養恭敬尊重讚歎舍利
 子彼大蘊如來應供正等正覺即時與授阿
 耨多羅三藐三菩提記

佛說大乘菩薩藏正法經卷第三十八

音釋

惛呼昆切 心
 恬靜無 捷疾葉切
 為貌 疾疾也
 掉徒弔切
 憺憺徒覽切
 怕白各切

佛說大乘菩薩藏正法經卷第三十九四十

法苑珠林卷一百一十五菩薩藏經卷第三十九法說等奉 高譯

勝慧波羅蜜多品第十一之七

爾時佛告舍利子汝等勿謂精進行太子得授記已起於異見而生疑惑所以者何是精進行太子已於過去九十九俱胝歲親近供養尊重讚歎大蘊如來及聲聞眾亦以飲食衣服卧具醫藥精勤給侍悉令充足以本願故彼佛世尊與授阿耨多羅三藐三菩提記於未來世過阿僧祇劫當得作佛號曰寶身

如來應供正徧知明行足善逝世間解無上士調御丈夫天人師佛世尊其佛有八十那庾多大聲聞眾皆阿羅漢諸漏已盡無復煩惱心得自在到於彼岸舍利子復於彼時有王出世名曰善現其王唯以善法化治人民轉正法輪行精進行四兵嚴衛七寶具足所謂輪寶象寶馬寶摩尼寶女寶主兵寶主藏寶如是七寶殊勝無比復有大城名閻浮檀金其城東西脩廣十二踰繕那南北亦等七踰繕那其國人民離諸艱苦所須如意有大

神通受勝妙樂如有情充滿其中有大長者名曰善慧珍寶具足受用無乏其諸庫藏悉皆充溢於諸佛所植眾善本而為諸佛之所印可舍利子爾時寶身如來應供正等正覺觀彼善慧長者審知其器堪可任持菩薩藏正法之器是諸佛法器如是知已即詣其所現大神力於虛空中結跏趺坐隨應為說菩薩道法而復稱讚三世諸佛舍利子時彼長者聞說法已深心愛樂信解清淨生大歡喜於千歲中即以飲食衣服卧具醫藥種種

所須禮拜供養尊重讚歎寶身如來及聲聞眾滿千歲已而無懈倦作是誓言願我當成阿耨多羅三藐三菩提時彼如來聞是誓已即為授記舍利子汝勿謂善慧長者得授記已起於異見而生疑惑我於彼時願求菩提亦以飲食衣服卧具醫藥於千歲中供養恭敬尊重讚歎寶身如來及聲聞眾彼佛世尊不與我授阿耨多羅三藐三菩提記爾時寶身如來告善慧言汝於未來世過阿僧祇劫當得作佛號曰然燈如來應供正徧知明行

足善逝世間解無上士調御丈夫天人師佛
 世尊彼佛法中有王名阿闍世其王有城名
 蓮華具足彼國人民離諸苦難多所安隱隨
 意成就舍利子復於彼時有王名大婆羅其
 王有子名具足燈威德自在面貌端正衆相
 具足人所愛樂庫藏充滿受用無乏時阿闍
 世王即以半國委付其政時具足燈既即位
 已亦以善法化治人民舍利子是具足燈乃
 於後時誕生太子色相端嚴最勝圓滿清淨
 瑩澈猶如池沼具三十二大人之相威光晃

永樂北藏

大乘菩薩藏正法經

第七一册

耀猶如日輪其王即時心生歡喜乃與立字
 名曰然燈爾時其王召婆羅門占相其子時
 婆羅門而白王言今太子者宿植善本當證
 阿耨多羅三藐三菩提必定不久得大神通
 爾時淨居天子於色究竟天忽然沒已詣太
 子所頭面禮足右繞三匝為彼太子說伽陀
 曰
 往昔於因中 積集諸功德 悟無上菩提
 猶如勝仙幢 盛年具威勢 遷謝疾如風
 壯色老所侵 世間不可樂 以衰老所逼

獸苦求解脫 應當善思惟 光景不久住
善哉大智者 速疾求出離 於此菩提道
堅固持淨戒

爾時淨居天子說伽陀已於初夜分即為太子
子警覺開示令生信解捨家出家當得阿耨
多羅三藐三菩提具大威德名稱遠聞時彼
太子既授其教於佛法中精勤信解隨順修
學阿耨多羅三藐三菩提法舍利子爾時具
足燈王聞是太子捨家出家得阿耨多羅三
藐三菩提已即遣使者往詣然燈佛所具宣

教勅唯願大慈憐愍於我願時速還若不時
來即嚴四兵我當自往舍利子時具足燈王
復召群臣共議斯事即時嚴駕奉迎世尊見
佛身相端嚴殊特歎未曾有各起恭敬頭面
禮足而白佛言唯願世尊於阿闍世王深心
憐愍饒益我等舍利子爾時然燈如來受王
請已其王即與二十俱胝王諸眷屬及四兵
衆隨佛世尊前後圍繞往詣王宮而王即以
衣服飲食牀褥湯藥一切樂具悉令充足隨
所愛樂而用供養時佛世尊為說法要多所

度脫頂禮佛足右繞三匝涕淚悲泣深懷戀慕爾時然燈如來復與二十俱胝大阿羅漢即時往詣阿闍世王蓮華具足大城舍利子爾時阿闍世王聞佛然燈至其城已即勅人民於其城中四衢巷陌咸使清淨瓦礫荆棘悉令屏除香水灑地無諸塵坌散衆名華積至于膝寶餅香爐其煙彌布種種寶衣處處垂下擊鼓角貝其聲相續塗香華鬘充滿其中勝妙莊嚴昔所未有彼國人民隨自供養無諸貿易咸所樂觀舍利子爾時阿闍世王

復以種種華香瓔珞燒香旃香衣服繒蓋幢幡伎樂歌頌讚歎奉迎如來於自宮中禮拜供養時王即得勝歡喜心妙吉祥心無障礙心離熱惱心安隱而住舍利子復有長者居士婆羅門等亦以如上種種供養往詣佛所頭面禮足瞻仰世尊爾時有一梵志名曰妙寶與其徒衆五百人俱往呬末河側常持三種曼多囉法所謂你捷吒法該吒婆法惡刹囉鉢捺法時彼徒衆悉能通達此三種法彼自記別誦是文句世間最勝是大丈夫爲軌

範師舍利子彼時復有寶雲梵志亦與徒眾
五百人俱於彼學習自謂究竟是時寶雲而
白師言我於本法已得通達今欲還詣本所
生處當求五百金錢用酬教誨是時寶雲漸
次經歷國邑聚落至蓮華具足大城見彼城
中莊嚴殊妙即時往問今此城中作何勝事
彼共告言仁者當知今佛世尊然燈如來與
八十俱胝大阿羅漢八萬四千大菩薩眾見
處王宮演說正法度脫一切其國人民莊嚴
乃爾是時寶雲聞是事已發清淨心生大歡

喜作是思惟佛世難遇如優曇鉢華時一現
耳我今當以所求金錢持用買華以散佛上
漸次遊行見一童女手持七枝優鉢羅華是
時寶雲告童女言此華殊妙從何所得我今
欲以五百金錢貿易此華作妙華鬘持以奉
獻然燈如來爾時童女聞佛名已宿善根力
而作是言今我此身墮生死中宜自開寤寶
雲聞已即告童女汝適何言童女答云我於
往昔阿僧祇劫於佛法中積集善利或以真
珠瑠璃金銀珂貝象馬牛羊輦輿車乘殊女

眷屬頭目髓腦身肉手足若內若外一切財物悉皆布施深淨信解捨家出家行菩薩道於一切法離諸障礙無芥子許不捨身命汝何於我而生輕侮是時童女即持優鉢羅華往詣然燈佛所持以上佛佛即受之爾時世尊復有百千俱胝那由他衆恭敬圍繞佛於其中威德巍巍廣大清淨而是童女歎未曾有即時發起最上勝心增長愛樂舍利子時寶雲梵志亦詣佛所發淨信心頂禮雙足瞻仰尊顏目不暫捨見彼人衆悉以上妙法服

奉獻然燈如來時彼寶雲作是思惟我今何有殊妙法服而爲供養即以所著鹿皮之衣持用上佛時會人衆見是事已即生毀訾作是語時彼鹿皮衣忽然變作七寶所成是時寶雲心大歡喜踴躍無量即以奉獻然燈如來而作是言唯見哀愍願垂納受是時如來即爲受之復以五枝優鉢羅華供散佛上普及衆會爾時復有無數天子持天曼陀羅華摩訶曼陀羅華曼殊沙華摩訶曼殊沙華而散佛上於虛空中作天伎樂歌詠讚歎以神

通力復現無數優鉢羅華其華千葉異香彌
 布旋覆空中化成華蓋以為供養舍利子爾
 時寶雲梵志即於然燈佛所經十二歲淨心
 奉事由勝進力以本願故獲金色髻而作是
 言唯願世尊安慰於我令我堅固早成阿耨
 多羅三藐三菩提記

佛說大乘菩薩藏正法經卷第三十九

佛說大乘菩薩藏正法經卷第四十

寶雲經寶雲經卷第四十佛所經十二歲淨心奉 詔譯

勝慧波羅蜜多品第十一之八

復次舍利子彼然燈如來應正等覺於三世
 中普以慧眼悉能了知時寶雲梵志如是知
 已以金色髻布散於地請佛聲聞及餘比丘
 右旋履蹈所以者何佛告諸比丘寶雲梵志
 過無量阿僧祇劫當得作佛號釋迦牟尼如
 來應供正徧知明行足善逝世間解無上士
 調御丈夫天人師佛世尊舍利子時彼梵志

聞佛記已歡喜踊躍現大神通於虛空中即時證得無量百千俱胝那庾多不可說三摩地門以神通智力超越東方殑伽沙世界諸佛世尊咸與授記汝於未來世過無量阿僧祇劫當得作佛號釋迦牟尼如是東西南北四維上下諸佛世尊亦復如是舍利子是寶雲梵志復聞諸佛同授記已獲大安慰從空中下即時往詣然燈佛所發淨信心捨家出家常修梵行舍利子汝於寶雲梵志莫起異見勿生疑惑所以者何彼梵志者即我身是

永樂北藏

大乘菩薩藏正法經

第七一册

我於是時以五枝優鉢羅華散佛頂上復於菩薩藏正法樂欲聽聞受持讀誦廣大開示為人演說具足正行謂無相行是故疾得阿耨多羅三藐三菩提記舍利子若我於彼清淨法行不以神通智力種種成辦彼佛世尊即不與我授菩薩記爾時我於菩薩藏正法如其所聞安住正行謂無相行不可得行及見彼佛於一切行平等超越我於彼佛知一切法自性不生隨順諸法起平等見而能獲得最上法忍得是忍者何所忍耶所謂色忍

受忍想忍行忍識忍乃至蘊處界種種法忍
雖復得是法忍如彼增語所以者何非世間
法積集行故非異生法非無學法非緣覺法
非菩薩法非諸佛法積集行故於一切法皆
不可得無所集故說此是名得諸法忍又彼
忍六十一者於一切相一切攀緣一刹那頃亦得是
忍謂非眼界非眼境界盡乃至非耳鼻舌身
意境界盡於彼忍境亦無所至舍利子得是
忍者由我於菩薩藏正法樂聽聞受持讀誦
廣大開示為人演說具足正行謂無相行不

可得行是故我於然燈佛所速得授記說是
語時會中有長者子名曰仁授聞佛說菩薩
藏正法諸佛功德及菩薩行即從座起整衣
服偏袒右有右膝著地合掌恭敬而白佛言
世尊我於尊者阿菟樓駄昔常隨學入解阿
羅漢法盡老死際住空寂舍我今忽聞菩薩
藏正法諸佛功德及菩薩行所謂大乘是最
上乘第一深妙無有過上是為阿耨多羅三
藐三菩提法而我親聞佛說親所聽受於此
正法發生無量深妙勝解復於是法無所稱

董無所執著不作聖解若謂是法第一深妙
 無有過上是即於彼積集退轉世尊此菩薩
 藏正法於諸佛乘乃至所有一切乘中最在
 其上第一開示多所憐愍多所饒益安樂天
 人度脫一切於學無學如應所得至菩薩地
 其誰不發阿耨多羅三藐三菩提心爾時長
 者子仁授重白佛言世尊於苦集中而難成
 就阿耨多羅三藐三菩提耶佛言仁授如是
 如是世尊如其行相於阿耨多羅三藐三菩
 提心不退轉積集精進如佛世尊於苑伽沙

數一一佛所發菩提心復能平等安住如是
 精進證菩提果復能安隱諸菩薩道所以者
 何諸佛智慧無量無邊不可思議不可稱量
 世尊若於是法不善修作分別呈礙雖百千
 俱胝那庾多劫於菩提果甚為難得爾時仁
 授長者子即於佛前說伽陀曰
 於千俱胝劫 我發菩提心 見懈怠衆生
 沉淪諸苦惱 假使施頭目 量積過須彌
 如是一心中 精勤無懈怠 若我住佛道
 利樂諸有情 由依如來故 得是精進力

此乘名大乘 是佛寂上說 樂欲菩提者
畢竟無見取 救護諸苦惱 解脫於惡趣
此正覺義利 唯如來所說
時仁授長者子說是偈已於佛法中起大信
解不著世樂妻子眷屬向佛世尊頭目禮足
右繞三市於刹那頃詣本住處與自眷屬七
妻七男七女七奴七婢各持上妙細氎價直
千萬并諸伎樂五百人俱出王舍大城欲詣
佛所時彼人衆見是事已即時往問時長者
子白言仁等當知如來現在耆闍崛山與無

量無數百千大衆恭敬圍繞廣大開示無量
善法佛之智慧不可思議不可稱量我及眷
屬欲往詣彼樂聞如來深妙法義以善根力
決諸疑網爲欲攝受阿耨多羅三藐三菩提
仁等亦宜親近彼佛植諸善本時彼人民聞
是語已生大歡喜咸悉隨從爾時長者子與
自眷屬五百伎樂及千人衆到佛所已即以
華香瓔珞塗香棘香繒蓋幢幡伎樂歌詠作
諸供養及上妙細氎價直百千以散佛上即
於佛前說伽陀曰

往昔多劫中 勤修善提行 於法得自在
 利樂諸有情 如是我今當 故此伸供養
 見兩足世尊 常處清淨行 現證無上道
 故此伸供養 我諸眷屬等 所將千人眾
 咸親近如來 一切歸命禮

爾時長者子說偈讚已而白佛言世尊我及
 眷屬所將人眾來詣佛所一切皆住阿耨多
 羅三藐三菩提心植眾善本於無上道誓不
 退轉作是語已俱發聲言世尊我等歸佛歸
 法及比丘僧諸優婆塞唯見攝受我等盡其

形壽遠離殺害趣清淨門一時皆發無上道
 心惟願世尊為我等故說微妙法於如是眾
 勿應棄捨及未來世苦惱眾者願為濟度如
 是三請爾時世尊極憐慈悲現大神通即升
 虛空跏趺而坐時長者子等見是事已歎亦
 曾有彼佛世尊拉十威神力故持諸大眾皆處虛
 空爾時長者子與自眷屬五百伎樂等發大
 歡喜於虛空中起立合掌右繞三匝頭目禮
 足作眾伎樂謠詠佛德普及時會如是遍滿
 無量百千踰繕那佛神力故忽於空中復化

大比丘衆千二百五十人與其眷屬六萬人俱從東方來樂欲聽法時佛世尊見彼大衆即以神力化五樓閣衆妙莊嚴甚爲希有一樓閣皆出梵音演說妙法復有百千俱胝諸天子衆持天曼陀羅華以散佛上徧覆空中佛神力故成華樓閣爾時長者子及諸大衆覩如是等廣大神變清淨莊嚴發生無量親近愛樂佛知是已即攝神力還復東方本相如故爾時阿難見是事已徧袒右肩合掌恭敬而白佛言世尊以何因緣現是神變惟

願世尊爲我等說佛告阿難我今當爲仁授長者子與自眷屬及衆伎樂供養於我是人於百千俱胝劫不墮惡趣常生人天受勝妙樂過是劫已亦復尊重供養道行如來應正等覺於二十五俱胝劫不復輪轉是七妻等捨是身已當轉女身成丈夫相復與仁授菩薩於一劫中修菩薩行阿難彼仁授菩薩當得作佛號曰等心如來十號具足與自眷屬轉次授記皆得作佛時彼伎樂五百人衆由供養佛以是緣故於阿僧祇劫不墮惡趣千

俱胝劫常作轉輪聖王過是數已供養尊重
十千如來於一劫中皆當作佛盡同一號餘
千人衆於慈氏如來般涅槃後過苑伽沙劫
於千俱胝佛所尊重供養當得作佛號曰希
勝如來十號具足爾時佛告具壽舍利子言
彼阿闍世王與具足燈婆羅門及千人等正
法滅已過刀兵劫於未來世有佛出世名曰
慈氏時彼有情壽命長遠具八萬歲復有千
辟支佛出現世間復於彼時親近供養尊重
讚歎亦復尊重供養慈氏如來於二十五俱

胝那庾多劫無復退轉種諸善根捨家出家
成菩提果及見彼千人同時發阿耨多羅三
藐三菩提心時六十那庾多天人遠塵離垢
得法眼淨佛告阿難而諸愚夫不能於佛發
生愛樂清淨信解尊重讚歎者所以者何是
諸人等於少善根尚不能得何況如來大涅
槃證爾時世尊欲重明斯義說伽陀曰
尊重諸佛故 得是勝吉祥 供養調御師
獲最上大果 諸佛滅度後 得覩佛舍利
猶如芥子量 應廣妙修設 又佛滅度後

供養舍利者	應生十等心	若如來住世
由發是心故	供養無上尊	悟平等菩提
果報亦如是	為善迦攝受	遠離於惡道
是人趣涅槃	不以為難得	能示佛禁戒
寂上三摩地	及清淨勝解	得佛無上果
作是供養已	疾趣善修習	獲無上正覺
宣說第一法	若人欲了知	親近諸佛乘
樂欲獲多聞	深心無厭怠	自在轉輪王
及淨行勝族	具福相莊嚴	應時獲出離
爾時世尊說是偈已	告具壽舍利子言若善	

男子善女人安住大乘欲速成阿耨多羅三藐三菩提者應於菩薩藏正法殊勝義利樂欲多聞受持讀誦乃至廣大開示為他人說即得紹隆三寶使不斷絕得不退轉四無量心六波羅蜜四攝事等饒益有情悉相應故又舍利子此菩薩藏正法即菩提道所以者何是菩薩藏正法攝受阿耨多羅三藐三菩提故即諸菩薩資糧應如是學無令斷絕舍利子所謂得成阿耨多羅三藐三菩提一切波羅蜜多能於如來一切波羅蜜多善作出

離於無量地隨得如來一切輕安乃至隨得
 如來之地若於如是波羅蜜多即得安住一
 切波羅蜜多爾時世尊欲重明斯義說伽陀
 曰

諸有智發生 說一切有為 由智及無明

故有為諸苦 於業及業報 應當如是知

若非業非報 現前獲出離

爾時世尊說伽陀已時具壽舍利子諸大菩
 薩摩訶薩及諸比丘眾一切世間天人阿脩
 羅乾闥婆等聞佛所說皆大歡喜信受奉行

永樂北藏

大乘菩薩藏正法經

第七一册

佛說大乘菩薩藏正法經卷第四十

音釋

松十

十四

誕徒案切 瑩烏定切 澈直列切 鬘莫班切 貿莫候切
 踏徒到切 阿徒切 窵徒切 樓徒切 馱徒切 鬘徒切 貿徒切
 音過 窵乃侯 鬘徒切 細
 切馱 唐何切 鬘毛布也
 易也 踏 阿 窵 樓 馱 鬘 貿
 切交 踏 阿 窵 樓 馱 鬘 貿
 切馱 唐何切 鬘毛布也

永樂北藏

大乘菩薩藏正法經

第七一冊